



გამოცემა საქართველოს ცენტრალურ კოოპერატიულ კავშირისა № 24.

საქართველოს მოკლე ისტორია

ახალი საუკუნეების ეპოქა.

შედგენილი
ს. კაკაბაძის მიერ.

თბილისი
1920 წ.





წინასიტყვაობა

ჩვენს ცხოვრებაში დაწვებუღმა აღორძინების ხასამ ბუნებრივად გახადიერა ინტერესი ჩვენა წარსულისადმი. ფართო საზოგადოებაში არსებობს მოთხოვნილება ერთი მიერ განკლებილ დროთა სიერცის მიმოხილვისა, ხსლიი გაერანებუელი სკოლა კიდეუ საჭირთების საქართველთის ისტორიის შესასწავლად სასკლამდვანელთა წიგნს. ორივე ამ საჭირთების დაკმაყოფილებუა ერთი და იმავე წიგნით, რასაკვირელთა, ძნელთა, მაგრამ ამ სტრატეხიების დამწერი მანტრ იძულებული იყო ორივე ამ მოთხოვნილებებისათვის ანგარიში გაეწია. ერთის მხრივ თანამედროვე ჰირობებში ადელიი არ არის ერთი და იმავე საგნის შესახებ რამდენიმე სხვა-და-სხვა დანიშნულუბის წიგნის გამოცემა და მეორეს მხრივ აქ მიღებულ იქმნა შედეველთაში ამ საგნის შესახებ სკაითხვე მასლას სამიტირელ ლიტერატურაში. ამიტომაც წინანდელი გეგმა ხსლიი საუენუების ეპიქის „საქართველთის მოკლე ისტორიის“ გამოცემის თვით ბეჭდვის დაწყების დროს შეცვლილ იქმნა იმ გვარად, რომ წიგნა, მასწავლებლის მიერ საჭირთა შემოკლებების შემდეგ, გამომდგარიყო პრთვიმნასიულ ანუ უმაღლეს ჰირველდაწეებით სასწავლებლის მეოთხე კლასისათვის, მისა გამოყენებაც გამნახიის მერვე კლასის საჭირთებისათვის ამ ფამად შესადებელი უფთვილიყო და იმავე დროს ფართო საზოგადოების სურვილიც ჩვენი წარსულის გაცნობის შესახებ რამდენადმე მანტრ დაკმაყოფილებულიყო. ეს მით უმეტეს საჭირთა გახდა, რომ საქართველთის უფრო ვრცელი ისტორიის გამოცემა ამ წლის დასწავისათვის ტეხნიურ სიძნელეთა გამო ვერ მოესწრო.

ავტორი, რასაკვირელთა, თვით გრძობს თავისი შრომის ნაკლებუეყანებას, მაგრამ ეს აიხსნება არა მარტო სხვა-და-სხვა დაბრკოლებებით მუშობის დროს, არამედ უმთავრესად თვით საგნის სირთულით და სიძნელით. უკანასკნელ 30 წლის განმავლობაში ჩვენს საისტორიო მეცნიერებაში ფრთად დიდი ხნითი გადასდა წინ. თ. ჟორდანიას, მ. ფანაშვილის და სხვათა გარემუ სკამათა მოხსენებულ იქმნას პრთვი. ექვთიმე თაყაიშვილის არქეოლოგიური შრომანი, გამოკვლეუენი, მის მიერ გამოქვეყნებული მრავალი მასლა, რომ ცხად იქოს, თუ რამდენად წაიწია წინ განსაკუთრებით მიმდინარე საუენუში ჩვენი წარსულის შესწავლის საქმე. პრთვი. ავ. ჯავახიშვილის საფუძვლიანმა საისტორიო ხმრომებმა ხომ განსაკუთრებით აამდლა მეცნიერული შემეტნება საქართველთის ისტორიის შესახებ. მაგრამ მიუხედავად ამის მანტრ ჩვენი წარსული იმდენად რთული და მრავალმხროვანი, რომ ჟერ კიდეუ ბევრი მასლა არის გამოქვეყნებელი და შეუსწაველი, ბევრი სკაითხი დარხა სრულიად ხელშეუხებელი, სხვა კიდეუ საჭირთების ხელახლავ შეკვრებას და შესწავლას. ამიტომაც განაკვირელი არ არის, რომ ზოგი, სმირად ფრთად დიდმიომუნებლოვან სკაითხის გარკვევა ავტორს უხდებოდა მხოლოდ იმ ჟერ დაუმუშავებულ მასლაბის მიხედვით, რომელიც მისს განკარგულებაში იყო.



ასეთს საკითხებს შორის განსაკუთრებით მნიშვნელოვანია საქართველოს კონომიურა ვითარების შესახებ ზოგადი შეხედულება, რომლის შეტანა წიგნში ავტორმა მანტ საჭიროდ ჩასთვალა. თუმცა უკეთესი იქმნებოდა, რომ ეს საკითხი გამსაღარიფო თემად ვერ მონოგრაფიულ გამოკვლევას. კერძოდ 1577 წლის ახლო საწებში ქართლის სამეფო შემოსავლის ციფრად განხილვა 210 ათასი ლუკრია ან 6,300 ათასი ლანკა ვერცხლი (წიხით) გამოანგარიშებულაა შემდეგ ნაირად: ოსმალებმა აღმოსავლეთი საქართველო რომ დაიპყრეს, ტუყვის ან 4 ხაწილად: ტუილისა და ქართლის სამეფოს სამხრეთიანწილი მიუცა მამად-ფაშას I მილიონი ასპრის შემოსავლით, ზაგუში (მამასადამე კასეთის სამეფოს სამხრეთი ხაწილი) ჭადარ-ფაშას 800 ათასი ასპრის შემოსავლით, დანარჩენი ქართლი დანხა სეიმანს და ჩრდილოეთი კასეთი აღმოსავლეთ მიუცეს. ამჟამად დროს შარვანში დანიშნულ იქმნა ოსმან-ფაშა 2 მილი. ასპრის შემოსავლით. ხოლო ცნობილია, რომ შარვანს ამ დროს (1578 წ.) ჭქონდა 25,200 ათასი ასპრის შემოსავალი წლიურად. ვინაიდან მამად-ფაშას წილად შეიძლება ქართლის ნახევარი ვიანგარიშით, ამიტომ მთლად ქართლს ამ დროს იმდენივე შემოსავალი უნდა ჭქონდა, რამდენიც შარვანს, ხოლო 25,200 ათასი ასპრის მამად-ფაშა მილიონ უდრიდა 210 ათას ლუკრია ან 6,300 ათას ლანკა.

ფულის გაძვირების პრობორცია მეXVI—XVII საუკუნეში გამოანგარიშებულია კიდევ შემდეგ ნაირად: როგორც დასავლ. საქართველოს საკვლეხიო საბურთის შესწავლიდან სხანს, საბურთე საკვლეხი იმერეთში 1550 წლ. ახლო საწებში დირდა საშუალოდ 16 თეთრადის, 1576 წ. ახლოს 12 თეთრი და 1706 წ. მარხილი, ხოლო მარხილი მე-XVI და მე-XVII საუკუნის მიჯნისზე უდრიდა დასავლეთით $7\frac{2}{3}$ თეთრს. უკვლას ეს და აგრეთვე ზოგი სხვა ამ წიგნში მოხსენიებული საკითხი ვინაიდან განსილულ იქმნება ცალკე მონოგრაფიულ წიგნებში. ასევე ცალკე იქმნება განსილული მოსახლეობის შესახებ მოკვანილი ცნობები. აქ მხოლოდ საჭიროა აღინიშნოს, რომ მე-XV საუკუნის მოსახლეობის რიცხვი გამოანგარიშებულია 1459 წ. რომის ჰაქსთან საქართველოს მიუგე-მთავრების მიერ გამოთვლულ მაწურ-მაწურში მოხსენიებულ საქართველოს დაქმნის რიცხვის მიხედვით შედარებით ამ გვარად ცნობითან, რომელიც მოიხილება მე-XIII და მე-XVII საუკუნის შესახებ. თავის თავად იგულისხმება, ბევრს ამ გვარს საკითხს შეიძლება დასჭირდეს ახალი შეკვრება არსებულ ან მომავალში აღმოჩენილ და შესწავლილ მასალებთან.

უკანასკნელ, ამ წინასიტყვაობას ნაკლად ჩუთვლებოდა, უკეთე მდლობის გრძობით მოხსენიებული არ იქმნებოდა საქართველოს ტენტრალურ კონომიურ-ციულ კეშირის გამოკვება და კერძოდ ამ გამოკვების წევრი ბ-ნი ივ. ცაგარელი, რომელთა კულტურულმა საქმიანობამ შესაძლებლად გახდა ამ წიგნის გამოცემა.

სარგის კაკაბაძე.

ტუილისი
6 თებერვალი
1920 წ.

მეცნიერება

ახალი საუკუნეების ეპოქა

სარჩევი

	გვერდი
I. ბრძოლა დამოუკიდებლობისთვის სპარსეთსა და ოსმალეთთან	3
II. ქართლ-კახეთი სპარსეთის ბატონობის ქვეშ	14
III. დასავლეთი და სამხრეთ-დასავლეთი საქართველო ოსმალეთის ბატონობის ქვეშ	47
IV. საქართველოს საერთო მდგომარეობა განუღიღის დროში	73
V. სპარსეთისა და ოსმალეთისგან რუსეთისაკენ	83
VI. საქართველო რუსეთის ბატონობის ქვეშ	162
VII. რუსეთისგან დამოუკიდებლობისაკენ	208

ბოლოს: ზოგიერთ ტერმინების ახსნა

I.

ბრძოლა დამოუკიდებლობისათვის სპარსეთსა და ოსმალეთთან,

მსოფლიო ისტორიის მოვლენები საშუალო და ახალ საუკუნეების მიჯნაზე და მათი მნიშვნელობა საქართველოსთვის. ეგრედ წოდებულ ახალ საუკუნეების ეპოქას ჰყოფს საშუალო საუკუნეებიდან მთელი რიგი დიდ მნიშვნელოვან ისტორიულ ფაქტებისა, რომელთაც ხელი შეუწყვეს კაცობრიობის ისტორიის ახალი გზით მსვლელობას. ამ ფაქტებს შორის, გარდა ამერიკის აღმოჩენისა, რომელსაც საქართველოს ისტორიაზე უშუალო გავლენა არ ჰქონდა, აღსანიშნავია ოსმალეთის მიერ ბიზანტიის იმპერიის დაპყრობა და კონსტანტინოპოლის ბოზფორის სრუტიტურთ მათ ხელში გადასვლა (1453 წ.). კონსტანტინოპოლის დაპყრობით ოსმალებმა მოსწყვიტეს საქართველო და თელი წინა-აზია ევროპას. ამიტომაც ვენეციელების და გენუელების სავაჭრო ურთიერთობა შავი ზღვის სანაპირო ქვეყნებთან, კერძოდ საქართველოსთან და აგრეთვე შორეულ აღმოსავლეთთან თანდათან მიუსტდა და შემდეგ მთლად მოისპო.

1475 წ. ოსმალებმა დაიპყრეს კაფა (თეოდოსია) და დაუახლოვედნენ საქართველოს ჩრდილოეთითაც. ამით მათ ჩაკეტეს ის სავაჭრო გზაც, რომელიც მიდიოდა სარაისსა და თურქესტანის მიმართულებით ინეთისა და ინდოეთისაკენ და რომელსაც რამოდენამდე მნიშვნელობა ჰქონდა საქართველოსთვისაც. შავი ზღვა გადაიქცა მალე ოსმალეთის რეალურ საკუთრებად და წინა-აზიამ ეკონომიურად უკან დახევა იწყო. ეკონომიურ დასუსტებას და დაღარიბებას მოყვა კულტურის დაცემაც. ამითვე ბედი ეწია საქართველოსაც, რომლის ეკონომიურმა და კულტურულმა ძალამ თანდათან ჯერ ნელის, მაგრამ შემდეგ უფრო აჩქარებულად ნაბიჯით დასუსტება იწყო.

ოსმალეთის მიერ ბოზფორზე ფეხის მოკიდებამ დააჩქარა ევროპიდან ინდოეთისაკენ საზღვაო გზის აღმოჩენა. 1498 წ. პორტუგალიელმა ვასკო-დე-გამამ მოუარა ზღვით აფრიკას და მიაღწია ინდოეთს. ამით გახსნა ევროპასა და შორეულ აზიას შორის ახალი დიდი სავაჭრო გზა, რომელიც პირველად ხელში ჩაუვარდათ პორტუგალიელებს. მალე პორტუგალიელებმა ჩაკეტეს მეწამული ზღვა სამხრეთით (1509 წ.) და ამით დასჭრეს ეგვიპტეზე მიმავალი სავაჭრო გზა. ისინი ლამობდნენ ინდოეთის ვაჭრობის მთლად ხელში ჩაგდებას.

ვენეციელებმა, რომელთაც კონსტანტინოპოლის ოსმალეთის ხელში გადასვლით დაკარგეს მთავარი სავაჭრო გზა, მთელი თავისი, აზიის ვაჭ-



რომისკენ მიქცეული ყურადღება გადაიტანეს ინდოეთის მიმართულებით არსებულ ხმელეთის საეკლესიო გზების განვითარებისაკენ. მალე ქალაქი ჰალეპო სირიაში გახდა ვენეციელების მთავარ საშუაშელო პუნქტად აზიასთან ეკონომიურ ურთიერთობის დამყარების საქმეში. მთავარი საეკლესიო ხმელეთის გზა ინდოეთისაკენ ამ გვარად გადატანილი იქმნა შავი ზღვის სანაპიროებიდან სამხრეთით სირიასა და მესოპოტამიაზე და სპარსეთის ჩრდილოეთ ნაწილიდან სამხრეთ ნაწილში. თუ აქამდის ქალ. თავრიზი წარმოადგენდა სპარსეთში პირველ მნიშვნელოვანების პუნქტს, როგორც ეკონომიურა და იმავე დროს პოლიტიკური ცენტრიც. ამერიდან მას მეტოქეობას უწყევს სამხრეთ სპარსეთში მდებარე ქალ. ისპაანი. მე-XVI საუკ. დასასრულს კი შაჰ-აბაზ I-ის დროს (1587—1628 წ.) ისპაანი გამოცხადებულ იქმნა სპარსეთის სატახტო ქალაქადაც. სპარსეთის ეკონომიური ცხოვრების სასწორი ამ გვარად სამხრეთისაკენ გადახარა. მთავარი საერთაშორისო ეკონომიური ძარღვი ამ მხარედაც დაშორდა საქართველოს, რაც შეუძლებლად ხდიდა ჩვენი ქვეყნის აღორძინებას. თვით სპარსეთიც, საერთოდ წინა-აზიის ცხოვრების უკან დახვევისა გამო, წინ-სვლის საშუალებას მოკლებული იყო, თუმცა მან მე-XVI—XVII საუკუნეებში ჯერ კიდევ შესძლო თავისი შინაგანი ძალის შენარჩუნება და უკან დახვევის გზაზე დამდგარ საქართველოს მიმართ თავისი ძლიერების გამოაშკარავებაც.

საქართველო ახალი საუკუნეების ეპოქის მიჯნაზე. ამ დიად, მსოფლიო ისტორიისათვის უაღრესად მნიშვნელოვან მოვლენებს საქართველო ხვდებოდა დაქსაქსული და დანაწილებული. მე-XV საუკუნის მიწურულს საქართველოს ტერიტორიაზე ჩამოყალიბებული იყო 4 სახელმწიფო: ქართლის სამეფო ტფილისითურთ, სადაც მეფობდა კოსტანტინე (1478—1504 წ.), ძე დიმიტრისა და ძისძე საქართველოს მეფის ალექსანდრე დიდისა, კახეთის სამეფო, სადაც მეფობდა კოსტანტინეს ბიძაშვილი ალექსანდრე I გიორგის-ძე (1476—1511 წ.), იმერეთის სამეფო, რომელიც ემორჩილებოდა ალექსანდრე II-ს ბაგრატიძეს (1484—1510 წ.), და სამცხე-საათაბაგო, სადაც ათაბაგად იჯდა ყვარყვარე II (1451—1498 წ.).

ქართლის მეფეს კოსტანტინეს ემორჩილებოდა ქართლის უმეტესი ნაწილი სომხით-ლორე-ბამბაკითურთ. ქართლის დასავლეთი ნაწილი თითქმის გორის მიდგამდის შეადგენდა იმერეთის მეფის საბრძანებელს. ტფილისი ითვლებოდა ქართლის მეფის სატახტო ქალაქად.

კახეთის სამეფოში შედიოდა არაგვის საერისთო, კახეთ-კუხეთი, გაღმა-მხარი, კაკი და ელისენი. ამას გარდა კახეთის მეფეს ემორჩილებოდნენ დალისტნის მოსაზღვრე ტომები, ანწუხელები და სხ. კახეთის მეფის მუღმივე ადგილ-სამყოფელი იყო ქარ. ზაგემი (შემდეგ დროინდელი ყარაღაჯი).

იმერეთის ანუ უკეთ, როგორც მაშინ იწოდებოდა, აფხაზ-იმერეთის სამეფოს შეადგენდა, გარდა საკუთრივ მეფის სამფლობელოსი (სა-

1413-1442

1448-1449

კუთრივ იმერეთი რაქა-სვანეთ-ლეჩხუმითურთ), სადადიანო (ოდიში და აფხაზეთი ჯიქეთითურთ) და საგურიელო (გურია, ქობულეთი, ქანეთი რკინის პალომდის ანუ ქემერამდის). მეფის მთავარი რეზიდენცია ქუთაისში იყო.

სამცხე-საათაბაგო გადაქმეული იყო ტაშის-კარიდან ჯავახეთითურთ არზრუმის მიდგამზე მდებარე გურჯი-ბოლახამდის. ათაბაგის მთავარ ადგილ-სამყოფელად ახალციხე ითვლებოდა.

მეფის უფლება სამეფოებში, ხოლო ათაბაგისა საათაბაგოში ჩვეულებების თანახმად განსაზღვრული იყო დიდებულ თავადთა მიერ, რომელნიც სათავეში ედგნენ თავიანთ გვარეულობას. თავადთა გვარეულობანი ფლობდნენ თავისს სამფლობელოს, მათ ჰქონდათ საგვარეულო ციხეები, კოშკები, მონასტრები. გვარეულობის თავი ითვლებოდა ამა თუ იმ სათავადო სამფლობელოს ბატონად. ესევე თავი-ბატონი იყო წარმომადგენელი გვარეულობისა მეფის წინაშე. გვარეულობის მნიშვნელობა დამოკიდებული იყო მამულისა და ყმათა სიმრავლეზე, მაშასადამე გვარის განუყოფლობაზე. გაყრისთანავე გვარეულობა სუსტდებოდა და ჰკარგავდა თავისს წინანდელ ძალოს.

მე-XVI საუკ. დასაწყისს და მისს სიგომეზედ ქართლში უფრო ძლიერი გვარეულობა იყო: ქსნის ერისთავი—ქვენიფენველი, ფანას-კერტელი-ცაკიშვილი, ჯავახიშვილი, სოღალაშვილი, ბარათაშვილი. ამ უკანასკნელისაგან გაყრის გამო წარმოსდვა ახალი დიდი გვარეულობის შტო ორბელიშვილნი ანუ ორბელიანნი.

კახეთში დიდი გავლენა ჰქონდა ერუბაქიძის გვარეულობას, რომელიც ამ დროს გაყოფილი იყო ორ შტოდ—ჩოლაყაშვილისა და მყაშვილისად, არაგვის ერისთავს, რუსიშვილს და ვაჩნაძეს.

იმერეთის სამეფოში დიდ თავადთა გვარეულობათაგან მძლავრობდნენ საკუთრივ სამეფოში: ჩხეტიძე ანუ ჩხეიძე, ქილაძე, ფალავანიშვილი, ჩიჯავაძე, ლასხიშვილი, კუჭაიძე, რაჭის ერისთავი რაჭას; სადადიანოში: ქორთოძე, ლიბარტიანი, გომაძე, ხოლო აფხაზეთს შერვაშიძე და ანჩაბაძე; საგურიელოში: მაჭუტაძე, ბერიძე და სხ. თვით დადიანს და გურიელს, როგორც ძლიერ და ნახევრად დამოუკიდებელ მთავრებს, ეჭირათ სამეფოში განსაკუთრებული ადგილი. დადიანი ჩვეულებრივ ითვლებოდა უფრო პატივისათვის მეფის მანდატურთ-უხუცესად, ხოლო გურიელი კი ამ დროს ირიცხებოდა ამირ-სპასალარად.

სამცხე-საათაბაგოში ამავე დროს იყო სულ 20 თავადის გვარეულობა (კაკვასიძე, შალიკაშვილი, თაქთარიძე, გოგბიაშვილი, ხურსიძე, დისამიძე, ხახულარი, ანძაველი და სხ.), რომელთა შორის ყველაზედ უფრო გავლენიანი იყო შალიკაშვილი.

როგორც მეფესა და ათაბაგს, ისე აგრეთვე თავადების გვარეულობათ ჰყავდათ აზნაურები. აზნაურებს მისდევდნენ მსახურები, რომელთაც ბევარის მაგივრად ბატონის სამსახური და თან-ხლება ედვათ და რომელნიც ყოველთვის მზად უნდა ყოფილიყვნენ აზნაურებთან ერთად ომში გამოსასვლელად. მსახურებს მისდევდა გლეხობა, რომლის უდიდესს ნაწილსაც შეადგენდა ბეგრის გარდამხდელი გლეხობა (მოკალენე გლეხი აღმოსავლეთ საქართველოში—ყალანი ნიშნავს მიწის გარდასახადს—მებევრე გლეხი სხვაგან, მოინალე ოდიშსა და აფხაზეთში). აზნაურებს შეიძლება ყოლოდათ ყმად როგორც მსახურნი, ისე გლეხნი, მსახურთ—მხოლოდ გლეხნი. ყველასი ვალდებულება და გარდასახადი სასტიკად განსაზღვრული იყო ჩვეულებით და კანონით.

ეკლესიურ ცხოვრებაში საქართველო გაყოფილი იყო ორ საკათალიკოზოდ: ქართლის კათალიკოზს ემორჩილებოდა ქართლი, კახეთი და სამცხე-საათაბაგო, ხოლო აფხაზეთის კათალიკოზს, რომლის კათედრა ბიჭვინტას იყო, მთელი აფხაზ-იმერეთის სამეფო და შავი ზღვის ნაპირი ჯიქეთიდან კაფადის.

ქართლის სამეფო, რომელიც მარტოოდენ შერჩა ბაგრატიონთა დინასტიის მთავარ შტოს ერთიან საქართველოდან, იყო ამ დროს საქართველოს სხვა სახელმწიფოებთან შედარებით უფრო დაკნინებული და დასუსტებული. კოსტანტინე მეფე ისე გარდაიცვალა 1504 წ., რომ ამ ვერ მოასწრო თავისი სამეფოს შიგნით საქაოდ გამაგრება. მისს შვილს დავით IX-ს (1504—1526) საქმე უფრო გაუძნელდა განსაკუთრებით მას შემდეგ, რაც კახეთის მეფე ალექსანდრე მოკლი მისმა შვილმა გიორგიმ, მმას კიდევ თვალები დათხარა და გამოაცხადა თავისი თავი მეფედ (1511 წ.). ამ მამისა მკვლელს ეწოდა ავ-გიორგი. ავ-გიორგი გამუდმებით ესხმოდა თავს ქართლს, მაშინ დავით მეფემ ერთის მხრივ კახ-ბატონის თავდასხმათა მოსაგერიებლად და მეორეს მხრივ ზოგ ქართლის დიდებულთა დასასუსტებლად მისცა მუხრანნი და მისი მიმდგომი მხარე საუფლისწულოდ თავისს მმას ბაგრატი და მასვე დაუმორჩილა ქსნის საერისთო. ბაგრატი შეიქმნა მუხრან-ბატონების გვარეულობის დამაარსებელი. ბაგრატი მუხრან-ბატონმა შემდეგ რამოდენიმე ბრძოლისა შეიპყრა ტყვედ ავ-გიორგი და მოაშთობინა ის (1513 წ.). კახეთი კი დროებით დაიპყრო დავით მეფემ. მდგომარეობას აღმოს. საქართველოში დროებით გაუმჯობესება დაეტყო.

იმერეთის მეფე აგრეთვე ეკირთებოდა ქართლის სამეფოს. 1509 წ. ალექსანდრე II იმერთა მეფემ დაიპყრო გორი, რომელიც დაიბრუნა დავით მეფემ მას შემდეგ, რაც ალექსანდრე II-ს სიკვდილის გამო იმერეთის ტახტი დაიკირა მისმა შვილმა ბაგრატი III-მ (1510—1565).

სამცხე-საათაბაგოს მთავართა უმთავრესი საზრუნავი იყო დამოუკიდებლობის გასატიკება და შივნით თავისი საშულომელოს ვაერთიანე-



ბა. ამ მხრივ აღსანიშნავია მზეკაბუჯ ათაბაგის მთავრობა (1500—1516 წ.) მზეკაბუჯმა საბოლოოდ მოსპო მანამდის შიგნით საათაბაგოში, მაგ. ჯავახეთში, არსებული ავტონომიური სამფლობელოები ათაბაგთა გვარეულობის უმცროს შტოებისა და გადარეკა ისინი თავისი საზღვრებიდან ან დაიმორჩილა. ამით ათაბაგის უფლებას მეტი ძალა მიეცა.

ოსმალეთი და სპარსეთი. საქართველოს ამ დროს სამხრეთით საზღვრავდა ორი დიდი იმპერია—ოსმალეთი და სპარსეთი. ოსმალეთის ძლიერება კოსტანტინოპოლის დაქვრივდნა დღითი დღე წარმატებას პოულობდა ახალ ქვეყნების დაპყრობით ევროპასა და აფრიკაში. ხოლო სპარსეთის ძლიერება აღმობრწყინდა მე XVI საუკ. დასაწყისში, როდესაც ისმაილმა, სეფიანთა დინასტიის დამაარსებელმა, იწყო მთელი სპარსეთის შემოკრება თავისი მბრძანებლობის ქვეშ. ისმაილმა საბოლოოდ დაამარცხა თურქმენები, რომელნიც მანამდის ჩრდილოეთ სპარსეთში მძლავრობდნენ, დაიპყრო შირვანი, და გამოაცხადა თავრიზი სატახტო ქალაქად (1502 წ.). ამის შემდეგ ის შეუდგა სპარსეთის დანარჩენ ნაწილების შემოკრებასაც როგორც აღმოსავლეთით, ისე დასავლეთით, დაიპყრო ბაღდადი და დაარსა ძლიერი იმპერია. მისს მთავარ დასაყრდნობ ძალას წარმოადგენდა 7 თურქმენთა ელი (ტომი). რომელნიც ჯანრჩეოდნენ სხვებისაგან თავზე წითელი საბურავით, რის გამოც მათ დაერქვა სახელად წითელ-თავიანები ანუ ყიზილ-ბაშები.

თუმცა ორივე იმპერია მაჰმადის რჯულს აღიარებდა, მაგრამ მათ შორის დიდი სიძულვილი და ერთმანეთის დაუნდობლობა იყო. ოსმალები იყვნენ სუნიტები, ანუ მაჰმადის ყურანს გარდა განსაკუთრებულს ვადმოცემათა სუნნას აღმსარებელნი, სპარსნი კი შიიტები („მწვალებლები, გამოყოფილნი“). შიიზმი დაიწყო მე-VII საუკ. დაახლოვებით 30 წლის შემდეგ მაჰმადის სიკვდილისა. მეოთხე ხალიფის, მაჰმადის სიძის ალის მოკვლის შემდეგ ხალიფობა ხელში ჩაიგდეს ომეის ჩამომავალთ—ომეიანთ. შიიტები კი მომხრენი იყვნენ ალის მემკვიდრეთა ხალიფობისა და არ სცნობდნენ ომეიანთა და მათ მოადგიელთ უფლებას ხალიფის ხარისხზე. სარწმუნოებრივმა განხეთქილებამ მაჰმადიანობის ორ მთავარ მიმდინარეობას შორის ახალის და განსაკუთრებულის სიძლიერია იფეთქა მე-XVI საუკუნეში. არსებითად ეს სარწმუნოებრივი განხეთქილება ფარავდა ამ დროს წმინდა პოლიტიკურ მეტოქეობას ოსმალეთსა და სპარსეთს შორის წინა-აზიაში. სპარსეთის შაჰი ისმაილი მთლად დაეყრდნო შიიზმს. ოსმალეთმა კიდევ სამკედრო-სასიციოცხოლო ომი გამოუცხადა შიიზმს. სუნიტების სიძულვილი შიიტების მიმართ ისეთი დიდი იყო, რომ თუ ოსმალნი შესაძლებლად სთვლიდნენ დამორჩილებულ ქრისტიან ხალხთა დატოვებას მხოლოდ ხარკის გარდახდის პირობით, შიიტებისათვის ისინი აღიარებდნენ მხოლოდ მახვილს და ამოწყვეტას.



ბრძოლა ოსმალეთსა და სპარსეთს შორის. რამდენადაც ძლიერდებოდა ინტერესთა წინააღმდეგობა ახლად აღმოცენებულ სპარსეთის მონარქიასა და ოსმალეთის იმპერიას შორის, იმდენად ცხადი იყო, რომ საქართველო, თავისი გეოგრაფიული მდებარეობის გამო ამ ორი სახელმწიფოს ჩრდილოეთ ფრთაზედ, ადრე თუ გვიან ჩათრეულ იქმნებოდა მათ შორის აუცილებელ დიადს ბრძოლაში. როგორც კი შაჰ-ისმაილმა საბოლოოდ შემოიშტკიცა სპარსეთი, მაშინვე მან თავისი მთავარი ყურადღება მიაპყრო დასავლეთ საზღვრებს, სადაც ოსმალი მძლავრობდნენ. შაჰ-ისმაილი სცდილობდა შიიზმის გავრცელებით და ამ სარწმუნოებაზე დაყრდნობით ოსმალთა გავლენის შესუსტებას და მოსპობასაც მესოპოტამიასა და მცირე აზიის აღმოსავლეთ ნაწილში. ამის საბასუხოდ სულთან სელიმმა საშინელი დევნა დაუწყო შიიტებს, ამოსწევიტა 40 ათასი შიიტი, ხოლო 1514 წ. 120 ათასი კაცისაგან შემდგარი ჯარით გაემართა სპარსეთის წინააღმდეგ. აზერბეიჯანის საზღვარზე ჩაღდირანს მოხდა ბრძოლა. შაჰ-ისმაილი დამარცხდა, სულთან სელიმმა დაიპყრო ერთის მხრივ თავრიზი, მეორეს მხრივ დიარბექჩირი. მაგრამ ლაშქრობის გავრძელება ვერ შესძლო სურსათის ნაკლებობისა და ოსმალეთის შუაგულ ნაწილიდან დაშორებისა გამო. თუმცა ოსმალეთი საზოგადოდ უფრო ძლიერი იყო სპარსეთზე, მაგრამ ოსმალთ უძნელდებოდათ აზიაში შორეულ მანძილზე ლაშქრობის წარმოება და ეს გარემოება ხელს უწყობდა სპარსეთის შაჰებს თავისი იმპერიის დაცვის საქმეში.

ჩაღდირანის ბრძოლაში დამარცხებამ ვერ შეაჩერა აქტიური პოლიტიკა შაჰ-ისმაილისა წინა-აზიასა და კავკასიაში. ოსმალეთს სპარსეთისათვის აღარ ცხელოდა. სულთანმა სელიმ დაიპყრო სირია, არაბეთი და ეგვიპტე (1517 წ.). თავისი საომარი მოქმედების მთავარი ყურადღება მას დასავლეთისაკენ ჰქონდა მიპყრობილი. მით უფრო ჰეტის ცენტრგით სცდილობდა შაჰ-ისმაილი სპარსეთის გავლენის გაუართოვებას და თავისი იმპერიის საზღვრების გაუმჯობესებას. აღმოსავლეთ კავკასიისა და ქართლ-კახეთს ამ მხრივ სპარსეთისათვის განსაკუთრებული მნიშვნელობა ჰქონდა, რადგანაც მხოლოდ ამ ქვეყნების საიმედოდ შემოიშტკიცება უზრუნველ ყოფდა რამოდენადმე შაჰის საპრინციპლის მარჯვენა ფრთას ოსმალეთთან მოსალოდნელ ახალ ომების დროს. ამით აიხსნება, თუ რატომ ასეთის დიდის ყურადღებით ეპყრობოდა სპარსეთის მთავრობა ქართლ-კახეთის შემოიშტკიცების საქმეს როგორც მე-XVI, ისე შემდეგ საუკუნეებშიაც. მართლაც 1518 წ. შაჰ-ისმაილი დიდძალი ჯარით მოემართა ქართლ-კახეთის წინააღმდეგ.

დავით მეფე მორჩილდება შაჰ-ისმაილს. ორივე სამეფო, როგორც ქართლისა, ისე კახეთისა ეჭირა ამ დროს დავით მეფეს. კახეთის მეფის ავ-გიორგის მცირე-წლოვანი შვილი ლევანი რუსეთს გარდახვეწილიყო. კახეთის თავადები უქმაცყოფილო იყვნენ დავით მეფის კახეთ-



ში გაბატონებით და მხოლოდ მარჯვე დროს უკლიდნენ თავისი ქვეყნის დამოუკიდებლობის გამოსაცხადებლად. იმერეთთანაც ქართლის მეფეს ურთიერთობა გამწვავებული ჰქონდა, რადგან იმერეთის მეფეს ეჭირა ქართლის დასავლეთი ნაწილი. ასეთ პირობებში ბრძოლა მთელს აღმოსავლეთში სახელმძოკვეთელ შაჰ-ისმაილთან შეუძლებელი იყო. დავით მეფემ შეაგება შაჰს თავისი ერთი შვილთაგანი, ალუთქვა მორჩილება და იკისრა ყოველწლიური ხარჯის ანგარიშში 300 საპალნე აბრეშუმის მიცემა (1518 წ.). ქართლ-კახეთი ამგვარად მოექცა სპარსეთის პოლიტიკურ გავლენის სფეროში.

ოსმალთა შემოსევა ქართლში და ლევანის გამეფება კახეთს.

სპარსეთის მიერ ფეხის მოკიდება ქართლ-კახეთში სასიამოვნოდ არ დაურჩა ოსმალეთის მთავრობას, რომელმაც თავის მხრივ დასძრა ჯარი საქართველოსაკენ. ამ ჯარმა გადალახა საათაბაგო და ქვეყნის ობრებით გადმოვიდა ქართლს.

დავით მეფე ამ დროს კახეთს იმყოფებოდა, რადგან კახ-თავადების მოწვევით რუსეთიდან ჩამოსულიყო ლევან ბატონიშვილი, რომელიც უკვე მეფედ გამოეცხადებინათ. დავით მეფეს ალყა ჰქონდა შემორტყმული ოჩანას ციხისათვის, სადაც ლევანი გამაგრებულიყო. ოსმალთა შემოსევის ამბუის მიღებისთანავე დავითი გამოეშურა ქართლისაკენ, მოეწია ოსმალთა რაზმებს, დაამარცხა ისინი და ვანდენა თავისი საზღვრებიდან.

დავით მეფემ ამის შემდეგ კვლავ მოინდომა კახეთში თავისი მართველობის განმტკიცება და დაესხა თავს ქიზიყში მდგარს ლევან მეფეს, მაგრამ დამარცხდა. ამ დამარცხებამ ფაქტიურად დაადსტურა კახეთის სამეფოს დამოუკიდებლობა მია უმეტეს, რომ დავით მეფის ყურადღება ეხლა მიპყრობილი იყო საგარეო საქმეებისაკენ.

სპარსელების შემოსევა 1522 წ. მიუხედავად ოსმალთა შემოსეულ რაზმების დამარცხებისა, დავით მეფე მაინც იძულებული იყო ანგარიში გაეწია ამ ახალი ძალისათვის. ოსმალებთან კი ურთიერთობის ძაფის გამბმა ასუსტებდა სპარსეთის გავლენას აღმოსავლეთ საქართველოში.

ამიტომაც სპარსეთის ჯარი შაჰის ვეჟილის (მოადგილის) დევალ-სულთანის წინამძღოლობით ისევ გამოეშურა საქართველოსაკენ. მას თან მოსდევდა შაჰ-ისმაილი დიდის ჯარით. პირველს ბრძოლაში თელეთის დღელეს ახლოს ქართველებმა გაიმარჯვეს, მაგრამ შემდეგ თვით შაჰ-ისმაილი გადავიდა შეტევაზე, დაამარცხა ქართველთა რაზმები და მიადგა ტფილისს. ციხისთავმა აიღო სპარსელებისაგან ქრთამი და დასთმო ციხე. სპარსელებმა საშინლად ააოხრეს ქალაქი, მცხოვრებნი დახოცეს, სახლები დასწვეს, ეკლესიები გაცარცვეს, ხოლო ხიდის ყურეს ააშენეს მეჩეთი. დავით მეფე იძულებული გახდა მორიგებოდა შაჰს და ალუთქვა



მისთვის მორჩილობა. დავით მეფე გარდაიცვალა 1526 წ., და მის მავიერად ქართლის ტახტზე დაჯდა ძე მისი ლუარსაბი.

ოსმალნი და საქართველოს დასავლ. და სამხ.-დას. ნაწილები.

იმ დროს, როდესაც სპარსელები სცდილობდნენ ფეხის მოკიდებას ტფილისსა და ქართლში, დასავლეთ და სამხრეთ-დასავლეთ საქართველოს თანდათან რკალს არტყამდნენ ოსმალები. იმერეთის ტახტზედ ამ დროს იჯდა ბაგრატ III (1510-1565), უნერგიული და შორს მკვრეტელი მეფე. რომელიც სცდილობდა თავი დაეხწია მოახლოვებულ განსაცდელისათვის. ოსმალნი თანდათან ძლიერდებოდნენ. 1510 წ. მათი თარეშები შეიჭრნენ შუაგულ იმერეთში, დასწვეს ქუთაისი და გელათი და საშინლად მოაოხრეს ქვეყანა. საათაბაგოს მფლობელნი მუხტაბუჯ და შემდეგ ყვარყვარე III ათაბაგი კი არაერთარ წინააღმდეგობას არ უწყევდნენ ოსმალთა გავლენის განმტკიცებას. პირიქით, ამ ფაქტს ისინი უყურებდნენ როგორც ერთ საშუალებათაგანს თავისი ავტონომიურ და დამოუკიდებელ მართველობის შესანარჩუნებლად წინააღმდეგ ქართლის და იმერეთის მეფეების პრეტენზიებისა. ეს გარემოება ფრიად ამწვავებდა ურთიერთობას იმერეთის მეფესა და ათაბაგს შორის, რადგან ოსმალთა გავლენის დამყარება საათაბაგოში დიდს საფრთხეს წარმოადგენდა დასავლეთ საქართველოს დამოუკიდებელ არსებობისათვის. მაგრამ ოსმალნი უმეზობლდებოდნენ ბაგრატს მეფეს არა მარტო სამხრეთით, სამცხე-საათაბაგოს მხრიდან, არამედ ჩრდილოეთითაც; სადაც ჯიქ-ალან-ჩერქეზთა შორის თანდათან ვრცელდებოდა სულთანის გავლენა.

იმერეთის მეფე იყრობს საათაბაგოს. 1532 წ.

ოსმალეთსა და სპარსეთს შორის კვლავ ასტყუა ომი. სულთან სულეიმან დიდმა გაილაშქრა შაჰ-ისმაილის შეილის შაჰ-თამაზის წინააღმდეგ დიდის ჯარით, დაიჭირა ქურთისტანის ნაწილი, აიღო ქალ. თავრიზი და სამხრეთით კიდევ ბაღდადი, მაგრამ დიდი სიცხეების გამო იძულებული გახდა დაშქრობა შეეწყვიტა. ასევე უშედეგოდ ჩატარდა მეორე წლის ლაშქრობაც უგზოობის და სურსათის ნაკლებობისა გამო. ამიტომაც სპარსეთის იხვეწელში გასწორდა და შაჰ-თამაზმა მალე დაიბრუნა ოსმალების მიერ დაჭერილი ადგილები.

ოსმალებთან ომის გამო სპარსეთს არ შეეძლო საქართველოსთვის ყურადღება მიექცია. ამ ომის პირველ ხანაშივე სპარსნი იძულებული გახდნენ, ოსმალების აზერბეიჯანში წინ წასვლის გამო, დაეცალათ ტფილისი, რომელიც დაიჭირა ლუარსაბ ქართლის მეფემ (1534 წ.).

სპარსეთ-ოსმალეთის ომით და ოსმალთა მოუცვლელობით ისარგებლა ბაგრატ III-მ. ჯერ დალაშქრულ იქმნა ჯიქეთი. მამია დადიანი და მამია გურიელი ზღვით ნაევებით მიუხტნენ ჯიქეთს, მაგრამ სასტიკად დამარცხდნენ (1533 წ.). ამის შემდეგ მთავარი ყურადღება მეფემ მიაპყრო სამცხის სამთავროს. 1535 წ. დიდძალი ჯარით ბაგრატ მეფე გადავი-



და საათბაგოს. ახალ-ქალაქის ახლოს მურჯახეთს მოხდა სასტიკი ბრძოლა მეფეს და ყვარყვარეს შორის, რომლის შემდეგ გამარჯვება დარჩა ბაგრატ III-ს. თვით ათაბაგი ტყვედ იქმნა შუბყრობილი, ხოლო საათბაგო კი დაემორჩილა იმერეთის მეფეს. დატყვევებულ ყვარყვარე ათაბაგის შვილი ქაიხოსრო წაიყვანა საათბაგოს ვეზირმა ოთარ შალიკაშვილმა სტამბოლს. სადაც შეავედრა მისი თავი სულთანს. ოსმალეთის მთავრობას მაშინვე არ შეეძლო დახმარების გაწევა ქაიხოსროსთვის, მაგრამ აღუთქვა მას პირველ შემთხვევისათანავე საქმის გამოსწორება.

ოსმალეთის მძლავრება. ოსმალეთის იმპერია ამ დროს თავისი ძლიერების უმაღლეს წერტილამდის იყო მისული. 1526 წ. სულთან სულეიმან დიდმა დაიპყრო უნგრეთი, ხოლო 3 წლის შემდეგ ალყა შემოარტყა ვენას, მართალია უშედეგოდ, მაგრამ იმპერატორისაგან ხარკი მაინც აიღო, გაიჩინა ძლიერი ფლოტი, რომლის საშუალებით იმპერატორის, რომის პაპის და ვენეციის დოკის შეერთებულ ფლოტის დამარცხების შემდეგ (1538 წ.) დაამკვიდრა თავისი ბატონობა ხმელთაშუა ზღვაზე. მთელი ევროპა კანკალებდა ოსმალთა ძლიერების წინაშე და დღე-ღამეზედ მოელოდა რაიმე ახალს საშინელებას. ოსმალეთის მთავარი ყურადღება ამ ხანებში მაინც მიპყობილი იყო ევროპისა და აფრიკისაკენ. ამასთანავე სულიმიან დიდი ეწეოდა დიდს აღმაშენებლობით მუშაობას ოსმალეთის შინაურ სახელმწიფოებრივ ცხოვრებაში და ამიტომ, ყველა ამ მიზნებისა გამო, აღმოსავლეთის პოლიტიკას ოსმალეთისათვის მეორე ხარისხოვანი მნიშვნელობა ჰქონდა. ამით სარგებლობდა შაჰ-თამაზი და ცდილობდა განსაკუთრებით იმ დროს, როდესაც ოსმალნი აღმოსავლეთისათვის ნაკლებ მოკლილნი იყვნენ, სპარსეთის პოლიტიკურ გავლენის განმტკიცებას საქართველოსა და მის მოსაზღვრე ქვეყნებში.

შაჰ-თამაზის პირველი შემოსევა ქართლში. ქართლის მეფე ლუარსაბ I (1526—1557), იყო მხნე და შეუღრეკელი ხასიათის მქონე ადამიანი, დიდი მოტრფიალე საქართველოს ერთად დარაზმვისა გარეშე ძალის წინააღმდეგ. მან კარგი განწყობილება დაამყარა როგორც კახეთის მპყრობელ ლევანთან, ისე იმერეთის მეფე ბაგრატ III-სთან და შეკრა მათთან კავშირი. ამის შემდეგ მან თანდათან უკლო სპარსეთის ყაენის სამსახურს და ბოლოს ხარკის გარდახდაზედაც უარი განაცხადა.

ლუარსაბი და ლევანი, კახთა მეფე, ამავე დროს ეკირთებოდნენ შირვანს, არბევდნენ მას და ცდილობდნენ მისს დამორჩილებას. შირვანელთ შეწყვენა თხოვეს შაჰს, რომელმაც ისარგებლა ამ შემთხვევით და გამოემართა საქართველოსაკენ. როდესაც შაჰ-თამაზი შაქის მოვიდა, მას გამოეცხადა დიდძალი საჩუქრებით ლევან კახთა მეფე და აღუთქვა მორჩილება. საათბაგოს შემკვიდრე ქაიხოსროც მასთან მოვიდა. ყანმა გაუხს. თარეშებუ ქართლს, მაგრამ ამაყი და მხნე ლუარსაბი ამის შემდეგაც



წინააღმდეგი იყო თავისი ნებით ქედი მოეხარა სპარსეთის მბრძანებლის წინაშე. ამიტომ შაჰ-თამაზი შეუდგა საომარ მზადებას ლუარსაბის წინააღმდეგ. ყარაბაღში მან გაჰყო თავისი ჯარიდან 12 ათასი რჩეული ცხენოსანი და ამ რაზმით მოულოდნელად ჩქარის სიარულის შემდეგ ლამით თავს დაესხა ტფილისს. მეფე ლუარსაბი ამალით იმ დღეს გასულიყო ქალაქიდან მცხეთაში თავისი პატარა მიცვალებული შვილის დასასაფლავებლად. ქალაქში შესვლისთანავე სპარსელებმა ცეცხლი მოუკიდეს სახლებს, ქუჩებში გაიმართა ხელჩართული ბრძოლა, აუარებელი მცხოვრებლები დაიხრცა. ციხისთავმა გულბაათმა, რომლის გაუფრთხილებლობის გამო ქალაქი ასე ადვილად აღებულ იქმნა, მეფის შიშით დასთმო ციხე და თითონაც გამაჰმადიანდა. შაჰ თამაზმა ჩააყენა ტფილისში ჯარი და დაბრუნდა ყარაბაღს (1541 წ.). ტფილისი ამის შემდეგ სპარსელების ხელში იყო და ქართლის მეფის მთავარ ადგილ-სამყოფელად გახდა გორი.

საათაბაგო და სოხოისტის ომი (1545 წ.). ასეთი იყო მდგომარეობა აღმოსავლეთ საქართველოში, როდესაც საათაბაგოს სახლებზე ამოძრავება იწყეს ოსმალებმა. ოსმალებმა ბოლოს ყურად იღო ათაბაგის შვილის ქაიხოსროს შუამდგომლობა და 1543 წ. 22 ათასი ოსმალოს ჯარი შემოვიდა ტაოს და საშინლად ააოხრა ის. ბაგრატ III-მსაჩქაროდ შემოკრიბა ჯარი და დაამარცხა ოსმალნი ქარაღქთან. თვით ოსმალთა სარდალი მუსტაფა-ფაშა მოკლულ იქმნა ბრძოლაში.

ეს დამარცხება, რასაკვირველია, ვერ შეაჩერებდა ოსმალთ. ორი წლ-ს შემდეგ მათ კვლავ დააგროვეს დიდძალი ჯარი, უთავეს ორი ფაშა, არზრუმისა და დიარბექირისა, და გამოგზავნეს საქართველოზედ. ბაგრატ III-მ სთხოვა დახმარება ლუარსაბ ქართლის მეფეს. დიდის ჯარით ორივე მეფე მივიდა ბასიანს არზრუმის მიმართულებაზედ. მათს ჯარში იყვნენ აგრეთვე მესხნი. აქ სოხოისტას გაიმართა სასტიკი ბრძოლა, რომელიც გაგრძელდა დიდიდან საღამომდის. მესხნი შუა ბრძოლის დროსჯარ მიყვნენ დანარჩენ ქართველთ, რამაც გარდასწყვიტა ომის ბედი. მეფენი დამარცხდნენ და გამოიქცნენ. მათ მოყვათ კვლდაკვალ ოსმალნი, რომელთაც დაიპყრეს საათაბაგო და ჩააბარეს ქაიხოსრო ათაბაგს. ზოგ ციხეში კი მათ ჩააყენეს თავისი ჯარი (1545 წ.). სოხოისტის ბრძოლას ჰქონდა დიდი მნიშვნელობა, რადგან მან საბოლოოდ მოსწყვიტა საათაბაგო დანარჩენ საქართველოს და მოაქცია ის ოსმალთა გავლენის ქვეშ. ამით მომზადდა ნიადაგი ამ ქვეყნის მთლად ოსმალების მიერ დაპყრობისათვის.

ოსმალნი არც შალვდნენ თავისს ზრახვებს. 1550 წ. მათ დაიპყრეს ტაო და ჩომარეთეს ის ათაბაგს. 1552 წ. კიდევ მათ დაიპყრეს თავისთვის არტანუჯი არსიანადის, აგრეთვე არტაანი და სცდილობდნენ სამცხეს გადასვლასაც, მაგრამ ვერ მოახერხეს. რადგან მესხებმა უკუაუდგეს ოსმალთ რაზმები. ოსმალეთის ამჯვარ დამპყრობელ პოლი-



ტიკისა გამო ქიხოსრო ათაბაგმა და საათაბაგოს მართველ წრეებმა თავიდანვე აჩივის სპარსეთთან კავშირის დაჭერა, რომ ყენის დახმარებით გამძლეაერებულ ოსმალთაგან თავი დაეღწიათ. ამიტომ ისინი მალე გადაუდგნენ ოსმალებს. ოსმალთა საფრთხე აიძულებდა იმერეთის მეფეს ბაგრატ მე-III-ს აგრეთვე სპარსეთის ყენთან ეძებნა დახმარება. კახეთის მეფე ლევანი თავისი ნებით აღიარებდა ქვეყნის აზნაურების შიშით სპარსეთისაგან დამოკიდებულობას. მხოლოდ ქართლის მეფე ლუარსაბი წინააღმდეგურად არავითარ დათმობაზედ არ მიდიოდა სპარსეთის მიმართ და პირიქით ოსმალეთს სთხოვდა დახმარებას. ლუარსაბმა კარგად იცოდა, რომ რადგანაც ქართლს ცენტრალური ადგილი ეჭირა, ამიტომ სპარსელები ეცდებოდნენ ყველაზედ უფრო მკვიდრად მისს სამეფოში ფეხის მოკიდებას და ამიტომ სპარსეთისაგან დამოკიდებულობის აღიარება ფრიად შეეკეცავდა ქართლის მეფის უფლებას, უფრო მეტად, ვიდრე საქართველოს სხვა სახელმწიფოებში. ამ მიზეზით ლუარსაბი ყოველს ღონეს ხმარობდა, რომ სპარსელებს ქართლში ფეხი არ გაედგათ

შაჰ-თამაზის მეორე შემოსევა ქართლში. 1546 წ. იანვარში შაჰ-თამაზი მეორეჯერ ღიდის ჯარით მოადგა საქართველოს, გაიარა ჯავახეთი და მივიდა სამცხეს, სადაც ოსმალთა მძლეობისაგან თავმოძებრებული ქიხოსრო ათაბაგი სიხარულით შეხვდა მას. აქ ყენს გამოეცხადნენ ლევან კახთა მეფე და იმერეთის მეფე ბაგრატ III. უკანასკნელმა დახმარება ითხოვა ოსმალების წინააღმდეგ. სამციდან შაჰ-თამაზმა გაუშვა ქართლს თარეშები, რომელთაც მოაზრეს სოფლები და წამოიყვანეს მრავალი ტყვე და შემდეგ დაბრუნდა საქართველოდან. რადგან ოსმალთ კვლავ დაიწყეს სპარსეთის წინააღმდეგ გასალაშქრებლად მომზადება. 1547 წ. ასტყდა ახალი ომი სპარსეთსა ოსმალეთს შორის. სულთან სულეიმანმა დაიპყრო აზერბეიჯანი თავრიზითურთ და სპარსეთის დასავლეთი ნაწილი თითქმის ისპაანამდის. სულთანის გაბრუნების შემდეგ სპარსელებმა ისევ გამოაკეთეს თავისი საქმე, მაგრამ როდესაც სულეიმანი კვლავ წამოვიდა მდ. არეზისაკენ, სპარსელებმა ისევ უკან დაიხიეს.

შაჰ-თამაზის მესამე შემოსევა. ოსმალეთთან ომებმა დროებით შეაჩერა შაჰ-თამაზის გეგმის განხორციელება აღმოსავლეთ საქართველოს მიმართ. მაგრამ 1551 წ. შაჰ-თამაზი ისევ შემოდის საქართველოში. საბაბი ამ შემოსევისა იყო ქიხოსრო ათაბაგის მიმართვა ყენისადმი. ათაბაგი უკვე მთლად სპარსეთის მხარეზე იყო გადასული, რის გამო მას ვადამეტრა ლუარსაბ მეფე, რომელმაც აუჯანყა მას ჯავახეთის თავადები ვახუშტი და შერმაზან დიასამიძე. მეფეს ამ თავადებისათვის ერთგულობის გამო მიეცა ლორესა და ბამბაკის მართველობა და ისინიც ეკირთებოდნენ ათაბაგს, ამან დახმარება სთხოვა

ყაენს. ამით ისარგებლა შაჰ-თამაზმა, მოვიდა ჯეჯახეთს, მოაოხრა ქვეყანა და შემოადგა ვარძიას, სადაც ჩაკეტილიყვენ შერმაზან და ვახუშტი. როგორც ცხე, ისე მონასტერი მალე აიღეს. სახელგანთქმული მონასტერი მთლად გაცარკულ იქმნა. შაჰ-თამაზი თითონ მივიდა მონასტრის სანახავად და განცვიფირდა იქ ნაპოვნი სიმდიდრით, რომელიც გააგზავნა ყაენის სალაროში. ტყვედ წაყვანილი თავადები, მეომარნი დაბერები, ყველა დახოცილ იქმნენ. ვარძიიდან შაჰ-თამაზი მივიდა სამცხეს, ხოლო აქედან მან გაილაშქრა შიდა-ქართლს და საშინლად მოაოხრა ის.

როგორც სპარსელების ყველა ლაშქრობის დროს, ისე ეხლაც ლუარსაბ მეფე ძალთა უთანასწორობისა გამო იძულებული იყო დაკმაყოფილებულიყო პარტიზანული ომის წარმოებით, მაგრამ ქედს შაჰ-თამაზის წინაშე მაინც არ იხრიდა. თვით სპარსელებს ყოველი ასეთი გალაშქრება ძვირად უჯდებოდათ, მაგრამ, მიუხედავად ამისა, ადგილობრივ მაგრად ფეხის მოკიდებას მაინც ვერ ახეობდნენ.

საქართველოს გაყოფა ოსმალეთსა და სპარსეთს შორის (1553 წ.) ოსმალეთისა და სპარსეთის ესათუ ის ლაშქრობა საქართველოს რომელიმე სახელმწიფოს წინააღმდეგ არსებითად წარმოადგენდა ნაწილს იმ დიდ ომებისას, რომელსაც აწარმოებდა ურთიერთშორის ეს ორი დიდი სახელმწიფო წინა-აზნაში თავიი ბატონობის განსამტკიცებლად. 1553 წ. ამ ომებმა დროებით ჰპოვა დასასრული ორივე იმპერიის მიერ დადებულ ხელშეკრულობაში, რომლითაც განსაზღვრულ იქმნა ოსმალეთისა და სპარსეთის სამფლობელო და გავლენის სფერო. ხელშეკრულობაში შეტანილ იქმნა აგრეთვე საქართველო. ქართლი, კახეთი და ქიზოსრო ათაბაგის სამფლობელო მეკუთვნა სპარსეთს, ხოლო იმერეთის სამეფო საგურიელო და სადადიანოსთან ერთად მოექცა ოსმალეთის მფლობელობასა და გავლენაში. ოსმალეთსავე დარჩა ოსმალების მიერ ძალით დაჭერილი საათაბაგოს სამხრეთი ნაწილები.

II.

ქართლ-კახეთი სპარსეთის ზაფხონობის ქვეშ.

შაჰ-თამაზის მეოთხე შემოსევა ქართლში. 1553 წლის ხელშეკრულობას სპარსეთსა და ოსმალეთს შორის საქართველოში ყველგან ერთნაირად არ შეხვდნენ. კახეთის მეფე ლევანმა აღიარა თავი სპარსეთისაგან დამოკიდებულებაში. ასევე მოიქცა ათაბაგი. დასავლეთი საქართველოც ბოლოს შეურიგდა ოსმალთა უზენაეს უფლები აღიარების აუცილებლობას. მხოლოდ ლუარსაბ ქართლის მეფე ვადაქრით უარს იყო ყაენისთვის მორჩილების გამოცხადებაზე. ამით იხსნება, რომ 1554 წ. შაჰ-თამაზი კვლავ მიეშურება ქართლისაკენ ლუარსაბის დასამორჩილებ-

ლად. სპარსელების დადი ჯარი შეესია ქართლს, დაიჭირა ტფილისი, დასტოვა იქ თავისი რაზმები, მოარბია ქვეყანა, ატენის ციხიდან გამოიყვანა ლუარსაბ მეფის დედა, წაასხა ქართლიდან 30 ათასი ტყვე და გაეშურა ყარაბაღისაკენ. მეფე ლუარსაბ უკან აღდევნა სპარსელებს, მცირე შეტაკებებში მტრის ბატარა რაზმებს დიდს ნაწევებს აძლევდა, მაგრამ ვერც თავისი დედის განთავისუფლება მოახერხა და ვერც სხვა მრავალი ტყვეებისა დამწუხრებულა ლუარსაბი დაბრუნდა უკან და ძალას იკრებდა ქვეყნის გამოსახსნელად. ტფილისი, საბარათიანო და სომხითი ლორითურთ ისევ სპარსთ ეჭირათ.

ლუარსაბ მეფის სიკვდილი. შაჰ თამაზი დიდს მნიშვნელობას აძლევდა ტფილისის შემოტაკილებას და მისი თვალყურის დევნება მიანდო შევერდი-სულთანს, რომელიც განჯის ხანად იყო დასმული. ლუარსაბმა წელ-წელა იწყო სპარსელების განდევნა მათ მიერ დაკავებულ ადგილებიდან და მალე დაიპყრო თითქმის მთელი წართმეული ქვეყანა, გარდა ქალ. ტფილისისა. მაშინ შევერდი-სულთანმა შემოიკრიბა მთელი მდ. არეზის აქეთი ლაშქარი და გამოემართა შიდა-ქართლს. მეფე ლუარსაბ გორიდან წამოვიდა მისი შესახვედრად. მოხდა ბრძოლა, რომელშიდაც გამარჯვება დარჩათ ქართველებს. მტერი გაიქცა, მაგრამ ამ დროს სპარსელების ერთი გუნდი შეეჯახა წინ წასულ ჯარისაგან ჩამორჩენილს მეფეს და მისს მკორე-რიცხოვან ამაღლას და შეებრძოლა მას. ბრძოლის დროს მეფეს შემოემტვრა ყოველგვარი იარაღი და მარტო ცხენის ძვერებით იბრძოდა. გაჭენებულს ცხენს ფეხი ხვრელში ჩაუვარდა და მეფე წაქცეულს ცხენს ქვეშ მოყვა. სპარსელებმა დააყარეს ლუარსაბს ისარი და მოკლეს (1557 წ.).

სვიმონ მეფე ებრძვის სპარსელებს. ქართლის მეფედ დაჯდა ლუარსაბის ძე სვიმონ, რომელიც თავისი მხნეობით არ ჩამოუვარდებოდა მამას. სვიმონ მეფე ენერგიულად შეუდგა სპარსელებთან ბრძოლას და სცილილობდა ტფილისის განთავისუფლებას, თუმცა მან ამ მხრივ ვერ მიიღწია თავისს მიზანს, მაგრამ მეორეს მხრივ ვერც სპარსთ მოახერხეს მთლად ქართლის შემოტაკილება და ტფილისის ზიდაშობებს ვერ გასცილდნენ. ამ დროს უმცროსი ძმა სვიმონ მეფისა დავით, გარყვნილი და ზნე-წამბდარი ადამიანი, გადუდგა თავისს ძმას, წავიდა სპარსეთს, გამაჰმადიანდა, მიიღო დაუთ-ხანის სახელი და შეფიცა ერთგულობა ყაენს. შაჰ-თამაზმა ქართლი დაუთ-ხანს უბოძა და დიდის ჯარით გამოისტუმრა ტფილისს (1567 წ.). აქ ის სპარსელ ხანების დახმარებით შეუდგა ძმასთან ბრძოლას, ჯერ უშედეგოდ, მაგრამ შემდეგ თარცხისის ბრძოლაში სპარსთ შეიპყრეს სვიმონ მეფე ტყვედ და გაგზავნეს სპარსეთს (1569 წ.). დაუთ-ხანი შეეცადა ქართლის დაპყრობას და ტფილისიდან განაგებდა ქვეყანას, მაგრამ მისს ბატონობას წინააღმდეგობას უწყევდა ზოგი ქართველი დიდებული, მათ შორის სომხით-საბარათი-



ანოს სპასპეტი საჩინო ბარათაშვილი, რომელმაც არ მოინდომა ახალ მეფესთან შერიგება.

სვიმონ მეფე გადაღის სპარსეთის მხარეს. ასეთი იყო მდგომარეობა, სანამ 1576 წ. შაჰ-თამაზის სიკვდილის შემდეგ სპარსეთში არ ატყდა არეულობა. ყენის ძალა-უფლება ერთიდან მეორეს ხელში გადადიოდა. ამით ისარგებლა ოსმალებმა და 1577 წ. კვლავ გამოუცხადა ომი სპარსეთს. ოსმალთ დაიპყრეს თავრიზი, ერევანი და თითქმის მთელი აზერბეიჯანი. დაუთ-ხანმა ძალა რომ ოსმალების მხარეზე დინახა, მათ მიეძხრო. ამ დროს სპარსნი კვლავ გადავიდნენ შეტევაზე ოსმალების წინააღმდეგ ქურთისტანში. მაშინ ოსმალთა ახალი დიდი ჯარი მუსტაფა-ლაღა-ფაშის წინამძღოლობით დაიძრა აღმოსავლეთისაკენ და შემოვიდა საათაბაგოს საზღვრებში. სპარსელები გავიდნენ არტაანის მხარეს, ჩილდირში მოხდა დიდი ბრძოლა, რომელიც გათავდა ოსმალთა გამარჯვებით (აგვისტო 1578 წ.). მაშინ ოსმალნი თავისუფლად შემოვიდნენ ქართლში, მათ დაიპყრეს ტფილისი, ხოლო დაუთ-ხანი გაგზავნეს სტამბოლს მისი ბედის იქ გარდასაწყვეტად. ქართლის თვითმართველობა მოსაზობის გზაზედ იყო, ტფილისის გამგედ დანიშნულ იქმნა მაჰმად-ფაშა, ათასი ოსმალო ჯარის-კაცი ჩადგა ტფილისის ციხეში და ორი ეკლესიაც ქალაქში მეჩეთად იქმნა გადაკეთებული.

სპარსეთის მთავრობამ რომ დაინახა ოსმალების მიერ ფეხის მოკიდება ქართლში, მოიწოდნენ სვიმონ მეფის გამოყენება თავისი საქმის გამოსასწორებლად აღმ. საქართველოში. სვიმონიც მრავალ წლოვან ტყვეობის შემდეგ დათმობის გზას გადადგა, მიიღო მაჰმადიანობა შაჰ-ნავაზის სახელობით და დადგა სპარსეთისადმი მორჩილობის პირობა. მას მისცეს დიდძალი საჩუქრები, ა) ათასი თუმანი ფულად, ყველა სპარსეთს ტყვედ მყოფი ქართველები და ამ გვარად გამოისტუმრეს ქართლს. სპარსეთში იმედი ჰქონდათ, რომ სვიმონ მეფე შესძლებდა ქართლის ამხედრებას ოსმალეთის წინააღმდეგ. შიდა-ქართლის იმ ნაწილს, რომელიც თავიდანვე არ ემორჩილებოდა დაუთ-ხანს, ამ ხანად განაგებდა ვახტანგ მუხრან-ბატონი, რომელიც ქართლის სხვა თავადებთან ერთად მიეგება სვიმონ მეფეს. სვიმონი მაშინვე შეუდგა საქმიანობას და მალე მან დაიპყრო ქართლის სამეფოს უმეტესი ნაწილი, გარდა ტფილისისა და მისს სამხრეთით მიმყოფ ნაწილებისა.

სვიმონ მეფის გაძლიერებას ხელი შეუწყო იმ გარემოებამ, რომ ოსმალთ ამ დროს ქართლისათვის არ სცალოდათ. თვით მუსტაფა-ლაღა-ფაშა წავიდა არზრუმს სპარსეთის წინააღმდეგ ახალი ძალების დასამზადებლად. სვიმონი მხნედ განაგრძობდა ბრძოლას ოსმალების წინააღმდეგ. მას ეხმარებოდნენ სპარსელები ფულით და ჯარითაც. სვიმონმა სპარსელებთან ერთად ალყა შემოარტყა ტფილისის და თითქმის უნდა აეღო ის, როდესაც მეციხოვნე ჯარის გამოსახსნელად მოვიდა ოს-



მაღთა სარდალი, სინან-ფაშა 20 ათასი კაცით, გაარღვია სპარს-ქართველთა ჯარის წრე და შევიდა ქალაქში (1580 წ. ზაფხულს). ამის შემდეგ ოსმალთ უფრო გაამაგრეს ტფილისი და თანდათან გააუმჯობესეს თავისი მდგომარეობა ქართლში. მათ ხელში იყო აგრეთვე გორის ციხე. კვიპოში ამის შემდეგაც განაგრძობდა პარტიზანულ ბრძოლას ოსმალებთან, მაგრამ მათი განდევნა ქართლიდან შეუძლებელი აღმოჩნდა.

ამ ნაირად ოსმალთა შემოსვლამ ტფილისსა და ქართლში აიძულა სვიმონ მეფე და ქართლის მოწინავე წრეები, რომელნიც მანამდის შეურთიებელი მტერი იყვნენ სპარსელებისა, ეხლა საბოლოოდ ამათ მხარეს გადასულიყვნენ ახალი მოწინააღმდეგის განსაღვენად.

მიზეზი ამ ცვლილებისა იყო ის, რომ სპარსელები შინაურ თვითმართელობას მაინც სტოვებდნენ ქართლში, ოსმალინი კი პირდაპირ თავისს საკუთარ მართებლობას ამყარებდნენ. ბრძოლა სპარსეთთან დამოუკიდებლობის შენარჩუნების ნიადაგზე ამ გვარად საბოლოოდ დამარცხდა. ეხლა ბრძოლა სწარმოებდა ოსმალებთან შინაურ თვითმართელობის დასაცავად სპარსეთის უზენაეს მფლობელობის ქვეშ. ამ გარემოებამ დააჩქარა სპარსეთის გავლენის განმტკიცება ქართლსა და საზოგადოდ აღმოსავლეთ საქართველოში. ქართლის სახელმწიფოებრივ ცხოვრებასაც დაეტყო ეს გავლენა, რაც გამოიხატა, სხვათა შორის, სპარსეთის მიზამკით ცალკე ვეზირის თანამდებობის შემოღებასა და აგრეთვე მდივანბეგობის დაარსებაში სვიმონ მეფის მიერ. მდივანბეგი ქართლისა იყო ისე, როგორც სპარსეთში, უმაღლესი მსაჯული სამეფოსი. ამით მართლ-მსაჯულეობაც უფრო მკვიდრ ნიადაგზე დადგა.

K 277.317
M

ცდა იმერეთის დაპყრობისა. სვიმონი ცდილობდა თავისი გავლენის გავრცელებას ქართლის გარეშეც. ქართლის ის ნაწილი, რომელიც მე-XVI საუკუნის პირველ ნახევარში იმერეთის მეფეს ეჭირა, უკვე კარგა ხანი ქართლის სამეფოსთან იყო შემოერთებული და ეხლა სვიმონმა განიზრახა თვით იმერეთში ფეხის მოკიდება. შინაური თთანხმოება იმერეთის სამეფოში ამის კარგს საბაბს აძლევდა. პირველი ლაშქრობა სვიმონისა ქუთაისს კარგად დაბოლოვდა. (1590 წ.), მაგრამ მეორე ლაშქრობის დროს ოფიშკვეთის ბრძოლაში იმერეთის მეფის როსტომის და დიდიანის ჯარმა სასტიკად დაამარცხა სვიმონ მეფე. დამარცხება ისეთი ძლიერი იყო, რომ ქართლის ჯარი მთლად დაიფანტა და თვით სვიმონი, დიდად დამწუხრებული, ისტოდ მარტოდ აბრუნდა თავისს სამეფოში. იმერეთის დაპყრობის განზრახვა ამ გვარად სრულიად უშედეგოდ ჩატარდა და ლიხის მთა გახდა ისევ საზღვრად ქართლისა და იმერეთის სამეფოებისა.

გორის აღება და სვიმონის დატყვევება ოსმალების მიერ. იმერეთში ნახულმა მარცხმა შეაჩერა კარგა ხნით სვიმონ მეფის ბრძოლა ოსმალებთან. მხოლოდ 1598 წ. მეფე კვლავ აშხენდრდა ოსმალებთან.



ბის წინააღმდეგ. ამ ხანად პირველად მან იერიში მიიტანა გორის ციხეზე და შემდეგ ალყა შემოარტყა მას. მეორე წელს გაზაფხულზე ბევრის ცდის შემდეგ ღამის იერიშით ციხე აღებულ იქმნა (1599 წ.). გორის ციხის დაცარგვამ შთაბეჭდილება მოახდინა ოსმალებზე და შემდეგ წელს თავრიზის ბეგლარბეგი (მართველი) ჯაფარ-ფაშა წამოვიდა საქართველოზე და მოადგა მდ. ალაგეთს, სადაც მას დახვდა მეფე სვიმონ თავისი ჯარით. მცირე რიცხვოვანობისა გამო ქართველნი, შემდეგ სასტიკი ბრძოლისა, მაინც დამარცხდნენ და იძულებული გახდნენ უკან გამოქცეულიყვნენ. ამ დროს მეფე ცხენითურთ ტალახში ჩაველო ისე ღრმად, რომ მისი გაოკუვანა შეუძლებელი აღმოჩნდა. მრავალი ქართველი შეაკვდა მეფის გამოხსნის მიზნით მტერს, მაგრამ ბოლოს მაინც სვიმონი ოსმალთ ჩაუვარდათ ტყვედ (1599 წ.). მეფე წაიყვანეს და დააბინავეს სტამბოლს. მის გამოსახსნელად ოსმალთ მოიაზრვეს დიდი სახსარი. სვიმონის მემკვიდრეებმა გაგზავნეს სამეფო ხაზინის, ეკლესიამონასტრების და წარჩინებულ ქართველების სიმდიდრე. მაგრამ გამოსახსნელ სახსრის მისვლამდის სვიმონ მეფე უკვე გარდაცვლილიყო. ოსმალთ მაინც ეს სიმდიდრე დაიჭირეს, მისცეს ქართველებს გვაში შეფისა, რომელიც მოსვენებულ და დაფლულ იქმნა მცხეთას.

სვიმონ მეფე, ისე როგორც მისი მამა ლუარსაბ I, იყო ნამდვილი წარმომადგენელი რაინდულ საქართველოსი, შეუპოვარი მეომარი და თავისი ქვეყნისათვის თავდადებული გმირი.

შაჰ-აბაზ I დიდი და ტფილისის განთავისუფლება ოსმალთაგან.

სვიმონ მეფის მემკვიდრენი, შვილი მისი გიორგი X და შემდეგ ძე ამისა მეფე ლუარსაბ II, განაგრძობდნენ სპარსეთის ერთგულებაზე დგომას. სპარსეთის ყენად ამ დროს იყო შაჰ-აბაზ I დიდი (1587—1628), ერთი უშესანიშნავესი ხელმწიფეთაგანი აღმოსავლეთში. მისი მეფობის მთავარი საზრუნავი იყო ერთის მხრივ ოსმალების მიერ წინა ომებში წართმეულ სპარსეთის ქვეყნების უკან დაბრუნება და მეორეს მხრივ შინაური ცხოვრების გაუმჯობესებით, მულმივი ჯარის შექმნით, ვაჭრობა-მრეწველობის წარმატებით სპარსეთის მკვიდრ ფენებზე დაყენება. 1603 წ. შაჰ-აბაზმა ომი გამოუცხადა ოსმალებს, დაიბრუნა თავრიზი, შემდეგ ერევანი. აგრეთვე თანდათან დაიჭირა ქურთისტანი და მესოპოტამია. 1606 წ. აიღო განჯა და ამავე წელს განდევნა ოსმალები ტფილისიდან და ქართლის სამეფოს სხვა ადგილებიდან. დმანსსა და ლორედგან. შაჰი თითონ მივიდა ოსმალებისაგან განთავისუფლებულ ტფილისს, დანიშნა იქ თავისი ციხისთავი და დაუმტკიცა მთელი ქართლი ლუარსაბ II-ს, რომლის და, ბატონიშვილი თინათინ, თითონ შეირთო ცოლად.

კახეთის მეფე ლევანი. კახეთის სამეფო ლევან მეფის დროს (გარდაიცვალა 1574 წ.) შედარებით მოსვენებით იყო. სპარსეთის გაძ-



ლიერებას ლევანი ანგარიშს უწყევდა, აძლევდა ხარკს აენს და ქვეყანაც აოხრებას არ განიცდიდა. მან თავისთვის მეორე სატახტო ქალაქად აქცია გრემი, სადაც აიშენა ჩინებული სასახლე.

ლევანის სიკვდილის შემდეგ კახეთში მისი შვილებს შორის ატყდა შფოთი. უფროსმა შვილმა ალექსანდრემ ბოლოს დაამარცხა თავისი ურჩი უმცროსი ძმები, რომელნიც ძმასთან ომში დაიღუბნენ და მეფობაც თავისთვის დაიმკვიდრა.

ლევანის გაძლიერება. როდესაც 1578 წლიდან ოსმალნი გაძლიერდნენ აღმოსავლეთ ამიერ-კავკასიაში, კახეთის მეფე აქაც მორიგების გზას დაადგა და იკისრა მათთვის ხარკის ძლევა. ოსმალებთან შებრძოლება ალექსანდრეს არ შეეძლო, რადგან კახეთის სამეფოს ამ დროს გაუჩნდა ახალი საშიში მტერი—დაღისტნის ლეკები, რომელნიც გუნდგუნდად ქურდულად ეცემოდნენ კახეთის სოფლებს, არბევდნენ მათ და ატყვევებდნენ ხალხს.

ლევანს საშიშროებას კახეთისთვის საფუძველი ჩაეყარა ჯერ კიდევ ლევან მეფის დროს, რომელმაც დაასახლა ფიფინეთს ალაზანს გაღმა ლეკები და დაადგა მათ ბევარად კავკასიის მთიდან ზაფხულისთვის ყონულის მოტანა. ლეკებმა თანდათან იწყეს ფეხის გამაგრება ფიფინეთს, რომელსაც შემდეგ ეწოდა ჭარი. ამით დაღისტნის ლეკებს გაუჩნდათ კავკასიის ქედის აქეთ საკუთარი ფუძე, საიდანაც ადგილი იყო წვრილ-წვრილი თარეშების გაშვება კახეთის სოფლებზე. ალექსანდრე II-ს დროს ლეკნი უკვე საკმაოდ გაძლიერდნენ. დაღისტნის სხვა-და-სხვა მფლობელთა შორის პირველი ადგილი ამ დროს ეჭირა შამხალს, რომელსაც გაეღენა ჰქონდა დაღისტნის ყველა ტომებზე. მის ადგილ-სამყოფელად ითვლებოდა ქალ. ტერჯი კასპიის ზღვის პირას.

მთავარი მიზეზი ლევანს თარეშების გაძლიერებისა იყო ის, რომ დაღისტნის მწიბრი ბუნება ვერ იტევდა მომრავლებულ ხალხს, საწარმოო ძალთა განვითარება აზიის ცხოვრების საერთოდ დაცემის გამო შეჩერებული იყო და ამიტომ მოჭარბებული ძალა მთიულ ტომებისა თარეშებსა და ცარცვა-გლეჯაში პოულობდა გამოსავალს.

რუსეთის მფარველობის ძიება კახ-ბატონის მიერ. ამ გვარს მდგომარეობაში უმთავრესად ლევანს საწინააღმდეგოდ, მაგრამ ამასთანავე ოსმალთა და სპარსთა მძლავრებისაგან თავის დასაღწევად ალექსანდრე მეფემ სცადა რუსეთის მფარველობის მოპოვება. რუსეთმა პართლაც აღუთქვა კახეთს დახმარება როგორც ოსმალებისა, ისე დაღისტნის შამხალის წინააღმდეგ და მეფემაც მოაწერა ხელი 1587 წ. რუსეთის ქვეშევრდომობის ქალაქს ყოველ-წლიური ხარკის გარდახდის პირობით.

ამ გვარად კახეთი გახდა მოხარკე ერთსა და იმავე დროს სპარსეთისა, ოსმალეთისა და რუსეთისა.



დავითის აჯანყება და კოსტანტინე ბატონიშვილი. რუსეთის მფარველობისაგან ბოლოს არაფელი გამოვიდა. რუსეთს ჯერ კიდევ საკმაოდ ფეხი არ ჰქონდა მომაგრებული ჩრდილოეთ კავკასიაში და კახეთიც მისი საზღვრებიდგან შორს იყო. ხოლო სპარსეთი კი ამ დროს, შაჰაბაზ I დიდის ყაენობისას, თანდათან წელში სწორდებოდა და ამიტომ კახეთიც ისევ შაჰისაკენ იხრებოდა. უმცროსი შვილი ალექსანდრესი, კოსტანტინე ბატონიშვილი, ჯერ კიდევ შვიდი წლისა ყაენის კარზე იყო წაყვანილი მძევლად და იქ იზრდებოდა მაჰმადიანობაში. ამავე დროს ალექსანდრეს ერთი შვილთაგანი, გიორგი, ოსმალეთის მომხრედ ითვლებოდა. ეს გარემოება შეიქნა დიდი არევე-დარევის მიზეზი კახ-ბატონის ოჯახში. ალექსანდრე მეფის უფროსმა შვილმა დავითმა, რომელსაც ცოლად ყავდა მუხრან-ბატონის ქალი ქეთევან, კეთილი და სათნოიანი აღამიანი, შეიპყრო თავისი ძმა გიორგი, შემდეგ გარდაჟდო ტახტიდგან მამა და თითონ გაშეფდა (1602 წ.). ის ფრიადსასტიკად ქეცეოდა მამისა და ძმის მომხრეებს, მაგრამ იმავე წელს მოკვდა და მეფობა ისევ ალექსანდრემ დაიჭირა. დავითს დარჩა ერთი შვილი თეიმურაზი, რომელიც ყაენის კარზე იზრდებოდა.

ცოტა ხნის შემდეგ შაჰ-აბაზმა დაიბარა ალექსანდრე თავისთან კახეთის ჯარით ოსმალების წინააღმდეგ ლაშქრობაში მონაწილეობის მისაღებად. ამ დროს ყაენი ერევანს შემოსდგომოდა. მან დიდის პატივით მიიღო ალექსანდრე, თავისთან დაიტოვა წელიწად-ნახევარი და როდესაც ოსმალი უმთავრესი ომი ბაღდადისაკენ გადაიტანეს, უკან გამოისტუმრა. თან გამოატანა მისი გამაჰმადიანებული შვილი კოსტანტინე ბატონიშვილი 8 ათასი სპარსელი ჯარით. შაჰს კოსტანტინესთვის ებოძებინა შირვანი და ამასთანავე ებრძანებინა გიორგი ბატონიშვილის, როგორც ოსმალების მომხრის, შეპყრობა. კახეთში ბაზარს გიორგი ბატონიშვილი შეეგება მამასა და ძმას. აქ კოსტანტინე სპარსელების ჯარით დაესხა მოულოდნელად მამას და გიორგის, დახოცა ისინი და მათთან მყოფნი კახნი ეპისკოპოსნი და დარბაისელნი (მარტვი 1605 წ.) ამის შემდეგ კოსტანტინემ გამოაცხადა თავისი თავი მეფედ.

მამისა და ძმის მკვლელობა გამოიწვია კახეთში უდიდესი აღშფოთება და როდესაც მან თავისის რძალს, ქეთევან დედოფალს, წინადადება მისცა ცოლად წამოემყეო, მაშინ კახნი დარბაისელნი შეიკრიბნენ ქეთევანთან და გვერდში ამოუდგნენ მას. აღშფოთებულმა ქეთევანმა უარი შეუთვალა ცოლად გაყოლაზე და რადგანაც შაჰ-აბაზმაც არ მოიწონა კოსტანტინეს მიერ მამის მკვლელობა და ზიზღით ისენიებდა მას, ამიტომ ქართველებმა ადვილად გაილაშქრეს მასხედ. ქეთევანი თვით წარუძღვა ჯარს და თავს დაეცა შირვანისკენ მიმავალს კოსტანტინეს, რომელიც მოკლული იქმნა. დედოფალმა ამის შემდეგ სთხოვა შაჰს თეი-



შურაზის დამტკიცება კახეთის ბატონად. შაჰ-აბაზმაც ხანების თანადსწრებით გადააყარა თავზე თეიმურაზს, თანხმად ქართული ჩვეულებისა, ოქრო და მიულოცა კახ-ბატონობა. 16 წლის თეიმურაზი მოვიდა კახეთს და შეუღდა მართვა-გამგეობის საქმის დაკვირებას (1605 წ.).

არაგვის საერისთო უფრობა ქართლს. სპარსთა ბატონობამ დაასუსტა ქართლსა და კახეთში მეფის უფლება, რამაც ხელი შეუწყო როგორც თვითნებობისა და ძალმომრეობის გამრავლებას, ისე ცალკე გვარეულობათა გაძლიერებას. ასე, მაგ., სვიმონისა და ალექსანდრე II კახთა მეფის დროს ვანათელმა აზნაურმა ამოსწყვიტა ქარმელის და თურმანიძის გვარეულობა და შემდეგ დაიპყრო არაგვის საერისთო. ამისი შვილისშვილი ნუგზარ ერისთავი აუჯანყდა 1603 წ. კახეთის მეფეს, შემდეგ გადავიდა ქართლის მეფის გიორგი X-ს მხარეს და აღიარა ამ უკანასკნელის ბატონობა. ამის შემდეგ არაგვის საერისთო ემორჩილებოდა ქართლის მეფეებს.

გიორგი სააკაძე. მეფის უფლებას განსაკუთრებით ასუსტებდა წარჩინებულ თავადების გვარეულობათა გაძლიერება, რაც აღმოხ. საქართველოში სპარსთა მძლავრებასთან ერთად თანდათან მეტის სიქხადით იჩენდა თავს. ლუარსაბ II ცდილობდა ქართლში მტკიცე მართველობის დამყარებას და ამიტომ დიდ თავადებს გარეშე ეძიებდა ახალს ძალებს თავისი ტახტისა და სამეფო უფლების განსამტკიცებლად. ამ დროს წარჩინებულ გვარეულობათა წარმომადგენლებს გარეშე ყურადღებას იქცევდა ტფილისის მოურავი გიორგი სააკაძე. ის იყო განდიდებულ აზნაურის გვარიდან, მამა მისი სიაოში ითვლებოდა აგრეთვე ტფილისის მოურავად, მაგრამ არც თავისი გვაროვნებით და არც მამულის სიდიდით ის არ ეკუთვნოდა დიდებულთა წრეს. თავისი ნიჭით, ჭკუით და საქმიანობით გიორგი სააკაძემ მალე მიიქცია საერთო ყურადღება, ხოლო არაგვის ერისთავთან ნუგზართან დამოყვრებით და მისი ასულის ცოლად შერთვით მან კიდევ უფრო განაძლიერა თავისი გავლენა.

ყირიმელ თათრების შემოსევა. 1609 წ. ოსმალებმა წაართვეს სპარსელებს ბაღდადი. ოსმალების ლაშქარში მყოფ ყირიმელ თათრების ჯარმა მოინდომა კავკასიის გზით თავისს სამშობლოში დაბრუნება. ეს ჯარი ჯელილ-ფაშის ხელმძღვანელობით შემოვიდა ქართლში, ამოვიდა მანგლისს და გაემართა შიდა-ქართლისაკენ. კველთას თათრებმა შეიპყრეს მღვდელი თედორე, რომელმაც გასწირა თავი, გაუძღვა მათ და წაიყვანა ისინი სხვა გზით. თათრები მიხვდნენ შეცდომას, თედორე წამებით მოკლეს, მაგრამ ამ დაგვიანებით ისარგებლა მეფემ და უკვე საკმაოდ ჯარი შეკრიბა. გიორგი სააკაძე და ზაზა ციციშვილი 1,500 კაცით გამოედევნენ თათრებს და დაამარცხეს ისინი. ზაზა ციციშვილმა თვით მოკლა ფერჰად-ფაშა, მაგრამ თავის ჭრის დროს მას შეჰპოვრტყნენ თათრები. ზაზამ თავს მაინც ხელი არ გაუშვა, კბილით წვერი დაიჭირა, ხმალ-და-ხმალ გაარღვია თათრების გუნდი და ქართველების ჯარ-



თან ერთად მივიდა მეფესთან, რომელსაც მიაართო მოკლული ფაშის თავი. თათრები ამის შემდეგ ჯელილ-ფაშამ წაიყვანა გორისკენ, საიდანაც ისინი ფიქრობდნენ გადასვლას საათაბაგოს, რომელიც ოსმალების მორჩილებაში იყო, მაგრამ გზად მთლად დამარცხდნენ.

მოურავი გაიქცა სპარსეთს. მეფე ლუარსაბმა ეს გამარჯვება აცნობა შაჰ-აბაზს და გაუგზავნა მას დახოცილთა თავები. ამ ომის დროს განსაკუთრებით თავი ისახელა მოურავმა გიორგი სააკაძემ. ამის შემდეგ მეფემ მალე მოინდომა მოურავის დის შერთვა ცოლად და თუმცა სააკაძე ღიღებულთა მორჩილებით ამის წინააღმდეგი იყო, მაგრამ ბოლოს მაინც დასთანხმდა.

მოურავის შიში გამართლდა. დიდ თავადების წარმომადგენლებმა ითაკილეს მოურავის დის დედოფლობა, აამხედრეს მეფე სააკაძის წინააღმდეგ და ბოლოს საქმე ისე გამწვავდა, რომ ლუარსაბმა მოინდომა იმისი მოკვლა. მოურავს მომხრეები ჰყავდა მეორეხარისხოვან თავადებს შორის და ამიტომ მეფის ეს განზრახვა მან დროზე შეიტყო და გაიპარა თავისს სიმამრთან, ნუგზარ არაგვის ერისთავთან. მასთან ერთად მოურავი წავიდა შაჰ-აბაზთან მფარველობის სათხოვნელად მეფის წინააღმდეგ.

შაჰ-აბაზის პირველი შემოსევა (1614 წ.) ამ დროს ჯერ კიდევ ლუარსაბ II-ს და თეიმურაზს, კახეთის მეფეს, კარგი განწყობილება ჰქონდათ შაჰ-აბაზთან. თავისი ცოლის გურიელის ქალის სიკვდილის შემდეგ თეიმურაზმა შაჰის დაჟინებით შეირთო. მიუხედავად ახლო ნათესაობისა, ლუარსაბის და ხორეშანი და ამით დაექისლა თვით ყაენს. მაგრამ მალე მდგომარეობა შეიცვალა. თეიმურაზ თუმცა აღიარებდა სპარსეთის ბატონობას, მაგრამ თავს მაინც ღირსებით და დამოუკიდებლად იკავებდა. ლუარსაბთან დამოკიდების შემდეგ თეიმურაზმა შეჰკრა მასთან მტკიცე კავშირი, რათა ქართლ-კახეთის უფლებების დაცვა საერთო ძალით უფრო გაადვილებულიყო. სპარსეთის მთავრობას ყველაფერი ეს, რასაკვირველია, არ მოსწონდა. ამ დროს შაჰი მაზანდერანში წავიდა სანადიროდ და თეიმურაზ-ლუარსაბი თავისთან მიიპატიჟა. მეფეებმა მას კარგა ხანს პასუხი არ გასცეს, შემდეგ ზრდილობიანად ბოდიში მოიხადეს, ხოლო სპარსეთს არ წაყიდნენ. ეს შაჰმა თავისს შეურაცხყოფად მიიღო და მეფეებისადმი უნდობლობა განაძლიერა. შაჰ-აბაზი განსაკუთრებით უკმაყოფილო იყო თეიმურაზით, რომელსაც აბრალებდა ლუარსაბის გადაბირებას. 1614 წ. ყაენი მოვიდა სარაბალს ოსმალთა წინააღმდეგლაშქრობის დასამზადებლად და მოსთხოვა თეიმურაზს ერთგულობის ნიშნად მძევლად ერთ-ერთი შვილის გაგზავნა. თეიმურაზმა თავადების იძულებით გაგზავნა უმცროსი შვილი და თან თავისი დედა ქეთევან დედოფალი გააყოლა. ამის შემდეგ შაჰმა მოითხოვა უფროსი შვილის გაგზავნა და როდესაც თეიმურაზმა ესეც აახლო, მაშინ თითონ მეფეც

დაიბარა. ეხლა კი თეიმურაზი აშკარად უკუდგა. გაავლო მუკუხანიდან გაღმა-ჩხარს დიდი ჯებირი, და გაამაგრა კახეთი. ამის საპასუხოდ შაჰ-აბაზი დიდის ჯარით გამოემართა კახეთისაკენ. მისს ჯარში იყო გიორგი სააკაძე და სხვა სპარსეთში მყოფი ქართველები. კახეთზე მრახლოვერისას ყაენმა დაავდო ხმა, რომ ის ეომება პირადად თეიმურაზს და არა ხალხს. ამისი გამგონე კახნი ჯგუფ-ჯგუფად მიდიოდნენ შაჰთან. რონელიც მათ უხვად ასახუტრებდა. სპარსელების ჯარმა გაიარა ჯებირი და შევიდა შიგნით კახეთში. თეიმურაზი გაიქცა მუზრანს, სადაც მას დახვდა ლუარსაბ მეფე. რადგანაც ქართლის თავადებიც ქვეყნის აოხრების შიშით წინააღმდეგი იყვნენ ყაენთან შებრძოლებისა, ამიტომ მეფენი გადავიდნენ იმერეთს.

სპარსელების ჯარი მოედვა კახეთს და საშინლად ააოხრა ის. ეკლესიები ვაცარცკვეს, ხალხი აღწერეს და გააწერეს მას ხარკი, ბევრი კიდევ ტყვედ შეიპყრეს, დააწყვეს გუნდ-გუნდად და გადაასახლეს სპარსეთს, უფრო მიზანდერაზს, სადაც უმრავლესი მალე გაწყდა შავნე ჰაერისა გამო. შაჰმა კახეთს დაყო 50 დღე და შემდეგ გადავიდა ქართლს. აქ მან შემოირიგა ლუარსაბ მეფე, რომელიც მოვიდა იმერეთიდან და ეახლა ყაენს. თეიმურაზის შემორიგებაზე კი შაჰ-აბაზმა უარი განაცხადა. ლუარსაბი შაჰმა თან წაიყვანა სპარსეთს და შემდეგ გამაჰმადიანებაზე უარის თქმის გამო დააპატიმრა გულაბის ციხეში შირაზის ახლოს. 1622 წ., რადგანაც რუსეთი შუადგომლობდა ლუარსაბის განთავისუფლების შესახებ, მეფე მოაშთვეს შეილდის საბლით. საქართველოს ეკლესიამ ის შერაცხა წმიდათა შორის.

ლუარსაბის სიკვდილს მოყვა თეიმურაზის დედის ქეთევან დედოფლის წამება, რომელიც შაჰ-აბაზის მიერ შირაზში იყო გაგზავნილი. რადგანაც ქეთევან უარს ამბობდა მაჰმადიანობის მიღებაზედ, ამიტომ ის საშინელის წამებით მოკლეს 13 სექტემბერს 1624 წ. ქეთევანიც საქართველოს ეკლესიის მიერ წმიდანად არის აღიარებული.

შაჰ-აბაზის მეორე შემოსევა და კახეთის აწყვეტა. ქართლის მართველად შაჰ-აბაზმა დანიშნა დაუთ-ხანის შვილი ბაგრატი, რომელიც ფრიად მიდრეკილი იყო მაჰმადიანობისადმი. რის გამო ქართლის თავადებმა უარი განაცხადეს დამორჩილებოდნენ მას, კახეთის მართველად კი დანიშნა ბატონიშვილი ისა-ხანი, აგრეთვე მაჰმადიანი, თეიმურაზის ბიძაშვილი. კახეთის დასაცავად დანიშნული იყო 15 ათასი სპარსელების ჯარი, მაგრამ თეიმურაზი კახ-თავადების მოწვევით მოვიდა თავისსამშულობელოში, დაცვა სპარსელებს, დაამარცხა ისინი და კვლავ გამეფდა (1615 წ.).

თეიმურაზმა კახეთში გასძლო მხოლოდ ექვსი თვე. 1616 წ. გაზაფხულზე შაჰ-აბაზი ისევ წამოემართა საქართველოსკენ მტკიცე გან-



ზრახვით ბოლო მოეღო კახეთისათვის. როდესაც სპარსელების დიდძალი ჯარი შემოვიდა კახეთს, თეიმურაზი გადავიდა იმერეთს.

ამავე დროს შაჰ-აბაზმა შეაგულიანა ლეკები, რომ გაქცეულ კახელებისათვის დაღისტანში თავ-შესაფარი არ მიეცათ. კახელები გამაგრებული იყვნენ სიღნახებში, რომელნიც წარმოადგენდნენ ტყეში ჩახერგილ და გამაგრებულ ადგილებს. ირგვლივ სიღნახები წყლით საესე ღრმა თხრილებით იყო გარშემოვლებული. ამ თხრილებს ტიყებით ვადიოდნენ. ამ გვარ სიმაგრეების აღება ძალიან ძნელი იყო, ამიტომ თუმცა კახეთის დიდი ნაწილი მალე დაკავებულ იქმნა, მაგრამ საზოგადოდ ლაშქრობამ მთელს წელიწადს გასტანა.

აუწერელი იყო ის საშინელება, რომელიც გამოიარა კახეთმა შაჰ-აბაზის ამ მეორე შემოსევის დროს. ყოველ მხრივ გზა-მოქრილი კახელები უწყალოდ იხოცებოდნენ, ანდა ტყვედ უვარდებოდნენ მტერს. ლეკნიც წამოიშალნენ და იმათაც მუსრი გაავლეს დაღისტანი-საკენ ლტოლივლ კახელებს. ქვეყანა მთლად აოხრდა და უკაცურ შეიქმნა. ვადაშწვარი და დანგრეული ქალაქები დაცარიელდნენ, სოფლები გავერანდნენ. რიცხვი გაჟლეტილთა აღწევდა 70—80 ათასს, დატყვევებულ იქმნა 100 ათას სულზე მეტი. ამას გარდა 30 ათასი სულის შესახებ ცნობა ვერ იქმნა შერგებილი. სპარსელების თარეშებმა მოარბიეს აგრეთვე შიდა-ქართლიც, როგორც კახეთში, ისე ქარაღში აუარებელი სიმდიდრე ჩაუვარდათ ხელში სპარსელებს. შაჰ-თამაზმა ბრძანება გასცა შენობების ყველგან დანგრევის შესახებ. რადგან მეაბრე-შუშეობას განსაკუთრებით კახეთისათვის ძალიან დიდი მნიშვნელობა ჰქონდა, ამიტომ შაჰის ბრძანებით სპარსელებმა თუთის ხეები აჩვენეს ყველგან კახეთში, სადაც კი ეს შესაძლებელი იყო. დასასრულ, მთელი ტყვედ შეპყრობილი ხალხი თავისი ბარგით დააყენეს ჯარის წინ და გადაარქვეს სპარსეთს, სადაც დაასახლეს ქირმანს, მაზანდერანს, ფერეიდანს და სხ. თანდათან მათში ვავრცელდა მაჰმადიანობა. უმრავლესობამ დაკარგა ქართული ენაც, თუმცა ეხლაც თავის თავს ქართველებს უწოდებენ. მხოლოდ ფერეიდანში ერთ ჯგუფად დასახლებულმა ქართველებმა შეინარჩუნეს აქამდის თავისი ენა-ენა. მათი რიცხვი უწევს ეხლა 15—17 ათას სულამდის.

ქართველების ყულის ჯარი სპარსეთში. ქართველების მრავლად სპარსელების ტყვეობაში ჩაყარდნამ შესამჩნევად წინ წასწია სპარსეთში ყულის (მსახურთა) ჯარის მოწყობა. რომელსაც შაჰ-აბაზ I დიდს მნიშვნელობას აძლევდა. შაჰს უნდოდა ამით დაეცა ყიზილბაშთა (ყორჩის) ჯარის მძლავრება. ყორჩნი ამ დროს უკვე 50-60 ათასს ცხენოსანს შეადგენდნენ და შაჰის ძალა-უფლებისათვის სახიფათო გამაძარბიყენენ. ამათ წინააღმდეგ ერთის მხრივ და მეორეს მხრივ ოსმალოთა იენიჩარების მიბაძვით შაჰ-აბაზ I-მა შექმნა ყულის ახალი ჯარი, რომლისათვის



დანიშნული იყვნენ მამამდიანობაში აღზრდილნი ტყვე-ქრისტიანები, უმთავრესად ქართველები. შაჰ-აბაზ I-ის დროს ამ ჯარს შეადგენდა 10 ათასი ცხენოსანი და 12 ათასი ქვეითი. ყულნი არსებობდნენ მე-XVII და მე-XVIII საუკუნეშიც. მათი უფროსად თითქმის ყოველთვის ინიშნებოდა გამამამდიანებული ქართველი ბატონიშვილი.

ქართლსა და კახეთს ინიშნებიან მამამდიანი მართველნი. კახეთის აწყვეტისა და აოხრების შემდეგ მის მართველად დანიშნა ფეიქარ-ხანი, რომელმაც ყაენის ბრძანების თანახმად იწყო დაცარიელებულ ადგილებზე თათარ ელკების დასახლება. კაკ-ელისენსა და მისს მიმდგომ მხარეს გაჩნდა თათართა მოსახლეობა. გაოხრებულ ქალ. ზაგემის მაგივრად ფეიქარ-ხანმა იწყო შენება ახალი დაბისა, რომელსაც ეწოდა ყარადაჯი და რომელიც ამიერიდან ვახდა კახეთის ხანების ადგილსამყოფელად.

იმერეთს გაქცეული კახეთის მეფე თეიმურაზი ოსმალებს წავიდა და მიმართა დახმარების თხოვნით სულთანს, მაგრამ ოსმალეთი ევროპაში ომებს აწარმოებდა და ამიტომ შემწეობაზე მეფემ უარი მიიღო.

ქართლი შედარებით ადვილად გადაარჩა შაჰ-აბაზის შემოსევათ, რის გამო აქ მეტი ძალა იყო შენახული. შაჰ-აბაზი კმაყოფილდებოდა ქართლში ბაგრატიონთა სახლის გამამამდიანებულ ბატონიშვილების დაყენებით ქვეყნის მართველად, რასაც ის ჯერ-ჯერობით საკმარისად სთვლიდა თავის ინტერესებისათვის. მაგრამ ქართლის თავადების ერთი ნაწილი არ მორჩილდებოდა სპარსელების მიერ მართველად დადგენილ ბაგრატს და ამისი სიკვდილის შემდეგ (1619 წ.) მისს გამამამდიანებულ შვილს სვიმონ II-ს. თვით თავადებს შორის არ იყო ერთობა და ამით სარგებლობდნენ სპარსელები. ასე, მაგ., არავცის ერისთავს ბადურს, ნუგზარის ძეს, აუჯანყდა ძმა მისი ზურაბ რომელმაც სპარსელების დახმარებით თითონ დაიპყრო საერისთო, მაგრამ შემდეგ დაუახლოვდა სპარსელების მოწინააღმდეგე თავადებს. ერისთავი თანდათან ძლიერდებოდა, რის გამო ქართლის მართველმა სვიმონ მეფემ დააპირა შაჰთან წასვლა, რომ შეეჩივლა მისთვის თავადების ურჩობა. მაშინ ზურაბი თითონ წავიდა შაჰთან, სადაც დახვდა მას მისი სიძე გიორგი სააკაძე, რომელსაც შაჰ-აბაზის სხვა-და-სხვა ლაშქრობაში ბაღდადსა და ყანდაარზე უკვე თავი დიდად ესახელებინა და ყაენის კარზე საზოგადოდ გავლენა მოეპოვა.

გიორგი სააკაძის აჯანყება და ქართლ-კახეთის უკუდგომა სპარსეთისაგან. შაჰმა უკან გამოგზავნა სვიმონ II, თან გამოატანა მოურავი, ზურაბ ერისთავი და ყარჩი-ხანი სპარსელების დიდი ჯარით. ამ ჯარის სიდიდე ძლიერ უკვირდათ ქართველებს, მაგრამ მოურავმა და ზურაბმა დაარწმუნეს თავადები, რომ შაჰს არავითარი ბოროტი განზრახვა არ აქვსო. ნამდვილად კი შაჰს ვარაუწყებელი ჰქონდა ბო-



ლო მოელო სხვა-და-სხვა აჯანყებათათვის ქართლ-კახეთში მთელი ქვეყნის სრულიად აწყვეტით და ქართველების მაგივრად ზათრებისა და საზოგადოდ მაჰმადიანების დასახლებით. ამით შაჰ-აბაზს უნდოდა საბოლოოდ შემოემტკიცებინა ქართველების მიწა-წყალი. მართლაც ცოტა ხნის შემდეგ, როდესაც ქართლ-კახელნი საკმაოდ მიენდვნენ სპარსელებს, ყარჩი-ხანმა დაიბარა მუხრანის ახლოს აღიანის მინდორში კახეთის თავი-კაცი ვითომდა ყენის წყალობის გამოსაცხადებლად. როდესაც მოწვეულნი პირნი შევიდნენ შემოვლებულს თეჯირში ხანის წინამეწარსადგომად, მათ დაეცნენ მომარაგებულნი სპარსნი და უმრავლესი დახოცეს. დანარჩენთ კიდევ იკრეს ხელი ხმალს, გავლეს ბრძოლით და გაიქცნენ კახეთს 1623 წ.).

კახელების ამ ვერაგულმა ამოწყვეტამ დიდი აღშოთება გამოიწვია ქართლში. ამ დროს გიორგი სააკაძემ დაიჭირა ყენის შიკრიკი. რომელსაც აღმოაჩნდა შაჰ-აბაზის ბრძანება ყარჩი-ხანის სახელზე მთლად კახეთის საბოლოოდ აწყვეტისა, ქართლის აყრისა და გადასახლების, ხოლო მოურავისათვის თავის მოკვეთის შესახებ. მოურავი ეხლა კი მიხვდა შაჰის ნამდვილს გულის წადილს, საჩქაროდ წავიდა ზურაბ არავის ერისთავთან და წინადადება მისცა მას სპარსელების წინააღმდეგ აჯანყებულიყვნენ. მალე მოურავმა შეაკავშირა სხვა ქართლის თავადებიც და შემდეგ დაეცა თავს ყარჩი-ხანს და მისს ჯარს და საშინლად დაამარცხა (1623 წ.). ბრძოლაში დაიღუპა როგორც ყარჩი-ხანი, ისე სხვა სპარსელი ხანები.

ამის შემდეგ კახეთის მეფედ მოიწვიეს ისევ თეიმურაზი, ხოლო ქართლის გამგედ ამორჩეულ იქმნა ქიხოსრო მუხრან-ბატონიშვილი; ნამდვილად კი ქართლის საქმეებს ხელმძღვანელობდა გიორგი სააკაძე.

ქართლ-კახეთი ამ გვარად გადუღდა სპარსეთს. ამ ამბვის მიღებისთანავე შაჰ-აბაზმა გამოგზავნა დიდი ჯარი, რომელიც მოვიდა მდინარე ალგეთზე მარაბდას ახლოს. თეიმურაზ მეფე, ქართლის თავადები და გიორგი სააკაძე მივიდნენ იქვე. მოხდა სასტიკი ბრძოლა, რომელშიდაც პირველად გამარჯვეს ქართველებმა, მაგრამ შემდეგ გაქცეულ სპარსელებს იქვე შემოეყარა ბრძოლის ველზე მიმავალი ერევნის ბეგლარბეგი დიდის ჯარით. გაიმართა ხელახლავ სასტიკი ბრძოლა და ქართველები დამარცხდნენ. ამ ომში დაიხოცა 18 ათასი სპარსელი და 10 ათასი ქართველი. გამარჯვებულნი სპარსნი მოვიდნენ ტფილისს და განამტკიცეს სვიმონ მეფის უფლება. მოურავი კი წავიდა ზემო-ქართლს. ხერგავდა გზებს, ამაგრებდა ქვეყანას და ეწეოდა მუდმივ ბრძოლას სპარსელების წინააღმდეგ. ერთს ბრძოლაში, მაგ., მან დახოცა 700 სპარსელი, მეორეჯელ კიდევ ხელში ჩაიგდო 500 სპარსელი მეთაფე, ბირთვისის ციხეში დაყენებული, და ყველას თავი გააადებინა.

მოურავის გაქცევა ოსმალეთს და მისი იქ სიკვდილი. სპარსელებთან ბრძოლას აძნელებდა ქართლის თავადებს შორის არსებული ურთიერთი მტრობა და შური. ზურაბ არაგვის ერისთავმა შეიმუშავა სააკაძის ძლიერება და მოიწვია კახეთის მეფე თეიმურაზი შიდა-ქართლის დასაპყრობად. მაშინ მოურავი, შიდა-ქართლის გამგე ქაიხოსრო მუხრან-ბატონი შვილთან ერთად, დაეცა თეიმურაზს და ზურაბ ერისთავს, რომელნიც ბაზალეთს იდგნენ ჯარით. ბრძოლამ მიიღო ფრიად სასტიკი ხასიათი, ასე რომ არ დარჩენილა დაუჭრელი არც ერთი კაცი. მოურავი და ქაიხოსრო დამარცხდნენ და წავიდნენ სამცხეს (1626 წ.), ხოლო იქიდან სტამბოლს და შევიდნენ სულთანის სამსახურში. მოურავი აქ გამაჰმადიანდა. მან მიიღო მონაწილეობა ოსმალეთის ჯარის სხვა-და-სხვა ლაშქრობაში. მაგრამ მალე მოურავი და მასთან მყოფი 41 ქართველი შესმენილ იქმნენ სიკვდილი ღიღი ვეზირის წინაშე, რის გამოც ყველანი სიკვდილით იქმნენ დასჯილი (1629 წ.).

გიორგი სააკაძე იყო ნამდვილი შვილი იმ საშინელ არევ-დარევისა, რომელიც განიცადა გამძლავრებულ სპარსეთისაგან უკან დახევის გზაზე დამდგარ აღმოს. საქართველომ ყაენების და ხონთქრების წინააზიანში ურთიერთ შორის მეტოქეობის დროს. როგორც ძლიერი ნების ყოფის და მალაღონიჭიერი პიროვნება, ის ვერ შეეგუა გავლენიან თავადების წრეს, რომელსაც ის დაბადებით არ ეკუთვნოდა. მისი ენერგიით და მხნეობით ისარგებლა სპარსეთის მთავრობამ საქართველოსთვის დამლუპველ თვის ზრახვათა განსახორციელებლად კახეთსა და ქართლში. განშორებული როგორც დინასტიას, ისე ფეოდალთა წრეს, გიორგი სააკაძე არსებითად მარტოდ გრძნობდა თავს თვით მისი ცხოვრების საუკეთესო დროში, როდესაც მან ბრძოლა გამოუცხადა სპარსელებს, და სიმარტოვეწივე დალია მან სული ოსმალეთში.

ზურაბ ერისთავის მძლავრება. გიორგი სააკაძის ქართლიდგან წასვლის შემდეგ დიდად გაძლიერდა ზურაბ არაგვის ერისთავი. მალე ის გადუღდა თეიმურაზ მეფეს, თავის სიმამრს, და მიემხრო სპარსელების მიერ დადგინებულს სვიმონ ქართლის მეფეს. თეიმურაზის მდგომარეობა ფრიად ვართულდა და მან დააპირა სპარსეთის მთავრობასთან მორიგება მით უმეტეს, რომ შაჰ-აბაზ I ამ დროს უკვე გარდაცვლილიყო (1628 წ.). ზურაბმა ეს რომ დაინახა, შეუჩინა კაცები სვიმონ მეფეს, ოკლა ის და მოიწვია თეიმურაზი ქართლში გასაბატონებლად. თეიმურაზი კახეთიდან გადმოვიდა ქართლს, მივიდა ტფილისს და შეუდგა მეფეების მართვა-გამგეობას. ზურაბ ერისთავი ამის შემდეგ კიდევ უფრო განდიდდა და მეფის ძალა-უფლებისათვის საშინი მეტოქე შეიქმნა. ამიტომ თეიმურაზმა მალე მოაკლევინა ის, ხოლო თავისი ქალი და მისი ცოლი დარეჯან კი მიათხოვა; იმერეთის შემოკავშირების მიზნით, იმერეთა მეფის გიორგი IV-ს ძეს ალექსანდრეს.

თეიმურაზ — ქართლ-კახეთის მეფე. თეიმურაზი დიდხანს ვერ დაარჩა ქართლ-კახეთის მეფედ. სპარსეთის მთავრობას ფრიად საწყენად დაუტრია ქართლისა და კახეთის გაერთიანება, რადგან თუმცა თეიმურაზი ერთგულებას უტყუალებდა ყაენს, მაგრამ სპარსეთში მაინც მას ნდობით არ ეპყრობოდნენ. მალე მართლაც თეიმურაზმა დალაშქრა ყარაბაღი, ერთის მხრივ თავისს გაღარიბებულ სამეფოსთვის ნადავლის მოსაპოვებლად და მეორეს მხრივ თავისი პრესტიჟის ასამაღლებლად. ამ დროს სპარსეთის მთავრობას გაღუდვა განჯის ბეგლარბეგი გამაჰმადიანებული ქართველი დავით უნდილოაძე და თავისი ელითურთ შეეკედლა თეიმურაზს, რომელმაც ისინი დაასახლა შაჰ-აბაზის მიერ კახეთის ახორების შემდეგ დაცალიერებულს იორის პირს. ყველა ამით აღშოთებულმა სპარსეთის მთავრობამ გარდასწყვიტა თეიმურაზის თავიდან მოშორება, ქართლის მეფედ დანიშნა ხოსრო-მირზა ბაგრატიონი. ხოლო კახეთი კი ჩააბარა სალიმ-ხანს. ესენი დიდს ჯარით სპარსეთის სპასალარის როსტომ სააკაძის წინამძღოლობით მოვიდნენ ხუნანს. თეიმურაზ მეფე აპირობდა შებრძოლებას, მაგრამ როდესაც ბარათაშვილები და ზოგი სხვა თავადები გადავიდნენ სპარსელების მხარეს, ომი შეუძლებელი გახდა და ამიტომ მეფე გადავიდა იმერეთს.

ხოსრო-მირზა შემოვიდა ტფილისს, ხოლო სალიმ-ხანი დაღვა კახეთს (1633 წ.).

როსტომ მეფე. ხოსრო-მირზა, რომელსაც გამეფებისას ეწოდა როსტომ მეფე, იყო უკანონო, სპარსეთში დაბადებული შვილი დაუთხანისა. ახალგაზრდობისას ის აახლეს შაჰ-აბაზს, რომელმაც დანიშნა ქართველების ყულის ჯარში. გამეფებისას ის უკვე 67 წლისა იყო. როგორც რჯულით მაჰმადიანი და თავიდანვე სპარსულ წესზე აღზრდილი, ის თავისი რწმენით დიდი მომხრე იყო ქართლში სპარსულ გავლენის დამყარებისა.

სპარსული გავლენის გაძლიერება. როსტომ მეფიდგან იწყება ქართლში მაჰმადიან მეფეთა მართველობა. ამიერიდგან აღმ. საქართველო უფრო მჭიდროდ დაუკავშირდა სპარსეთს. მეფეები ინიშნებოდნენ შაჰის მიერ და ატარებდნენ სპარსეთში ხანის სახელს, ქვეყანას კი ისინი მართავდნენ, როგორც შაჰის მოადგილენი (ვალი, ჯანიშინი). მათ ვალდებულებას შეადგენდა ყოველ წლიურად განსაზღვრულ რაოდენობის ხარჯის მოკრება და ამ ხარჯის შაჰის ხაზინაშივე წარგზავნა. დრო გამოშვებით მეფეს უნდა გაეგზავნა შაჰისთვის აგრეთვე მონები — ქალი და ვაჟნი.

როსტომ მეფემ მკვიდრი საფუძველი ჩაუყარა აღმ. საქართველოში სპარსეთის გავლენას. ქართლში მოსკლისთანავე მან ჩააყენა სპარსელების ჯარი როგორც ტფილისსა, ისე გორსა და სურამს.



როსტომს თან ჰყავდა წამოყვანილი სპარსეთიდან მრავლად გამაჰ-მედიანებული ქართველები, რომელთა შორის ბლომად იყვნენ აგრეთვე თავადების გვარეულობათა წევრნი. ამ ძალას როსტომ მეფე ეყრდნობოდა თავისი უფლების განსამტკიცებლად ქართლში. ამის შემდეგ თანდათან მართველობაში და სამეფო კარზე დიდი გავლენა მოიპოვა სპარსულმა ენამ. სახელმწიფო მართველობასაც უფრო მეტად დაეტყო სპარსული გავლენის გაძლიერება. ხელისუფალთა სახელწოდება სპარსეთში არსებულ სახელების მიხედვით შეიცვალა. მაგალითად, სპასპეტი უკვე იწოდებოდა სარდლად, მონათუხუცესს დაერქვა ყულარაღასი, მანდატურთუხუცესს — ეშიკლასი, მენტუშრეთ-უხუცესს — მეჰმანდარი და სხ. ამას გარდა შემოღებულ იქმნა სპარსეთის კარის მიხედვით, გარდა ჯერ კიდევ სვიმონ მეფის დროიდან უკვე არსებულ ვეზირის თანამდებობისა, ზოგი კიდევ სხვა მეორე ხარისხოვანი თანამდებობაც. თუმცა სპარსული გავლენის გაძლიერება აღმ. საქართველოს მართველობის სისტემას ეტყობოდა უკვე მე-XVI საუკუნის დასასრულიდან, მაგრამ განსაკუთრებულის სიცხადით ის გამოაშკარავდა როსტომ მეფის დროს. როსტომმა აიწმენა სპარსულ რიგზე ახალი სასახლე ტფილისში ანჩისხატსა და სიონს შუა, ხოლო სასახლის წინ კარის ეკლესიასთან ერთად ააგო კარის მეჩეთიც.

სპარსული გავლენის განმტკიცებას ხელს უწყობდა ის გარემოება, რომ ქართლის მეფეები ხაჭირად სთელიდნენ თავისთვის გარეშე ძალაზე დაყრდნობას ფეოდალებთან საბრძოლველად. მეფე თვით ცდილობდა გავლენიანი თავადები ჩაეთრია სპარსეთის მთავრობის სამსახურში, რათა ამით შესაძლებელი ყოფილიყო მათი ურჩობის აღაგმვა. ამით აიხსნება, რომ ზოგი დიდი ხელისუფალი უკვე როსტომ მეფის დროს და შემდეგაც სპარსეთის ხაზინიდან ლებულობს ჯამაგირს და ბევრი წარჩინებული ქართველიც სპარსეთში ყენის სამსახურში ირიცხება. ამ გვარად მეფე ხელს უწყობდა, რომ ქართლის თავადები მეტს დამოკიდებულებაში ყოფილიყვნენ სპარსეთის მთავრობისაგან, რათა ამით მათ მეტი მორიდება ჰქონოდათ მისი, როგორც შაჰის უზენაეს უფლების წარმომადგენლისა ტფილისში.

ფეოდალები და სპარსელების ბატონობა აღმ. საქართველოში.

როსტომ მეფის პოლიტიკას და საზოგადოდ სპარსულ გავლენის დამყარებას წინააღმდეგნენ ქართლის ფეოდალები. ამ დროს წარჩინებული გვარეულობა ქართლში, გარდა სამეფო დინასტიის უმცროსი შტოსი, მუხრან-ბატონის სახლისა, იყო: ქსნის და არაგვის ერისთავის სახლი, ამლახორისა, ციციშვილისა და ორბელიშვილის სახლნი. ამ გვარეულებათა თავი-ბატონები უდგნენ სათავეში ქართლის თავადებს, რომელთა ხელში იყო, მეფის გარეშე, მთელი ქართლის მოსახლეობა და ძალა. ქართლის ფეოდალებს ეშინოდათ, რომ მეფის გაძლიერება, სპარსელე-



ბის დახმარების წყალობით, შეარყევდა მათს მძლავრებას და ამიტომ ისინი ენერგიულად გამოდიოდნენ მეფის წინააღმდეგ. მაგრამ რადგან მეფენი მაჰმადიანობისადმი იყვნენ მიდრეკილნი და ამასთანავე მთლად გარეშე ძალას — სპარსეთს ეყრდნობოდნენ, ამიტომ ფეოდალების ბრძოლა მეფეებთან ლებულობდა ეროვნულ თავისებურობის და ქრისტიანობისათვის ბრძოლის ხასიათს. წოდებრივ და პირად ინტერესებს ამგვარად ეძლეოდა იღვურით ელფერი. ისიც უნდა აღინიშნოს, რომ ფეოდალების ჯგუფს ასუსტებდა შიგნით მათ შორის არსებული უთანხმოება. თითქმის არასოდეს ისინი ერთად არ გამოდიოდნენ. ზოგი მათგანი არჩევდა პირადი სარგებლიანობის, ან ვინმესადმი მტრობის მიზეზით მოწინააღმდეგის ბანაკში გადასვლას. საზოგადოდ მათს მოქმედებაში ფრიალ დიდი მნიშვნელობა ჰქონდა ინტრიგებს, შურიანობას და სხვა პირად ზრახვებს.

ასეთივე ხასიათი ჰქონდა სპარსელების მართველობასთან ბრძოლას კახეთში. სადაც აგრეთვე ფეოდალები ხშირად გამოდიოდნენ სპარსთა წინააღმდეგ.

ფეოდალები გამოდიან როსტომ მეფის წინააღმდეგ. ქართლში შემოსვლისთანავე როსტომი შეუდგა თავისი ძალა-უფლების ვანმტკიცებას. მისთვის ფრიალ საშიში მოწინააღმდეგე იყო თეიმურაზ მეფე, რომელსაც იმერეთიდან კავშირი ჰქონდა გაბმული ქართლის დიდებულ თავადებთან. რადგანაც თეიმურაზი თავისი ქალის იმერეთის ტახტის მემკვიდრეზე გათხოვებით დაემზახლა იმერთა მეფეს, ამიტომ როსტომმა თავის მხრივ მოინდომა დამოუკრება ოდიშის მთავართან, ლევან II დადიანთან, რომელიც შეურიგებელი მოწინააღმდეგე იყო იმერეთის მევისა და შეირთო ცოლად მისი და მარიამი, გურიელის ნაცოლარი. ამ გარემოებამ კიდევ უფრო დააჩქარა ქართლის ფეოდალების გამოსვლა როსტომის წინააღმდეგ, რადგან მეფის გაძლიერება თანდათან ართულებდა მათს მდგომარეობას. მოძრაობაში მოწინააღმდეგედნენ: არაგვის ერისთავი დათუნა, იოთამ ამილახორი, ნოდარ ციციშვილი, ქსნის ერისთავი იასე, ქართლის კათალიკოზი ევდემონ, ქიხოსრო ბარათაშვილი და სხ. რადგანაც მოლაპარაკებიდან არაფერი გამოვიდა, როსტომმა მოაკვლევინა ლალატით არაგვის ერისთავი და თავი მისი გაუგზავნა ყაენს. ამის შემდეგ მეფემ მოინდომა არაგვის საერისთოს დაპყრობა. მაგრამ დათუნას ძმამ ზაალმა შეკრა გზები და არ შეუშვა როსტომ თავისს სამფლობელოში. მეფე ვერას გახდა და ტფილისს დაბრუნდა. ამის შემდეგ თავადებმა მოიწვიეს იმერეთიდან თეიმურაზი ქართლში გასამეფებლად. მაგრამ ამ გეგმის განხორციელება შეუძლებელი აღმოჩნდა, რადგან როსტომს თან ჰყავდა ძლიერი ჯარი სპარსელებისა, სპარსეთის მთავრობაც მას ზურგს უმაგრებდა და ამასთანავე ქართლის თავადებშიაც არ იყო სრული ერთობა. მალე როს-



ტომმა დაამარცხა ნოდარ ციციშვილი და ახალციხეს გაავლო, რის შემდეგ არაგვის და ქსნის ერისთავნი ჯარით გადავიდნენ კახეთს, თან წაიყვანეს თეიმურაზ მეფე და გაამეფეს იქ, სალიმ-ხანი კი გადაეწესა (1636 წ.).

თეიმურაზი შეუდგა თავისი აოხრებულ ქვეყნის გამგებლობას და ცდილობდა განსაკუთრებით რუსეთთან კავშირის გაბმით თავის მდგომარეობის გაუმჯობესებას.

თეიმურაზის კახეთს გაქვევებით როსტომის მოწინააღმდეგე ფეოდალებს მოემატათ ახალი ძალა.

ახალი შეთქმულობა ქართლის ფეოდალებისა. თეიმურაზი ეხლა ქართლის დიდებულ თავადებმა აშკარად დაუპირდაპირეს როსტომ მეფეს. პირველი იყო მათ თვალში საქართველოს თვითმყოფლობის, მეორე კი სპარსეთის ბატონობის წარმომადგენელი. სიფრთხილისათვის მანც მათ ჯერ ქართლის ტახტის დასაკავებლად წამოაყენეს ბაგრატიონთ გვარის ბატონიშვილის გიორგი გოჩაშვილის კანდიდატურა. შეთქმულობაში არაგვის ერისთავის ზაალის მეთაურობით მონაწილეობას ლეებულობდნენ ქსნის ერისთავი, სომხითის მელიქი ყორხმაზ-ბეგი, ევდემონ კათალიკოზი, სააკაძეები, ბარათაშვილი და სხ. შემთქმელნი უნდა მოულოდნელად დასცემოდნენ თავს სოფ. ცხირეთს მდგარ როსტომ მეფეს. მაგრამ შეთქმულობა გასცა სომხითის მელიქმა და როდესაც თავადები უშიშრად გორს მივიდნენ, შემთქმელთა ერთი ნაწილი თავიანთ კაცებით დააპატიმრეს, სხვებმა კი მოასწრეს გაქცევა. ამ დროს თეიმურაზიც კახეთიდან ქართლს შემოსულიყო, მაგრამ ამის შემდეგ უკან გაბრუნდა. გიორგი გოჩაშვილს თვალები დათხარეს, ხოლო კათალიკოზი ტფილისს ციხის კოშკიდან გარდააგდეს.

ფეოდალები ამ გვარად ეხლაც დამარცხდნენ. ამის შემდეგ მათ აირჩიეს როსტომ მეფესთან და სპარსელებთან შორიგება. ზაალ არაგვის ერისთავი და იოთამ ამილახორი როსტომ მეფის ნებართვით ყენთან წავიდნენ. შაჰმა შემორიგების მიზნით ისინი დიდის პატივისცემით მიიღო, დიდად დაასაჩუქრა, ერისთავს, სხვათა შორის, უბოძა 15 სოფელი ყაზმინს ახლოს და შემდეგ ორივე სამშობლოში დააბრუნა.

თეიმურაზის განდევნა კახეთიდან. არაგვის ერისთავისა და ამილახორის სპარსელებთან შერიგებამ დასცა მოწინააღმდეგეთა ძალა და განამტკიცა მეფის უფლება ქართლში. თეიმურაზი ამის შემდეგ განმარტოებული დარჩა. როსტომი, სხვათა შორის, ედავებოდა მას თავისი ძმისწულის სეიმონ II მეფის სისხლს, მაგრამ ამის გარეშეც ერთმანეთის გატანა მათთვის შეუძლებელი იყო, ვინაიდან თეიმურაზი ვერ შერიგებოდა სპარსელების მორჩილ და მაჰმადიან მეფის ბატონობას ქართლში. ბოლოს მდგომარეობა იმდენად გამწვავდა, რომ როსტომმა დასძრა ჯარი თეიმურაზის განსადევნად კახეთიდან. ქართლის ჯარი ვაიგზავნა თიანეთზე, სადაც მას შეებრძოლა თეიმურაზი, მაგრამ დამარცხდა, და ამავე დროს სპარსელები მოადგნენ მალაროს და მოკლეს ბრძოლაში თეიმურაზის შვილი დავით ბატონიშვილი (1648 წ.).



ამის შემდეგ თეიმურაზს სხვა არაფერი დარჩენოდა იმის მეტი, რომ როსტომისთვის იმერეთს წასასვლელი გზა ეთხოვა, რის ნებაც მიიღო.

დავით ბატონიშვილის და სხვა დახოცილ კახთა თავები როსტომმა გაგზავნა ყაენთან, თვითონ კი დაიპყრა კახეთი.

თეიმურაზი ამის შემდეგ ცხოვრობდა იმერეთს სკანდის ციხეში, 1661 წ. ქართლის მეფემ შაჰნავაზმა დალაშქრა იმერეთი და გამოიყვანა სკანდიდგან თეიმურაზი, რომელიც ყაენის ნებართვით გაგზავნილ იქმნა სპარსეთს, სადაც შაჰ-აბაზ II-მ მიიღო ის დიდის პატივით. მაგრამ შემდეგ, რადგანაც თეიმურაზი უარს ამბობდა გამაჰმადიანებაზედ, ის დაპატიმრეს ასტრახათს, სადაც მრავალტანჯული მეფე გარდაიცვალა ზამთარს 1663 წ..

ასე დაამთავრა თავისი სიცოცხლე მე-XVII საუკუნის ერთ უკეთილშობილეს ქართველმა, დიდმა პატრიოტმა და მალალ-ნიჭიერმა პოეტმა.

თათრების დასახლება კახეთს. თეიმურაზის განდევნის შემდეგ ქართლ-კახეთი როსტომ მეფის მბრძანებლობის ქვეშ გავრთიანებული იყო 1656 წლამდის როდესაც შაჰ-აბაზ II-ის ბრძანებით კახეთის მართველად დაინიშნა ისევ სალიმ-ხანი, ხოლო ერწო-თიანეთი კი მიეცა ზაალ არაგვის ერისთავს.

სალიმ-ხანის დანიშვნა გამოწვეული იყო იმ გარემოებით, რომ კახეთი ამ დროს ჯერ კიდევ დაცალიერებული იყო და ამიტომ სპარსეთის მთავრობას განზრახული ჰქონდა თათრების იქ დასახლება თავისი ბატონობის სამუდამოდ უზრუნველსაყოფად. აზერბეიჯანიდან ამ მიზნით წამოყვანილ იქმნა 15 ათასი კომლი თათარი ჯევანშირისა, ბაიათ-არბატანისა და სხვა ელთა და ყველანი დასახლებულ იქმნენ — უმრავლესი კახეთის განაპირა ადგილას, ხოლო ნაწილი კი თვით შიგნით კახეთს.

შაჰნავაზი გამოცხადდა ქართლის მეფედ. ღრმად მოხუცებული როსტომ მეფე გარდაიცვალა 1658 წ. და მის მავივრად ყაენის მიერ მეფედ დამტკიცებულ იქმნა შაჰნავაზად წოდებული ვახტანგ მუხრან-ბატონი, გამაჰმადიანებული, რომლის მემკვიდრედ გამოცხადებას თხოულობდა ჯერ კიდევ თავისი სიცოცხლეში როსტომი. როსტომ მეფის სიკვდილით ისარგებლეს ქართლის ფეოდალებმა, რომელნიც ხელახლა წამოდგნენ სპარსელების წინააღმდეგ. ზაალ არაგვის ერისთავმა არ იცნო შაჰნავაზი მეფედ და ჯერ კიდევ შაჰის ბრძანების მოსვლამდის მისი მეფობის დამტკიცების შესახებ მივიდა ტფილისს და დადგა ავლობარს ჯარით. როდესაც საბოლოოდ გამოიჩვენა შაჰნავაზის მეფედ დამტკიცება, ერისთავი უკან გაბრუნდა, მაგრამ მხოლოდ მარჯვე დროს უკვდიდა ახალ გამოსვლის მოსახდენად.

თათრების ამოწყვეტა შიგნით კახეთში. ქართლის ფეოდალების ყურადღებას იქცევდა არა მარტო ქართლის მდგომარეობა, არამედ კახეთის საქმეებიც. სალიმ, კახეთის ხანი, ენერგიულად მოქმედობდა მაჰმადიანობის გასაერცვლებლად. შიგნით კახეთს დასახლებულ თათრებს ჩაუვარდათ ხელში ბახტრიონი, აღავერდი და სხვა მნიშვნელოვანი ადგილები, ეკლესიები დაანგრიეს ანდა საქონლის სამყოფლად გახადეს. თათრების ძალადობას თან ემატებოდა ლეკების თარეშები. ლეკნი კვლავინდებურად დას-დასად ეცემოდნენ სოფლებს და აოხრებდნენ ქვეყანას. ზაალ ერისთავი 1658 წლიდან დანიშნული იყო სალიმ-ხანის ვეზირად, მაგრამ სპარსელების პოლიტიკასთან ვერაფერს აწყობდა. როდესაც თათართა მძლავრება ყოველს საზღვარს გარდასცილდა, რაც გამოიხატა, სხვათა შორის, ერთი მღვდლის ყოვლად უმგვანოდ შეურაცხყოფაში, მაშინ ზაალ ერისთავმა იშიშვლა ხმალი, შემოიფიცა საერისთო, თუ მ-ფ შეეხევესურნი, სუფრაჯი ბიძინა ჩოლაყაშვილი, ქსნის ერისთავი შალვა, ამისი ძმა ელიზბარ ერისთვისშვილი და ყველანი ესენი ბავისი შვილის მეთაურობით თავს დაასხა ბახტრიონს თათართ, რომელნიც მთლად ამოსწყვიტეს. ამის შემდეგ ესევე ჯარი დეცა თათართ აღავერდს და აგრეთვე შიგნით კახეთის სხვა ადგილებს და ყველგან მათ მუსლირი გააღლეს ისე, რომ ძუძუ-მწოვარა ბავშვებიც არ დაუზოგავთ. შიდა-კახეთში ამნაირად მოსაქეს ჩამოსახლებული თათრობა (1659 წ.). ყარაღაჯს მყოფი სალიმ-ხანი გაიქცა სპარსეთს, საიდგანაც მალე წამოვიდა კახეთის ახალი ხანად დანიშნული მურთუზ-ალი ჯარით და შეუდგა სპარსელების ძალა-უფლების ხელახლად დამყარებას კახეთში.

ზაალ ერისთავის სიკვდილი და ამისი შედეგი. ცოტა ხნის შემდეგ ზაალ ერისთავმა ისარგებლა იმ დროთი, როდესაც შაჰნავაზი ვართული იყო იმერეთში ლაშქრობით და მოახდინა აჯანყება ქართლის მეფის წინააღმდეგ. მაშინ შაჰნავაზმა გადმოიბირა თავისკენ ზაალის ძმის წულნი და დისწულნი და მოაკვლევინა მათ ღუშეთს ბიძა. ერთი ამ ძმისწულთაგანი დანიშნულ იქნა არაგვის ერისთავად.

ამ ნაირად დაიღუპა ზაალი, ქართლ-კახეთის ცხოვრების ზედა-პირზედ ამ დროს ერთი შესანიშნავი პიროვნებათაგანი.

ზაალის სიკვდილი დიდი დანაკლისი იყო სპარსეთის მოწინააღმდეგე ფეოდალთა ჯგუფისათვის, რომელიც ამის შემდეგ თანდათან დიშალა. კახეთის თავადებმა მალე მორჩილება გამოუცხადეს მურთუზ-ალი-ხანს, ქსნის ერისთავმა შალვამ და მისმა ძმამ ელიზბარმაც იარალი დაყარეს, მაგრამ შაჰნავაზთან მისვლას, ისევე კახეთის ხანზე მინდობა არჩიეს. როგორც შალვა, ისე ელიზბარი და აგრეთვე ბიძინა ჩოლაყაშვილი სხვა თავადებთან ერთად ჩავიდნენ ხანთან ყარაღაჯს. მაგრამ იქ სამივე შეიპყრეს და გაგზავნეს სპარსეთს. შაჰაბაზ II-მ გადასცა ისინი

კახეთში ამოწყვეტილ თათრების ელის მესისხლეთ (1661 წ.), რომელ-
თაც საშვიე სიკვდილს მისცეს. საქართველოს ეკლესიამ შერაცხა დასჯი-
ლნი წმიდათა შორის.

კახეთის აჯანყება. ქართლი ამის შემდეგ დროებით დაწყნარდა
მაგრამ კახეთში კი შვიდობიანობა დიდხანს არ გაგრძელებულა. ამისი
მიზეზი იყო ის გარემოება, რომ კახეთის მოწინავე წრეები ვერ შერი-
გებოდნენ სპარსელ ხანის მათზე ბატონობას. ჯერ კიდევ ზაალ ერისთავს
გამოეწერა რუსეთიდან იქ მყოფი შვილის შვილი თეიმურაზისა ერეკლე
ბატონი შვილი. დავითის ძე, რომელიც ითვლებოდა კახეთის ტახტის ერ-
თად-ერთ მემკვიდრედ და როდესაც ერეკლე თავის დედითურთ მოვი-
და თუშეთს, კახი თავადები კვლავ აჯანყდნენ ქვეყნის განთავისუფლე-
ბის მიზნით. შაჰნავაზმა და კახეთის ხანმა ეს ამბავი აუწყეს ყენს, რო-
მელმაც ბრძანა ერეკლეს შეპყრობა ან განდევნა. ამისთვის შაჰნავაზის
განკარგულებაში დანიშნენ ყაზახ-შამშადილისა და ლორის ხანები მა-
თი ჯარით. ერეკლე დამარცხდა და შემდეგ ჩაიკეტა თორღას ციხეში.
შაშინ ერეკლეს დედამ ელენემ სთხოვა შაჰნავაზს მათი გაპარება ციხი-
დგან, რათა ამით იხსნას ისინი სპარსთა ტყვეობისა და გამაჰმადიანებისა-
გან. შაჰნავაზი დასთანხმდა და გაუშვა ფარულად ციხიდან დედა შვილი.
ერეკლე ავიდა თუშეთს, ხოლო კახეთი დაიპყრა შაჰნავაზმა.

არჩილ კახეთის მეფე. კახეთის არეულებებმა შთაბეჭდილება
იქონია სპარსეთის მთავრობაზე, რომელმაც ვაიწვია უკან სპარსელი ხა-
ნი და მის მაგივრად კახ-ბატონად დანიშნა არჩილი, შაჰნავაზის ძე, რო-
მელიც 1661 წ. ცოტა ხანს, როდესაც ქართლის მეფემ იმერეთი დალა-
შქრა, იმერთა მეფედ იყო. არჩილი ამ დროს იმყოფებოდა სპარსეთს,
სადაც გვიამილახორთან და სხვა თავის მზღებელ ქართველებთან ერთად
ის გამაჰმადიანდა და დიდის საჩუქრებით მოვიდა კახეთს.

არჩილი იყო კარგად განათლებული, ჩინებულად მცოდნე ქართუ-
ლი მწერლობისა და აგრეთვე სპარსული ენისაც. თავისი კეთილშობილი ბუნ-
ებით ის შეიძლება ჩათვალოს ამ დროის ერთი საუკეთესო წარ-
მომადგენლად. ამასთანავე როგორც საკმაოდ ნიჭიერი პოეტი, ის მის მიერ
გამოვლილ შრავლეგარ პოლიტიკურ უბედობის დროს ეძიებდა შევებას
მელექსეობაში. ხოლო ეს უბედობა მას ძლიერ ხშირად ხვდებოდა, რო-
გორც საკუთარ პოლიტიკურ აღლოს უქონლობისა, ისე საქართველოს
მაშინდელ პოლიტიკურ ცხოვრების პირობებისა გამო.

არჩილი კახეთში გამეფებისთანავე პირველად შეეცადა ერეკლესთან
მორიგებას. ეს ცდა გათავდა მათი დამოყვრებით. არჩილმა შეირთო ცო-
ლად ერეკლეს და ქეთევანი, რის შემდეგ ერეკლე ბატონი შვილი წავი-
და სპარსეთს ყენის კარზე გამოსაცხადებლად. არჩილის ამ დანათესავებამ
კახეთის მემკვიდრე ბატონი შვილთან დაამოშინა კახეთის თავადები და
მეფეც ამის შემდეგ შეუღლა შინაურ საქმეების მოგვარებას. თავის სტატუსო

ქალაქად მან ნაცვლად ყარაღაჯისა, რომლისთვის ხანების მფლობელობას თათრული ბეჭედი დაესვა, გახადა თელავი, განაახლა კახეთს ეკლესიანი, დასვე- ეპისკოპოზობები და განსაკუთრებით ცდილობდა მოსახლეობის მოლონიერებას. ლეკნი ამ დროს აობრებდნენ წვრილ-წვრილი თარეშებით განსაკუთრებით გაღმა-მხარს და ელისეხს, მაგრამ აქაც მეფე ახერხებდა რამოდენადმე მათ ალაგმვას.

სპარსეთი და შაჰნავაზი. ქართლშიაც ცხოვრება შედარებით წესიერად მიდიოდა. შაჰნავაზმა დაამყარა შშვილობა და ქვეყანა მოსვენებას მიეცა. ფეოდალები ხან-და-ხან წამოყოფდნენ ხოლმე თავს, მაგრამ მეფე ყოველთვის ასწრობდა ყოველ გვარ მოულოდნელობის თავიდან აცილებას. თავისი აზრიანი პოლიტიკის წყალობით შაჰნავაზი თან-და-თან ძლიერდებოდა. მისი გავლენის ზრდას ხელს უწყობდა ავრეთვე ის დიდი სიმდიდრე, რომელიც მან მოიხვეჭა 1661 წ. ლიხთ იმერეთის დილაშქრვის დროს. შაჰნავაზის განდიდებას ყურადღებას მიაქციეს სპარსეთში და თავისი ინტერესებისათვის სასარგებლოდ არ ჩასთვალეს. ამიტომ სპარსეთის მთავრობამ დაიწყო სხვა-და-სხვა ზომების მიღება ერთის მხრივ მეფის დასასუსტებლად და მეორეს მხრივ თავისი უფლების უზრუნველსაყოფად აღმ; საქართველოში. ამით აიხსნება, რომ სპარსეთის მთავრობა ცდილობდა ესლა შაჰნავაზის მოწინააღმდეგე ფეოდალებთან საქმის დაქერას. ასე, მაგ., შაჰმა გაიწვია თავისთან ოთარ არაგვის ერისთავი და დიდად დასაჩუქრებული უკან დააბრუნა. შემდეგ, სპარსეთის ხაზინის ხარჯზე ქალაქ ტფილისს მოავლეს ქეითკირის ზღუდე და კარებში დააყენეს მცველებად ყიზილბაშები. შაჰნავაზი მიხვდა, რომ ამით სპარსელებს უნდოდათ საქიროებისას თავისთვის მეფის შეპყრობა გაეადვილებინათ და ამიტომ ქალაქის ზღუდეს გარეთ გარდასახლდა. მაშინ სპარსელებმა მოხსნეს ზღუდის კარებიდან მცველები.

შაჰნავაზსა და სპარსეთის მთავრობას შორის ურთიერთობას აუარესებლად კიდევ პირადი ხასიათის ფაქტები. სპარსეთის პირველი ვეზირი (ეთიმაღოვლი) შიხალი-ხანი ქართლის ბატონის პირადი მტერი იყო, რადგანაც შაჰნავაზმა თავისი ქალი და შაჰ-აბაზ II-ის ცოლ-ყოფილი ანუჟა მიათხოვა ლორის ხანს და არა მას. ამის შემდეგ შიხალი-ხანი ვახდა დიდი მოწინააღმდეგე შაჰნავაზის ოჯახისა.

ბოლოს შაჰნავაზის დასასუსტებლად სპარსეთის მთავრობამ განიზრახა რუსეთიდან ერეკლე ბატონიშვილის გამოწერა, რათა ბაგრატიონთა სახლის ერთი მემკვიდრეთაგანი ყოველ შემთხვევისათვის ხელში ყოლოდა. ერეკლე ამის შემდეგ მოვიდა კახეთს, სადაც ის ისტუმრა კეთილად მისმა სიძემ არჩილმა.

არჩილი გრძნობდა, რომ ერეკლესათვის მემკვიდრეობითი წესით უფრო უპრიანია კახეთს მეფობა. ამასთანავე სპარსთა ბატონობის ქვეშ შაჰმადიანობის ნიღბით ყოფნა ქრისტიანობის დიდად მოყვარულ არჩილისათვის ფრიალ საძნელო იყო. ამ დროს იმერეთის წარჩინებულთ

ერთი ჯგუფი არჩილს იწვევს ქუთაისს გასამეფებლად. ამით ისარგებლა არჩილმა, მიანება თავი კახეთს და გადავიდა ახალციხეს, რათა ოსმალთა დახმარებით და დასტურით დაეჭირა იმერეთი.

გიორგი XI-ს გაბატონება ქართლს. ამის შემდეგ მალე გარდაიცვალა სპარსეთს ყაენის წინაშე თავის გასამართლებლად წასული შაჰნავაზი (1675 წ.). ამ ამბვის მიღების თანავე არჩილი შემოვიდა ქართლს და დიწყო თავადების შემოპტკიცება. ამით მას უნდოდა საქმე გაეყეთებინა თავისს ძმის გიორგი ბატონიშვილისათვის, რომლისთვის ყაენი, ქართლის განდგომის შიშით, იძულებული იქმნებოდა ქართლის ტახტი მოეცა. ასეც მოხდა. გიორგიმ მიიღო მაჰმადიანობა და დაინიშნა ქართლის ბატონად. გიორგი XI მოვიდა ტფილისს იანვარს 1676 წ. და შეუდგა ქვეყნის მართვას.

ამავე დროს კახეთის მართველად დაინიშნა სპარსი ბეჟან-ხანი.

სპარსეთის მთავრობა ცდილობს ქართლის ფეოდალების გადბირებას. გიორგი XI-ს თავიდანვე დიდს დაბრკოლებებთან მოუხდა ბრძოლა. ქართლის ბატონად ის დანიშნულ იქმნა წინააღმდეგ თვით სპარსეთის მთავრობის სურვილისა, ამიტომაც მისი მდგომარეობა ფრიად სერიოზული იყო. შაჰ-სულეიმანმა ქართლის საქმეებისათვის თვადყურის დეენება მიანდო თავრიზის ბეგლარბეგს აჯი-ალი-ხანს, რომელსაც ნაბრძანები ჰქონდა გიორგი მეფის დასაპირდაპირებლად დიდ თავადების გულის მოგება. თავრიზის ბეგლარბეგიც შეუდგა საქმეს.

მართლაც მალე ქართლის ზოგი წარჩინებულთაგანი აშკარად გადავიდა სპარსეთის მხარეს, ლეულობდა ჯამაგირს ყაენის ხაზინიდან და თავისი ერთგულობის დასამტკიცებლად კიდევ მაჰმადიანდებოდა. ამ გვარად თან-და-თან გაულდგნენ მეფეს არავის ერისთავი ისონ, მუხრან-ბატონისძე ერეკლე, სომხეთის მელიქი ქამარ-ბეგი, ხოლო გივი ამილახორი, თეიმურაზ მუხრან-ბატონი, ქაიხოსრო ციციშვილი და ქსნის ერისთავი კიდევ მეფის ერთგულებაზედ იდგნენ. გიორგი მეფემ შეჩენილ კაცთ მოაშთობინა ისონ ერისთავი და შემდეგ გააბა მოლაპარაკება სპარსელების მოწინააღმდეგე კახეთის თავ-კაცებთან.

გიორგი XI სპარსეთის წინააღმდეგ. ყარაღაჯს მჯდომი კახეთის ხანი ცდილობდა კახეთის საბოლოოდ სპარსეთთან დაკავშირებას ლეკებისა და თათრებისადმი მფარველობის გაწევით და რადგანაც კახნი წინააღმდეგობას უწევდნენ ხანის პოლიტიკას, ამიტომ ის ნებას აძლევდა ქარელ ლეკებს და ფადარის თათრის ელს მუღმივ ქურდულ თავდასხმებით შეეწუხებინათ კახეთის ურჩი სოფლები და თავადები. მე-XVII საუკუნის პირველ ნახევარში გამოვლილ საშინელ აოხრებათა შემდეგ კახეთი ამ დროს ცოტათი მოლონიერებულყოფიყო, მაგრამ ამ ახალ თავდასხმათა გაძლიერებისა გამო ისევ გაჭირვებაში ჩავარდა.

კახეთის წარჩინებულ თავადების ერთი ნაწილი, სახლთუხუცესი გა-

მაჰმადიანებული რევზ ჩოლაყაშვილი, ქიზიყის მოურავი აბელ, ელისენის მოურავი მერაბ, მაინც ხანს უღვწენ გვერდში, ზოგი კიდევ მარჯვე დროს უცდიდა ხანთან ანგარიშის გამასწორებლად.

ამ დროს გიორგი მეფე აშკარად გადუღდა სპარსელებს და ხანის მოწინააღმდეგე კახელებთან შეთანხმებით მოინდომა კახეთის დაპყრობა, რათა შეერთებული ქართლ-კახეთის ძალით უფრო ადვილი ყოფილიყო სპარსეთთან გამკლავება. გიორგიმ გაილაშქრა კახეთს, მაგრამ ამ ლაშქრობიდან არა გამოვიდა-რა, რადგანაც გზად მეფეს გაეპარა თავისი ჯარით მეწინავეს სარდალი თამაზ ყაფლანიშვილი (ორბელიშვილი), რის გამო მთელი გეგმა ჩაიშალა.

ამის შემდეგ გიორგი XI-მ გაილაშქრა არაგვის ერისთავის გიორგი იასონის ძის წინააღმდეგ. პირველ შეტაკებაში მეფის ჯარი ძლიერ დაზიანდა, ბრძოლაში სხვათა შორის მოკლულ იქნა ტფილელი მთავარ-ენისკომოზი იოსებ სააკაძე და ქაიხოსრო ციციშვილი, მაგრამ მეფე მაინც მივიდა ბაზალეთს. ამ ლაშქრობიდანაც ბოლოს არა გამოვიდა-რა, რადგან ქსნის ერისთავი არა თუ არ მიყვა მეფეს, არამედ მან საშუალება მისცა დამარცხებულ გიორგი ერისთავს თავისთვის ეშველა და შემდეგ თავადებთან შეთანხმებით უკან გააპარა მეფის ჯარის ერთი ნაწილი. ასეთს პირობებში მეფე იძულებული გახდა ლაშქრობა მოეშალა და უკან დაბრუნებულიყო.

ქართლის ბატონად ინიშნება ერეკლე I. ასეთი იყო მდგომარეობა ქართლში, როდესაც სპარსეთის მთავრობამ ვარდასწყვიტა გიორგი XI-ს გადაყენება. უკვე 14 წელიწადი ისაანში ყაენის კარზე იმყოფებოდა ერეკლე ბატონიშვილი, რომელიც აქამდის უარს ამბობდა მაჰმადიანობის მიღებაზედ, მაგრამ ესლა, როდესაც დაისვა საკითხი ქართლში ახალი მართველის დანიშვნის შესახებ, მან თავისს მხოლოდელ კახთა დაჟინებით თანხმობა განაცხადა გამაჰმადიანებაზე, მიიღო ნაზარ-ალი-ხანის სახელი, რის შემდეგ დანიშნა ქართლის გამგედ. ამისი გამგონე ქართლის თავადების დიდი ნაწილი შეუდგა მზადებას ახალი მეფის შესახვედრად. სარდალი თამაზ ყაფლანიშვილი შევიდა ტფლისის ციხეში და აშკარად გადუღდა გიორგი XI-ს, სხვებიც გაეგებნენ ერეკლე მეფეს გზად. ამის შემდეგ გიორგი მეფე გადავიდა რაქას (1683 წ.).

მეფე ერეკლე I—ნაზარალი-ხანი. ერეკლე I—ნაზარალი-ხანის ქართლში დანიშნით სპარსეთის მთავრობას უნდოდა თავისი გავლენის აქ განმტკიცება. თავრიზის ბელგარბეგს ებრძანა გაეწია მისთვის პირველ მოთხოვნისთანავე დახმარება წესრიგის დასამყარებლად და ურჩთა დასამორჩილებლად.

ახალი მეფე იყო ქართულ ზნე-ჩვეულებათა სრულიად უცოდინარი. თითქმის მთელი თავისი სიცოცხლე მას გაეტარებინა ჯერ რუსეთს და შემდეგ სპარსეთს. ყაენის კარის ცხოვრებას მისთვის დიდი დალი დაემ-



ჩნია და ამიტომ გამეფებისთანავე მან მოინდომა ისეთივე უკიდურესად რადიკალი პოლიტიკის წარმოება, როგორც ეს ამ დროს დესპოტიურ სპარსეთში იყო. უპირველეს ხელისუფლებად დანიშნულ იქმნენ ახალი პირნი, მსხვილ ფეოდალურ გვარეულობათა წევრნი კი, ისეთნიც, რომელნიც გიორგი XI-ს მოწინააღმდეგე იყვნენ, თვალსაჩინოდ დამცირდნენ. ასე, ვეზირად დანიშნულ იქმნა სპარსი ყიასა, სახლთუხუცესად ბებურიშვილი (კახეთიდან) და სხ. ქართლის თავი-კაცი—გიეი ამილახორი, სარდალი თამაზ ყაფლანიშვილი, დავით ქსნის ერისთავი, ამოთან მუხრან-ბატონი—სამეფო კარზე უკვე უწინდებურათ მიღებული არ იყვნენ. ნახარალი-ხანიამ გამოცვალა აგრეთვე კათალიკოზი და ზოგი ეპისკოპოზიც. მისს მთავარ დასაყრდნობ ძალას წარმოადგენდა ტფილისის ციხის მკველი ყიზილბაშთა ჯარი, რომელიც მისს დროს ფრიად განლაღდა, ხშირად იტაცებდა ტყვედ მშვიდობიან მცხოვრებთ, შემდეგ ყილდა მათ ანდა ამაჰმადიანებდა. ეს ციხის ჯარი სპარსელებისა ნამდვილს შიშის ზარს გვირბა მცხოვრებთ. ქართლში საზოგადოდ ცხოვრება გაჭირდა და ამიტომ ბევრი მცხოვრები, განსაკუთრებით აღმოსავლეთ ნაწილიდან იყრებოდა და სახლდებოდა კახეთში, სადაც ამ დროს განჯის ბეგლარბეგის აბაზ-ყული-ხანის მართველობის დროს შედარებით უკეთესი პირობები იყო. მცხოვრებთა ამ გადასახლებას ქართლიდან ხელს უწყობდა თვით ნახარალი-ხანი, რადგანაც, როგორც კახეთის შემკვიდრე ბატონიშვილი, თავისს ბატონობას ქართლში ის უყურებდა როგორც დროებით მოვლენას და კახეთში გამეფების იმედს არ ჰკარგავდა. ნახარალი-ხანი აღიარებდა გიორგი XI-ს უფლებას ქართლზე, მაგრამ სპარსელების შიშით მაინც იძულებული იყო მის წინააღმდეგ ბრძოლა ეწარმოებინა.

ქართლის ფეოდალები ისევ გამოდიან სპარსელების წინააღმდეგ. ერეკლე—ნახარალი-ხანის პოლიტიკამ ქართლის ფეოდალთა მიმართ ააზხედრა ეს უკანაქნელნი მის წინააღმდეგ. მათი მოწვევით გიგი მეფე მოვიდა შიდა-ქართლს ახალციხიდან, სადაც ის ოსმალებს ჰყავდათ ამ დროს დაპატიმრებული, და შეუდგა თავისს მომხრეთა შეკავშირებას. თავადები ნელ-ნელა მიერთვნენ მას. ამისი გამგონე ერეკლე I შევიდა ტფილისს, იქვე მივიდნენ მისს ერთგულებაზე დარჩენილნი თავადები, როგორც, მაგ., საციციანოს ბატონი ქაიხოსრო ციციშვილი. გიორგი მეფემ საციციანო მისცა ქაიხოსროს ძმისწულს ციცის, გამოსცვალა ერეკლეს მიერ დადგენილი კათალიკოზი და შემდეგ მიაღვა ტფილისს. აქედგან გიორგი გადავიდა კახეთს, სადაც სპარსელების წინააღმდეგ მას მიემხრო კახელების ერთი ნაწილი, მათ შორის ხანისაგან უკუმდგარი სახლთუხუცესი რევაზ ჩოლოყაშვილი.

ამ გვარად დაიწყო ბრძოლა ერეკლესა და სპარსელებსა ერთის მხრივ და გიორგის XI-ს და მის მომხრე ქართლ-კახეთის თავადების უმეტეს ნაწილს შორის მეორე მხრივ. მიუხედავად ხშირ-ხშირ შეტა-



კებებისა სხვა-და-სხვა ადგილას, გარდამწყვეტ შედეგს ვერც ერთმა მხარემ ვერ მიიღწია, რადგან გიორგი XI-ს მხარეზე მყოფი თავადები ძლიერ შიშინობდნენ სპარსელებთან ურთიერთობის გამწვავებას და ამიტომ ძლიერ ფრთხილად იქცეოდნენ. იყო შინა-გამცემლობის შემთხვევებიც.

ბრძოლა ერეკლესა და გიორგი XI-ს შორის ფრიად გაჭიანურდა და ბოლოს შაჰ-სულთან-ჰუსეინმა გამოგზავნა სპარსეთიდან კახეთის მართველად და ქართლის დასამშვიდებლად ჯარით ქალბალი-ხანი. გიორგი მეფეს უნდოდა ბრძოლით შეხვედროდა სპარსეთიდან მომავალს ჯარს, მაგრამ თავადები ამისი წინააღმდეგი ვახდნენ. თამაზ ყაფლანიშვილს ეშინოდა საყაფლანიშვილოს აოხრებისა, სხვებს კიდეც საზოგადოდ სპარსელების სისხლის დაღებისა. ამიტომაც მეფე იძულებული იყო მხოლოდ წვრილი შეტაკებებით დაკმაყოფილებულიყო, ხოლო როდესაც სპარსნი შემოვიდნენ ტფილისს და შიდა-ქართლში, გიორგი XI გადავიდა იმერეთს (1695 წ.).

ამის შემდეგ გიორგი XI-ს მომხრე თავადები დაიქსაქსნენ. პაპუნა მუხრან-ბატონი და სარდალი თამაზ ორბელიანი (ყაფლანიშვილი) გამოცხადდნენ ქალბალი-ხანთან, რომელმაც ისინი წარგზავნა სპარსეთს ყაენთან. დავით, ქსნის ერისთავი, თავისსავე ყმებს მიეყვანათ ნაზარალი-ხანთან. ამის შემდეგ მთელი ქართლი დაემორჩილა ნაზარალი-ხანს.

ეხლა გიორგი XI-საც იმის მეტი არაფელი დარჩენოდა, რომ თითონაც სპარსეთის მთავრობასთან მორიგება ეცადა. შუამავლობა იკისრა ქალბალი-ხანის პირადი მტრობით ერევნის ხანმა, რომლის შუამდგომლობით შაჰი შეურავდა გიორგის და გამოუგზავნა მას მეჰმანდარი (მესტუმრე), რომელმაც პატივით მიაცილა მეფე სპარსეთს.

ნაზარალი-ხანმა ამის შემდეგ დაიპყრო მტკიცედ ქართლი და ცდილობდა თავის მდგომარეობის გამაგრებას ყველა მაღალ თანამდებობაზე თავის მომხრეთა ჩაყენებით. ტფილისს, გორსა და სურამს იდგა ძლიერი რაზმი სპარსელებისა, რომელიც აწოკებდა ხალხს, ატყვევებდა მცხოვრებთ და ყილდა მათ.

ამ გვარად მე-XVII საუკუნის მიწურულს ქართლს და აგრეთვე კახეთის დაღებულ თავადების მიერ სწავსულების და მათ მიერ დაეხებულ მკჷმადიან შეფუების წინააღმდეგ მკჷ-ახაზ I-ის და რუსტომ მეფის დროიდან წარმოებული ბრძოლა დასაგრდა თავადების დაშარცხებით. ქართლ-კახეთში ამის შემდეგ სწავსუეთის მართველობას და პოლიტიკას ძლიერი მკჷწინააღმდეგე არ მკჷყდა.

სპარსეთის დასუსტება. მე-XVII საუკუნეში სპარსეთი თანდათან უახლოვდებოდა თავისი დაცემის ხანას. საერთო ეკონომიურ კეთილდღეობის უკან დახევამ წინა-აზიაში ნელ-ნელა გამოფიტა ირანის შინაგანი შემოქმედებითი და კულტურული ძალაც, რაც განსაკუთრებულ



ლის სიკხადით გამოჩნდა მე-XVII საუკუნის დასასრულიდგან. სპარსეთის დაცემას ხელი შეუწყო ოსმაოეთთან მე-XVI—XVII საუკუნეებში წარმოებულმა მუღდიშმა ომებმა, რასაც თან დაერთო დესპოტიური ხასიათის და ყოვლად უვარგისი წესი მართველობისა. მე-XVII საუკუნის დასასრულს სპარსეთის ტახტზე იჯდა შაჰ-სულთან-ჰუსეინი, სუსტი ნების ყოფის ადამიანი, რომელიც მთელს დროს შარაზხანაში ატარებდა და სახელმწიფო საქმეებს ყურადღებას არ აქცევდა. იმპერიის უმაღლესი მართვა-გამგეობა ხელში ჩაუვარდათ სასულიერო პირთ და შაჰის შარაზხანიდან გამოსულ საჭურისებს.

ავღანელები. ამ დროს იმპერიის აღმოსავლეთ საზღვარზე ამოძრავდნენ ავღანელები. ავღანისტანი დასახლებული იყო ერანელების მოდგმის ტომებით, მაგრამ რადგანაც ისინი სუნიტები იყვნენ, ამიტომ სარწმუნოებრივი განსხვავება მთლად აშორებდა მათ შიიტ სპარსელებს. ავღანელებს უნდოდათ სპარსეთისაგან დამოუკიდებლობა მოეპოვათ, რაშიდაც მათ ხელს უწყობდა ინდოეთის მოგოლთა იმპერიის მთავრობა. მათი წინამძღოლი მე-XVII საუკუნის მიწურულს იყო შირვეისი. შაჰ-სულთან-ჰუსეინი პირველად ყურადღებას არ აქცევდა აღმოსავლეთ მხარეს მომხდარ ამბებს, მაგრამ რადგანაც სპარსელების ჯარი რამდენჯერმე დამარცხდა და ავღანთა ამბოხებაც თანდათან იზრდებოდა, ამიტომ სპარსეთის მთავრობამ გარდასწყვიტა სერიოზულ ზომების მიღება. შაჰმა წინადადება მისცა გიორგი მეფეს ეკისრა სპარსელების ჯარის მხედართ-მთავრობა და სამაგიეროდ დაპირდა მას ქართლის მიცემას. ბევრი ყოყმანის შემდეგ ქართველების დაჟინებით მეფე დასთანხმდა შაჰის წინადადებას და სპარსელების ჯარით და ქართველ რაზმების თანხლებით გაემართა ავღანელების წინააღმდეგ სალაშქროდ. მაშინ ქართლის მეფეს ერეკლე - ნახარალი-ხანს მისცეს კახეთი და ყულარალასობა და გაიწვიეს სპარსეთში, ხოლო ქართლის გამგედ კი დაინიშნა გიორგის თხოვნისამებრ ძმისწული მისი ვახტანგ ლევანის ძე (1703 წ.).

ვახტანგ სულთმდებელი. ვახტანგის გამგედ დანიშნას ქართლში სიამოვნებით შეხედნენ. როგორც გიორგი მეფის ოჯახის წევრმა, მან აღვილად შესძლო კარგი ურთიერთობის დამყარება დიდებულ თავადებთან. ამავე დროს ის დიდის სიფრთხილით ეპყრობოდა ყველა იმ პირთ, რომელნიც წინად ნახარალი-ხანის მხარეს იყვნენ. ასეთმა პოლიტიკამ დაამყარა შიგნით მშვიდობიანობა და შესაძლებლად გახდა ფიქრი შემოქმედებით სახელმწიფოებრივ მუშაობასა და კულტურულ აღორძინებაზედ. ვახტანგი მხნედ შეუდგა საქმიანობას. სოფლების ახლად გაშენებით და არსების გაყვანით ის ცდილობდა მოსახლეობის მომრავლებას და მეურნეობის აწევას. უმეტესი ნაწილი ქართლიდგან ნახარალი-ხანის დროს გადასულ მცხოვრებლებისა მან უკან მოაყვანინა. რადგან ტყვის ყიდვა დიდად აზარალებდა მოსახლეობას, ამიტომ ის მთლად აღკრძალულ იქმნა. ტფილისში მყოფ სპარსელების ჯარი ვახ-



ტანგმა დაამდაბლა, შეამცირა აგრეთვე თათართა და მაჰმადიანთა მნიშვნელობა სამეფოში. სამართლის საქმის განსამტკიცებლად შედგენილ იქმნა ქართული სჯულის კრებული, რომელსაც ბოლოს დაერთო თვით ვახტანგის სამართალი. ეს უკანასკნელი შესდგება 267 მუხლისაგან. მანვე გახსნა 1709 წ. პირველი ქართული სტამბა ტფილისში, სადაც მისდროს დაიბეჭდა 6 სხვა-და-სხვა სასულიერო წიგნი, ხოლო 1712 წ. კი მხედრულად „ვეფხისტყაოსანიც“. მანვე შეადგინა ვრცელი გარიგება სამეფო კარისა და სახელმწიფოს შეწოხავლისა. საზოგადოდ ვახტანგის გამგებლობის დროს ქართლის სახელმწიფოებრივ ცხოვრებას თვალსაჩინო გაუმჯობესება დაეტყო.

გიორგი მეფე და ქაიხოსრო — სპარსეთის სპასალარი. გიორგი მეფე შორეულ ავღანისტანში ენერგიულად ეწეოდა ბრძოლას ავღანელებთან და დაამარცხა ისინი რამოდენიმე ომში. ყველა ლაშქრობაში მას თან ახლდა 2 ათასზე მეტი ქართველი მეთამარი ბევრი გამარჯვებების შემდეგ ბოლოს გიორგი მეფე ღალატით მოკლულ იქმნა მირვეისის მიერ(1709 წ.).

გიორგის სიკვდილის შემდეგ შაჰ-სულთან-ჰუსეინმა ქართლის მეფედ და იმავე დროს სპარსეთის სპასალარად დანიშნა გიორგის ძმისწული ქაიხოსრო ლევანის ძე, ქართლის გამგედ კი დარჩა ისევე ვახტანგი, რომელმაც გაუგზავნა თავისს ძმას სპარსეთში კიდევ 1,500 ქართველი მხედარი.

ბრძოლა ავღანელებთან გაგრძელდა, როგორც გიორგის, ისე ქაიხოსროს სპასალარობის დროს ქართველი რაზმები განსაკუთრებულის გმრობათ იბრძოდნენ შორეულს ქვეყნებში და შეადგენდნენ ავღანელების წინააღმდეგ მომქმედ სპარსელების ჯარის საუკეთესო ნაწილს. ბოლოს თვით ქაიხოსროც შეეწირა ავღანელებთან ომს (28 ოქტ. 1711 წ.). მასთან ერთად დაღუპა ბევრი ქართველი მეთამარიც.

ბაქარის გამეფება ქართლს. ამის შემდეგ ყაენმა ქართლი მისცა ვახტანგს. მაგრამ რადგან სპარსეთში მისვლისას მან უარი განაცხადა მაჰმადიანობის მიღებაზედ, ამიტომ შაჰ-სულთან-ჰუსეინმა ბოლოს ქართლის მეფედ დანიშნა ვახტანგის ძმა იესე, რომელიც ალი-ყული-ხანად იწოდებოდა და მაჰმადიანობისადმი ფრიად მიდრეკილი იყო (1714 წ.). ხოლო ვახტანგი გაგზავნეს ქერმანს, სადაც ის ლიტერატურულ შრომას ეწეოდა.

იესე მოვიდა და დაჯდა მეფედ ტფილისს. თავისი უკიდურესი მაჰმადიანობით ის დიდს უკმაყოფილებას იწვევდა ქართლის ვაჟდნიან წრეების ერთ ნაწილში. მალე ისპაანშიც იესეთი უკმაყოფილო გახდნენ, რადგან მას აღეთქვა მეფობის წილ ვახტანგის ცოლ-შვილის გაგზავნა სპარსეთს და აგრეთვე 500 კომლი ქართველის მიცემა ფარაბადს დასახლებლად, მაგრამ ვერც ერთი პირობა ვერ შეასრულა. 1716 წ.



ვახტანგმა დიდის ყოყმანის შემდეგ ქართველების მოთხოვნით და კათოლიკოს-ეპისკოპოსთა დასტურით მიიღო მაჰმადიანობა, რის შემდეგ ის შაჰის ბრძანებით დინიშნა ერანის სპასალარად და ქართლის მეფედ, ხოლო მისი შვილი ბაქარი ქართლის გამგედ. ვახტანგის მოძიებით სპარსელებმა ამასთანავე შეიპყრეს იესე და მიგვარეს ბაქარს, რომელმაც დააპატიმრა ის ტფილისის სასახლეში. ბაქარმა მკაცრად დასაჯა იესეს მოძრე თავადები და შეუდგა ქვეყნის გამგებლობას. ცოტა ხნის შემდეგ ვახტანგმა სპარსეთში შუამდგომლობა აღძრა ყაენის წინაშე, ავღანელებზე გალაშქრების წინ, რათა ბაქარი დაენიშნათ ქართლის მეფედ. ყაენი დასთანხმდა, მხოლოდ მაჰმადიანობაში გადასვლის პირობით. ბაქარი ვაჰაჰმადიანდა კოჯორს და დაჯდა ქართლის მეფედ (1717 წ.).

კახეთის მდგომარეობა. 1703 წ. სპარსეთს წასული ნაზარალი-ხანი, კახეთის მეფედ დანიშნული, დარჩა ყაენის კარზე და რადგანაც მას სპარსეთიდან არ უშვებდნენ, ამიტომ მან შუამდგომლობა აღძრა, რათა კახეთი მისი შვილისთვის დავით ანუ მაჰმადიანობაში იმანყული-ხანისთვის დაემტკიცებინათ. შუამდგომლობა შეწყყარებულ იქმნა, კახეთი მიეცა იმანყული-ხანს, რომელიც მოვიდა ყარაღაჯს და შეუდგა ქვეყნის მართვას (1703 წ.). კახეთის ახალი მეფე იყო ფრიალ ერთგული მაჰმადიანი, როგორც სპარსულის, ისე ქართულის კარგი მკოდნე, მაგრამ მთლად სპარსულად აღზრდილი. ცოლიც მას ჰყავდა ისპაანიდგან. ასული ერევნის ბეგლარბეგისა. თავისი ერთგულობის დასამტკიცებლად იმანყული-ხანი ყოველ წელს უგზავნიდა შაჰს თავისს წინა-მოაგვილე-ებზე უმეტესად ტყვე ქალ-ვაჟთ, რომელთაც კრებავდა წარჩინებულ ოჯახებიდან.

კახეთი ამ დროს ძალიან დიდს გაჭირვებას განიცდიდა ლეკებისაგან, რომელნიც ჯარიდან აოხრებდნენ კახეთის სამეფოს. იმანყული-ხანმა სცადა ჯარზე გალაშქრება, მაგრამ დამარცხდა, რის შემდეგ ლეკნი ისე გაძლიერდნენ, რომ დაიპყრეს ელისენი. ისინი იმდენად საშიშო შეიქმნენ, რომ იმანყული-ხანი იძულებული გახდა ყარაღაჯიდან გადასახლებულიყო თელავს, რომელიც ამიერიდან შეიქმნა კახ-ბატონების ადგილ-სამყოფელად.

1709 წ. სპარსეთში გარდაიცვალა ერეკლე—ნაზარალი-ხანი და იმანყული-ხანიც მოემზადა ყაენის კარს წასასვლელად, რათა იქ შაჰისთვის პირადად მოეხსენებინა კახეთის საქმეების შესახებ. კახეთის მართველად კი დასტოვა თავისი ძმა თეიმურაზ ბატონიშვილი, რომელსაც ქართლთან მტკიცე კავშირის შეკერის მიზნით უთხოვა ცოლად ქართლის გამგის ვახტანგის ასული თამარ და თითონ წავიდა სპარსეთს.

თეიმურაზი განაგებდა კახეთს 5 წელიწადს. 1715 წ. იმანყული-ხანი დაბრუნდა სპარსეთიდან სწორედ იმ დროს, როდესაც ლეკთა თარეშებმა უმალღეს წერტილს მიადწია. ამ თარეშების ძალმომკრებობის



შესასუსტებლად იმანყული-ხანმა კახეთის თაობა ჩააბარა ენერგიულს კიასა ვეზირს, რომელიც ნაზარალი-ხანის დროს ქართლში ვეზირად იყო. კიასამ მართლაც შესძლო რამოდენადმე მდგომარეობის გაუმჯობესება, მაგრამ ლეკების მთლად ალაგმვა ყოველად შეუძლებელი იყო და ქვეყანა საშინელ აოხრებას განიცადა. მაგ., ერთ-ერთ თარეშობის დროს ლეკებმა დახოცეს მარტო ერთს ბრძოლაში 25 თავადიშვილი აზნაურ და გლეხ მეოშართ გარდა. სხვა დროს კიდევ ლეკები შილდას და ყვარელის ციხეს, აიღეს ის, გასწყვიტეს მრავალნი და ათასობით ტყვე წაასხეს.

ლეკთა თარეშები აფართოებენ თავისს მოქმედებას. ასეთმა თარეშებმა კახეთი სასოწარკვეთილებამდის მიიყვანა. მაშინ კახეთის ხელმძღვანელ წრეებმა გარდასწყვიტეს მორიგებოდნენ ლეკებს და მიეცათ მათთვის კახეთის უვნებლობის პირობით თავისუფალი გზა ქართლისაკენ. ყაზახ-შამშადილზე, ყარაბაღსა და შირვანზედ. ამის შემდეგ იწყება ლეკთა შესევა მთელს ამ ტერიტორიაზედ. ლეკები მოედნენ ამ მხარეს და გუნდ-გუნდად აოხრებდნენ ქვეყანას, იტაცებდნენ მშვიდობიან მცხოვრებთ და შემდეგ ყიდდენ მათ. ამ თარეშების წყალობით ქართლში ცხოვრება მეტის მეტად გაქირდა. ფრიად კუდს მდგომარეობაში იყო აგრეთვე შირვანის სახანო და ყარაბაღიც. ლეკთა თარეშები უკვე ფრიად სერიოზულ საფრთხეს წარმოადგენდა სპარსეთის სახელმწიფოებრივ ინტერესებისათვის ამ ქვეყნებში და ამიტომ ბოლოს სპარსეთის მთავრობამ მიიქცია ამ გარემოებას ყურადღება, გაანთავისუფლა ვახტანგი სპასალარობის თანამდებობიდან და გამოგზავნა ტფილისს ლეკებთან ბრძოლის მოსაწყობად (1719 წ.).

ვახტანგი მოვიდა ტფილისს და შეუღდა ლეკთა წინააღმდეგ მზადებას.

ვახტანგ მეფე ლეკების წინააღმდეგ შემდეგ წელს გაზაფხულს ვახტანგ მეფემ გაგზავნა კახეთს საბარათიანოს სარდალი ერასტი ორბელიშვილი (ყაფლანიშვილი), მაგრამ ამ ლაშქრობიდან არა გამოვიდა რა, რადგან კახელებს ლეკების გადამტყრებისა ეშინოდათ და მათთან შებრძოლებას თავისს ქვეყანაში წინად დადებულ პირობის შემდეგ ერიდებოდნენ.

ოტა ხნის შემდეგ ყენმა ლეკებთან ბრძოლაში დასახმარებლად გამოგზავნა კახეთს შირვანის ხანი, მაგრამ გზად მას დაეცნენ ლეკები და ბრძოლაში მოკლეს. მაშინ ვახტანგი დიდის ჯარით გადავიდა კახეთს და ემზადებოდა ქარს გასალოშქრებლად, მაგრამ ამ დროს ყენისაგან ბრძანება მოვიდა ლეკების წინააღმდეგ ომის შეჩერების შესახებ და ვახტანგიც უკან დაბრუნდა. ლეკნი ამით, რასაკვირელია, კიდევ უფრო გაძლიერდნენ.

მაჰმად-ყული-ხანი კახ-ბატონი. ამასობაში მოკვდა მეფე იმანყული-ხანი და მისი გვამი წაასვენეს დასასაფლავებლად სპარსეთს, ყუმს, სა-



დაც იმარებოდნენ მაჰმადიანი ქართველნი მეფენი (1722 წ.). კახეთის ბატონად კი მის მაგიერად დაჯდა ძმა მისი მაჰმად-ყული-ხანი (კოსტანტინე).

ისპაანის აღება ავღანელების მიერ. ვახტანგის მიერ ლეკებზე ლაშქრობის შეწყვეტის შესახებ ბრძანების მიღების მიზეზი იყო ის გარემოება, რომ ამ დროს თვით ყაენი, დინასტია და სპარსეთის სატახტო ქალაქი ისპაანი ავღანელებისაგან უდიდესს განსაცდელში იყო. 1717 წლიდან ავღანელებს მეთაურობდა მირვეისის შვილი მაჰმუდი. ჯერ კიდევ მირვეისი და შემდეგ მაჰმუდი სპარსეთის დასაცემად შეეცადნენ სუნიტებსა და შიიტებს შორის არსებულ განხეთქილების და სიძულვილის გამოყენებას და მართლაც მალე მათ მთელს ერანს მოსდეს უდიდესი შფოთი, გარეგნულად სარწმუნოებრივი ხასიათისა. მაგრამ არსებითად პოლიტიკური მნიშვნელობის მქონი. სპარსეთის სხვადასხვა ადგილებში დაიწყო ამ ნიადაგზე აჯანყება. ხოლო 1722 წ. იანვარში კი დაიძრა ყანდაარიდგას თვითავღანელების ემირი მაჰმუდი სპარსეთის შესაშურავად. მას ჰყავდა სულ 25 ათასი რჩეული მეომარი, მაგრამ ამ ჯარმა ბრძოლით ადვილად გაიარა წინააღმდეგობის უნარ დაკარგული და დაცემის გზაზე დაშდგარი სპარსეთი. ვაზაფულს ავღანელები მიადგნენ ისპანს, სადაც მათ დაამარცხეს 60 ათასი სპარსელების ჯარი. ამ ჯარის მარჯვენა ფრთაზე ყულთა რაზმებმა ქართველ ბატონიშვილის როსტომის წინამძღოლობით უკუ აქციეს ავღანელები, მაგრამ როდესაც როსტომი მოკლეს, მაშინ მარჯვენა ფრთაც გაიქცა. ამის შემდეგ ავღანელებმა ალყა შემოარტყეს სატახტო ქალაქს. ისპანში ამ დროს იყო 600 ათასი მცხოვრები, სპარსელებს ჯარიც 40 ათასამდის ირიცხებოდა, მაგრამ მიუხედავად ამისა ავღანელების ალყის გარღვევა შეუძლებელი აღმოჩნდა.

მაჰმა საჩქაროდ გავზავნა ბრძანება ხანების მიმართ მოშველების შესახებ, მაგრამ დახმარება არსაიდან სჩანდა. ასეთი ბრძანება მოუვიდა ვახტანგ მეფესაც, რომელიც ამ დროს ჯარს აგზავნიდა განჯაზე, სადაც ლეკები შემოსდგომოდნენ ქალაქს. როდესაც ჯარში ხმა გავარდა, შეფე სპარსეთს გვაგზავნისო, ამ ნიადაგზე ამოხებაც მოხდა. ამმოხება ჩააქრეს, მაგრამ ამის შემდეგ და საერთო არეულ პოლიტიკურ მდგომარეობისა გამო ვახტანგმა ყაენს მიშველებათედ უარი განუცხადა.

ამასობაში ისპაანის ალყა გრძელდებოდა. ქალაქში საშინელი სიმშინლობა გაჩნდა, ასრე რომ ქალაქის მცხოვრებთა ნახევარი დაიხოცა. მაჰმუდი კი ყოველგვარ პირობაზე უარს ამბობდა. ოხოულობდა ყაენისაგან სრულს დამორჩილებას და სპარსეთის მისთვის გადაცემას. ბოლოს შაჰ-სულთან-ჰუსეინი დანებდა მაჰმუდს და იძულებული გახდა მის-სავე ნაწიკში საკუთარის ხელით დაედგა მისთვის შაჰის გვირგვინი (22 ოქტ. 1722 წ.).

ავღანელების ტერორი სპარსეთში. მაჰმუდი გახდა ერანის მპყრო-



ბელი. ასე შემდეგ დაიწყო ხანა საშინელი ტერორისა. მაჰმუდმა თავ-
ზარი დასცა სპარსეთს. ასე, მაგ., ნადიმის დროს მუხანათურად ამოა-
ხოცინა სპარსეთის ყოფილი ვეზირები და ხანები, სულ 300 კაცამდის,
აგრეთვე ნადიმის დროს ავღანელებმა ლალათი გასწყვიტეს 3 ათასი
სპარსელი ჯარის-კაცი, ყოფილი შაჰის მკველი რაზმი. ასეთივე სისას-
ტიკით ქალ. შირაზის აღების შემდეგ მცხოვრებლები მთლად ამოწყვეტილ
იქმნენ. თვით მაჰმუდმა საკუთარს ხელით მოკლა 39 წვერი—მაშაკაცი
სეფიანთ დინასტიისა და სხ. საზოგადოდ სპარსეთმა ავღანელების შე-
მოსევისა და ამ ტერორის დროს დაკარგა დაახლოვებით 1 მილიონ
სულამდის. ბოლოს თვით მაჰმუდიც მოკლულ იქმნა (1725 წ.).

მაჰმუდის შემოსევა და მის მიერ ასე ადვილად სპარსეთის დაპყრობა
ცხადი გამოძახებელი იყო სპარსეთის დაცემის დაწყებისა. ამის შემდეგ
სპარსეთში დგება ხანა გამუდმებულ ომებისა, შინაურ აშლის და
უთანხმოებისა, რამაც მთლად დასცა სპარსეთის კეთილდღეობა, გამო-
ფიტა მისი შინაგანი ძალი, ფრიალ შეამცირა მოსახლეობა. და შეუძ-
ლებლად გახდა ქვეყნის აღორძინება.

რუსეთი ერევა სპარსეთის საქმეებში. ტახტიდგან გადამდგარ
შაჰ-სულთან-ჰუსეინის გადაარჩენილმა შვილმა თამაზმა თავრიზში გამოაც-
ხადა თავისი თავი ყენად. სპარსეთის დასუსტებით მოინდომეს ესარ-
გებლათ როგორც რუსეთმა, ისე ოსმალეთმა. რუსეთი ამ დროს პირ-
ველოდ იწყებდა სპარსეთის მონაპირე ქვეყნების ბედში ჩარევას. რუსე-
თის იმპერატორმა პეტრე დიდმა 30 ათასი კაცით აიღო ტერკი, შემდეგ
დარუბანდი, ბაქო და ფიქრობდა ასტრახადის და გილანის დაქვრას.
შაჰ-თამაზი სთხოვდა რუსეთს დახმარებას ავღანელების წინააღმდეგ და
ამის სანაცვლოდ უთმობდა პეტრე დიდს თითქმის მთელი კასპის ზღვის,
სპარსეთის კუთვნილ სანაპიროს.

ოსმალეთის ამოძრავება. ამასობაში ოსმალთაც თავი წამოყვეს.
ოსმალეთმა ხელოვნად დაიხვია სუნიტების გამოსარჩლების საქიროება და
დასძრა ჯარები. არზრუმის ფაშა იბრაიმ გამაოგზავნა ტფილისზე, ხოლო
ტრაპეზუნტის ფაშის ვეზირი ყარა-მუსტაფა ბაქოზე.

ვახტანგ მეფე ემხრობა რუსეთს. ამ გვარად ამიერ-კავკასიის ტე-
რიტორიაზედ ერთმანეთს შეეჯახა სამი სახელმწიფოს ინტერესი: სპარსე-
თისა, რომლის წარმომადგენლად სთვლიდა თავისს თავს შაჰ-თამაზი,
რუსეთისა და ოსმალეთისა. ქართლ-კახეთი მოექცა ამ საერთაშორისო
პოლიტიკის ნასკვის ახლოს. რადგანაც სპარსეთის საქმეები ფრიალ აიშა-
ლა და შაჰ-თამაზიც ძალას მოკლებული იყო, ამიტომ ვახტანგმა
ოსმალეთს ისევ რუსეთის მხარეს გადასვლა აშჯობინა, შემოკრიბა ქართ-
ლის და მის გარემო ქვეყნების ჯარი, 40 ათასი კაცი, და დადგა ვანჯას,
სადაც სამს თვეს უცდიდა პეტრე დიდის გამოსვლას (1722 წ. შემოდ-
გომას). მაგრამ რუსეთის იმპერატორს ლაშქრობა გადაედო და ვახტან-
გიც უკან დაბრუნდა.

ტფილისის აოხრება ლეკების მიერ. ვახტანგის ამგვარი ქცევით უკმაყოფილო დარჩნენ როგორც შაჰ-თამაზი, ისე ოსმალებიც. ორივე მხარე აწვევდა მეფეს მათს მხარეზე გადასვლას. მაგრამ პეტრე დიდს აღთქმული ჰქონდა 1723 წლის გაზაფხულზე გამოლაშქრება და ამიტომ ვახტანგი რუსეთის ერთგულად დარჩა. მაშინ შაჰ-თამაზმა უბოძა ქართლი კახეთის მეფეს მაჰმად-ყული-ხანს (კოსტანტინეს), რომელმაც წამოიყვანა ლეკების ჯარი და ბრძოლით მიადგა ტფილისს. 4 მაისს 1723 წ. ლეკებმა აიღეს ტფილისი და საშინლად ააოხრეს ის. ციხის მცველი ყიზილბაშებიც გამოვიდნენ და დასწვეს სიონის ტაძარი. მრავალი სული დაიღუპა და დატყვევდა. გადარჩენილ ქალაქის მცხოვრებთ კიდევ მაჰმად-ყული-ხანმა გააწერა 40 ათასი თუმანი. რომელიც მას ლეკებისთვის აღეთქვა.

ოსმალნი შემოდან ტფილისს. ამ დროს ოსმალების სერასკირი იბრაჰიმ-ფაშა უახლოვდებოდა ქართლს. ვახტანგმა გამართა მასთან მოლაპარაკება და აღუთქვა ოსმალეთისთვის ხარკის მიცემა, თუ კი ქართლს მისს ოჯახს დაუბრუნებდა. გზად ფაშას გაეგებნენ იესე და ბაქარი. ორნივეა ამასთან მეორეჯერ გამაჰმადიანდნენ ეხლა სუნიტობის მიღებით. იესეს ეწოდა მუსტაფა, ხოლო ბაქარს იბრაჰიმი. ამასობაში მაჰმად-ყული-ხანმაც გამართა ოსმალებთან მოლაპარაკება და გადასცა მათ უომრად ტფილისის კლიტეები.

ოსმალთა ჯარი მშვიდობიანად შემოვიდა ტფილისში. ეს ამბავი სტამბოლში ილუმინაციით გარდაიხადეს. (1723 წ.).

ოსმალნი ქართლში. ქართლის მოცემას თხოულობდა როგორც იესე და ბაქარი, ისე მაჰმად-ყული-ხანიც.

პირველად ოსმალებმა ქართლი ბაქარს ჩაბარეს წლიურ ხარკად 40 ათასი პიატრის გარდახდის პირობით, მაგრამ მან შალე მიატოვა ტფილისი და გორს მივიდა თავისს მამასთან. ამისი მიზეზი იყო ის გარემოება, რომ ოსმალთ განზრახული ჰქონდათ მტკიცედ ფეხის მოკიდება ქართლში, მართვა-გამგეობის საქმეს თითონ აწარმოებდნენ ხოლო ქართველ ბატონიშვილის ნომინალური მართველობა კი მათ ქართლის თავადების გავლენიან წრეების დასამშვიდებლად შემოიღეს. ბაქარი ვერ შეურიგდა ამ გვარს მისთვის დამამცირებელ მდგომარეობას და უკუუდგა ოსმალთ. ამის შემდეგ ქართლის გამგედ მათ მიიწვიეს იესე, ვახტანგის ძმა, რომელიც ეხლა მუსტაფა-ფაშა იწოდებოდა, თითონ კი გაგზავნეს ჯარი ბაქარის წინააღმდეგ.

ვახტანგ მეფე მიდის რუსეთს. ვახტანგის მდგომარეობა გასჭირდა. ქართლში მას ბაქარზე ოსმალეთის გადაკიდებისა გამო არ დაედგომოდა.

მას ჰქონდა მიღებული მიწვევა პეტრე დიდისაგან, რომელმაც კავკასიაში ლაშქრობის გავრძელება ვერ მოახერხა, მაგრამ მეფეს რუ-

სეთში თავშესაფარს პირდებოდა და თან წინადადებას აძლევდა მრავალ-რიცხოვან ამაღის წამოყვანის შესახებ—რუსეთში ქართველების ჯარის შესადგენად. მართლაც, დიდის ამაღით, რომელშიდაც ირიცხებოდა 4 ეპისკოპოსი, თავად-აზნაურობა და სხვა წოდების პირნი, სულ 1,200 სული ორისავე სქესისა, ვახტანგი თავის ოჯახობასთან ერთად რაქისა და დიგორის გზით წავიდა რუსეთს (1724 წ.). ცარიცინში მეფემ ვაიგო იმპერატორ პეტრე დიდის გარდაცვალება (25 იანვ. 1725 წ.). იმპერატრიცა ეკატერინე I-მა მიიღო მეფე დიდის პატივისცემით და დაუნდნა მას შესაფერისი სარჩო. მისს ამაღაში მყოფ თავად-აზნაურთ აგრეთვე მიეცათ მამულები. მათგან შეადგინეს ქართველ ულანების პოლკი, რომელიც 1835 წლამდის არსებობდა. რუსის მთავრობა ცდილობდა ვახტანგი გამოეყენებინა თავისი საქმეების გასაკეთებლად და გაგზავნა ის კიდევ ამ მიზნით ელჩად სპარსეთს. ვახტანგი გარდაიცვალა 27 მარტს 1737 წ. ასტრახანს.

ვახტანგ მეფის მიერ მრავალ-რიცხოვანი ამაღის წაყვანა დიდი დანაკლისი იყო ქართლ-კახეთისათვის. ამ ამაღაში ირიცხებოდნენ საუკეთესო პირნი როგორც ქართლიდან, ისე რამოდენადღე კახეთიდანაც და მათი ადგილობრივ ცხოვრებისათვის დაკარგვამ ძლიერ შესუსტა ქვეყნის მაჯის ცემა იმ საბედისწერო დროს, როდესაც ტფილისსა და ქართლს ოსმალები დაეპატრონენ.

III.

დასავლეთი და სამხრეთ-დასავლეთი საქართველო ოსმალების დაპყრობის ქვეშ.

ოდიშისა და გურიის გამოყოფა იმერეთის სამეფოდგან. 1553 წლის ხელშეკრულებით სპარსეთსა და ოსმალებს შორის, დასავლეთი საქართველო მოჰყვა ოსმალთა გავლენის ქვეშ. შინაგანი ერთიანობა აფხაზ-იმერეთის სამეფოსი ამ დროს უკვე დარღვეული იყო. ჯერ კიდევ საზოისტის ომის წინ ოსმალთა და ქიზილბაშთა დაზავს მოლაპარაკება ჰქონდათ გამართული ოდიშის მთავარ ლევან ადიანთან, რომელმაც ოსმალების წინააღმდეგ გლაშქრებულ ბაგრატ III-ს და ლუარსაბ მეფეს არ გაყვა და არც თავისი ჯარი გაგზავნა. ამასთანავე ბაგრატ III-ის ომებმა ოსმალებთან და მისმა უწყალო ცდამ სამცხე-საათაბაგოში ფეხის მოკიდების შესახებ შეარყია მეფის უფლების ავტორიტეტი, დაასუსტა სამეფო ტახტი და ხელი შეუწყო სადადიანოს და საგურიელოს სამოლოო გამოყოფას იმერეთისაგან. ამ მხრივ დიდი მნიშვნელობა ჰქონდა სოზოისტის ომის წაგებას ოსმალებთან (1545 წ.). მანდატურთ-უხუცესმა ლევან დადიანმა ამის შემდეგ ისარგებლა მეფის შევიწროებული მდგომარეობით და დააპირა თავისი სამთავროს დამოუკიდებლობის გა-

მოცხადება. ამისდა საპასუხოდ მეფემ შეიპყრობინა ლევან დადიანი და პატიმარ ჰყო ის გელათის სამრეკლოში. (1546 წ.). ოდიშის შემომტკიცება მეფისთვის მაინც შეუძლებელი გახდა, რადგანაც დადიანის განკერძოებითი ხასიათის მისწრაფებანი დახმარებას პოულობდნენ იმერეთის წარჩინებულ გვარულობათა წარმომადგენლებს შორის. მალე ხოფილანდრე ჩხეიძემ გააპარა გელათიდან დადიანი, რომელიც მივიდა თავისს სამთავროში და გახდა მეფისაგან დამოუკიდებელი (1548 წ.).

ოდიშის მთავრის მოქმედებამ გავლენა იქონია გურიელზედაც, რომელიც ამიერიდან აგრეთვე მეფის მთავრობის დაუკითხავად აწარმოებდა თავისს სამთავროს საქმეებს.

ამ გვარად, მე-XVI საუკუნის ნახევარში ოდიში და გურია გახდნენ ფაქტიურად მეფისაგან დამოუკიდებელნი სამთავრონი. სახელით, მართალია, ამის შემდეგაც როგორც დადიანი, ისე გურიელი აღიარებდნენ მეფის უფლების უპირატესობას. ამ მხრივ ერთგვარი ნოჰინალური დამოკიდებულება ოდიშისა და გურიისა იმერეთის მეფისაგან შემდეგაც არ შეწყვეტილა, მხოლოდ ამ დამოკიდებულების ცხოვრებაში განსახიერებლად და გასაღრმავებლად მეფის მთავრობას უკვე საკმაო ძალა არ შესწევდა.

ოსმალთა მიერ ჭანეთის დაპყრობა. 1556 წლის ხელშეკრულობის ძალით დასავლეთ საქართველოს დასამორჩილებლად, ოსმალთა ჯარი მალე მიაღწა საგურიელოს საზღვრებს, დაიჭრა ჭანეთი, მოვიდა ბათუმს და დაიწყო იქ ციხის შენება. როსტომ გურიელმა შემწეობა სთხოვა მეფეს და დადიანს. დადიანმა შემოიკრიბა ჯარი და გაემართა გურიისაკენ. მაგრამ III-მაც ვაგზანა თავისი ძმა ვახტანგ ბატონიშვილი 500 მხედარით. მაგრამ მეფე თავისთვის სასარგებლოდ არ სთვლიდა დადიანის და გურიელის ერთმანეთთან დაახლოვებას და შეკავშირებას და ამიტომ დაავალა ვახტანგ ბატონიშვილს დადიანის ლაშქრობის ჩაშლა. მართლაც, ვახტანგმა შეასმინა დადიანთან გურიელი, რომელსაც ვითომ კავშირი უნდა ჰქონოდა შეკრული მეფესთან ოდიშის დამოუკიდებლობის წინააღმდეგ. ამის მიზეზით დადიანმა თავისი ჯარი გააბრუნა უკან. ხოლო გურიელი შეებრძოლა ოსმალთ, განდევნა ისინი ბათომიდან და მიაღწა ქოროხს, მაგრამ აქ შეჩერდა, რადგანაც მდინარის მეორე ნაპირას გასვლა და ოსმალებთან ლაშქრობის გაგრძელება მარტო საკუთარი ძალით მან ვერ შესძლო. ამის გამო ოსმალთ მტკიცედ დაიპყრეს ჭანეთი და შავი ზღვის ნაპირი ქოროხამდის და ააშენეს გონიას ციხე.

იმერეთ-გურია-ოდიშმა აღიარეს ოსმალეთის ბატონობა. ცოტახნის შემდეგ ოსმალნი კვლავ ამოძრავდნენ. ამ ხანად მათ გაუშვეს თარეშები როგორც მხელეთით, ისე ზღვიდან გურია-ოდიშ-იმერეთზე. ამ თარეშებმა მოაოხრეს სოფლები, დასწვეს კლესიები და წაიყვანეს



ტყველ მრავალი მცხოვრები. ოსმალთ აგრეთვე შეკრეს ზღვა, რის გამო მოი-
სპო ყოველი კავშირი ზღვით დასავლეთ საქართველოს სანაპიროებთან.
ეს გარემოება ფრიად ცუდს მდგომარეობაში აგდებდა ქვეყანას, რად-
გან ამით დასავლეთ საქართველოს მოესპო ზოგიერთ აუცილებელ სა-
გნის, მაგ., მარილის მიღების შესაძლებლობა. ამ გარემოებამ, გაზშირე-
ბულ თარეშებთან ერთად, აიძულა ლიხთ-იმერეთის სამეფო-სამთავრო-
ები ქედი მოეხარათ ოსმალეთის წინაშე და დათანხმებულიყვნენ ყოველ-
წლიურ ხარჯის გარდახდას სულთანის ხაზინის სასარგებლოდ. ნაწილი
ამ ხარჯისა გამოიხატებოდა განსაზღვრულ რაოდენობის ქალ-ვაჟთა გაგ-
ზუნაში.

ოსმალთა მფლობელობის განმტკიცებას ხელს უწყობდა განკერ-
ძობებითი ხასიათის მიღრეკილებანი ოდიშის და გურიის სამთავროებისა.
მთავრები ცდილობდნენ ოსმალეთთან კარგი განწყობილების დაქვრით
უზრუნველ ყვათ თავისი დამოუკიდებლობა მეფისაგან. განსაკუთრე-
ბით ოდიშის მთავარი სთვლიდა ამას თავისთვის სასარგებლოდ და გა-
რემოებაც ამ მხრივ მას ხელს უწყობდა, რადგან ოსმალნი არ ემუქრე-
ბოდნენ ქვეყნის წართმევით პირდაპირ მისს სამფლობელოს. 1557 წ.
დადიანი ოსმალეთისადმი თავისი ერთგულობის დასამტკიცებლად გაემ-
გზავრა სტამბოლს, სადაც წარუდგა სულთანს და მიართვა მას საჩუ-
ქრად ძვირფასი ლალი.

შინაური მდგომარეობა. საეკლესიო კრება. იმერეთის მეფეს
ბაგრატ III-ს ხელა ამ გვარად მთელი რიგი უბედობათა: ცდა სამცხე-
სათაბაგოს შემოერთებისა დიდის მარცხით გათავდა; შიგნით სამეფოში
კიდევ უმეტესად განმტკიცდა დამოუკიდებლობა სადადიანოსა და სა-
გურჩელოს სამთავროებისა და ბოლოს თვითონაც იძულებული გახდა
ოსმალთა ბატონობა აღეარებინა. შინაური მდგომარეობაც თანდათან
უარესდებოდა. ოსმალებთან ხანგრძლივად გამწვავებულმა მდგომარეო-
ბამ, ომებისა, ხშირ-ხშირ თარეშებისა და ზღვის შეკერის გამო, ქვეყა-
ნა გასაქირში ჩააგდო. გაზშირდა სხვა-და-სხვა ბოროტ-მოქმედება და
განსაკუთრებით ტყვის ყიდვა, რასაც ოსმალნი თავისი მხრივ ფრიად
ხელს უწყობდნენ. მოწინავე წრეები და განსაკუთრებით ეკლესია ცდი-
ლობდნენ ამ ბოროტ-მოქმედებებთან ბრძოლას. 1550-იან წლებში
მოწვეულ იქმნა საეკლესიო კრებაც, რომელსაც დაესწრო აფხაზეთის
კათალიკოზი ევდემოს, განსაკუთრებულ მიწვევით ქართლის კათალი-
კოზი მალაქია და 10 ლიხთ-იმერეთის ეპისკოპოსი. კრებამ იქონია
მსჯელობა განმრავლებულ ბოროტ-მოქმედებათა შესახებ და შეიმუშავა
ხალხის ზნეობრივ ცხოვრების ამაღლების მიზნით ეგრედ წოდებული
„სამართალი კათალიკოზისა“.

მაგრამ ასეთი ზნეობრივი ხასიათის გამოსვლანი, რასაკვირვლია,
ვერ შეაჩერებდა დასავლეთ საქართველოს ცხოვრების უკან სვლას, რაც



ღრმა მსოფლიო მნიშვნელობის მიზეზებით იყო გამოწვეული და რაც თანდათან უფრო მეტის სიცხადით იჩენდა თავს. ეს ნელის ნაბიჯით მიმდინარე დაცემის პროცესი პოვებდა ქვეყნის პოლიტიკურ ცხოვრებაში თავისებურს გამოხატულებას.

შუოთი დადიანსა და გურიელს შორის. 1565 წ. გარდაიცვალა მეფე ბაგრატ III და იმერეთის ტახტზე დაჯდა ძე მისი გიორგი III. მის ღრუს ურთიერთობა მეფე-მთავართა შორის ფრიად აირია. დადიანის ძემ გაუშვა თავისი ცოლი, დაი როსტომის ძას გიორგი გურიელისა და შეირთო თავისი ბიძის ცოლი, გურიელი ამის მიზეზით გადაემეტრა ლევან დადიანს, რომელმაც ბოლოს შერთო მას თვისი ასული ცოლად და ამით შემოირიგა, მაგრამ მხოლოდ დროებით, რადგანაც ეხლა გურიელმა შურის საძიებლად გაუშვა თავისი ცოლი, დადიანის ასული და შეირთო ცოლად მეფის ცოლის და. მაშინ დადიანმა გადმოიბირა თავისკენ ვარაზ ჭილაძე და მისი დახმარებით დაეცა მეფეს იანეთს, მაგრამ ვერაფერი აწერა მას. ამის შემდეგ დადიანის მდგომარეობა ფრიად გაძნელდა და მან დააპირა სტამბოლს წასვლა სულთანთან ჯარის გამოსათხოვად. ოსმალებს მეფის და გურიელის დაკავშირება არ მოსწონდათ, მისცეს დადიანს ჯარი და გამოგზავნეს. ლევან დადიანი მოვიდა არზრუმ-ტრაპეზუნის ჯარით სატყეველას. გურიელი შეშინდა, მოურიგდა ოდიშის მთავარს და მისცა მას დის გაშვებისთვის სისხლად 10 ათასი დრაჰკანი.

ამის შემდეგ მეფემ შური იძია ჭილაძის გვარეულობაზე, რომელიც დადიანის მხარეზე იყო, მოაკვლევინა ამ გვარეულობის თავი ჯავახ ჭილაძე და ჭილაძეების სამფლობელო თვითონ დაიპყრო. ეხლა კი უკვე დადიანი და გურიელი გაერთნენ მეფის წინააღმდეგ, რადგან მისი გაძლიერებისა ეშინოდათ და თვით დაიჭირეს ჭილაძეთა მამული. მალე ლევან დადიანი მოკვდა (1571 წ.) და მისმა შვილმა გიორგი დადიანმა მიათხოვა თავისი და იმერეთის ტახტის მემკვიდრეს და ამ გვარად დაუკავშირდა მეფის სახლს. ამაზედ აიშალა გურიელი, შეკრბა ჯარი, დაამარცხა დადიანი და განდევნა ის, ხოლო ოდიშის მთავრად კი დასვა თავისი სიძე დადიანის ძმა მამია. ურთიერთ კირთება კიდევ გაგრძელდა, სანამ ბოლოს მეფემ არ მოარიგა გიორგი დადიანი და გიორგი გურიელი. დადიანმა იკისრა თავისი დის სისხლში აღებულ ფულის უკან მიცემა გურიელისათვის და მშვიდობაც დროებით დამყარდა.

მეტოქეობა დადიანისა და გურიელის სახლს შორის. ზავი დადიანსა და გურიელს შორის დიდხანს არ გაგრძელებულა და ისინი კვლავ აიშალნენ. ბრძოლას მათ შორის ჰქონდა სარჩულად ერთმანეთთან მეტოქეობა და მისწრაფება პირველობისადმი ლიხთ-იმერეთს. ამ მეტოქეობამ ორივე სამთავრო სახლს შორის განსაკუთრებული სიძლიერე მიიღო, როდესაც 1585 წლიდგან იმერეთის ტახტზე დაჯდა მცირე წლოვანი ძე გიორგი III-სა ლევან მეფე. იმერეთის მართველი წრეები ეყრ-



დნობოდნენ ამ დროს გურიელს დადიანის წინააღმდეგ და ამით ცდილობდნენ უკანასკნელის დასუსტებას. მაშინ მამია დადიანმა გაილაშქრა ქუთაისზე, დაამარცხა ლევან მეფე, თვით ის შეიპყრო ტყვედ და შხეფის ციხეში დააპატიმრა, სადაც მეფე მალე მოკვდა კიდეც. იმერეთს კი დადიანმა ვაამეფა ლევანის ბიძაშვილი როსტომ კოსტანტინეს ძე. დადიანს ჰყავდა მომხრეები იმერეთის თავადებშიც, მათ შორის იყო საჩიჯავაძის თავი-ბატონიც. ამის საპასუხოდ გიორგი გურიელმა აიღო ქუთაისი და ოსმალების დახმარებით თავის მხარე მეფედ დასვა ლევანის მეორე ბიძაშვილი ბაგრატ თეიმურაზის ძე და მოუყენა მას საქმეთა მართველად თავისი ძმა მამია, ჩიჯავაძეს წაართვა ციხე და საჩიჯავაძო ჩააბარა ამ გვარის მეორე წარმომადგენელს (1590 წ.).

იმერეთის არეულობას ყურადღება მიაქცია ქართლის მეფე სვიმონმა, რომელსაც ზემო იმერეთის თავადები, აბაშიძეები და სხვანი, უკვე ეპატივებოდნენ დადიანისა და გურიელის საწინააღმდეგოდ. სვიმონ მეფემ გამოილაშქრა იმერეთს, აიღო ქუთაისი და ბაგრატ, გურიელის მიერ მეფედ დაყენებული, წამოიყვანა ქართლს. მაგრამ დადიანმა იმერეთის თავადების დახმარებით იმავე წელს აიღო ქუთაისი და ისევ თავისი კანდიდატი როსტომ ბატონიშვილი ვაამეფა. სვიმონმა დიდის ჯარით და დიდ-დადი ზარბაზნებით ხელმეორედ გაილაშქრა იმერეთისაკენ, გაიარა ქუთაისი და ოჯაშვიტს შეებრძოლა როსტომ მეფეს და დადიანს. ბრძოლის დროს ზემო-იმერეთის თავადები, რომელნიც სვიმონ მეფის ბანაკში იყვნენ, არ მიყვნენ მას ომში, რის გამო გამარჯვება დარჩა დადიანს.

იმერეთის ტახტი დაიპყრო როსტომ მეფემ და ამასთან ერთად მეტოქეობა დადიანსა და გურიელს შორის დამთავრდა დადიანის სახლის სასარგებლოდ. ამიერდგან ოდიშის სამთავრო თანდათან ძლიერდება და მას მეტი მნიშვნელობა ეძლევა დასავლეთ საქართველოს პოლიტიკურ ცხოვრებაში.

ქაიხოსრო ათაბაგი—სპარსეთის მორჩილი. ქაიხოსრო ათაბაგი, თავისი შემცირებული სამფლობელოთი, თანახმად 1553 წ. სპარსეთ-ოსმალეთის ხელშეკრულობისა, ყაენების მორჩილების ქვეშ დარჩა. ოსმალთ მძლავრება აიძულებდა მას სპარსეთის ერთგულობის გზაზე სვლას. სპარსეთის მთავრობაც ათაბაგს ყურადღებით ეპყრობოდა. შაჰ-თამაზმა შეირთო ცოლად ოთარ შალაკაშვილის ასულა და ეს გარემოება კიდევ უფრო აკავშირებდა საათაბაგოს სპარსეთთან.

დედისიმედი და შალაკაშვილის გვარი. საათაბაგოს მღვდმარეობა შესამჩნევად გაუარესდა, როდესაც 1573 წ. გარდაიცვალა ქაიხოსრო ათაბაგი და ათაბაგად გახდა ძე მისი ყვარყვარე. ფაქტურად კი ამის შემდეგ საათაბაგოს საქმეების მართველი იყო ყვარყვარეს დედა და ქაიხოსროს ქვრივი დედისიმედი, ბაგრატ მუხრან-ბატონის ასული,



ფრიად ენერგიული და მომქმედი პიროვნება. ძალა-უფლების მოყვარული დედისიმედი ვერ ითმენდა საათაბაგოს სახლთან ერთად ძლიერ გვაროვნებათა არსებობას. შალიკაშვილის გვაროვნებას ამათში ეჭირა პირველი ადგილი. შალიკაშვილთ ემორჩილებოდათ ვრცელი მხარე, მათ ხელში იყო საკმაოდ ბლომად ციხეები, სხვათა შორის თმოგვი, ახალქალაქი, ყველი, მგელისციხე, ქაჯისციხე, ველი და სხ. დედისიმედმა მოაკლევინა ოთარ შალიკაშვილის შვილი ვარაზა, გვარის მეთაური, რამაც გამოიწვია შაჰ-თამაზის მიერ კოლის ძმის სისხლის საძიებლად სამცხის დალაშქრვა.

მდგომარეობა საათაბაგოში ამის შემდეგ უფრო გამწვავდა. ვარაზის ძე კიკოლა აუჯანყდა ათაბაგს და უარი განაცხადა მისს მორჩილებაზედ. დაიწყო ურთიერთ ხდომა და ომი.

ოსმალნი იპყრობენ საათაბაგოს. აჯანყებულ შალიკაშვილებმა კავშირი გააბეს ოსმალლებთან, რომელნიც ამ დროს სპარსელების წინააღმდეგ ომის მზადებაში იყვნენ. მალე მართლაც დაიწყო ომი სპარსეთსა და ოსმალეთს შორის. რასაც შედეგათ მოყვა ოსმალთა ჯარის გალაშქრება ტფილისზე, რომელიც სპარსელების ხელში იყო. შინაური უთანხმოება სამცხეში და ურთიერთ ბრძოლა ათაბაგის სახლსა და შალიკაშვილებს შორის შეუძლებლად ხდიდა ასეთს საბედისწერო ჟამს გარეშე საფრთხისათვის ჯეროვან ყურადღების მიპყრობას.

1578 წ. აგვისტოში მუსტაფა-ლალა-ფაშამ დაამარცხა სპარსელები 30 ათასი კაცი ჩილდირში და ამის შემდეგ თავისუფლად გაემართა სამცხის გზით ქართლსა და ტფილისისაკენ. დედისიმედი და ყვარყვარე ათაბაგი ცდილობდნენ წინააღმდეგობის გაწევას ოსმალთათვის, მაგრამ თავადები მორიგებას და მორჩილების გამოცხადებას არჩევდნენ. ამილახორის შვილმა ჩააბარა ოსმალთ ორი ციხე, არფაქსად ხურციქემ კიდევ გადასცა მათ ხერთვისი და 5 სხვა ციხე. ასეთს გარემოებაში წინააღმდეგობაზე ფიქრი ზედმეტი იყო. მუსტაფა-ლალა-ფაშამ გაიარა სამცხით ქართლისკენ და ყვარყვარეს ძმა მანუჩარიც თან წაიყვანა. ტფილისის აღების შემდეგ, უკან დაბრუნებისას, მან გაგზავნა როგორც ყვარყვარე, ისე მანუჩარი სტამბოლს (1579 წ.). ოსმალთ ამ გვარად დაიმორჩილეს მთელი სამცხე-საათაბაგო.

ოსმალეთის მთავრობამ მანუჩარს ფაშობა მისცა და მალე უკან გამოაბრუნა, ყვარყვარე კი სტამბოლს დატოვეს, რადგან გამაჰმადიანებაზედ უარს ამბობდა. მაგრამ როდესაც სულთანის თანადასწრებით მან თავი ისახელა—ქილობაში დასცა გამოჩენილი ოსმალო ფალავანი—მანუჩან სულთან მაჰმად III-მ ქრისტიანობითვე დაამტკიცა ის საათაბაგოს ფაშად და უკან გამოიხატებრა (1580 წ.). რამოდენიმე ხნის შემდეგ ათაბაგი ყვარყვარე მოკვდა და მის მაგივრად ათაბაგად ჩილდირის ანუ ახალციხის ფაშის სახელით დამტკიცებულ იქმნა მანუჩარი.



მესხეთი მანუჩარ I ათაბაგის დროს. ოსმალთა მძლავრებამ ფრიად დაამცირა ათაბაგის სახლი. გარეშე ძალის ფართაშობამ კიდევ უფრო გაათამამა შიგნით ათაბაგის უფლებების გაძლიერების მოწინააღმდეგე ელემენტები. ამას გარდა ოსმალეთს და სპარსეთს შორის ატეხილ ომების დროს მესხეთი, როგორც მოსაზღვრე ქვეყანა, ფრიად დაზარალდა. მოსახლეობა შეშკირდა, ხალხი გაღარიბდა, მუდმივ აღრევისა და რბევა-ხლოშის გამო შემვიდობიანი ცხოვრება მოისპო. ყველა ამან შეასუსტა საათაბაგოს შინაგანი ძალა და ენერჯია და დააჩქარა ოსმალეთის მიერ მისი სრული დაპყრობა.

მანუჩარ ათაბაგის (1582—1614 წ.) ცდა უმთავრესად იმისკენ იყო მიპყრობილი, რომ ქვეყანა ახალ აოხრებათა და განადგურებათგან დაეხსნა. ამით აიხსნება, რომ როდესაც მე-XVII საუკუნის პირველ წლებში შაჰ-აბაზ I-სა და ოსმალეთს შორის ომი დაიწყო და ყენი სამცხის საზღვრებს მიუახლოვდა, მანუჩარმა გამართა მასთან მოლაპარაკება, დაუთმო მას ხერთვისისა და ზოგი სხვა ციხე და აგრეთვე მძევლად მისცა ძე თვისი მანუჩარ. საათაბაგოს ამ დროს შეადგენდა მხოლოდ სამცხე და აჭარა.

მანუჩარ II. მანუჩარ ათაბაგის სიკვდილის შემდეგ ოსმალთ გამოიყვანეს ძე მისი მანუჩარივე, რომელიც ერევნის ამირ-გუნა-ხანთან იზრდებოდა და სულთანის ბრძანებით დასვეს ათაბაგად. შინაური მდგომარეობა საათაბაგოს თან-და-თან უარესდებოდა, ზადგან ურჩინი მებატრონენი გამაჰმადიანების გზით ჰპოულობდნენ დახმარებას და მფარველობას ოსმალეთის მთავრობის წარმომადგენლებისაგან. თვით ათაბაგი, როგორც ქრისტიანობის მომხრე და ოსმალთა მძლავრების წინაშე შეძლებისდაგვარად ქვეყნის ინტერესების დამცველი, ვერ შეეგუა ოსმალთა მძლავრებას. აზრუმის ფაშამ გამოგზავნა მის წინააღმდეგ ჯარი და ათაბაგი იძულებული გახდა ქართლს გადასულიყო (1624 წ.). რამოდენიმე ხანს აქ მყოფობის შემდეგ ათაბაგი წავიდა სტამბოლს სულთანის წინაშე შეწყყნარების და წყალობის სათხოვნელად. მისი შუამდგომლობა შეწყყნარებულ იქმნა, მაგრამ უკან დაბრუნებისას შეხვდა მას გზაში ბიძა მისი ბექა, რომელმაც ისტუმრა ძმისწული და საწამლაოვით მოაკვლევინა ის. რის შემდეგ თითონ წავიდა სტამბოლს, გამაჰმადიანდა და გამოითხოვა ათაბაგობა. სულთანმა უბოძა მას ორ-თუღიანი ფაშობა საათაბაგოს მთელი ტერიტორიისა ტაო-არტანუჯ-არტანიუთურთ საფარ-ფაშის სახელობით (1625 წ.).

ამიერიდგან საათაბაგოს ყოფილი ტერიტორია წარმოადგენდა ახალციხის ანუ ჩილდირის საფაშოს, რომლის ფაშებად ინიშნებოდნენ სულთანის მიერ მთელს სივრცეზე მე-XVII საუკუნისა და მე-XVIII ს. დასასრულამდის ათაბაგის სახლის წევრნი. საფაშოს მართველი ითვლებოდა ორ-თუღიან ფაშად.



საფარ-ფაშა. სათაბაგოში ვრცელდება მაჰმადიანობა. საფარ-ფაშამ (1625—1635 წ.) დაამკვიდრა ყოფილ სათაბაგოში ოსმალეთის მართველობის წესები. ქრისტიანობის აღმსარებელ მოსახლეობას დაედევნა, გარდა ჩვეულებრივ გარდასახადებისა, სულზე დრაჰკანი, გარდა ამისა მოსავლის $\frac{1}{7}$, ცხვარზე 2 შაური, ძროხაზედ აბაზი, ცხენსა და კამეჩზედ 6 შაური. საფაშოთ კიდევ დადებული იყო სულზე დრაჰკნის მესამედი. წარჩინებულთა შორის, ოსმალეთის სამსახურში პირადი დაწინაურებისა და წარმატების მისაღებად, თან-და-თან ვრცელდებოდა მაჰმადიანობა. ეკლესიას და მისს უფლებებს მოაკლდათ ადგილობრივ მეპატრონეთა მფარველობა, რის გამო მონასტრებმა იწყეს დაცალიერება. საეპისკოპოსო კათედრები თან-და-თან მოისპნენ. უდიდესი საეკლესიო სიწმინდენი გადაჰქონდათ ქართლსა, კახეთს და ლიხთ-იმერეთს.

სათაბაგოს გათათრების დაწყება. ქრისტიანობის დასუსტებას სათაბაგოში მოჰყვა თან იმ საძირკველის შერყევა, რომელზედაც დაყრდნობილი იყო ქართული ეროვნული კულტურა და მისი ძლიერება. ამიტომაც ქრისტიანობის დაცემასთან ერთად პარალელურად მიდიოდა პროცესი ქართულ ეროვნულ შემოცნების მისუსტებისა და მოსპობისაც. ეს პროცესი წარმოებდა, რასაკვირველია, თანდათანობით, მაგრამ უკვე მე-XVII საუკუნის პირველ ნახევარში რამოდენიმე, ქრისტიანობის მედგარად დამცველ წარჩინებულ გვარეულობა გადმოსახლდა სათაბაგოდგან ზემეტყსად ქართლს. ეს გვარეულობანი იყვნენ: ავალიშვილი, ხერხეულიძე, ხიმშიაშვილი, დიასამიძე, თაქთაქიშვილი. ქართულ-ეროვნულ შემოცნების დაცემასთან ერთად თან-და-თან ვრცელდებოდა და ფეხს იკიდებდა, ჯერ წარჩინებულთა წრეებში, ოსმალური ენა და ზნე-ჩვეულებები.

მესხეთი გადაღის მაჰმადიანობაში. საფარ-ფაშის სიკვდილის შემდეგ ახალციხის ფაშად დანიშნულ იქმნა სულთანის მიერ ძე მისი უსუფი, რომელიც გარდაიცვალა 1647 წ. მისს შემდეგ ფაშად დამტკიცებულ იქმნა მისი ძე როსტომი (1647—1659 წ.), რომელიც ფრიალ დიდი მომხრე იყო მაჰმადიანობის გავრცელებისა. ამის შემდეგ მაჰმადიანობამ უფრო გაიდგა ფეხი მესხეთში. მამულებ-მიტაცებულნი ეკლესიამონასტერნი დაცალიერდნენ და მხოლოდ ზოგიერთი საეპისკოპოსო კათედრები განაგრძობდნენ ჯერ კიდევ არსებობას. მე-XVII საუკუნის ნახევარში, მაგალითად, ჯერ კიდევ არსებობდნენ იზხანისა, ტბეთისა და აწყურის კათედრები.

გლახობა ყველაზედ უფრო დიდხანს იცავდა მესხეთში ქრისტიანობას, მაგრამ თან-და თან ისიც მაჰმადიანობაში გადადიოდა. ამას ფრიალ უწყობდა ხელს გლახთა უფლებრივ მდგომარეობის საგრძნობლოვ გაუმჯობესება, რაც თან ჰყვებოდა სარწმუნოების გამოცვლას, სახელდობრ ქრისტიანთათვის დადებულ გარდასახადებისაგან განთავისუფლება და გარდა ამისა მაჰმადიან-მეპატრონის პირადი დამოკიდებულებისაგან თავის



დალწევა. მაჰმადიანური კანონმდებლობა არ სცნობდა ბატონ-ყმობას, როგორც ადამიანის პიროვნულ დამოკიდებულების ინსტიტუტს და ამიტომ მაჰმადიანობაში გადასვლას თან მოჰქონდა გლახათების უფლებრივ მდგომარეობის გაუმჯობესება. ოსმალებმა განაწილეს, თანახმად იმპერიის ძირითად ნაწილებში მიღებულ წესებისა, მიწის სარგებლობაზე აშენებული წყობილება და შემოიღეს გაცემულ მამულზე მოლაშქრეთა განსაზღვრულ რიცხვის გაყვანა. ყოველი საპატრონოს მფლობელს ფაშას, ბეგს, ალაი-ბეგს, სანჯახ-ბეგს და ალას უნდა გამოეყვანა საქიროების დროს განსაზღვრული რიცხვი მოლაშქრეთა. ეს რიცხვი დამოკიდებული იყო ამა თუ იმ საპატრონოს შემოსავლიანობაზედ. მოლაშქრენი გამოდიოდნენ მხოლოდ მაჰმადიანთაგან და მათ მიწის განსაზღვრულ რაოდენობით სარგებლობის უფლება ჰქონდათ.

ამ წესმა, რომელიც პირველად შემოღებულ იქმნა მესხეთს როსტომ-ფაშის დროს, ფრიალ დიდი შედეგი იქონია მაჰმადიანობის გავრცელების საქმეში როგორც იმპერიოდენ თავადთა და აზნაურთა შორის, რომელიც ჯერ კიდევ ქრისტიანობას აღდგენ, ისე თვით ხალხის ფართო მასაშიც.

ახალციხის საფაშო. ახალციხის საფაშოს მტკიცე სამხედრო ორგანიზაციის მოწყობის შემდეგ როსტომ-ფაშას დაეკვემდებარა ლიხთ-იმერეთის სამეფო-სამთავროები. ამიერიდგან ახალციხის ფაშა იყო თვალყურის მადევენებელი ლიხთ-იმერეთის ამბეჯისა და მეფე-მთავართა შორის არსებულ ურთიერთობისა. თავისი წამქეზებელ პოლიტიკით ახალციხის ფაშები უფრო კიდევ ხელს უწყობდნენ დასავლეთ საქართველოს ცხოვრების არე-დარევას, რაც განსაკუთრებულის სიძლიერით იწყება მე-XVII საუკუნის მეორე ნახევრიდან. მუდმივი რბევა იმერეთისა და გურია-ოდისისა დიდი სარგებლობის მომტანი იყო ახალციხის ფაშებისა და მათი ლაშქრისთვის. ტყვეთა ყიდვა აგრეთვე ძლიერ ამდიდრებდა მაჰმადიან მესხთ. მრავალი ლიხთ-იმერთა ტყვეთაგანი მე-XVII საუკ. მეორე ნახევრიდან მაჰმადიანდებოდა და ესახლებოდა ადგილობრივ მებატონეთა მიწებზე. ზოგი ამ ტყვეთაგანი ახერხებდა თავის დაწინაურებას. ასე როსტომ-ფაშის შვილის შვილის უსუფ-ფაშის (1680—1690 წ.) დროს ერთმა გურიელის მიერ გაყიდულმა ძველელმა ფირიალის შვილმა მაჰმადიანობაში გადასვლის შემდეგ იწოვა ფუღლი, წავიდა სტამბოლს და დიდს ქრთამით მოიპოვა ჯავახეთის ფაშობა, რაც მისმა მემკვიდრეებმა განიმტკიცეს თავის გვარში. მისი შთამომავლობა ფაშობდა ჯავახეთს მე-XVIII საუკუნის შუაშიც.

მიუხედავად მაჰმადიანობის თან-და-თან გავრცელებისა და მალალ წრეებში ოსმალურ ზენ-ჩეულებს ფეხის მოკიდებისა, ქართული ენა რჩებოდა საფაშოში შეურყვევლად. თვით ოფიციალური მიწერ-მოწერა ადგილობრივ მოხელეთა შორის სწარმოებდა უმეტესად ქართულად.



ქართულადღე აწარმოებდნენ ახალციხის ფაშები თავის მიწერ-მოწერას საქართველოს სხვა-და-სხვა ნაწილების მეფე-მთავრებთან თვით მე-XIX საუკუნის დასაწყისამდის.

აფხაზეთის სამთავრო. მე-XVI საუკუნის დასასრულიდან ოდიშის სამთავრომ დაიჭირა გურიის სამთავროსთან შედარებით უპირატესი ადგილი ლიხთ-იმერეთში. სადადიანოამ დროს ირიცხებოდა გურიიდან ვიდრე ჯიქეთამდე. მაგრამ დაქსაქსეის პროცესი ხედა წილად ოდიშის სამთავროსაც. ამ მხრივ ყურადღებას იპყრობს მე-XVI საუკუნის დასასრულს აფხაზების გაძლიერება, რასაც შედეგად მოყვა ცალკე, დაღინებისაგან დამოუკიდებელ აფხაზეთის დაარსება, სადაც ბატონობდა რამოდენიმე თავადის გვარეულობა; ხოლო პირველობა მათ შორის ეკუთვნოდა შერვაშიძეს. ამ ახალ სამთავროს აღმოსავლეთ საზღვრად დაიდო მდ. კოდორი. მალე აფხაზნი იმდენად გაძლიერდნენ, რომ კირთება დაუწყეს ყველა მეზობელ ქვეყნებს. მათი სათარეშო ნაევები აღწევდნენ გურიასაც.

ამ გვარად მე-XVII საუკ. დასაწყისს დასავლეთ საქართველოში იმერეთის სამეფოს გარდა ირიცხება 3 სამთავრო: ოდიშისა (სადადიანო), გურიისა (საგურიელი) და აფხაზეთისა, სადაც პირველობდა შერვაშიძის, გვარეულობა.

ოდიშის მთავარი ლევან II დადიანი. ასეთი იყო მდგომარეობა დასავლეთ საქართველოში, როდესაც პოლიტიკურ ცხოვრების ზედაპირზე გამოჩნდა ოდიშის მთავარი ლევან II დადიანი, მაღალ ნიჭიერი, ენერგიული და ფართო ზრახვათა მქონე პიროვნება, რომელსაც ამავე დროს ბედად ხედა დასავლ. საქართველოსთვის საბედისწერო როლის შესრულება.

თავისი მამის მანუჩარ დადიანის სიკვდილის შემდეგ (1611 წ.), რომელიც მოკვდა ნადირობის დროს ცხენოსანზე დაჯახებისა გამო, ლევანი დარჩა 14 წლისა. მთავრის სრულწლოვანად გახდომამდის ოდიშს მართავდა ბიძა მისი გიორგი ლიპარტიანი, სალიპარტიანოს მფლობელი, ჭკვიანი და სახელმწიფო საქმეებში ჩახედული კაცი. მთავარს ახალგაზრდობიდანვე ეტყობოდა ხასიათის სიმტკიცე და დიდი ინტერესი სახელმწიფო მართველობისადმი. მართლაც, როგორც კი მან მიაღწია სრულ წლოვანობას, მაშინვე თავისი კვალი დააჩნია სამთავროს საზოგადო პოლიტიკის ცხოვრებას. უპირველეს ყოვლისა ლევან დადიანმა მოინდომა მეზობელ მთავრებთან, შერვაშიძესა და გურიელთან, დაკავშირება. თითონ შეირთო აფხაზეთის მთავრის ქალი, ხოლო თავისი და, ბატონიშვილი მარიამ, მიათხოვა მამია გულოელის ძეს სვიმონს.

ლევან II დადიანი იწყებს იმერეთის წინააღმდეგ ლაშქრობას. მთავრების ამ გვარმა დაკავშირებამ დაარღვია სწორ-წონაობა დასავლეთ საქართველოში სამეფოსა და სადადიანოს შორის. იმერეთის მე-



ფედ ამ დროს იყო გიორგი IV (1604—1639 წ.), ძმა გარდაცვალებულ როსტომ მეფისა. ურთიერთობა მეფესა და დადიანს შორის თანდათან მწვევადებოდა და როდესაც ამასთანავე ოდიშის მთავრის მხარეს გადავიდა იმერეთის ერთი წარჩინებულთაგანი, მეფის პირადი მტერი პაატა წულუკიძე, მაშინ დადიანი აშკარად გამოვიდა გიორგი IV-ის წინააღმდეგ. 1623 წ. ლევან II-მ გაილაშქრა ქუთაისზე, ქალაქის ახლოს გოქოურზე მოხდა სასტიკი ბრძოლა, რომლის შემდეგ გამარჯვება დარჩა დადიანს. ოდიშართ შეიპყრეს მრავალი ტყვე, რომელთაც შემდეგ დაახსენებენ თავი ფულით.

ეს იყო პირველი შემთხვევა დასავლ. საქართველოში შინაურ ომში წაყვანილ ტყვეების თავის დასახსნელად ფულის მოთხოვნისა. ამის შემდეგ განმტკიცდა ეს ახალი წესი, რამაც თავის მხრივ ძლიერ შეუწყობელი ურთიერთ ხდომისა, რბევისა და აღმინათ ტყვედ წაყვანის გაზიარებას.

ოდიშის შემდეგდროინდელი პოლიტიკური ამბები გადახლართული იყო ლევან II-ს პირად და საოჯახო ცხოვრების ფაქტებთან.

დადიანის ურთიერთობა აფხაზეთთან. ეს საოჯახო ფაქტები ფრიად დამახასიათებელია იმ ზნეობრივ დაცემისთვის, რომელიც ამ დროს ეტყობოდა საქართველოს ცხოვრებას. ლევან დადიანმა შესწამა თავის ცოლს, შერვაშიძის ასულს, სიძეა, დასაჯა ის ცხვირის მოჭრით და ასე უბატიოდ გაისტუმრა მამასთან, ორი შვილი კა, მისგან ნაყოლი, მოაკვლევინა. შემდეგ წაართვა ცოლი, რეივანოზ ჭილაძის ასული ნესტან-დარეჯანი, თავის ბიძას, გიორგი ლიპარტიანს და თითონ შეირთო. ამ გარემოებამ ბევრი ზღაშფოთა დადიანის წინააღმდეგ. შესდგა შეთქმულობა, რომელსაც ხელს უწყობდნენ აფხაზეთის მთავარი და აგრეთვე პოლიტიკური მოსახრებით იმერეთის მეფეც. შეთქმულობის მიზანი იყო ლევანის მოკვლა და მისს მაგივრად მისი ძმის იოსების დადინად დასმა. მაგრამ ან შეთქმულობიდან არა გამოვიდა რა, რადგან ლევანი თავ-დასხმის დროს მსუბუქ კრილობით გადაარჩა. შეთქმულობის გამოსაშკარავებისთანავე ლევანმა თვალების დახსნით დასაჯა თავისი ძმა იოსები, სიკვდილს მისცა ყველა მისი მომხრეები და შემდეგ გაილაშქრა შერვაშიძის წინააღმდეგ, რომელიც ოდიშის სანაპირო ქვეყნებში ჩამომდგარიყო და სოფლები საშინლად აეოხრებინა. ლაშქრობა შერვაშიძის წინააღმდეგ მოხდა ორჯელ. პირველ შესევისთანავე დადიანმა მიაღწია შერვაშიძის ადგილ-სამყოფელს ზუფუს, ააოხრა ის და აგრეთვე ყველა გზად მდებარე სოფლები. მეორე შესევაზე აგრეთვე ლევანმა ბოძოლით გაიარა მთელი აფხაზეთი ზუფუნდის, სიმაგრეები აიღო, კაპოეტის წყალზე დაამარცხა აფხაზების ჯარი მარშანიების წინამძღოლობით და გამარჯვებული, ალაფით და ტყვით სავსე, დაბრუნდა უკან. აფხაზეთის მთავარს მაინც ამის შემდეგაც ბრძოლა არ შეუწყვე-

ტია, სანამ იძულებული არ გახდა შერიგება ეთხოვა. დადიანმა მას ხარკად დაადგა ყოველ წლიურად რამოდენიმე საუკეთესო მწვეარ-მეძებრის მოცემა.

მიუხედავად ამ შერიგებისა, შერვაშიძე მაინც ცდილობდა ოდიშისათვის წვრილი თარეშებით რაც შეიძლება მეტი ვენების მოტანას. ის ნებას აძლევდა თარეშობისას როგორც თავისს ქვეშევრდომთ, ისე სხვა მოსახლურე მთიულ ხალხებს, რომელნიც მისს გავლენის ქვეშ იმყოფებოდნენ ანდა დაიოკიდებელნი იყვნენ. ამ თარეშების მოსაგერიებლად დადიანი იძულებული გახდა საზღვრე ახლოს გაეყვანა ზღვასა და მთებს შორის 60 ათასი ნაბიჯის სიგრძე ჯებირი ხის კოშკებით, რომელშიდაც იდგნენ მეთოფეები. ამ მეთოფეებს რიგ-რიგობით აყენებდნენ ოდიშის ეპისკოპოსები და წარჩინებულნი თავადები, თანახმად მთავრის განკარგულებისა.

გურიაში მთავრად ჯდება მალაქია კათალიკოზი. ამასობაში გურიის მთავრის ძემ სვიმონმა, დადიანის სიძემ, მოაკვლევინა შეჩენილკაცთ თავისი მამა მამია გურიელი და თითონ დაჯდა მთავრად. (1625 წ.) ამ ბოროტ-მოქმედებით გამოწვეული აღშფოთება ხელზე დაიხვია ლევანმა, დიდის ჯარით წავიდა გურიას, დაამარცხა სვიმონი ლანჩხუთთან ბრძოლაში, წაართო მას თავისი და მარიამი და თითონაც ის ტყვედ დაიქირა. სიმონს თვალთი დასთხარეს, ხოლო მარიამი შემდეგ მითხოვდა ქართლის მეფეს როსტომს და მერმე შაჰნავაზს. სვიმონის შეპყრობის შემდეგ ლევან დადიანმა დასვა გურიელად ბიძა მისი, მამია გურიელის ძმა და ძე გიორგი გურიელისა აფხაზეთის კათალიკოზი მალაქია, რომელიც ამიერიდგან ერთსა და იმავე დროს ეკლესიასაც განაგებდა და გურიის მთავრადაც იყო.

მალაქია, კათალიკოზი და გურიელი, იყო საქართველოში ერთი მოწინავე პიროვნებათაგანი მე-XVII საუკუნის პირველ ნახევარში. კათალიკოზად ის აკურთხეს 1616 წ., მასვე ეჭირა კათედრები ცაიშელისა, ჯუმათელისა და ხონელისა. რადგანაც ყოველი ეპისკოპოსი საეკლესიო უძებნის და მამულების სიმრავლით, მოლაშქრეების რიცხვით და საზოგადოდ გავლენის მხრივ არაფლით ჩამოუვარდებოდნენ უწარჩინებულესს თავადებს, ამიტომ მალაქიამ სამი საეპისკოპოსო კათედრის დაქვრით და კათალიკოზობით მოიხვეჭა ფრიად დიდი ძალა. კერძოდ ეკლესიურ ცხოვრებაში ის ცდილობდა წესრიგის შეტანას. მისი ბრძანებით შედგენილ იქმნა საკათალიკოზო გლეხების დიდი დავთარი. ის საზოგადოდ ესწრაფოდა ეკლესიის სამეურნეო მხარე ჯგროვან დონეზე დაეყენებინა. მის მიერვე არის ხელახლავ აშენებული მიწის ძვრისაგან დანგრეული ცაიშის საეპისკოპოსო ტაძარი.

მაგრამ როგორც მისი გავლენა, ისე პირადი ენერგია უძლური იყო იმ უდიდეს ბოროტების — ტყუთა ყიღვის წინაშე, რომელმაც თანდათან ფეხი მოიკიდა რასაველით საქართველოს ტერიტორიაზე და ამ



დროს ქვეყნის დამღუბველ ხასიათს ღებულობდა. მეფის ცენტრალურ ძალა-უფლების დაქსაქსვამ, მეფე-მთავართა და ცალკე დიდ თავადებს შორის გამწვავებულმა ურთიერთობამ, განშირებულ ხდომა-რბევამ, უფრო ღრმა ეკონომიურ მიზეზებთან ერთად, ვაამარავლა ტყვის ყიდვა. როგორც ოდიშიდგან ისე გურიიდან ყოველ წელს გაჰყავდათ გემებით ოსმალეთის ბაზრებზე რაშოდენიმე ათასი ტყვე. ეკლესია და მალაქია კათალიკოზი ებრძოდა ამ ბოროტ-მოქმედებას, მაგრამ საერთო სტიქიურ მოვლენას მარტო ზნეობრივი ხასიათის ზომები, რასაკვირელია, ვერ შეაჩერებდა.

ლევან II დადიანი უკავშირდება სპარსეთს. სვიმონ გურიელის გურიიდან გადღებისა და შერეაშიძის საბოლოო დამარცხების შემდეგ იმერეთის მეფეს ადგილობრივ უკვე მოკავშირე არ ჰყავდა გამძლავრებულ ლევან დადიანის წინააღმდეგ. ამით აიხსნება, რომ გიორგი IV დაუმოყვრდა თეიმურაზ მეფეს, რომელიც ამ დროს ქართლ-კახეთს ფლობდა და ითხოვა თავისი შვილის და ტახტის მემკვიდრის ალექსანდრესთვის მისი ასული დარეჯან, ქერივი ზურაბ არაგვის ერისთავისა (1629 წ.). იმ ბრძოლაში, რომელსაც სპარსეთი აწარმოებდა თეიმურაზის წინააღმდეგ, გიორგი IV მოხვდა ამ გვარად ყაენის მოწინააღმდეგთა მხარეზედ. ამ გარემოებამ გამოიწვია დაახლოვება ლევან დადიანისა სპარსეთის მთავრობასთან, რომელმაც მას მალე ჯამაგირიც დაუნიშნა, წელიწადში ათასი თუმანი. ამავე მიზეზისა გამო, როდესაც 1633 წ. ქართლი დაიჭირა ყაენის ბრძანებით როსტომ მეფემ, ამ უკანასკნელსა და დადიანს შორის განმტკიცდა მეგობრული განწყობილება. ცოტა ხნის შემდეგ როსტომმა ითხოვა დადიანისაგან და მისი მარიამ, გურიელის ნაცოლარი. დადიანი სიხარულით დასთანხმდა, რადგან ქართლის მეფესთან დაკავშირება უადვილებდა მას გიორგი IV-სთან ბრძოლას. დადიანმა წამოიყვანა თავისი დაი და დიდის ჯარით გადავიდა იმერეთს. როსტომ მეფეც ქართლიდგან გადავიდა სამცხეს მის შესაყრელად. გიორგი IV და კახეთის მეფე თეიმურაზ, რომელიც ამ დროს იმერეთს იყო, დაეცნენ თავს ლევან დადიანს, მაგრამ სასტიკად დამარცხდნენ (1634 წ.) თვით გიორგი მეფე ხელთ ჩაუვარდა დადიანს. მისი განსათავისუფლებლად ლევანმა მოითხოვა 50 კომლი ქალაქ ჩხარის სომეხი და ურია ვაჭარნი, რომელნიც წაიყვანა, დაასახლა რუხს და გააშენა იქ პატარა ქალაქი.

ალექსანდრე III-ს გამეფება იმერეთს. 1639 წ. გარდაიცვალა გიორგი მეფე და იმერეთის ტახტზედ ავიდა ძე მისი ალექსანდრე.

ალექსანდრე III-ს მეფობის დროს იმერეთის მთავარ საზრუნავსაგან შეადგენდა ბრძოლა ლევან დადიანთან, რომელსაც მუდმივ თავდასხმით ქვეყანა სასოწარკვეთილებამდე მიჰყავდა.

დადიანის თავდასხმანი იმერეთზე. 1639 წ. გარდაიცვალა კათალიკოზი მალაქია გურიელიც, რომელიც რამოდენადმე ცდლობდა



ურთიერთ კირთების შესუსტებას და ამის შემდეგ ლევან დადიანმა უმატა იმერეთზე თავდასხმას. მისი მიზანი იყო იმერეთის სამეფოს დაპყრობით დასავლეთ საქართველოს თავისი მფლობელობის ქვეშ გავრთიანება. თავის სამთავროში მან ალაგმა თვისი ურჩნი და დაამყარა მტკიცე მართველობა, დაამკვიდრა მართლ-მსაჯულება, აღკვეთა ქურდობა. ზუგდიდში გამართა ზარაფხანა, სადაც სპარსული ფული იჭრებოდა. მთავარი საზოგადოდ ძლიერ ცდილობდა თავისი სამთავროს ეკონომიურ მდგომარეობის გაუმჯობესებას, კერძოდ ვაჭრობის განაღდებას, რა მიზნითაც იმერეთის მეფის დასახსნელად ვაჭრების მიღების შემდეგ გააშენა ქალ. რუხი.

იმერეთის მეფესთან საბრძოლველად ლევან დადიანი დიდს ყურადღებას აქცევდა თავის სამხედრო ძალთა გაძლიერებას. მან გაიჩინა ძლიერი არტილერია, 30-მდის ზარბაზანი, რომელიც ჩამოასხმევინა და გაამართინა ერთს ფრანგს მეზარბაზნეს. ამ არტილერიით დადიანი ფიქრობდა ქუთაისის ციხის აღებას. 1645 წ. ლევან II-მ დიდის ჯარით და ზარბაზნებით გაილაშქრა იმერეთზე და დაეცა ქუთაისს, რომელსაც იკავდნენ იმერეთის ჯარის გარდა, ლენტეხელი სენები და ოსმალ-მესხთა ჯარი საფარ-ფაშისა. თუმცა ქუთაისის აღება დადიანმა ვერ მოახერხა, თვით ქალაქს აღექსანდრე მეფის ბრძანებით შემოვლებული ჰქონდა მტკიცე ჯებირი ხის კოშკებით და თხრილებით გამაგრებული, მაგრამ მაინც დიდი ნაენები ქნა: აიკლო ქალაქის ერთი ნაწილი, დაანგრია ზარბაზნებით მეფის სასახლეები, დაარბია ახლო-მახლო სოფლები და დიდის ნადავლით დაბრუნდა უკან. ერთი კვირის შემდეგ დადიანი მოულოდნელად კვლავ დაეცა ქუთაისს და ქვემო იმერეთს და აუარებელი ტყვე წაასხა. 1645 წ. თებერვალს ლევანმა კვლავ მოარბია იმერეთი, დასწვა აჯამეთში მეფის სასახლე, დასწვა და ააოხრა სოფლები ქვემო იმერეთსა და არგვეთში.

ოსმალნი ლევან დადიანის წინააღმდეგ. დადიანის წინააღმდეგ იმერეთის მეფემ მიმართა ოსმალთ. რადგანაც ამავე დროს ლევან II იმდენად განდიდდა, რომ ოსმალთაც უწინდებურად არ მორჩილობდა, ამიტომ სტამბოლადგან გამოგზავნეს დიდი ვეზირის შვილი მაჰმად-ფაშა და კიდევ ნ სხვა ფაშა დიდი ჯარით, რომელიც შევიდა ოდიშში და მოარბია ის. დადიანი იძულებული გახდა მორჩილება გამოეცხადა ოსმალთათვის და მორიგებოდა მათ.

ლევანის სიკვდილის შემდეგ იმერეთის მეფე იპყრობს ოდიშს. ლევან II დადიანის კირთება იმერეთის წინააღმდეგ ვაგრძელდა მისს სიკვდილამდის. 1657 წ. ლევანმა თავისი მიცვალებულ შვილის კუბოზე მწუხარებით კეტი დაირტყა თავში და მოკვდა. ოდიშის დიდებულთ დადიანად გამოაცხადეს ლევანის ძმისწული ლიპარიტ იესეს ძე, მაგრამ მის წინააღმდეგ გამოვიდა გიორგი ლიპარტინის შვილი ვამეყ, რომელმაც აგრეთვე მოინდომა დადიანად დაჯდომა. ამით ისარგებლა იმერე-



თის მეფემ ალექსანდრე III-მ, დიდის ჯარით გადავიდა ოდიშს, ააოხრა ქვეყანა, გარდაავდო ლიპარიტ და დასვა დადიანად ვამეყი. მეფემ თან წამოიყვანა დიდ-ძალი ტყვე, რომელთაც შემდეგ ფულით დაახსენებინათაი. ოდიშიდგან გაქცეულმა ლიპარიტმა შემწეობა სთხოვა ქართლის მეფეს როსტომის დაახალციხის ფაშას როსტომს. ქაიხოსრო გურიელი, მიქელაძეები და ქილაძეები აგრეთვე მას მიემხრნენ. ლიპარტი მთელი თავისი ძალით მივიდა და დადგა ბანძას. მეფე ალექსანდრემ შემოიკრიბა მთელი თავისი ჯარი და ვამეყ დადიანთან ერთად დაეცა მოწინააღმდეგეს 1658 წელს იენისში. სასტიკი ბრძოლა ვათავდა მეფის გამარჯვებით, თვით ლიპარტი მოკლულ იქმნა. გამარჯვებულმა მეფემ დაამტკიცა კვალად ვამეყ დადიანად, ხოლო გურიელად დასვა სვიმონ გურიელის შვილი დემეტრე, რომელიც ბერად იყო შესული, მაგრამ გამოიყვანეს მონასტრიდან და გაპარეს.

მაღე ალექსანდრე მეფეც მოკვდა (1 მარტს 1660 წ.).

ბაგრატ IV-ს გამეფება და მისი ტახტიდან ჩამოგდება. ლევან დადიანის ომებმა იმერეთის სამეფოს წინააღმდეგ დასაზოგადოდ დასავლეთ საქართველოს ტერიტორიაზე მე-XVII საუკუნეში გამრავლებულმა ურთიერთ კირთებამ ფრიად დაასუსტა ქვეყანა და ძირიანად შეარყია მისი კეთილდღეობა, ხოლო ტყვეთა ყიდვის გაძლიერებამ შეამცირა მოსახლეობა და დასცა ხალხი ზნეობრივად. ამ ომიანობათა ქვეყნისთვის დამლუბველ შედეგმა თავი იჩინა ალექსანდრე მეფის გარდაცვალებისთანავე, როდესაც იმერეთის მეფედ გამოცხადებულ იქმნა ძე მისი ბაგრატ.

დასავლეთ საქართველოში დაიწყო საშინელი არე-დარევის ხანა, რომელიც გაგრძელდა თითქმის ერთი საუკუნე.

ბაგრატის მეფობა შეიშურვა მისმა დედინაცვალმა დედოფალმა დარეჯანმა, თეიმურაზ კახ-ბატონის ასულმა ჯერ წინადადება მისცა თავისს გერს ცოლად გაყოლის შესახებ და როცა ამის შესახებ აღშუოთებულ ბაგრატისაგან უარი მიიღო, შეიპყრო ის და დასთხარა მას თვალები. დარეჯანმა ამასთანავე შეირთო ქმრად ვახტანგ ბაგრატიონი, რომელსაც ქუქუნისა შვილს ეძახდნენ და აკურთხა ის იმერეთის მეფედ.

ვამეყ დადიანის გამეფება. მაშინ ვამეყ დადიანმა გამოილაშქრა იმერეთზე, აიღო ქუთაისი და თვითონ გამეფდა (1661 წ.), დარეჯანის ქმარს ვახტანგს კი თვალები დასთხარეს. დადიანმა ამასთანავე იმერეთის მეფეების მთელი სიმდიდრე, რამოდენიმე თაობათა განმავლობაში დაგროვილი, ოდიშს გაგზავნა. მარტო ოქრო-ვერცხლეულობა წაღებულ იქმნა 12 ურმით.

არჩილის გამეფება იმერეთს. დადიანის მეფობა იუკადრისა პაატამ, აბაშიძის გვარეულობის თავმა, რომელიც ამ დროს პირველობდა ზემო-იმერეთს და აგრეთვე ზემო მხარის სხვა თავადებმა.

დემეტრე გურიელიც დადიანის გამეფების შურით მათ მიემხრო. ყველა ამათ მოიწვიეს შაჰნავაზი ქართლიდან, რომელიც გადავიდა იმე-



რეთს, განდევნა ქუთაისიდან დადიანი და შემდეგ გაილაშქრა ოდიშს. ზუგდიდს მას გამოეცხადა შერვაშიძე, აფხაზეთის მთავარი, დადიანი კი გაიქცა სვანეთს, სადაც მალე მოკლულ იქმნა შეჩენილ კაცთა მიერ. შაჰნავაზმა დასვა დადიანად ლევან (იგივე შამანდავლე) იოსების ძე, ძმისწული ლევან II-სა და მიათხოვა მას თავისი ძმისწული თამარ, განსაკვიფრებელ სილამაზის ქალი, რომელიც შემდეგ საცილობელ საგნად გახდა მეფე-მთავართა შორის. ქუთაისში მან აკურთხა მეფედ თავისი 14 წლის შვილი არჩილ, მიუჩინა მას ვეზირად ლეჩხუმის თავი ხოსია ლაშხიშვილი და წამოვიდა ქართლს, თან წამოიყვანა უსინათლო მეფე ბაგრატ IV.

შაჰნავაზის იმერეთში შემოსვლა და მის მიერ არჩილის გამეფება ქუთაისის ფაქტიურად წარმოადგენდა სპარსეთის შაჰის მოადგილის მიერ ოსმალეთის გავლენის და დამოკიდებულების ქვეშ მყოფ ქვეყნების შინაურ საქმეში ჩარევას. ახალციხის ფაშამ, რომელსაც საზოგადოდ მონღოლილი ჰქონდა იმერეთის სამეფო-სამთავრებისათვის თვალყურის დევნება, ფიცხლავ აცნობა ეს გარემოება პორტას, რომელმაც მაშინვე მოსთხოვა სპარსეთს ამის შესახებ განმარტება და არჩილის ქუთაისიდან გაწვევა. ამის გამო არჩილი მალე იძულებული გახდა იმერეთისათვის თავი დაენებებინა (1663 წ.)

დემეტრე გურიელის გამეფება. სულთანის ბრძანებით ქუთაისს ჩაეიდა ახალციხის ფაშა არზრუმის და ყარსის საფაშოების ჯარებითურთ. აქ მან მოუწოდა იმერეთის წარჩინებულ პირთ და ხონთქარის სახელით მეფედ დასვა დემეტრე გურიელი, რომელსაც მისცა აგრეთვე დადიანობაც, ხოლო ლევან დადიანი კი, როგორც შაჰნავაზის მიერ დაყენებული, გადააყენა.

დემეტრე ამის შემდეგ იწოდებოდა მეფედ, დადიანად და გურიელად.

დემეტრეს გადაგდება და ისევ ბაგრატ IV-ის გამეფება. თავადებმა ახალი მეფის ერთგულებაზე იძულებით ფიცი მიიღეს, მაგრამ ოსმალოს ჯარის იმერეთიდან გასვლის შემდეგ დასთხარეს თვალები დემეტრე მეფეს და გაამეფეს ისევ ბაგრატ IV, დადიანობაც დიპყრო აგრეთვე ლევან III დადიანმა. გურიაში კი გურიელად დაჯდა გიორგი ჭიხოსროს ძე.

ამის შემდეგ იმერეთის საქმეები კიდევ უფრო აირია.

ლევან დადიანმა არ სცნო ბაგრატ IV მეფედ და წამოვიდა საომრად, მაგრამ დამარცხდა და თითონაც ტყვედ ჩაუვარდა მეფეს. ბაგრატ IV-მ მოაყვანიან დატყვევებულ დადიანს ცოლი თამარ დედოფალი. თითონ განუტევა ამ უკანასკნელის დაი, რომელიც შაჰნავაზს მისთვის ძალით მიეთხოვებინა და დაიწერა ჯვარი თამარზედ, ხოლო დადიანს კი შერთო თავისი და, გოშაძის ნაცოლარი, და გაანთავისუფლა.



ამის შემდეგ მეფეს გადაუდგა სახლთუხუცესი სენია ჩხეიძე, რომელმაც მოიყვანა ოსმალნი და შეაყენა ქუთაისის ციხეში (1666 წ.). ბაგრატ IV-ს მდგომარეობა თანდათან რთულდებოდა.

მართალია, 1667 წ. ქუთაისის მოურავმა ბეჟან ლორთქიფანიძემ ქუთაისის ციხიდან მოახერხა ოსმალთა განდევნა, მაგრამ სწორედ ამ გარემოებით ისარგებლეს ბაგრატ IV-ს მტრებმა ახალციხის ფაშის წასაქვებლად მის წინააღმდეგ.

დარეჯან დედოფლის მოკლა. ამ დროს წამოიჭრა თავი დარეჯან დედოფალმა, რომელმაც აღუთქვა ფაშას 20 ათასი მარჩილი, თუ კი მას და მის ქმარს ვახტანგ ქუჭუნისა შეიღოს გაამეფებდა. ფაშა მართლაც ჩამოვიდა იმერეთს, სადაც მას შეხვდნენ დადიან-გურიელი და სენია ჩხეიძე. მან დასვა მეფედ დარეჯან დედოფალი და ვახტანგ, მოსწვა, მოაოხრა ქვეყანა და აუარებელი ტყვეებით დაბრუნდა უკან (1668 წ.).

დარეჯანს დიდხანს არ უმეფნია. ბაგრატ IV-ს მომხრეთ გენათელის მეთაურობით მიუჩინეს დარეჯანს ხოსია ლაშხიშვილი, რომელიც დედოფალმა მინდობის ნიშნად იშვილა, ჩვეულების თანახმად ძუძუზე კბილის დადებით. ამის შემდეგ ხოსიამ მოკლა დედოფალი ქუთაისის ციხეში შუბით. მისი ქმარი ვახტანგიც აგრეთვე მოკლულ იქმნა (1668 წ.).

ქუთაისის ციხეს იპყრობენ ოსმალნი. ხელახლავ გამეფებულს ბაგრატ IV-ს კვლავ წინააღმდეგენ სახლთუხუცესი სენია ჩხეიძე, ლევან დადიანი და გიორგი გურიელიც. სენია ჩხეიძემ ჩამოიყვანა ახალციხის ფაშის ჯარი და ჩააყენა ისინი ქუთაისის ციხეში, რომელიც ოსმალთ ამის შემდეგ საბოლოოდ დაიპყრეს და ამით უფრო მეტად განამტკიცეს თავისი გავლენა იმერეთში (1669 წ.).

ამავე წელს სენია ჩხეიძე მოკლულ იქმნა მეფესთან ომში.

დადიანი და გურიელი ბაგრატ IV-ს წინააღმდეგ. სახლთუხუცესის სენიას მოკლის შემდეგ მეფის მთავარ მოწინააღმდეგეთ დარჩა ლევან დადიანი და გიორგი გურიელი. ლევან დადიანი ესწრაფოდა თავისი პირველი ცოლის თამარ დედოფლის დახსნას და ებრძოდა ბაგრატ IV-ს. გიორგი გურიელი, მხნე, მამაცი, მაგრამ მესისხლე, შეუბრალებლად ტყვის მყიდველი, აგრეთვე ეტრფიალებოდა თამარს და უნდოდა მისი წართმევა ბაგრატიანთის. ლევან დადიანი მიუხტა ბაგრატს, მაგრამ დამარცხდა, თითონაც ტყვედ შეიპყრეს; და შემდეგ ფიცის ქვეშ გაუშვეს (1671 წ.). გიორგი გურიელმა კი მოისყიდა ახალციხის ფაშა, ამასთანავე შეასმინა მის წინაშე ბაგრატ მეფედ და წამოიყვანა ჯარით იმერეთს (1672 წ.). ფაშამ დაამარცხა ბაგრატი, შეიპყრო ის ტყვედ, მაგრამ დედოფალი ხელთ ვერ ჩაიგდო, შემდეგ მოარბია ოდიში, რადგან დადიანი მეფესაც ეწინააღმდეგებოდა, მაგრამ არც ოსმალებს ემორჩილებოდა და დიდძალი ტყვეებით და ნადავლით დაბრუნდა ახალციხეს.



კაცია ჩიქვანი. ამ საშინელ არევე-დარევის დროს თან-და-თან გავლენას პოულობდა კაცია ჩიქვანი, მხნე და ჭკვიანი კაცი, მაგრამ ამასთანავე სასტიკი და დაუნდობელი. კაცია ჩიქვანი იყო გორდელი ღირბი აზნაურის შვილი, მისი მამა ტვირთით ეზიდებოდა სვანეთში თაფლს და თავის ოჯახს მით არჩენდა. ამ აზნაურის შვილი იყო ბერად შესული ევდემოსის ს:ხელით. ევდემოსმა თავისი ნიჭით და ჭკუით შალე მოახერხა ჭყონდილოების მიღება. ამის შემდეგ კაცია იწყო დაწინაურება, ძმის ჭყონდილოებას ზისთვის ამ მხრივ დიდი მნიშვნელობა ჰქონდა. სენია ჩხეიძის მძღაერების დროს კაცია მიემხრო მას. ჩხეიძემ მოაკვლევინა შეჩენილ კაცს ლეჩხუმის თავი ხოსია ლაშვიშვილი, რომელიც ბაგრატ IV-ის ერთგული იყო და დიდი გავლენით სარგებლობდა, რის შემდეგ ლეჩხუმის თაობა დაიპყრო კაცია ჩიქვანმა. ჩხეიძის ომში მოკვლის შემდეგ კაცია მიემხრო ბაგრატ მეფეს, რომელმაც მისცა მას საინასარიძო და გარდა ამისა დანიშნა თავის ვეზირად. ჭყონდილოს რჩევით დადიანმა უბოძა კაციას კიდევ სალიპარტიანოს ბატონობა, რათა ამით იმერეთის მეფე დაესუსტებინა და ჩიქვანი თავისთან დაეახლოვებინა. მალე ის გახდა სადადიანოს ვეზირიც.

ოდიში კაცია ჩიქვანმა კიდევ უფრო ფართოდ გაშალა ფრთები. შინაური არევე-დარევა, რომელიც განსაკუთრებულის სიძლიერით იჩენდა თავს დადიანის სამთავროში, ხელს უწყობდა მას თავის მდგომარეობის განმტკიცების საქმეში. კაცია ყოველი შემთხვევით სარგებლობდა წარჩინებულ და დიდ-გვარიან სახლთა დასამცირებლად და და ამოსაწყვეტად. ამით მას უნდოდა უზრუნველ ეყო ოდიშს თავისი საკუთარი ბატონობა.

ბაგრატის მეფობის უკანასკნელი წლები. ლეჩხუმის თავის კაცია ჩიქვანის დადიანის მხარეზედ გადასვლის შემდეგ ბაგრატ IV შეუდგა გიორგი გურიელთან მორიგებას და მიათხოვა მას თავისი ასული დარეჯან, ნაშობი თამარ დედოფლისაგან (1677 წ.). მეფეს იმედი ჰქონდა, რომ გურიელი ეხლა მიინც დაანებებდა თავს თამარის ტრფიალებას. მაგრამ გურიელის შემორიგებითაც მეფემ თავისი მდგომარეობა ვერ განამტკიცა. შემდეგ წელს ლევან დადიანმა და იმერეთის ზოგ თავადმა ჩამოიყვანეს არჩილ მეფე და ახალციხის ფაშის როსტომის დახმარებით დასვეს მეფედ (1678 წ. სექტემბ.), ბაგრატი კი წავიდა გურიელთან. არჩილმა გამოიყვანა თამარ დედოფალი სკანდის ციხიდან და მისცა დადიანს. ბაგრატმა და გურიელმა მიმართეს ოსმალეთის მთავრობას. ხონთქარმა გამოგზავნა არზრუმის ფაშა დიდის ჯარით, რომელსაც მიეგება ბაგრატ მეფე და გურიელი. იმერეთის თავადებიც გადავიდნენ ოსმალთ მხარეზე. მაშინ არჩილი ივლტოდა რაჭას, ოსმალნი მიყენენ, შევიდნენ რაჭას, მოსწვეს, მოატყვევეს და საშინლად ააოხრეს დიდის ხნით შენახული ქვეყანა.

ბაგრატი კვლავ გაიფუდა (1679 წ.). ცოტახნის შემდეგ მან შეკრიბა ჯარი, წავიდა ოდიშს, დაამარცხა დადიანი და წაართვა მას თამარ დე-



ლაფალი. მალე დადიანიც მოკვდა (1680 წ.) და დადიანობის დაპყრობა მოინდომა გიორგი გურიელმა, რომელმაც ამ მიზნით მოაკვლევინა მისთვის მძველად მიცემული დადიანის ძე მანუჩარ, მაგრამ ოდიშის თავი-კაცებმა კაცია ჩიქვანის მეთაურობით გაამაგრეს ქვეყანა და არ შეუშვეს ის.

გიორგი გურიელის გამეფება. 1681 წ. ვარდიცვალი უსინათლო ბაგრატ IV-ს და რადვანაც ტახტის მემკვიდრე, მისი უკანონო შვილი ალექსანდრე, ქართლს იყო მძველად მეფე გიორგი XI-სთან, ამიტომ მეფობა დაიპყრო გიორგი გურიელმა. თავისი მეფობის დასაწყისი მან აღნიშნა, სხვათა შორის, იმით, რომ გაუშვა ცოლი დარეჯანი და შეირთო თვისი სიღვდრის თამარ. მაშინ იმერეთის თავადების ერთმა ნაწილმა, რომელსაც მიემხრნენ ოდიშარნიც, სთხოვა ოსმალეთის მთავრობას კანონიერ მემკვიდრის გამეფება. მართლაც მალე სულთანისაგან ბრძანება მოვიდა ალექსანდრეს გამეფების და ოდიშს ლევან III დადიანის უკანონო შვილის ლევანის, რომელიც ახალციხეში ცხოვრობდა, გადადიანების შესახებ. ეს ბრძანება სისრულეში იქმნა მოყვანილი 1683 წ.. გიორგი გურიელი წავიდა გურიას, ხოლო თამარ დედოფალი ოდიშს ახალ მეფის წინააღმდეგ ოდიშართა ასაშხედრებლად. იმავე წელს თამარი მოკვდა.

შერვაშიძეები იპყრობენ ოდიშის ნაწილს მდ. კოდორის აღმოსავლეთით. იმ დიდ არე-დარევის ხანაში, რომელიც დაიწყო დასავლეთ საქართველოში მე-XVII საუკ. 60-იან წლებიდან, თანდათან იწყეს გაძლიერება აფხაზეთის მთავრებმა შერვაშიძეებმა, რომელნიც აგრეთვე ოსმალეთის მოხარკეებად ითვლებოდნენ. კირთება და ოდიშზე დრო გამოშვებით მოხდომა, რომელიც ხშირად სწარმოებდა ლევან II-ს დროსაც, შემდეგ კიდევ უფრო გაძლიერდა. მხოლოდ ესლა აფხაზთა თარეშები უკვე ვერპოულობდნენ შესაფერ წინააღმდეგობას, რადგან ოდიშში თითონ ჩათრეული იყო ანარქიის საშინელ მორევში და თავისი დაცვის უნარი არ ჰქონდა.

აფხაზნი თანდათან გადმოვიდნენ კოდორის აღმოსავლეთით და სულ ოციოდე წლის განმავლობაში მთლად მოსპეს ადგილობრივი მოსახლეობა. ვინც მახვილს, სიმშოლს და ავადმყოფობას გადარჩა, მრავალ თავდასხმის დროს ტყვედ იქმნა წაყვანილი—ოსმალეთიდან გემებით მომავალ ვაჭრებზე ან ჩერქესეთში გასასყიდად, ნეშტს კიდევ დაიფანტა. მთელი მხარე მდ. კოდორსა და ეგრისს შორის დაცალიერდა და ამ დაცალიერებულს ადგილებზე დაესახლა აფხაზობა. აფხაზეთის მთავრად ამ დროს იყო სორებ შერვაშიძე ძე სუსტარისა, რომელიც იმდენად გაძლიერდა, რომ ლევან III-ს სიკვდილის შემდეგ 1683 წ. ლაშობდა მთლად ოდიშის დაპყრობას. თუმცა ეს მან ვერ შესძლო, მაგრამ მაინც მოახერხა თავისი უფლების განმტკიცება ოდიშის დიდს ნაწილზე თვით

მდ. ენგურამდის. სოფლების მემკვიდრე იყო ზეგნაყ შერვაშიძე, რომელსაც ჰყავდა 3 შვილი. უფროსმა როსტომმა მამის სიკვდილის შემდეგ დაიპყრო აფხაზეთი და ქვეყანა მდ. კოდორამდის, მეორე ძმა, ჯაქეშია შერვაშიძე, ფლოძდა მთელს მხარეს მდ. კოდორსა და ეგრისს შორის, რომელსაც ეხლა ეწოდებოდა აბჟუა, ანუ შუა-ქვეყანა, ხოლო უმცროსმა ძმამ ყვაბუმ დაიპყრო მხარე ეგრისსა და ენგურს შორის. ეს იყო უკვე მე-XVIII საუკ. დასაწყისში.

სამურზაყანო. ყვაბუ შერვაშიძის მემკვიდრედ მისს საბატონოში ეგრისსა და ენგურს შუა იყო ძე მისი მურზაყან, რომლისაგან ამ მხარეს ეწოდა სამურზაყანო.

მეფე ალექსანდრე IV. გიორგი გურიელის განდევნის შემდეგ იმერეთის მეფედ დაჯდა ალექსანდრე IV (1683 წ.). ოდიშს თუმცა დღლიანად დასმულ იქმნა ლევან IV, მაგრამ სამთავროს ფაქტური მართველობა კაცია ჩიქვანის ძეს გიორგი ლიპარტიანს ჩაუყარდა, რომელსაც თავისი მამის სიკვდილის შემდეგ ლიპარტიანობა დაეპყრო. გიორგი ლიპარტიანი იყო კაცი მესისხლე, უწყალოდ ტყვის მყიდველი და სასტიკად მღვენელი ოდიშის წარჩინებულ პირთა.

ალექსანდრე IV ნამდვილი შვილი იყო ამ საშინელ არე-დარევის და საერთო ზნეობრივ დაცემის ხანისა. მხნე და ბრძოლაში მამაცი, უხვი და იმავე დროს ყოვლად დაუნდობელი ტყვის მყიდველი. მან დაიახლოვა სვიმონ ქუთათელი, ძე სენხია ჩხეიძისა, რომელიც თუმცა მღვდელთ-მთავარი იყო, მაგრამ უწირავ-ულოცავი, მეძავე-მემრუშე, კაცის მკვლელი, ტყვის მყიდველი და ცრუ-ფიცო. მეფის მთავარ დასაყრდნობ ძალას კვლავინდებურათ წარმოადგენდა აბაშიძეთა გვარეულობა, რომელიც არგვეთს ფლობდა.

როკითის ომი (1685 წ.). გიორგი გურიელმა სამეფო ტახტის დაკარგვის შემდეგ სცადა იმერეთის წარჩინებულ თავადების შეკავშირება მეფის წინააღმდეგ. მან მიიმხრო რაქის ერისთავი შოშიტა, ჩიჯავაძე, ლორთქიფანიძე. მისს მხარეზედ იყო აგრეთვე გიორგი ლიპარტიანიც, რომლის ინტერესი მოითხოვდა მეფის რაც შეიძლება პეტსდასუსტებას. ალექსანდრე IV-ს მხარეს დარჩა პაატა აბაშიძე, არგვეთის პატრონი, და სვიმონ ქუთათელი. მალე გიორგი გურიელი თავისი ჯარით შემოვიდა იმერეთს, სადაც მას მიეგებნენ მისი მომხრეები თავ-თავიანთ ჯარებით. მოკავშირეები მივიდნენ როკითს. სადაც მათ შეხვდა მეფე ალექსანდრე დიდის ლაშქრით. გაიმართა სასტიკი ბრძოლა, რომლის დროს მოკლეს თითონ გიორგი გურიელი, შოშიტა რაქის ერისთავი. ამ ბრძოლაში დაიღუპა მრავალი თავად-აზნაურობა, საბოლოო გამარჯვება კი დარჩა მეფეს (1685 წ.), რომელმაც დაჰყარა ვერცხლზე მრავლად დარჩენილი ტყვე გურულ-იმერ-ოდიშარნი.

როკითის ომმა ძლიერ დაასუსტა იმერეთ-გურია-ოდიში.



ურთიერთ ხდომა, განუწყვეტელი ომები, უზომო ტყვის ყიდვა ამის შემდეგ კიდევ უფრო გაძლიერდა.

გიორგი აბაშიძე. პაატა აბაშიძე როკითის ომში მიღებულ ჭრილობისაგან გარდაიცვალა უმეკიდრედ. არგვეთის საპატრონო და სააბაშიო უმეკიდროდ გადადიოდა და ამიტომ პაატას ძმა მალაქია, როპელიც ბერად იყო აღკვეცილი, გამოვიდა მონასტრიდან, ვიხიდა ჩოხა და იწოდა გიორგი. აბაშიძე მალე განდილდა და მოაპოვა უდიდესი გავლენა მთელს დასავლეთს საქართველოს საქმეებზე.

არჩილის კვლავ იმერეთში გამეფება. გიორგი აბაშიძე ემბრობოდა ალექსანდრე მეფეს, მაშინ როდესაც იმერეთის სხვა წარჩინებულნი გიორგი ლიპარტიანთან ერთად მეფეს ებრძოდნენ. ამის გამო ალექსანდრე იძულებული გახდა ოსმალთა ძალებს დაყრდნობოდა და ახალციხის ფაშის მოადგილედ განემტკიცებინა თავისთვის იმერეთის ტახტი. მაშინ ალექსანდრეს მოწინააღმდეგე დიდ თავადებმა მოიწვიეს რუსეთიდან არჩილ მეფე და ისევე გაამეფეს იმერეთს. ეს გამეფება არჩილისა მოხდა ოსმალეთის მთავრობის დასტურით. სულთანს გამოეგზავნა მოხელე (ყაფუჩი) იმერეთის წარჩინებულთა დასაკითხავად, თუ ვინ არის მათთვის სასურველი მეფედ. ამ მოხელეს არჩილის მომხრეთ მისცეს დიდი ქრთამი, რის შემდეგ საქმე არჩილის სასარგებლოდ გარდასწყდა.

ალექსანდრემ ამის შემდეგ მიმართა სპარსეთის შაჰ-სულეიმანს, რომელმაც უშამდგომლობა აძორა სულთანის წინაშე, რომ არჩილი, როგორც სპარსეთის ქვეშევრდომი, მას თავისი იმპერიიდან დაეთხოვა, ხოლო იმერეთი კი შეეკიდრე მეტატონისთვის მიეცა. ამისდა მიხედვით ოსმალეთმა მოინდომა ისევე ალექსანდრეს გამეფება იმერეთს. მაშინ არჩილი თვით ამხედრდა ოსმალთა წინააღმდეგ, უბრძანა გიორგი ლიპარტიანსაც მოსვლა და შემოერტყა ქუთაისის ციხეს. ოსმალნი უკვე აპირობდნენ უსურსათობის გამო ციხის მიცემას, როდესაც გიორგი ლიპარტიანმა მოსთხოვა მეფეს ლენჩხუმი. არჩილი იძულებული გახდა დაპირებოდა ლენჩხუმის მიცემას, მაგრამ ლიპარტიანმა მაინც უღალატა მეფეს, შეუგზავნა ოსმალთ სურსათი, თითონ კი თავისი ჯარით ღამით გაიპარა ოდიშს. ციხის აღების საქმე ამ გვარად ჩაიშალა და არჩილმაც მოხსნა ალყა. ოსმალთა რაზმი გამოვიდა ციხიდან და დაანგრია იქვე ციხესთან მდებარე ქუთათლების ტაძარი, ერთი საუკეთესო ძეგლთაგანი ქართულ ხუროთ-მოძღვრებისა, აშენებული საქართველოს მეფის ბაგრატ III-ის მიერ 1003 წ. ეს მოხდა 1691 წ.

კოტა ხნის შემდეგ ალექსანდრე IV, ოსმალთა ჯარით გადმოვიდა იმერეთს და დაიპყრო ის. არჩილი კი წავიდა რაქას.

არჩილ მეფის გადაგდებისთანავე ალექსანდრემ გიორგი აბაშიძის შემოსამტკიცებლად შეირთო კოლად ასული მისი თამარ 10 წლისა,



რომელიც შემდეგ ლიხა-იმერეთის* საშველო-სამკავეროების ისტორიაში მნიშვნელოვან როლს ასრულებდა.

გიორგი ლიპარტიანი იპურობს ოდიშს. ამასობაში გიორგი ლიპარტიანმაც მოიხსნა ნილაბი და მოინდომა ოდიშის დაპყრობა. ნომინალურ მთავრად აქამდის ითვლებოდა ლევან IV დადიანი, რომელიც ლიპარტიანის მძლავრობის გამო იძულებული გახდა გაქცეულიყო ოდიშიდან ქართლს, სადაც მივიდა არჩილ მეფესთან, ხოლო იქიდან წავიდა სტამბოლს ხონთქრის წინაშე საჩივრელად. მაგრამ იქვე მიიკვანა. ლიპარტიანი ამის შემდეგ გახდა ერთად-ერთი მბრძანებელი ოდიშის სამთავროსი, თუმცა დადიანის ხარახის მიღება ჯერ კიდევ ვერ შესძლო, რათა ლიხთ-იმერეთის წარჩინებულთა და მართველ წრეებში უკმაყოფილება არ გამოეწვია. მისვე ხელში იყო ლეჩხუმიც, რომელიც გამოართო ალექსანდრე IV-ს დახმარებისა და ერთგულების აღთქმით.

ამ გვარად მოიხსო ოდიშს დადიანთა ძველი დინასტია.

არჩილის მეოთხეჯერ გამეფება. ალექსანდრე მეფის ერთად-ერთი ძლიერი მომხრე იყო გიორგი აბაშიძე. მაგრამ როდესაც მისმა ასულმა თამარმა მოიძულა ქმარი, მაშინ ესეც გადავიდა მეფის მოწინააღმდეგეთა მხარეს. ალექსანდრე არავითარ ზომებს არ ღებულობდა ქვეყნის მდგომარეობის გასაუმჯობესებლად და პირადი შურის ძიებით და ანგარებით იყო გატაცებული. აფხაზ-იმერეთის კათალიკოზმა დავით ნემსაძემ ეპისკოპოსებთან ერთად ითავეს მისი შეპყრობა. შეერბებს რაჟის ერისთავი პაპუნა და სხვა თავადები, მიაღწენ სკანდის ციხეს, გამოიყვანეს იქ მყოფი მეფე ალექსანდრე და გადასცეს ქართლის მეფეს გიორგის, რომელმაც მოაშობინა ის რუსის (1695 წ.).

იმერეთის მეფედ მეოთხეჯერ მოწვეულ იქმნა არჩილი. თავისი ზნეობრივი სიფაქიზით და რაინდული ხასიათით არჩილი ამ არეც-დარევის დროს იპყრობდა ყველა იმათი ყურადღებას, რომელთაც ჯერ კიდევ შერჩენოდათ სიყვარული ქვეყნისა და მისი მომავლის იმედი.

არჩილის მეფობა ეხლაც დიდხანს არ გაგრძელდებულა. მან უარი სთქვა გიორგი აბაშიძის ქალის თამარის ცოლად შერთვაზედ, ამიტომ აბაშიძემ და ლიპარტიანმა გაწონახეს მეფეთა მონათესავე ბაგრატიონი გიორგი, შერთეს მას ცოლად თამარი და გამოაცხადეს ის მეფედ (1696 წ.). არჩილი კი წავიდა დვალეთს.

გიორგი გოჩია. გიორგი მეფე, რომელსაც დაცინვით გოჩიას ეძახდნენ, იყო ყოვლად შეუფერებელი ქვეყნის მართვისათვის, სრულიად გაუნათლებელი და ზნეობის მხრივაც ფრიად დაბლა მდგარი. თამარმა რამოდენიმე ხნის შემდეგ შეიძულა თავისი ახალი ქმარიც. მაშინ გიორგი გოჩია გარდაადგეს და მეფედ მოიწვიეს ისევ არჩილი.



არჩილის მეხუთეჯერ გამეფება. არჩილი ამ ნაირად კიდევ გამეფ და უკვე მეხუთეჯერ (1698 წ.), მაგრამ ეხლა დაყო მეფედ კიდევ უფრო ცოტა ხანი, 6 თვე. ოსმალეთის მთავრობამ ყურადღება მიაქცია ტახტის ასე ხელიდგან ხელში გადასვლას და იმერეთის მეფედ დანიშნა უკანონო შვილი ალექსანდრე IV-სა სვიმონი, რომელიც ქართლს ცხოვრობდა. დიდის ჯარით ახალციხის სალიმ-ფაშამ სულთანის ბრძანებით ჩამოიყვანა სვიმონ და დასვა ის იმერეთის ბატონად (1699 წ.).

სვიმონ მეფე. მაგრამ სვიმონი დიდხანს არ დარჩენილა მეფედ. გიორგი აბაშიძის მძლავრებისა გამო ის იძულებული გახდა ქართლს გაქცეულიყო. იმერეთის ბატონ-პატრონად დარჩა გიორგი აბაშიძე და მისი ასული თამარი.

თამარს მოსვენებას არ აძლევდა კვლავ დედოფლად გახდომის აზრი. მალე მან გააშვებინა გიორგი ლიპარტიანს ცოლი. შვიდი მოწიფული შვილის დედა და თითონ მითხოვდა მას. ამის შემდეგ თამარს უწოდებდნენ იმერეთის და ოდიშის დედოფლად.

ლიპარტიანთან დაკავშირებით გიორგი აბაშიძე კიდევ უფრო განდიდდა, რაც შეიშურვა მამია გურიელმა, მიაყვანინა სვიმონ მეფე, შერთო მას თავისი ასული და ისევე გაამეფა. მაშინ აბაშიძემ და ლიპარტიანმა შეუთვალეს მამია გურიელს, თუ სვიმონს მოჰკლავ, შენ გაგამეფებთო. მამიამაც მოაკლევინა მეფე და თითონ გამეფდა (1701 წ.).

მამია გურიელი — მეფე. მამიას მეფობაც მალე დამთავრდა. აბაშიძემ მას სამეფო შემოსავალი არ დაანება, რის გამო ახალი მეფე იძულებული იყო გურიიდან ტყვეები ეყიდა ოსმალელებზე და თავისი კარის ზარჯი ისე გაესწორებინა. ბოლოს გურიელსაც მოებეზრდა ასეთი მეფობა და წავიდა გურიას (1702 წ.).

ოსმალთა გალაშქრება ლიხთ-იმერეთს. ეხლა ოსმალეთის მთავრობამაც მიაქცია ყურადღება იმერეთის საქმეების ასე უთავბოლოდ არევას. სულთანის ბრძანებით იმერეთის ბატონად დანიშნა მოკლულ სვიმონ მეფის ძმა გიორგი, რომელიც ახალციხეს იზრდებოდა. იმერეთში გამოგზავნილ იქმნენ დიდის ჯარით არზრუმისა და ახალციხის ფაშები, რომელთაც ამასთანავე ებრძანათ, რომ მულღივ აოხრებათა და ურთიერთ ხდომის მოსასპობად იმერეთში ჩაეყენებინათ დიდძალი ჯარი შვიდი წლის ვადით, სანამ ცხოვრება ცოტად თუ ბევრად დალაგდებოდა და დაახლოდ დაყენებულ მეფის უფლება განმტკიცდებოდა. ამ ბრძანების შესასრულებლად სერასკირის არზრუმის ფაშის ლაშქარი წამოვიდა გურიისკენ ხმელეთით და ზღვით, ხოლო არზრუმის ფაშის ქეჭა და ახალციხის ისაყ-ფაშა მოადგნენ იმერეთს ფერსათის მთიდგან. გურიელი და გიორგი მიქელაძე თავიანთი მომზრდებით და ჯარით მივიდნენ სერასკირთან. ამის შემდეგ ოსმალნი ადვილად შეპოვიდნენ იმერეთსა და



ოდიშში, ძლიერის ბრძოლით აიღეს გიორგი აბაშიძის კუთვნილი ქალაქის კოშკები და მოსწვეს, მოაოხრეს არგვეთი. ოდიშს კიდევ აიღეს რუხის ციხე და შეაყენეს შიგ თავისი მცველნი.

ამ დროს სტამბოლში მოხდა დიდი ამბოხება. იანიჩართ ჯარის მონაწილეობით, სულთანი მუსტაფა II ტახტიდგან იქმნა ჩამოგდებული. ახალს სულთანს აჰმედ III-ს უნდა დაემშვიდებინა უპირველეს ყოვლისა ამბოხება, რაც მან შესძლო კიდევ დიდის სისასტიკით: 15 ათასი იანიჩარი დაახრჩვეს ზღვაში, მაგრამ ამ არეულობებმა ხელი შეუშალეს ოსმალთ იმერეთში რაშქრობის გაგრძელებაში. სეფსკის ბრძანება მოუვიდა უკან დახეულიყო. ოსმალთა მთავარ-სარდალმა მოლაპარაკება გამართა გიორგი აბაშიძესთან თავისი ქეჰას საშუალებით. აბაშიძე თვით მოვიდა ქეჰასთან 500 რჩეული მხედართ, რომელთაგან ნახევარი, რადგან ოსმალთაგან ლაღატისა ეშინოდათ, შეჰყვა მას ქეჰას კარავში, ნახევარი კი დადგა კარებთან. ქეჰამ მოითხოვა შორაპნის ციხის დანგრევა, გიორგი ბატონიშვილის მეფედ დასმა და აგრეთვე მძევლების მოცემა. აბაშიძე დასთანხმდა ამ პირობებზე, დანაგრია შორაპნის ციხე და იშვილა გიორგი, რომელიც გამოცხადებულ იქმნა მეფედ. ამის შემდეგ ოსმალნი დაიძრნენ იმერეთიდან (1703 წ.).

გიორგი VI. გიორგი მეფე ჩამოიყვანეს ქუთაისს, მაგრამ ფაქტიურად ქეყყის მართვა-გამგეობა ისევ გიორგი აბაშიძის ხელში დარჩა.

აბაშიძის გაძლიერებას შურით აღევნებდნენ თვალყურს იმერეთის წარჩინებულნი, რომელთა შორის დაიწყო მითქმა-მოთქმა გიორგი მეფის დამცირებულ მღვდმარეობიდან გამოყვანის შესახებ. ამ დროს ლიპარტიანსაც თავის სახლში აუტყდა შფოთი, გამოექცა ძმა იესე და მივიდა გიორგი მეფესთან ქუთაისს. მასვე აუჯანყდნენ შვილები, რომელნიც გადამტყრებულნი იყვნენ მამაზე ღედის გაშვებისა და თამარ გიორგი აბაშიძის ასულზე ჯვარის დაწერის გამო. მამა მოუტირგდა თავის შვილებს იმით, რომ უფროსს კაცის მისცა დადიანობა, მეორეს ბეყანს ლეჩხუმში და გაბრიელს, რომელიც ბერად იყო შესული, ქყონდილობა.

ლიპარტიანის შვილები იყვნენ ღირსეულნი მემკვიდრენი თავისი შამისა: უნდონი, ტყვის საშინლად მყიდველნი, მესისხლენი. ამგვარივე იყო თვით ქყონდილად დანიშნული გაბრიელი, ყოვლად გარყვნილი კაცი. ასეთი პირნი, რასაკვირელია, კიდევ უფრო აღვივებდნენ საერთო ანარქიის ცეცხლს.

აბაშიძის მძლავრებით უკმაყოფილო თავადები ბოლოს შეკრბნენ გიორგი VI-ს წინაშე, რომელმაც 1707 წ. მოსთხოვა გიორგი აბაშიძეს სამეფოს მართვა-გამგეობის დატოვება და თავისი სამკვიდრო საბატონოს წასვლა. მეფეს მიემხრნენ აფხაზ-იმერეთის კათალიკოზი გრიგოლ ლორთქიფანიძე, გენათელი, რაჭის ერისთავი პაპუნა, ლიპარტიანის შვი-

ლები და აგრეთვე გიორგი აბაშიძის ძმისწულნი ზურაბ, სვიმონ და ვახუშტი.

ამის შემდეგ გიორგი VI იწყებს ხანგრძლივ ბრძოლას მეფობის უფლების შესანარჩუნებლად. ბრძოლას აძნელებდა ის გარემოება, რომ მისი მომხრეთა შორის, გარდა კათალიკოზისა, ყველანი გამსჯელებულნი იყვნენ ანგარებით და პირადი ზრახვებით და ამიტომ მათ შორის ერთობა ვერ იქმნებოდა. ზურაბ აბაშიძე გადუღვა მეფეს და ისევ ბიძის მხარეს გადავიდა, მაგრამ როდესაც გიორგი აბაშიძემ მოინდომა სააბაშიოს გაყოფა, მაშინ ზურაბი ისევ მეფეს მიეკედლა. ამისი მიზეზი იყო ის გარემოება, რომ ზურაბი წინააღმდეგი იყო სააბაშიოს გაყოფისა, რადგან მას თავისი წილი გლეხები უკვე მთლად ოსმალებზე დაეყიდა ტყვედ და ამიტომ მას ვასაყოფიც არაფელი ჰქონდა. ცოტა ხნის შემდეგ გიორგი აბაშიძე იძულებული გახდა გადასულიყო ქართლს, სადაც ცხოვრობდა სიკვდილამდის, ხოლო სააბაშიოში პირველობა დარჩა ზურაბს, რომელიც მალე ჩადგა მეფის მოწინააღმდეგე მთავრების რიგში.

ბეჟან ჩიქვანის გადაღიანება. ამ ურთიერთ ბრძოლის და ხდომის დროს ლიპარტიანის შვილი ბეჟანი ჯერ მოურიგდა თავისს მამას, მაგრამ შემდეგ ისევ გადუღვა მას, მივიდა მეფესთან, შეაძლია მას 4 ათასი მარჩილი და სთხოვა ოდიშს გაბატონება. მეფემაც დალაშქრა ოდიშში და გაბატონა ბეჟანი, რომელმაც მიიღო დაღიანის წოდება (1715 წ.). ბეჟანმა მაშინვე შეიპყრო თავისი მამა გიორგი ლიპარტიანი და ჩასვა ციხეში. მიუხედავად ამისა, ბეჟანი მაინც მალე აემტერა მეფეს, მიიყვანა, ზურაბ აბაშიძესთან შეთანხმებით, ახალციხის ასლან-ფაშა და გაამფა მამიას ძე გიორგი გურიელი (1716 წ.), რომელიც უკვე მეორეჯერ იჯდა იმერეთის ტახტზედ.

ეს უკვე შესამეჯერ გიორგი VI სტოვებდა იმერეთს. პირველი მისი განდენა მოხდა 1711 წ., ხოლო მეორე 1713 წ., ორივეჯერ იმერეთში გამეფდა მამია გურიელი.

დაღიანის, რაჭის ერისთავის და აბაშიძის მძლავრება. 1716 წელს გამეფებულ გიორგი გურიელი 3 თვის შემდეგ გააგდეს ბეჟან დაღიანმა, პაპუნა რაჭის ერისთავმა და ზურაბ აბაშიძემ, რომელთაც გაიყვეს ურთიერთთან შეთანხმებით იმერეთი. ამის შემდეგ ამ სამი წარჩინებულის სახლი ეწეოდა ბრძოლას სამეფო ტახტთან დაჩვეული მზაკვრობით და ურთიერთ ლალატით. ტახტიდგან გადაყენებული გიორგი VI წავიდა სტამბოლს, საიდანაც ახალციხის ისაყ-ფაშას უბრძანეს ისევ მისი გამეფება. ისაყ-ფაშა გადავიდა იმერეთს, მოსწვა, მოაოხრა ქვეყანა და იშოვნა აჟარბელი ტყვე, მეფედ კი ისევ გიორგი VI დასვა (ავგ. 1719 წ.).

რამოდენიმე თვის შემდეგ ზემოდ მოხსენებულ სამი მთავრის შეჩენით გიორგი VI მეფე ისტუმრა თხემლის ციხეში სვიმონ აბაშიძემ და



ნადიმის დროს თავის მსახურთ მოაკვლევინა (მარტში 1720 წ.). იმერეთი ისევ დარჩათ ბეჟან დადიანს, რაჭის ერისთავს და ზურაბ აბაშიძეს.

მეფე ალექსანდრე V. ტახტის მემკვიდრე, გიორგი VI-ს შვილი ალექსანდრე, ქართლს იმყოფებოდა. სტამბოლიდგან მიღებულ ბრძანების თანახმად ახალციხის ისაყ-ფაშამ მოითხოვა ის და ჩაიყვანა იმერეთს გასამეფებლად. ოსმალების ჯარით ალექსანდრე მეფემ, სხვათა შორის, აიღო ზურაბ აბაშიძის ციხე ცუცხვათი, ჩააყენა შიგ ოსმალი და შემდეგ დალაშქრა ლეჩხუმშიც ბეჟან დადიანის საწინააღმდეგოდ. ბეჟან დადიანმა გარდასწყვიტა მორიგებოდა ფაშას და მისცა მას 12 ქება ფული, რის შემდეგ ის დანიშნულ იქმნა მეფის საქმეთა მოურნედ. ამის გაგონებაზედ უკუდგა რაჭის ერისთავი შოშიტა, რომელიც უკვე შემორიგებული იყო. ფაშამ ვაავდებინა თავი ერისთავის თავდებს ოტია ჩხეიძეს და წავიდა ახალციხეს.

იმერეთი ამ გვარად დიპყრო ალექსანდრე V-მ. მაგრამ ის სახელით ოდენ განაგებდა სამეფოს, ნამდვილად კი ყველა საქმეებს აწარმოებდა ბეჟან დადიანი, რომელმაც მიათხოვა მეფეს თავისი ქალი ცოლად და ამის შემდეგ კიდევ უფრო გამძლავრდა. ეს გარემოება არ მოსწონდა რაჭის ერისთავს შოშიტას, რომელმაც გამოილაშქრა მეფის წინააღმდეგ, ააოხრა სოფლები, დაატყვევა ხალხი და წავიდა (1725 წ.). იმავე წელს მეფე ჯარით ავიდა რაქას და თავისს მხრივ აუოხრა ურჩ ერისთავს სოფლები. ასე ურთიერთ ხდომისაგან ოხრდებოდა ქვეყანა.

ოსმალი იპყრობენ დასავ. საქართველოში ციხეებს. ქვეყნის ამ გვარი გაპირვებული მდგომარეობით სარგებლობდნენ ოსმალი. მათ ჩააყენეს თავისი ჯარი სოხუმში, ხოლო 1725 წ. ააშენეს ფოთის ციხე და დააყენეს იქ ფაშა, რომელსაც მიათვალეს ოდიშის მთელი შავი ზღვის ნაპირი. რუხის ციხე, რომელიც დაშორებული იყო ზღვას და რომელიც წარმოადგენდა ოდიშის უმთავრესს სიმაგრეს, დაანგრეს და მისი ნარღვევით ააშენეს ანაკლიის ციხე, რომელსაც უწოდეს რედუთკალე. თვით იმერეთში ოსმალთ კიდევ ეჭირათ გარდა ქუთაისის ციხისა, შორაპნის, ბაღდადის და ცუცხვათის ციხეები. ყველგან ისინი დადის ენერგიით ხელს უწყობდნენ და თვითონაც აწარმოებდნენ ტყვეთა ვაჭრობას.

მეფე ოსმალებზე დაყრდნობით ებრძვის მთავართ. უთანხმოება მეფე-მთავრებს შორის ამის შემდეგაც არ კლებულობდა. ალექსანდრე V ცდილობდა მთავრების მძლავრების აღაგმვას და თუნდაც ოსმალთა დახმარებით თავისი უფლების განმტკიცებან. მეფის ამ გვარი მისწრაფება ამხედრებდა დადიანს, რაჭის ერისთავის და აბაშიძის სახლს, რომელნიც კვლავინდებურად ჩვეულებრივის მზაკვრობით და ურთიერთ დალატით განაგრძობდნენ ბრძოლას მეფესთან.



ასეთს მდგომარეობაში მეფე იძულებული ხდებოდა დაყრდნობოდა ოსმალებს და მათგან ზურგის მომაგრებით ცდილიყო მეფობის შენარჩუნებას.

ურთიერთ ხდომა, მუდმივი ომიანობა და არევე-დარევა, ამასთან გახშირებული ტყვეთა ყიდვა სასოწარკვეთილებაში ავდებდა ქვეყანას. ხალხი უფრსკულის პირას იდგა და არსაიდგან ხსნას არ მოელოდა. მხოლოდ ეკლესიის მესვეურნი, როგორც, მაგალითად, კათალიკოზი გრიგოლ ლორთქიფანიძე (1696 — 1742 წ.) და ზოგი სხვა მღვდელთმთავარბ, ცდილობდნენ ამ საშინელ დროს ზნეობრივი ზედ-მოქმედობით საერთო აღვირ-ახსნილობის შეჩერებას, მაგრამ მათი მიმართვა რჩებოდა ხმად მლაღადლებისად უდაბნოსა შინა.

IV

საქართველოს საერთო მდგომარეობა განვილილს დროში.

საქართველოს ეკონომიურად უკან დახვევა. საქართველოს ეკონომიური ვითარება განვილილს ეპოქაში თანდათან უკან დახვევის გზას ადგა. ოსმალების გაბატონებამ კონსტანტინოპოლსა და შავს ზღვაზე მოსპო ან ფრიად შეასუსტა მანამდის არსებული სავაჭრო და კულტურული ურთიერთობა შავი ზღვის სანაპიროებსა და დასავლეთს ქვეყნებს შორის. ოსმალეთი კიდევ თავის მხრივ მუდმივ ომებში იყო გართული და არავითარ ეკონომიურ და კულტურულ შემოქმედებას თავისს უზარმაზარ იმპერიის საზღვრებში არ იჩენდა. ამ გარემოებამ დასცა ეკონომიურად დასავლეთი საქართველო.

ასეთსავე მდგომარეობას განიცდიდა აღმოსავლეთი საქართველო. სპარსეთის იმპერიის ეკონომიური ძარღვის სამხრეთისაკენ გადახრის შემდეგ ჩრდილოეთი პროვინციები და მათთან ერთად აღმოს. საქართველოც თავისი მატერიალურ ძალთა განვითარების მხრივ შედარებით კუდს პირობებში ჩაეარდნენ. ამასთანავე საზოგადოდ უკან სულა წინა-აზიის ცხოვრებისა, რასაც, როგორც მოხსენებელი იყო, მსოფლიო ისტორიული მიზეზებზე ჰქონდა, შეუძლებლად ხდიდა საქართველოს სამხრეთით მოსაზღვრე ქვეყნებში მშვიდობიან აღმავნილობით მუშაობას. მუდმივი ომები სპარსეთსა და ოსმალეთს შორის, რასაც თან მოსდევდა ქვეყნის აოხრება, აიხსნება არა მარტო სპარსელებსა და თურქებს შორის არსებულ რასიულ წინააღმდეგობით, არამედ უმთავრესად ეკონომიურ ცხოვრების საერთო დაცემით წინა-აზიაში. ეკონომიური გაკვირება ბადებდა შინაურ უთანხმოებას, ცალკე ინტერესების ერთმანეთთან ღიჯანჯ დაჯახებას და შემდეგ თვით დიდ-დიდ ომებს, რომელიც ანიავებდა წინა-აზიის კეთილდღეობას. ეს ომები, სპარსეთსა და ოსმალეთს შორის წარმოებული, სწვდებოდა საქართველოსაც. ქართლმა მე-XVI



საუკუნეში მრავალჯერ გამოიარა აოხრება, კახეთი მე-XVII საუკ. პირველ ნახევარში შაჰ-აბაზის მიერ მთლად აწყვეტილ და მიწასთან გახსორებულ იქმნა. ამ აოხრებათ დააჩქარეს ძირითადი მიწებებით გამოწვეული დაცემა ქვეყნის კეთილდღეობისა და კატასტროფიულ მდგომარეობაში ჩააგდეს ქართველი ხალხი.

როგორც აღმოსავლეთს, ისე დასავლეთ და სამხრეთ-დასავლეთ საქართველოში სიღარიბე თანდათან ძლიერდებოდა. მეფეთა საქურტლე ცარიერდებოდა, თავადების გვირგეულობათ მოაკლდათ სიმდიდრე, ხალხი მთლად გადატყავდა. ოქრო და ვერცხლი, როგორც სიმდიდრის მაჩვენებელი და საგარეო ვაჭრობის წარმოების მთავარი საშუალება, თანდათან შემცირდა და გაძვირდა, მისმა ტრიალმა კლება იწყო. 1540-იან წლებიდან 1570-იან წლებამდე დასავლ. საქართველოს ტერიტორიაზე, კერძოდ იმერეთში, ვერცხლი გაძვირდა დაახლოვებით 25% -ით, ხოლო 1570-იან წლებიდან 1705-1710-იან წლებამდის, მაშასადამე თითქმის 1 1/2 საუკუნის განმავლობაში კიდევ 40% -ით. ვერცხლის გაძვირება იწვევდა ფასების შესაუერისად დაწევას ადგილობრივ ნედლეულ მასალისა და მეურნეობის სხვა-სხვა საგნებზე, რაც თავის თავად აღარბობდა ქვეყნის საგარეო ვაჭრობის წარმოების დროს. რადგანაც ამასთანავე ქვეყნის საწარმოო ძალა მუდმივ ომებისა და აოხრების გამო სწრაფის ნაბიჯით უკან მიდიოდა, ამიტომ საქართველო ვერ პოულობდა საგარეო ვაჭრობის საწარმოებლად საკმაო ექვივალენტს. ამავე დროს ოსმალეთი და სპარსეთი მუდმივ ომიანობისათვის საქირობდნენ ცოცხალს ძალას, რის მოსაპოვებლად ამ ორივე სახელმწიფომ გააჩაღა ტყვეებით ვაჭრობა. უკიდურესს გაჭირვებაში მყოფ საქართველოსაც მალე მოედო ეს სენი და ცოცხალი ადამიანი გახდა საგარეო ვაჭრობის ერთ-ერთ მთავარ საექსპორტო საგნად.

ტყვეები წარმოადგენდნენ იმ ექვივალენტს, რომელიც საშუალებას აძლევდა უბედურ ქვეყანას უცხოეთიდან მიეღო მისთვის საჭირო საგნები.

ტყვეთა ვაჭრობა. ტყვეთა ვაჭრობა მძინვარებდა საქართველოში მე-XVI საუკუნის მეორე ნახევრიდან მე-XVII საუკუნეში და მე-XVIII საუკ. მეორე ნახევრამდის. განსაკუთრებულის სისასტიკით ეს სენი მოედო დას. საქართველოს, საიდგანაც ოსმალთ გაჰყავდათ აუარებელი ტყვეები. მე-XVII საუკ. პირველ ნახევარში გურიის სანაპიროდგან მიდიოდა ოსმალეთის ბაზრებზე 10—12 ათასი ტყვე წელიწადში, ხოლო ოდიშიდან 10—15 ათასი სული. ამავე საუკუნის 70-იან წლებში ოდიშიდან გაჰყავდათ ოსმალეთშივე წლიურად 12 ათასი ტყვე, ამათში 3 ათასი მიდიოდა პირდაპირ სტამბოლს. ტყვეები იკრიბებოდა დასავლეთ საქართველოს ყოველ კუთხიდან და რამოდენადმე აღმოსავლეთ საქართველოდანაც. გარეშე მტრის შემოსევა. შინაური ბრძოლა და უფროს მეტად კიდევ ცალკე მებატონეების ყაჩაღური დაეთასხმა ერთმანეთის სოფლებზე და გლე-



ხებზე იქნებოდა ტყვეთა ვაჭრობისათვის ცაუშრეტელ წყაროს. დასავლეთ საქართველოში განსაკუთრებით გაძლიერდა ადამიანთა გაზიდვა მას შემდეგ, რაც 1660-იან წლებიდან დიწყო მეფე-მთავრებს შორის განუწყვეტელი ომიანობა და ქვეყნის კეთილდღეობის ყოველ გვარი ნასახი გაუთავებელმა ანარქიულმა მდგომარეობამ შთანთქა. ტყვეების ფასი ამ დროს იმდენად დაეცა, რომ ოდიშის სანაპიროზე. მაგალითად 1672 წ., 25—40 წლის მამაკაცი ღირდა მამანდელი ფულით თუმანი, ხოლო ახალგაზრდა ქალი 13—18 წლისა 13¹/₃ მანეთი. ტყვეები ვაჭები ოსმალთ ხშირად მიჰყავდათ იენიჩართა ჯარისთვის. სრულ წლოვანი მამაკაცები რჩებოდნენ მონებად, ახალგაზრდა ქალები კიდევ იყიდებოდნენ შარამხანებისთვის. ოსმალეთის მთავრობა თვალყურს ადევნებდა რომ ტყვეებით ვაჭრობა არ შეწყვეტილიყო და ყოველის მხრივ ხელს უწყობდა მას. საქართველო, ჩერქესელ ტომებთან ერთად, იყო ოსმალეთისათვის მონა ქალ-ვაჭთა მუდმივი წყარო.

მოსახლეობის შემცირება. ასეთს პირობებში. მუდმივ აოხრებდათ, ომებისა და ტყვეთა ყიდვის გამო, მოსახლეობამ საქართველოში დიდად შემცირება იწყო. მე-XV საუკ. შუაში ქართლ-კახეთს უნდა ყოფილიყო, დაახლოებით რასაკვირვლია, 570 ათასი სული მცხოვრები ორისავე სქესისა, 1653 წ. კი ქართლსა და კახეთში იყო სულ 36 ათასი კომლი ანუ დაახლოებით 260 ათასი სული. ამ ციფრმა როსტომ მეფისა და შაჰნავაზის დროს და შემდეგაც ოდნავ იმატა. რადგან ქართლ-კახეთი შედარებით უკეთეს პირობებში იყო, ვიდრე წინად, ისე რომ 1702 წ. ქართლ-კახეთს ირიცხებოდა 60 ათასი კომლი, რომელთა შორის 12—15 ათასი კომლი იყო კახეთის მართველის სალიმ-ხანის დროს 1656 წ. მოყვანილი თათრის ელი.

მთლად ლიხთ-იმერეთს მე-XV საუკ. შუაში იყო დაახლოებით 1,100 ათასი სული, მაშასადამე ქვეყანა ძლიერ მჭიდროდ იყო დასახლებული. 1640—50 წლების ახლოს კი იმერეთში უნდა ყოფილიყო დაახლოებით 60 ათასი კომლი, სადადიანოსა, როგორც სავლდის ხმებელია აფხაზეთთან ერთად, 40 ათასი კომლი, ხოლო გურიის შესახებ შეიძლება ანგარიშში მიღებულ იქნას 25 ათასი კომლი. სულ დაახლოებით 90 ათასი სული ორისავე სქესისა. ამის შემდეგ კი დასავლ. საქართველოს მოსახლეობამ ასაშინელის სისწრაფით იწყო კლება, ისე რომ 1770 წლის ახლო ხანებს იქ ირიცხებოდა—იმერეთში 12¹/₂ ათასი კომლი, ოდიშსა 10 ათასი, გურიასა 5 ათასი და აფხაზეთისთვის შეიძლება მიღებულ იქნას 8 ათასი კომლი. სულ 270 ათასი სული ორისავე სქესისა.

საქალაქო ცხოვრებაც კლებულობს. ეკონომიურად უკან დახევისა გამო საქალაქო ცხოვრებამაც კლება იწყო. ტფილისი მე-XVI საუკ.ში თანდათან დაეცა, ისე რომ 1597 წ., როდესაც ქალაქი ოსმალებს ეკუთვნოდა, იქ ითვლებოდა 2 ათასი კომლი მცხოვრები. რად-



განაც ტფილისში უმეტეს ნაწილად მძლავრობდნენ სპარსელები (1578—1606 წლებში ოსმალები), ამიტომ ქართველობა არ ეტანებოდა მას და გაუბრბოდა კიდევ სატახტო ქალაქში ცხოვრებას. როსტომ მეფის დროიდან, როდესაც სპარსელების მფლობელობის მტკიცედ დამკვიდრებისთანავე შესწყდა გარეშე შემოსევანი, ტფილისმა რამოდენადმე მოკეთება იწყო, ასე რომ 1667 წ. ერთი ცნობით ტფილისში 70—80 ათასი სული ირიცხებოდა, თუმცა ეს ცნობა რამოდენადმე შეიძლება გადამეტებული იყოს. ერეკლე —ნაზარალი-ხანის დროს ტფილისმა სპარსთა მძლავრების გამო ისევ კლება იწყო: 1702 წ. იქ ირიცხებოდა სულ 2,500 კომლი და 20 ათასი სულ მცხოვრები.

ქალაქ გორში 1672 წ. ფრანგ მოგზაურის შარდენის სიტყვით 500 კომლი მცხოვრები იყო, მაგრამ წინად ამ ქალაქში, როგორც მისთვის უთქვამთ, 12 ათასი კომლი ყოფილა. თუნდაც ეს ციფრი გადაჭარბებული იყოს, მაინც ის ფრიად დამახასიათებელია ქვეყნის მიერ გამოვლილ აოხრების დასასუოთებლად. 1672 წლის შემდეგ გორი კიდევ უფრო შემცირდა, და თუმცა ვახტანგ VI-ს გამგებლობისა და მეუბის დროს ქალაქმა კვლავ მოსულიერება იწყო, მაგრამ 1723 წლისათვის მისი მცხოვრებთა რიცხვი მანაც 300 კომლს ვერ გარდასცილდა.

შარდენს 1672 წ. გაუვლია აგრეთვე ქართლს ახალქალაქში, რომელიც მის დროს თითქმის მთლად დანგრეული იყო, ხოლო უწინ, მისისავე სიტყვით, ქალაქი ყოფილა, რასაც, რასაკვირელია, თვით სახელი ამტკიცებს.

ქუთაისში დაახლოვებითის ანგარიშით მე-XVI საუკ. შუაში უნდა ყოფილიყო 450—500 კომლი. მე-XVII საუკ პირველ ნახევარში ის საკმაოდ კარგი სავაჭრო ქალაქი იყო, 1672 წ. კი იქ ირიცხებოდა მხოლოდ 200 კომლი. ამ დროს ოსმალნი ქუთაისში ახლად ჩანდგარნი იყვნენ. შემდეგ კიდევ ქალაქმა ფერიც იკვალა. ქუთაისის ციხეში მდგარი ოსმალოს ჯარი უმეტეს ნაწილად გააპაჰმადიანებულ მესხთაგან შესდგებოდა. ჯარის უფროსი ალაც უმეტეს შემთხვევაში ქართველი მაჰმადიანი იყო. მაგრამ მათი მძლავრებისა გამო ბევრი ადგილობრივი მცხოვრები იმერელიც დებულობდა მაჰმადიანობას და მათ ეკედლებოდა, ასე რომ მალე ქუთაისის მცხოვრებთა თვალსაჩინო ნაწილი მაჰმადიანთაგან შესდგებოდა.

ქართულ სახელმწიფოების ფინანსიური მდგომარეობა. საერთო მდგომარეობის გაუარესებამ უკან დასწია საქართველოს სამეფო სამთავროთა ფინანსები და ვაღარაბა მკუე-მთავართა ხაზინა. 1577 წ. ახლოს ქართლის სამეფოს უნდა ჰქონოდა წლიური შემოსავალი დაახლოვებითის ანგარიშით 25,200 ათასი ასპრი ოსმალურ ფულად,



ანუ 210 ათასი დუკატი (ოქრო), ხოლო ვერცხლზე გადატანით 6,300 ათასი დანგი. ერთი საუკუნის შემდეგ კი 1690-იან წლებში ნახარაღი-ხანის დროს ქართლის სამეფოს შემოსავალი იყო 5 ათასი თუმანი, ანუ ვერცხლზედ გადატანით 2,400 ათასი დანგი.

განსაკუთრებით ცუდს მდგომარეობაში ჩავარდა კახეთის სამეფო შაჰ-აბაზ I-ის მიერ კახელების აწყვეტის და გარდასახლების შემდეგ. ქვეყანა იმდენად გაღარიბდა, რომ როდესაც 1636 წლიდან თეიშურაზ მეფემ ისევ დაიპყრო კახეთი, ის იძულებული იყო ქოხებში ეცხოვრა.

1660-იან წლებიდან ფრიად გაღარიბდა დასავლ. საქართველოც. ფული თანდათან გაჰქრა და ვაჭრობა უმეტესად პირველყოფილურ წესს — საქონლის გაცვლა-გამოცვლას — უბრუნდებოდა. მეფეებისა და მთავრების შემოსავალი თანდათან კლებულობდა. როგორც სამეფო სახლი; ისე მთავარნი შვიწროვებულ მდგომარეობაში ჩავარდნენ.

სპარსეთის და ოსმალეთის ბატონობის ხასიათი როგორც სპარსეთი, ისე ოსმალეთი ხელუხლებლივ სტოვებდა სამეფო-სამთავროების შინაურ მართველობას. მხოლოდ ყოფილ საათაბაგოს ტერიტორიაზე, რომელიც გარდაიქვა ჩილდირის ანუ ახალციხის საფაშოდ, ვრცელდებოდა ოსმალთა უშუალო მართველობა და აგრეთვე კახეთს, ხანების ბატონობის დროს, სპარსეთის ძალა-უფლება მეტის სიციხადით აჩნდა კვალს ადგილობრივ ცხოვრებას.

როგორც სპარსეთი, ისე ოსმალეთი ღებულობდნენ სამეფო-სამთავროებიდან განსახლებულ რაოდენობის ხარკს, რომლის ნაწილი გამოიხატებოდა ქალ-ვაჟთა გავზავნაში. შაჰ-ისმაილის მიერ პირველად აღმ. საქართველოს დაპყრობის შემდეგ ქართლ-კახეთს ხარკად დაედვა წლიურად 300 საპალნე აბრეშუმი. შემდეგ, საწარმოო ძალთა დაცემისა გამო, ხარკის ამ რაოდენობამ იკლო და მე-XVI საუკ. დასასრულს კახეთის სამეფო სპარსეთის კარს აგზავნიდა საუკეთესო ჯიშის ცხენებს გარდა 20 საპალნე აბრეშუმს წელიწადში, ამავე დროს ოსმალთა გაძლიერებისა გამო კახეთის მეფე ალექსანდრე II ოსმალეთს აძლევდა ხარკად 30 საპალნე აბრეშუმს, ხოლო იმავე დროს, როგორც რუსეთის მოხარკეც, რუსთა მეფეს უგზავნიდა 50 ნაჰერ ოქრო-ქსოვილ ფარჩას. მე-XVII საუკ. პირველს წლებში ქართლი აგზავნიდა ყაენების ხაზინის სასარგებლოდ წელიწადში 4 შვეარდნის, 300 თუმანს ფულად, რჩეულს ღვინოს 50 საპალნეს, სამს წელიწადში ერთხელ 7 მონას და აგრეთვე ყაენის ჰარამხანისთვის ქალებს გარემოებისდა მიხედვით.

ოსმალეთი ღებულობდა 1640-იან წლებში იმერეთის სამეფოდგან 4,070 პისატრს, მაგრამ შემდეგ ეს ხარკი შეიცვალა. 1670-იან წლებში იმერეთის სამეფო აძლევდა ოსმალთ ხარკად წელიწადში 80 ქალ-ვაჟს 10-20 წლისას, გურია 46 სულს, ხოლო ოდიში სამს წელიწადში ერთ-



ხელ 180 ათას ადღ ტილოს. მე-XVIII საუკ. კი იმერეთი იხდიდა სამს წელიწადში ერთხელ კომლზედ აბაზს და ერთ საპერანგე ტილოს.

სახელმწიფოებრიობა. სახელმწიფოებრივი ძალა-უფლება, ისე როგორც წინა საუკუნეებში, ფრიად შეზღუდული იყო ფეოდალური წყობილების წესებით. მეფის და მთავრის საბატონო სახასო გლეხებით და აზნაურებით გადაბმული იყო მთელს საქართვ. ტერიტორიის სივრცეზედ თავადების დიდ-დიდ საგვარეულო მფლობელობასთან. ამავე დროს თავადების საგვარეულო მფლობელობას საკმაოდ დამოუკიდებელი ადგილი ეკირა სახელმწიფოებრივ წყობილებაში, რის გამოც თავადებიც თავის თავს თავისუფლად სთვლიდნენ რაიმე ვალდებულობისაგან სახელმწიფოს წინაშე. უმეტეს მათგანს, მთლად ანდა ნაწილობრივ, ჰქონდათ მიღებული ეგრედ წოდებული შეუვალობის უფლება, ე. ი. სახელმწიფოს არ შეეძლო მოეთხოვა მათთვის რაიმე გარდასახადები. გამონაკლისს წარმოადგენდა მხოლოდ ეგრედ წოდებული სათათრო გარდასახადი — სპარსეთისა ან ოსმალეთის სახარკო, რომელიც ყველაზედ იყო გაწერილი.

მისწრაფება სახელმწიფოებრიობის განმტკიცებისადმი. მე-XV საუკუნეში და მე-XVI ს. პირველ ნახევარში საქართველოში სჩანდა მისწრაფება სახელმწიფოებრივ ძალა-უფლების განმტკიცებისაკენ. ეს გამოიხატა, სხვათა შორის, სამეფო გვარეულობის უმცროსს შტოების დამოუკიდებლობის მოსპობას ან ფრიად შეკვეცაში. მაგალითად, დასავლეთ საქართველოს ტერიტორიაზე არგვეთში მყოფი ბაგრატიონთა შტო ატარებდა მე XV საუკუნეში მეფის ხარისხს. მე-XVI საუკუნეში თანდათან ამ შტოს ნახევრად დამოუკიდებელი არსებობა მოისპო, ყოველს შემთხვევაში მისი წარმომადგენელნი ამის შემდეგ არ იწოდებიან მეფეებად. ქართლში მე-XVI საუკუნეში პირველი მუხრან-ბატონი ბაგრატიონებმა მეფის ტიტულს, რომლის შენარჩუნებას ცდილობდა მისი შვილიც, მაგრამ ამოღ.

საზოგადოდ მე-XVI საუკ. მეორე ნახევარში მეფის უფლება საბოლოოდ გაერთიანებულია ქართლსა, კახეთს და იმერეთს დინასტიის მთავარ წარმომადგენლის ხელში.

ასეთსავე მოვლენას ვხედავთ სამცხე-საათაბაგოში, სადაც მე-XVI საუკ დასაწყისს მუქებატუკ ათაბაგმა მოსპო ათაბაგის გვარის უმცროს შტოთა ავტონომიური მართველობა და მთელი მესხეთი გააერთიანა თავისი მფლობელობის ქვეშ.

მეფის უფლების განმტკიცების შეუძლებლობა. მაგრამ ეს მისწრაფება სახელმწიფოებრივ ძალა-უფლების განმტკიცებისაკენ ვერ განვიითარდა ჯეროვნად, რადგანაც ქვეყნის ეკონომიურად უკან დახევამ შეუძლებლად გახადა პროგრესი სახელმწიფოებრივ წეს-წყობილებაშიაც. საქართველო საწარმოვო ძალთა განვითარების თვალსაზრისით უკან



მიდიოდა და ნატურალური მეთრნეობა: სწრაფის ნაბიჯით იკიდებდა ფეხს. მამულის და გლეხების ბოძება, აგრეთვე გარდასახადებისაგან განთავისუფლება (შეფულობა) გახდა ისევ ჩვეულებრივი წესი დასახუტრებისა სახელმწიფოს წინაშე გაწეულ სამსახურისათვის. ეს გარემოება კიდევ უფრო აძლიერებდა თავადთა გვარეულობათ და ანიჭებდა მათ მეტს დამოუკიდებლობას სახელმწიფოში. განსაკუთრებით ეს ითქმის დიდ და წარჩინებულ თავადების გვარეულობათა შესახებ.

თავადები. თავადთა საბატონოს განაგებდა გვარის უფროსი, თავი-ბატონი. გვარეულობის სხვა წევრთ ჰქონდათ მიცემული საუფლისწულოები. თავი-ბატონი იყო იმავე დროს საბატონოდგან გამოსულ ჯარის შემომკრები და უფროსი. თავის საბატონოში თავადს მიკუთვნებული ჰქონდა რამოდენადმე მოსაპართლის ფუნქციები, მასვე ჰქონდა აგრეთვე უფლება ბაჟის აღებისა მის საბატონოში გამკლველ სავაჭრო ქარავნებზედ.

თავადებს შორის განირჩებოდნენ შეძლების და ძლიერების მიხედვით დიდებულნი ანუ წარჩინებულნი თავადნი, დიდ შემდე გვარეულობათა თაენი. ვალარიბებასა ან ვაყრისთანავე გვარს აკლდებოდა მნიშვნელობა. ქართლში, მაგალ., მე-XVII საუკ., დასასრულს ვაყრის გამო დამკირდა ციციშვილი, რომლის თავი მანამდის დიდებულთა პირველ რიგში ირიცხებოდა. იმერეთს კიდევ XVIII საუკ. დასაწყისში დამკირდა ჩხეიძე და ჩიჯავაძე. ოდიშს კიდევ ამავე ხანის ახლოს მთლად დაეცა ქოროძე, გოშაძე და ქილაძე, სამაგვიროდ ამაღლდა ჩიჩუა და რამოდენადმე ჯერ კიდევ მე-XVII საუკუნეში ჯიანიცი.

დიდებულ თავადების ძალას გვისურათებს შემდეგი ცნობები. მე-XV საუკ. მერე ნახევარში ბარათაშვილის გვარეულობა ქართლში გაიყო 3 შტოდ: ბარათაშვილისა, აბაშიშვილისა და ორბელიშვილისა. თითო შტოს შეხვდა დაახლოვებით 3 ათასი კომლი გლეხი და აზნაური. ორბელიშვილის გვარს მე-XVII—XVIII საუკუნეში პირველი ადგილთაგანი ეჭირა ქართლის თავადებს შორის. მე-XVII საუკ. დასაწყისს, 1¹/₂ საუკუნის განმავლობაში გამოვლილ აზხრებათა გამო, ამ სავარეულოს ჰყავდა საკუთრივ მხოლოდ 513 კომლი გლეხი გარდა აზნაურთა გლეხებისა. ერთი საუკუნის შემდეგ რჩება დაახლოვებით იგივე რიცხვი: 1721 წ. საორბელიშვილო (საყაფლანიშვილო) შეიცავს 575 კომლს საკუთრივ გლეხებს, 310 აზნაურთა კუთვნილ გლეხებს და 85 კომლს აზნაურს, სულ 970 კომლს ბოგანოთა და აყრილთა გარდა. რამოდენიმე წლის შემდეგ ახალი აღწერით საყაფლანიშვილოში აღნიშნულია 93 კომლი აზნაური, 1118 კომლი გლეხი თავადებისა და აზნაურებისა, 263 კომლი ბოგანო, 698 კომლი კიდევ აყრილი.

საყაფლანიშვილოს შემოსავალი მე-XVIII საუკ. პირველ ნახევარში უდრიდა 400—500 თუმანს.



მე-XVIII საუკ. დასაწყისის საციციანო საბატონო, მაგალ., შეიცავდა 859 კომლს და სხ.

ეკლესია. თავისი მდგომარეობით ეკლესია კიდევ უფრო დამოუკიდებელი იყო სახელმწიფოსაგან, ვიდრე დიდებული თავადები. ეკლესია სარგებლობდა შუეუალობის უფლებებითაც თავადებთან შედარებით ბევრად უფრო მეტად. კათალიკოზებს და ეპისკოპოსებს ჰქონდათ თავისი მამულში სამართლის წარმოების უფლება.

ქართლის კათალიკოზი ბევრად უფრო შემძლე იყო აფხაზ-იმერეთის კათალიკოზზედ, ხოლო აფხაზეთის კათალიკოზს მე-XVII საუკ. დასაწყისის ჰყავდა 540 კომლი, ქუთათელ მთავარ-ეპისკოპოსს მე-XVI საუკ. შუაში 540-ზე მეტი კომლი, ხოლო 1576 წ., მცხოვრებთა რიცხვის დაკლებისა გამო, 454 კომლი, მე-XVII საუკ. დასაწყისის ცაიშელს ჰყავდა 300 კომლი გლეხი და აზნაური, ხონელს კი მხოლოდ 59 კომლი.

კათალიკოზს და ეპისკოპოსებს გამოჰყავდათ თავის საბატონოდგან ჯარი, რომელსაც თვითონ წინამძღოლობდნენ. ქართლის კათალიკოზს ჰყავდა საკუთარი სარდალიც. აფხაზეთის კათალიკოზის საკუთარ მოლაშქრეთა რიცხვი 1621 წ. უდრიდა 369 კაცს.

კახეთის სამეფოში თვით სადროშოები ეპისკოპოსების ხელში იყო. მეწინავე სადროშოს სარდლათ ითვლებოდა ბოდბელი, შემარცხენისა რუსთველი და მემარჯვენისა ნეკრესელი.

აზნაურნი, მსახურნი და გლეხნი. თავადები წარმოადგენდნენ მღვდელთ-მთავრებთან ერთად თავისუფალ პირთ საქართველოში, დანარჩენი მოსახლეობა კი, როგორც აზნაურნი, ისე მსახურნი და გლეხნი იმყოფებოდნენ უფლებბრივის მხრივ თავის ბატონისაგან დამოკიდებულ მდგომარეობაში. აზნაური ეწეოდა თავის ბატონის წინაშე მხოლოდ საპატიო სამსახურს. მსახურს და გლეხს ჰქონდა კიდევ თავისი საკუთრება, რომლითაც ის სარგებლობდა განუსაზღვრელად, მხოლოდ ბატონის წინაშე გარკვეულ ვალდებულების შესრულებით. ეკონომიურ ცხოვრების არე-დარევაში, საერთო გაჭირვებაში, ამასთანავე გაზიარებულმა ურთიერთ ხელმომ და ტყვეთ ადამიანთა მოტაცებაში თანდათან გააუარესა გლეხთა უფლებბრივი მდგომარეობა. მსახურთა, მებეგრე გლეხებთან შედარებით, პრივილეგიური მდგომარეობა შეირყა და მსახურიც უფლებბრივად თანდათან უახლოვდება გლეხს. ამასთანავე XVII საუკუნეში და ამ დროიდგან მსახურთა რიცხვი თანდათან კლებულობს: ნაწილი მათი თანდათან გადადის მებეგრე გლეხთა კატეგორიაში. მოკალნე ანუ მებეგრე გლეხის ვითარებაც გაუარესდა.

აღსანიშნავია ამასთანავე, რომ დაახლოვებით მე-XVII საუკუნის დასასრულიდგან დასავლეთ საქართველოში ჩნდება ახალი კატეგორია ეგრედ წოდებულ მოჯალაბე გლეხთა. მოჯალაბე შეადგენდა სრულს სა-

კუთრებას ბატონისას და თავისს მდგომარეობით ის უფრო შეჰკავდა მონას. მართალია, მოჯალაბეთა რიცხვი დიდი არ იყო, მაგრამ მათი გაჩენა ცხადად ამტკიცებს, თუ როგორი გავლენა ჰქონდა ტყვეთა ყიდვის და მებატონეთა ძალმომრეობის გალიერების ხანას გლენთა უფლებრივ მხარეზედ.

სამხედრო წყობილება. სამხედრო თვალსაზრისით სამეფოეტი ქართლისა, კახეთისა იმერეთისა გაყოფილი იყო თითო 4 სადროშოდ, რომელთაგან ერთი იყო თვითონ მეფისა, დანარჩენი კიდევ განსაკუთრებულ სარდლებისა. სარდლები ინიშნებოდნენ ქართლსა და იმერეთში განსაზღვრულ და წარჩინებულ გვარეულობათაგან. ხოლო კახეთში სადროშოები — ეკუთვნოდათ, როგორც ნახსენები იყო, მღვდელთ-მთავრებს — ბოდბელს, რუსთველს და ნეკრესელს.

სარდალს მშვიდობიანობის დროსაც ჰქონდა თავისი შემოსავალი. იმერეთში, მაგალითად, ვერდ-წოდებულ ზემო-ქვეყანის სარდალის წერეთლის სარგო მე-XVIII საუკუნეში იყო კომლზე სამს წელიწადში ერთხელ თითო კოკა ღვინო.

ციხეები ებარა ციხისთავს. იმერეთში ციხისთავი ითვლებოდა ერთ უბირველეს თანამდებობის პირად.

ჯარი გამოდიოდა თითქმის სულ ცხენოსანი, ქვეითი იყო მხოლოდ მკირედი ნაწილი. ჯარის მთავარ შემადგენლობას წარმოადგენდნენ აზნაურნი და მსახურნი. მხოლოდ შემდეგ თანდათანობით — განსაკუთრებით მე-XVII საუკუნის სიგრძეზედ — ჯარში გასვლა სავალდებულო გახდა გლენთათვისაც. იარაღი იყო მშვილდ-ისარი, ხმალი და შუბი. მე-XVI საუკუნის მეორე ნახევარში ჩნდება თოფი და ზარბაზნიც და მე-XVII საუკუნეში შვილდის ადგილს თანდათან იჭერს თოფი.

განათლება, მწერლობა, ხელოვნება. ცხოვრების საერთო დაცემა, რასაკვირველია, დაეტყო ერის სულიერ კულტურასაც. განათლების ცენტრები, მონასტრები, ეხლაც განაგრძობდნენ თავისს საგანმანათლებლო მოღვაწეობას, მაგრამ შემოქმედებითი სამეცნიერო მუშაობა არ სჩანდა.

მე-XVII საუკუნეში განათლების უმთავრესს მოთხოვნილებას საქართველოში წარმოადგენდა: წიგნის და სხვა და სხვა ენის ცოდნა, დამწერლობა (კალიგრაფია), ლექსთ(სიტყვის)-თარგმნელობა, მესტროლობა (ვარსკვლავთ-მეტყველება), ჰელექსობა.

სპარსეთსა და ოსმალეთან ურთიერთობის გახშირებისა გამო მოწინავე წრეებში თანდათან ვრცელდებოდა ოსმალური და სპარსული ენა. მე-XVI საუკ. საქართველოს მალალ წრეებში საკმაოდ ფეხ მოკიდებული იყო თურქული ენა. ამ საუკუნის დასასრულს კახეთის სამეფო არხედაც კი სხვა უცხო ენებთან შედარებით უფრო ემარჯვებოდათ



თურქული. დაახლოებით ამავე დროს ეკუთვნის რამოდენიმე მაგალითი ოსმალურ ენიდგან სხვა-და-სხვა ნაწარმოებთა გადმოღებისა. დაუთ-ხანმა სტამბოლს ყოფნის დროს 1578—1580 წ. წ. გადმოთარგმნა ოსმალურიდგან კარაბადინი. ოსმალურივე ვერსიებიდგან გადმოღებულ იქმნა სპარსულ მწერლის ფორდოუსის „შაჰ-ნამეს“ (მეფეთ წიგნის) ზოგიერთი ნაწილები (მაგ., საამიანი ბარძიმ ვაჩნაძის მიერ).

მაგრამ ოსმალური ზედ-გავლენა ხანგრძლივი და ნაყოფიერი არ ყოფილა. სამხრეთ-დასავლეთ საქართველოში (საათაბაგოში) ქართული ეროვნული კულტურა მაჰმადიანობის ფეხის მოკიდებისთანავე ჰქრებოდა, ხოლო დასავლეთ საქართველოს მალე მოედო ანარქიის ცეცხლი და გარდა ამისა ოსმალთა მძლავრება, მათი მტრული, ამპარტავნული და ზემეხედვარე განწყობილება ქრისტიან ხალხებისადმი შეუძლებლად ხდიდა მათთან კულტურულ კავშირის გაბმას.

სულ სხვა იყო ურთიერთობა აღმოსავლეთ საქართველოსი სპარსეთთან. ქართლ-კახეთში სპარსთა ბატონობის დამკვიდრების შემდეგ მოწინავე ქართველ წრეებმა ხელახლავ იწყეს სპარსულ მწერლობის გაცნობა. სპარსული ენაც მალალ წრეებში ამასთანავე ნელ-ნელა ვრცელდებოდა, რასაც ხელს უწყობდა ის გარემოება, რომ ქართველნი შრავლად შედიოდნენ სპარსეთის სამსახურში და ყაენების კარზე თვალსაჩინო როლს ასრულებდნენ.

სპარსულ კულტურასთან ამ დაახლოებებს მოჰყვა ქართული მწერლობის ახალი აღორძინება. თეიმურაზ I, კახეთის მეფე, იყო პირველი დიდი პოეტი მე-XVII საუკ., რომელმაც გადმოიღო ქართულად რამოდენიმე სპარსული ნაწარმოები („ვარდ-ბუღბუღიანი“, „შაჰ-ფარვანიანი“, „ზილიხანიანი“, „ლელილ-მიჯნუნიანი“).

მე-XVII საუკუნის პირველ ნახევარშივე გადმოღებულ იქმნა სპარსულიდგან „შაჰ-ნამეს“ ზოგი ნაწილი და ამით შევსებულ იქმნა „მეფეთა წიგნის“ მანამდის ქართულად არსებული ვერსიები. თარგმნითი მუშაობა განაგრძო შემდეგ ვახტანგ VI-მ, რომელმაც გადათარგმნა სპარსულიდგან ქართულად, სხვათა შორის, ქილილა და მანა.

ქართულ ისტორიულ ლიტერატურაში სპარსული წყაროები პირველად გამოყენებულ იქმნა ფარსადან გორგიჯანიძის მიერ (მეXVII საუკ. დასასრულს), რომელმაც გადმოიღო ქართულად სპარსულ ისტორიკოსთა ცნობები თემურლენგისა, შაჰ-ისმაილის და შაჰ-თამაზის შემოსევათა შესახებ საქართველოში.

ამ აღორძინებას მოჰყვა ორიგინალურ შემოქმედების გაძლიერებაც მწერლობაში. ამ მხრივ აღსანიშნავია განსაკუთრებით არჩილ მეფე. მას ეკუთვნის სხვათა შორის, „არჩილიანი“, რომელიც წარადგენს თეიმურაზ I-ის ისტორიას. როგორც ორიგინალურ ნაწარმ

თა ავტორი, აღსანიშნავია კიდევ იოსებ ტფილელი, ავტორი „დიდ-მოღურაიანისა“, და თუნა ქვარიანი, რომელმაც დასწერა წმ. გიორგის წიგნი ლექსად და სხვანი.

მე-XVIII საუკუნის დასაწყისიდან ხელახლავ დაიწყო განვითარება ქართულ ისტორიულში მწერლობასაც (ვახტანგის კომისია, ვახუშტი ბატონიშვილი, სენნია ჩხეიძე.)

დიდი მნიშვნელობა ჰქონდა საბა-სულხან ორბელიანის მიერ ვრცელ და საუხუხოვო ქართულ ლექსიკონის შედგენას.

მხატვრობაში აღმოსავლეთ საქართველოში მე-XVII საუკ. სიგრძეზედ დიდი ნაბიჯი გარდასდგა წინ. აქაც სპარსული გავლენა ფლობს შემოქმედებას ან დიდად სჭარბობს მასში.

დასავლეთ საქართველოში მხატვრობა ცდილობს რამოდენადმე ტრადიციულ ანდა კიდევ თვითმყოფობის გზაზედ სვლას. ასეთია, მაგ., მე-XVI საუკუნის ფრესკები გელათში და მამუკა მღვინის მინიატიურ-რები, 1646 წ. შესრულებული „გეგუხის-ტყალისისათვის“. ამისი მიზეზია ის გარემოება, რომ ოსმალეთში მხატვრობა სრულებით ვერ განვითარდა, მაშასადამე ოსმალურ ნიმუშების მიბაძვაზედ ლაპარაკი, თუნდაც ამ გარემოებისა გამო, არ შეიძლებოდა, ხოლო სპარსეთის ზედ-გავლენას კი ლიბთ-იმერეთი და შორებულნი იყო.

V

სპარსეთისა და ოსმალეთისაგან რუსეთისაკენ.

ურთიერთობა რუსეთთან. რაც რომ ცხად ხდებოდა სპარსთა და ოსმალთა მძლავრება საქართველოს მიმართ, მით უფრო მეტის სისწრაფით იზრდებოდა ქართველ ხელმძღვანელ წრეებში სიმპატიები რუსეთისადმი. მე-XVI საუკუნის მეორე ნახევრიდან, ასტრახანის სამეფოს შემოერთების შემდეგ, რუსეთი საქაოლდ მიუახლოვდა საქართველოს, თუმცა არა იმდენად, რომ ამიერ-კავკასიის საქმეებში პირდაპირ ჩარევა მოეხერხებინა. საქართველო რუსეთს უყურებდა როგორც დიდს საქრისტიანო სახელმწიფოს, რომელიც შესაძლებდა ქრისტიანობის, — ქართულ ეროვნების და ხალხოსნობის მთავარ და შეიძლება ითქვას ერთად ერთ იმ დროინდელ საფუძველის — დაცვას მოზავებულ მაშაღიანობისაგან. ამ აზრით მე-XVI საუკუნის დასასრულიდან ქართველი მეფეები იწყებენ მიწერ-მოწერას რუსეთის ხელმწიფებთან. ამ მიწერ-მოწერას ვანსაკუთრებულ ენერგიით აწარმოებდა თეიმურაზ I კახეთის მეფე, რომელმაც თავისი სიცოცხლის ნახევარი თავისს სამეფოს გარეშე გაატარა. 1658 წ. თეიმურაზი თან წაეიდა მოსკოვს შემწეობის გამოსათხოვად რუსეთის მეფის ალექსანდრესაგან. არჩილ, კახეთის და შემდეგ იმერეთის მეფე, აგრეთვე არა ერთხელ თხოულობდა დახმარებას რუსეთისაგან. 1699 წ. ის საბოლოოდ მიემგზავრება მოსკოვს, სადაც გარდაიცვალა კიდევ (1712 წ.). რუსეთიდან ეძიებდნენ დახმარებას აგრეთვე



იმერეთის მეფეები და მთავრებიც. ურთიერთობა საქართველოსა და რუსეთს შორის თანდათან ვითარდებოდა, თუმცა ქართველ მეფეებისთვის მას თვალსაჩინო სარგებლობა არ მოჰქონდა: რუსეთის ინტერესები ჯერ კიდევ არ თხოულობდა კავკასიის საქმეებში ჩარევას და ამიტომ დახმარების მოხაზვებზე მეფეებს ცარიელი ნუგეშისა და იმედების მეტი არა ხედებოდათ რა. პირველად იმპერატორმა პეტრე დიდმა შოინდომა 1722 წ. ამიერ-კავკასიის ფარგლებში თავისი მოქმედების გადმოტანა, მაგრამ მალე გამოარკვეა, რომ რუსეთისთვის ეს ნაბიჯი მაშინ კიდევ ნაადრევი ყოფილიყო. მაინც პეტრე დიდის ამ გამოცდისა და დიდი მნიშვნელობა ჰქონდა. მან ცხად ჰყო სიახლოვე იმ დროისა, როდესაც რუსეთის სასიკაცხლო ინტერესები უეჭველ ჰყოფდა ჩრდილოეთის იმპერიის ამიერ-კავკასიის საქმეებში ჩარევას. მართლაც მე-XVIII საუკუნეში რუსეთი თანდათან გზას იკვლავდა შავი ზღვისაკენ და ცდილობდა მის სანაპიროზე გამაგრებას. ამასთან ერთად მე-XVIII საუკუნეში რუსეთი ნელნელა ღებულობდა ევროპის სახელმწიფოს სახეს. ასეთს პირობებში მისწრაფებას რუსეთისადმი საქართველოში აძლიერებდა, ვარეშე ქრისტიანობის დაცვის მიზნისა, მიდრეკილება ევროპიულ კულტურისა და განათლებისადმი. შემოქმედებითი ძალა ქართველი ხალხისა, მოღვაწეული სპარსეთისა და ოსმალეთის ბატონობის დროს, ეძიებდა გამოსავალს, რომლის პოვნის იმედს აძლევდა მას დიდ რუსეთის ძლიერ-მოსილი წინ-სვლა ოსმალეთის წინააღმდეგ და საზოგადოდ სამხრეთისაკენ.

ოსმალნი ქართლში. ვახტანგ VI-ის რუსეთს წასვლის შემდეგ ოსმალთ ფეხი მოიკიდეს ქართლში. გარეგნულად ქვეყნის მართველად ირიცხებოდა იესე ბატონიშვილი, ნამდვილად კი საქმეებს განაგებდა ტფილისის დადგენილი ახალციხის ფაშა ისაყი. ოსმალთ დაადევს დიდი ხარჯი ქართლს და ცდილობდნენ ქვეყნის შემოპტკიცებას.

დიდ-თავადები და კახ-ბატონი ოსმალთ წინააღმდეგ. ოსმალთა დამპყრობელ გეგმის წინააღმდეგ ამხედრდნენ ქართლის წარჩინებული თავადები, რომელთაც მეთაურობდა გივი ამილახორი, ქკვიანი და ენერგიული პიროვნება და ამავე დროს კარგი მამულიშვილი. ოსმალთ წინააღმდეგ მოქმედობდა აგრეთვე კახ-ბატონი მაჰმად-ყული-ხანი, რომელსაც კახეთის გარდა ჰქონდა მიცემული სპარსეთის მთავრობისაგან განჯა, ყაზახი და შამშადილი, ხოლო წინად განჯის მაგიერად ერევანიც. განსხვავება მათ შორის იყო ის, რომ მაჰმად-ყული-ხანი გამოდიოდა ოსმალთა წინააღმდეგ როგორც სპარსეთის ერთგული, ხოლო გივი ამილახორი თავისი ჯგუფით იბრძოდა ქართლის თვითყოფობის დაცვის მიზნით.

ოსმალეთთან ბრძოლას აძნელებდა ის გარემოება, რომ ქართლის ფეოდალთა შორის არ იყო ერთობა. მაშინ როდესაც გივი ამილახორი და ქსნის ერისთავი შანშე მედგრად ეწინააღმდეგებოდნენ ოსმალთ,



შეორე წარმომადგენელი ქართლის დიდ თავადებისა ერასტი ყაფლანი-
 შვილი ტფილისში მყოფ ისაყ-ფაშას უღდა გვერდში. მაჰმად-ყული-ხანი
 და გივი ამილახორი შეებრძოლნენ ოსმალთ, რომელმებთანაც იმყოფებო-
 დნენ აგრეთვე იესე ბატონიშვილი და ერასტი ყაფლანიშვილი. მაგრამ
 ბრძოლა გათავდა მაჰმად-ყული-ხანის სასტიკი დამარცხებით, რომლის
 შემდეგ ყაფლანიშვილმა ურმებით წააღებინა დაზოცილ ქართველთა
 თავები ტფილისში მყოფ რაჯაბ-ფაშასათვის წარსადგენად.

ამის შემდეგ ოსმალთ უფრო შემოიმტკიცეს ქართლი და მალე
 გადავიდნენ შეტევაზე თვით კახეთში მაჰმად-ყული-ხანის წინააღმდეგ
 და განდევნეს ის თავისს სამფლობელოდგან.

ლექები კახეთში. კახეთის უპატრონობით ისარგებლეს ლექებმა,
 რომელნიც აქამდისაც მუდმივ თარეშებით სასოწარკვეთილებაში აგდებ-
 დნენ ქვეყანას, წამოიშალნენ და მოედევნენ მას. მთელი კახეთი გახდა
 ლექების სათარეშო ასპარეზად. ქვეყანა მთლად აოხრდა. ციხეები მათ
 ჩაუფარდათ ხელში, ხოლო თვით ხალხში იძულებით იწყო გავრცე-
 ლება მაჰმადიანობამ, რადგან ეს იყო ერთად-ერთი საშუალება ფიზიკურ
 არსებობის შენარჩუნებისა.

ოსმალნი მოურიგდნენ ქართლის დიდ თავადებს. კახეთის ლე-
 კების მიერ დაპყრობა აფერხებდა ოსმალების პოლიტიკას ქართლშიაც,
 ამიტომ ისაყ-ფაშამ იესეს სიკვდილის შემდეგ 1726 წ. არჩია ქართლის
 ფეოდალებთან მორიგების გზას დადგომოდა. სომხით-საბარათიანო მიე-
 ცა ერასტი ყაფლანიშვილს (ორბელიანს), მცხეთას ზევით ბაგრატ ცი-
 ციშვილს, ზემო ქართლი გივი ამილახორს, ხოლო სამეურნაო და
 არაგვ-ქსნის საერისთონი თავ-თავის მებატონეთ. მაგრამ ყველაზედ
 უფრო განდიდებული ისაყ-ფაშის მიერ იყო ტფილისის მელიქი აშხარ-
 ბეგ ბებუთაშვილი. ისაყ-ფაშის ამ კომპრომიისულ საშუალებამ, მართა-
 ლია, ოსმალებს ახალი ძალა შესძინა ქართლში: მაგალითად, გივი ამი-
 ლახორი ამის შემდეგ გულწრფელად ემორჩილებოდა ტფილისიდან
 მოცემულ ბრძანებებს, მაგრამ ქართლის ამ დაყოფამ შინც ვერ მოსპო
 ოსმალთ საწინააღმდეგო მოძრაობა. უკაყოფილებმა თან-და-თან იზრ-
 დებოდა და ბოლოს ოსმალთ აუჯანყდა საამილახვროში თენამურაზ მა-
 ჩაბელი და შემდეგ განდგა შანშე ქსნის ერისთავი და არაგვის ერის-
 თავიც.

ოსმალნი ცდილობენ კახეთის დაპყრობას. ამასობაში კახელებმაც
 მოიკრიბეს ძალა და დააპირეს ჩამომდგარ ლექების გარეკა. ერთი
 მღვდლის წინამძღოლობით თელავიდან განდევნილ იქმნა იქ მყოფი
 ლექთა რაზმი, რის შემდეგ ხიზნად წასულმა კახ-ბატონმა მაჰმად-ყული-
 ხანმა შესძლო კახეთში ჩამოსვლა.

ლექნი წარმოადგენდნენ კახეთისთვის ამ დროს მთავარს საშიშრო-
 ებას და ამიტომ კახ-ბატონი დაეზავა ოსმალთ და ისაყ-ფაშას. მაგრამ



ოსმალთ გარდაწყვეტილი ჰქონდათ როგორც ქართლის, ისე კახეთის თავისთვის დაპყრობა და ამიტომ მალე მათ სამჯობინაროდ დაინახეს მაჰმად-ყული-ხანის მთლად თავიღებან მოცილობა: ისაყ-ფაშასთან პირად და მოლაპარაკებისთვის მიწვეული, ის მოკლულ იქმნა ვერაგულად ფაშის მეაზრის მიერ (1729 წ.).

მაჰმად-ყული-ხანის მემკვიდრედ კახეთში იყო ძმა მისი თეიმურაზი, რომელიც ჯერ იძულებული გახდა თავი ფშავში შეეფარებინა, რადგან კახეთს შემოესია ოსმალთა ჯარი, ააოხრა ის და მრავალი სული წაასხა ტყვედ. ოსმალთ უნდოდათ არა-თუ მარტო კახეთის დაპყრობა, არამედ ლეკების ალაგმეაც, მაგრამ, თუმცა ლეკები დაამარცხეს კიდეც, ფეხი იმ მხარეში მაინც ვერ მოიკიდეს და ქვეყანა ერთის მხრივ ოსმალებისა და მეორეს მხრივ ლეკების გამო სულს ლაფავდა.

ქართლ-კახეთის უკიდურესი მდგომარეობა. როგორც ქართლს, ისე კახეთში მოსახლეობა ამ დროს მთლად აწყვეტის პირს იმყოფებოდა. ქართლში ოსმალთა ფართაშობას და ფეოდალთა ურთიერთ შორის ანდა ოსმალთა წინააღმდეგ ბრძოლას თან დაემატა ლეკთა თარეშები. გუნდ-გუნდად, ათას კაცად ან მეტნაკლებად ლეკნი მოედნენ ქვეყანას. ქართლის ცენტრალური და ყველაზედ უფრო დასახლებული ადგილები მთლად გავერანდა. სამუხრანოს, შიდა-ქართლს, საციციანოს, რამდენაღმე, აგრეთვე საპარათიანო — სომხეთს თითქმის სრულებით არ დარჩა მსახლობელი, გარდა მცირეოდენ ნეშტისა, რომელიც სიმაგრეებში შეხიზნულიყო. საბუშაოდ ჩამოსვლასაც ყანებში, თუ არ დიდი სიფრთხილით და ჩამოპარეით, ვერც ბედავდა. ურთიერთ რბევისა გამო გახშირდა ტყვის ყიდვა, რაც უკანასკნელს სულს ართმევდა ისედაც სიკვდილის პირზედ მიმდგარ ხალხს. ასეთსავე მდგომარეობაში იყო კახეთი. ლეკთა რბევის გამო მრავალი სული გასწყდა, მრავალი დატყვევდა, ხოლო დანარჩენთაგან ბევრმა შუღმივ ძალიადობისაგან თავის დასაღწევად ირჩია მაჰმადიანობაში გადასვლა. მთელი ქიზიყი და ალაზნის ვალმა მხარი საბოლოოდ გალევებისა და გადაგვარების გზაზედ იყო დამდგარი. მხოლოდ მცირეოდენი ნაწილი, ისიც მომეტებულად თავდა-აზნაურობა, ჯერ კიდევ შედგარდ იცავდა მამა-პაპურ სარწმუნოებას და ეროვნებას. ჩრდილოეთი ნაწილი კახეთისა კი მთლად სიმაგრეებში იყო გახიზნული.

ერეკლე ბატონიშვილის პირველი გამოსვლა. აი ასეთი იყო ქვეყნის მდგომარეობა, როდესაც ფშავეთში გახიზნულმა თეიმურაზმა დაიწყო ფიქრი ხალხის გამოხსნაზედ. მას გვერდში უდგა ერთად ერთი ძე მისი ერეკლე ბატონიშვილი, ჯერ კიდევ ახალგაზრდა, 15 წლისა. მაგრამ უკვე ქვეყნის გაქირვებაზედ მწვავედ ჩაფიქრებული. თეიმურაზი გამოეხმაურა ადგილ-ადგილ დარჩენილ კახელებს, თავისი შვილი ერეკლე ჩამოგზავნა ალავერდს, ხოლო თითონ კი მივიდა თელავს, სადაც დას-დასად შეიკრიბნენ მასთან მეომრები. საქირო იყო ქიზიყისა და ვალმა-მხრისათვის ხელის ვაწვედენა. რჩეულ მეომართა მცირე რაზმი



ახალგაზრდა ერეკლე ბატონიშვილის ხელმძღვანელობით თავს დაესხა ნეშინის მინდორზედ ქიზიყის წასახდენად წამოსულ ლეკის ჯარს და სასტიკად დაამარცხა ის (1733 წ.).

ეს იყო ახალგაზრდა ერეკლეს პირველი ლაშქრობა, რომელმაც იხსნა ქიზიყი და გაღმა-მხარი მთლად წალეკისა და გადაგვარებისაგან. ამის შემდეგ იწყება სახელოვანი მოღვაწეობა ერეკლესი, რომელიც მთელი თავისი სიცოცხლის სიგრძეზედ, ხმლით ხელში, დარაჯად ედგა საქართველოს ერის უშიშროებისა და მისი მშვიდობიან ცხოვრების უზრუნველყოფის საქმეს.

ნადირის გაძლიერება სპარსეთში. ამ დროს სპარსეთის საქმეებმა გამოკეთება იწყო. სპარსეთში აღმოაბრწყინდა დიადი სახელი ნადირისა, რომელმაც თავისი სამხედრო ნიჭით ერთხელ კიდევ აიყვანა ამ დროს მთლად დასუსტებულ სპარსეთის ძლიერება უმაღლესს წერტილამდის. ის იყო თურქულ ტომის აფშარის მეთაური და შაჰ-თამაზის სამსახურში ითვლებოდა. თანდათან მან გაძლიერება იწყო სპარსეთის ჩრდილო-აღმოსავლეთ პროვინციებში, ხოლო 1728 წ. გაილაშქრა ავღანისტანს ავღანელების სამშობლო ქვეყნის დასამორჩილებლად, რის შემდეგ უფრო გაადვილდა ბრძოლა შუაგულ სპარსეთსა და ისპაანში დაშვიდრებულ ავღანელებთან. მართლაც ავღანელების ბატონობა სპარსეთში მოისპო ისევე სწრაფად, როგორც მოულოდნელად მოხდა მათი 1722 წ. სპარსეთის მდიდარ დედა-ქალაქს ისპაანში შესვლა. 21 დეკ. 1728 წ. ნადირმა დაიპყრო ისპაანი და სპარსეთი ამ გვარად განთავისუფლებულ იქმნა ავღანთა მძლავრობისაგან. ამ გამარჯვების აღსანიშნავად ნადირმა შაჰ-თამაზისგან მიიღო სახელი თამაზ-ყული-ხანისა (ე. ი. თამაზის შონა).

ძლიერ-მოხილი და სახელ-მოხვეჭილი ნადირი მიისწრაფოდა სახელმწიფოს მართვა-გამგეობის ხელში ჩაგდებისაკენ. მალე მან ხანებთან შეთანხმებით გადააყენა შაჰ-თამაზი ტახტიდან (26 აგვ. 1732 წ.) და ყანად გამოაცხადა მისი წ თვის ვაჟი აბაზ III, რომლის რეგენტად და მასადაამე ერანის ფაქტიურ მბრძანებლად თვითონ დაინიშნა.

ამის შემდეგ ნადირმა განაახლა ოსმალებთან ბრძოლა და 1733 წ. აიღო ბაღდადი. ოსმალებმა ამის საპასუხოდ დაიწყო ჯარების დაგროვება ყარსის რაიონში აზერბეიჯანის საბოლოოდ დასაპყრობად და შემდეგ ამ გზით სპარსეთისაკენ გასილაშქრებლად. ნადირმა ამისდა მიხედვით თავისი მთავარი მოქმედება გადაიტანა ჩრდილოეთისაკენ და მოუახლოვდა საქართველოს. 1734 წ. მან უკვე დაიპყრო შირვანი და ცოტა ხნის შემდეგ მოადგა განჯას.

ნადირი შემოდის ტფილისში. ნადირის გაძლიერებას გაფაციცებით თვალყურს აღევნებდნენ ქართლ-კახეთში, სადაც მისი დახმარებით ოსმალთა მძლავრობისაგან თავის დაღწევის იმედი ჰქონდათ. თეიმურაზ



კახ-ბატონი პირველი შეუთანხმდა სპარსელებს და აშკარად გამოვიდა ოსმალების წინააღმდეგ.

ამ დროს ისაყ-ფაშის ძემ უსუფ-ფაშამ გაგზავნა 6 ათასი კაცი ქიზიყზე განჯას შემომდგარ ნადირის წინააღმდეგ. თეიმურაზმა სპარსელების დასტურით და მათი სამხედრო მოქმედებათა გეგმასთან შეთანხმებით შეკრიბა 2 ათასი კაცი, დეცა ოსმალთ და დაამარცხა ისინი. ამის შემდეგ მან კახეთის მართველად დასტოვა ქიზიყის მოურავი, ხოლო თითონ კახ ეპისკოპოსებისა და თავადების თანხლებით მივიდა ნადირთან, რომელიც განჯაში 10 — 11 ათასი კაცით მდგარ ალი-ფაშას შემორტყმოდა. სპარსეთის რეგენტმა თეიმურაზი პატივით მიიღო და თავისთან დაიტოვა. ალი-ფაშა განჯაში 11 თვის განმავლობაში წინააღმდეგობას უწევდა სპარსეთის ჯარს. მას იმედი ჰქონდა ყარსის რაიონში დაგროვილ 120 ათასი ოსმალოს ლაშქრისა აბდულა-ფაშის წინამძღოლობით. მაგრამ 1735 წ. 8 ივნისს ნადირმა მდ. აბარან-ჩაიზე ალაგვის მთის ახლოს სასტიკად დაამარცხა ოსმალების სერასკირა აბდულა-ფაშა, რომელმაც დაკარგა ამ ომში 40 ათასი კაცი და თითონაც მოკლულ იქმნა.

ამის შემდეგ აღმოსავლეთ კავკასიის ბედიც გარდაწყდა. ნადირი მიადგა ყზრსს, ხოლო ამავე დროს ოსმალთ დასთმეს განჯა დამალუ ტფილისიც. ტფილისისთვის ალყის შემოსარტყმელად უკვე წინად გაგზავნილ იყვნენ თეიმურაზი და ხანჯალ-ხანი, რომელთაც დაიჭირეს ოსმალთაგან დაცლილი ქალაქი და ციხე. 22 სექტ. 1735 წ. ნადირმა აიღო ყარსი, ხოლო იმავე წლის 6 ოქტომბერს ის დიდის ამბით შემოვიდა ტფილისს, სადაც მას მიეგება კახ-ბატონი თეიმურაზი. მოქალაქეთ გაუშალეს ძლივე-მოსილს ნადირს ფიანდაზი ციხის კარიდან დაწყებული სასახლის ალაყათის ჩარდახამდის.

ნადირის მოქმედება ქართლ-კახეთში. ნადირის ტფილისისკენ წამოსვლის დროს უკვე საკმაოდ გამოირკვა სპარსეთის რეგენტის გეგმა. მას განზრახვა ჰქონდა ქართლი საბოლოოდ სპარსეთისათვის შემოემტკიცებინა, თუნდაც ამისათვის საჭირო გამხდარიყო მოსახლეობის აყრა და გადასახლება. ამისდა მიხედვით განზრახული იყო ახლად დასანიშნ ქართლის მართველის უფრო მჭიდრო დამოკიდებულებაში მოქცევა როგორც სპარსეთის უმაღლეს ხელისუფალთაგან, ისე კერძოდ ერევნის ბეგლარბეგისაგან, ვიდრე ეს წინად იყო. ამით იხსნება, რომ ქართლის თავი-კაცები, რომელნიც პირველად ეახლნენ ნადირს, ესტო მწვავედ უკმაყოფილო დარჩნენ ოსმალების მაგივრად ახალი ბატონების მოსვლით და სპარსეთის რეგენტს წაუფიქრნენ. გივი ამილახორი გადავიდა იმერეთს, მუნბან-ბატონი წავიდა რუსეთს, სხვანი ქსნის ერისთავი შანშე, არაგვის ერისთავი ბარძიმ და მათი მომხრენი აგრეთვე არ დაემორჩილნენ ახალს რეჟიმს. ნადირმა გაუსია ჯარები ქართლს, 4 ათასი კაცი გაგზავნა ზემო-ქართლს, 4 ათასი საციციანოს. ამ ჯა-



რებმა დააქციეს გორის ციხე, მოწვეეს, მოაოხრეს ქვეყანა და წამოასხეს აყრიო 1300 კომლი და კიდევ 6¹/₂ ათასი ტყვე. ყველა ესენი წაიყვანეს სპარსეთში დასასახლებლად.

შემდეგ ნადირი გადავლია კახეთს, სადაც აგრეთვე ზოგი კახი თავადი და წარჩინებული არ გამოცხადდა მის წინაშე. თეიმურაზი ფშავს განხიზნულიყო თავისი ოჯახითურა. აყარეს აუარებელი სული გაღმამხარს და ალაზნის გამოღმაც და წაასხეს ხვარასანს. კახეთიდან სპარსეთის რეგენტი გაემართა ქარს, ააოხრა ის და მივიდა შამახას.

იმავე წლის ნოემბერს აყარეს კიდევ თითქმის მთლად კახეთის თათრის ელი, რომელიც იერის პირად ბინადრობდა, 12 ათას კომლამდის, აგრეთვე ელი ქართლისა, ავას მიუმატეს ერევნის და ყარსის მხარიდგან, ყაიყულიდგან და ბამბაკიდგან აყრილი ხალხი და ყველა, წასხეს აგრეთვე ხვარასანს.

ნადირის შაჰად გამოცხადება. საზამთროდ ნადირი დადგა მულანს, სადაც ნოვრუზის დღესასწაულისათვის (3 თებერ. 1736 წ.) შეიკრიბნენ მიწვეულნი სპარსეთის წარჩინებულნი, ხანები თავისი ამალგებით და ჯარი, სულ 100 ათას კაცამდის. იქვე იყვნენ თეიმურაზი, ქართველი ბატონიშვილები და თავადები. ნოვრუზის დიდის ამბით გარდახდის შემდეგ ისპანიდან მოვიდა ცნობა მკირე-წლოვან შაჰ-აბაზ III-ის გარდაცვალების შესახებ. როგორც ამბობდნენ, ეს სიკვდილი განგებ იყო მოწყობილი ამ დროისათვის ნადირის მიერ. რადგანაც სეფიანთ დინასტიის წარმომადგენელი მეტი არავინ იყო, ამიტომ ხანებმა შაჰად ამოარჩიეს თვით ნადირი, რომელმაც 26 თებერვალს დაიდგა კიდევ თავს შაჰის გვირგვინი.

თავადების ბრძოლა შაჰ-ნადირის პოლიტიკის წინააღმდეგ. შაჰ-ნადირი ზიესწრაფოდა ერთის მხრივ სპარსეთის ბატონობის უზრუნველყოფას აღმ. საქართველოში და მეორეს მხრივ რაც შეიძლება მეტი სარგებლობის გამოარჩენას ქართლ-კახეთიდან სპარსეთის ინტერესებისათვის. ნადირი ვაზბულთ იყო მუდმივ ომებში და ამისთვის საჭირო ნივთიერი სახსრის საშოვნელად აწერდა დიდს ხარკს დამორჩილებულ ქვეყნებს. გვირგვინის თავს დადგმის შემდეგ შაჰ-ნადირმა გამოლშვა მასთან მისულნი ქართველნი და თან მოაყოლა ბრძანება ქართლზე 3,000 თუმნის ხარკის გაწერის შესახებ. ამასთანავე ქართლს უნდა გამოეყვანა ხუთასი ნოქარი ცოლ-შვილით კაც-ცხენ-იარაღით. ოსმალების ბატონობით გადარიბებულ ქართლს ამდენი ხარკის გარდახდა არ შეეძლო და ამიტომ ქსნის ერისთავი შანშე, გივი ამილახორი და ზემო-ქართლის თავადები გადადგნენ, დაუწყეს მოლაპარაკება სეფი-ხანს. მაგრამ ეს უკანასკნელი არავითარ დათმობაზედ არ წავიდა. ქართლის ერთმა ნაწილმა არჩია შინც სპარსელებს მიკედლებოდა. არაგვის ერისთავი ბარძიმი, საციციანო და საბარათიანო სეფი-ხანს მოურიგდნენ. სეფი-ხანმა სამჯერ გაუსია ჯარი ქსანს და საამილახვროს, მაგრამ სამ-



ჯერვე ვერას გახდა. მაშინ სეფი-ხანმა არჩია მოტყუებით განსაცდელისა-
ვან თავის დაღწევა, გამართა მოლაპარაკება ქართლისა და კახეთის
წარჩინებულებთან და აგრეთვე თეიმურაზ კახ-ბატონთან და მოიწვია
ისინი გორს. აქ მან შეიპყრო თეიმურაზი, არაგვის ერისთავი ბარძიშ,
გივი ამილახორი, კახეთის სახლთბუცესი გივი ჩოღაყაშვილი და სხვანი
და გაგზავნა ისინი ტფილისის ციხეში, ხოლო იქიდგან სპარსეთს შაჰ-
ნადირთან.

ამ ამბების მიღებისთანავე ნადირმა ქართლის მეფედ დასვა აბდუ-
ლა-ბეგ (არჩილ), ძე იესე მეფისა, ხოლო კახეთის გამგედ დანიშნა ქო-
თლის გამგედ ნამყოფი ალი-მირზა, კახი ბატონიშვილი.

მოუხედავად მიღებულ ზომებისა, ქართლში გაძლიერდა სპარსელები-
სათვის მაინც ძნელი იყო სპარსთა წინააღმდეგ მოძრაობა არ ნელდე-
ბოდა. სეფი-ხანი მალე იძულებული გახდა ჯერ ქსნაზე გალაშქრებუ-
ლიყო და შემდეგ თვით ქართლის გამგე აბდულა-ბეგი დაექირა და
სპარსეთში გაეგზავნა. შემდეგ გაგზავნილ იქმნენ სპარსეთში სხვა თავა-
დებიც, მათ შორის ოთარ ამილახორი, სარდალი ქაიხოსრო ორბელიანი,
ლორის მელიქი ფარსადან, სოჭხითას მელოქი ბაადურ. ამით ტფილისში
მყოფი სპარსელების ხანი ფიქრობდა შაჰ-ნადირის ძალა-უფლების გან-
მტკიცებას ადგილობრივ.

ერეკლე ბატონიშვილის ნადირ-შაჰთან გაწვევა. ნადირ-შაჰმა
თეიმურაზი და ქართლელ-კახნი პატივით მიიღო და თან წაიტანა სა-
ლაშქროდ ყანდაარს ავლანისტანს. აქ შაჰმა მეფეს განუცხადა: შენი შვი-
ლი ერეკლე დაიბარე და რა ის ჩამოვა, შენ მაშინ დაგიბრავო. ამ
ამბის მიღებისთანავე ერეკლე ბატონიშვილი წავიდა სპარსეთს და მივი-
და ყანდაარს მაშინ, როდესაც შაჰ-ნადირს ეს ციხე უყვე ადლო. ერეკ-
ლე ნადირ-შაჰმა თან იახლა, ხოლო თეიმურაზი და მასთან მყოფნი
ქართლელ-კახნი სამშობლოში დააბრუნა. ყანდაარიდგან ნადირმა გაილაშ-
ქრა ინდოეთს და ერეკლე ბატონიშვილიც თან წაიყვანა.

ნადირ-შაჰის ინდოეთს გალაშქრება. ინდოეთში გალაშქრება
ნადირ-შაჰისთვის აუცილებელი იყო ავლანისტანის შემოსამტკიცებლად.
რადგან ინდოეთის დიდი მოგოლთა იმპერია მოაჯანყე ავლანელთა წა-
ქეზებით მუდმივ საფრთხეს უზღაღებდა ამ მხრიდგან სპარსეთს. 180 ათა-
სი კაცით ნადირ-შაჰმა გადალახა ინდოეთის საზღვარი, აიღო ქაბული
და 6 თვის ლაშქრობის შემდეგ უახლოვდებოდა დიდ მოგოლთა სა-
ტახტო ქალაქს დელის. კურნალის ომში მან 120 ათასი კაცით სას-
ტიკად დაამარცხა ინდოელთა 340 ათასი კაცისაგან შემდგარი ლაშქა-
რი და თვითონ დიდ მოგოლი მამედ-შაჰიც ტყვედ შეიპყრო (1738
წ.). ამავე წლის მარტში ნადირ-შაჰი შევიდა ქალაქ დელში, სადაც
ზავის პირობების თანახმად აიღო ნადავლად აუარებელი სიმდიდრე.
მარტო ფულად აღებულ იქმნა 300 მილ. რუპი. ურიცხვი სიმდიდრე



დიდ მოგოლთა დინასტიისა, საუკუნეების განშავლობაში დაგროვილი, ჩაუვარდა ხელში სპარსეთის მბრძანებელს. მისსავე ხელში გადავიდა აგრეთვე ყველა დიდ მოხელეების, კარის-კაცების და აგრეთვე მცხოვრებლების განძეულობა. ყველა ამ სიმდიდრის წამოღებას, ვარდა ძვირფასი ქვებისა, დასჭირდა 13 ათასი ცხენი და ჯორი. მთელი ნადავლი კი შეფასებული იყო დაახლოვებით მაშინდელი ლირებულობის მიხედვით 440 მილიონ მანეთად.

მთელი ამ ლაშქრობის დროს ნადირს თან ახლდა ახალგაზრდა ერეკლე ბატონიშვილი, თეიმურაზის შვილი, ქართველების ჯარით. დელიდგან ნადირ-შაჰის ლაშქრობა ავღანისტანსა, ინდოეთში და საზოგადოდ აღმოსავლეთში გაგრძელდა ორ წელსწამდე. ეს საკმაოდ გრძელი ხანა, რომელიც დაჰყო ერეკლემ ნადირ-შაჰთან, ჩინებული შკოლა იყო ბუნებით ნიჭიერ და მხნე მეომარ ბატონიშვილისათვის. ნადირ-შაჰის მოწაფეობამ სახელი გაუკეთა მის და ეს იყო სწორედ მიზეზი, როდესაც ალა-მაჰმად-ხანი, 1795 წელს საქართველოს წინააღმდეგ ამხედრებული, შიშთანობდა ქართველებთან შეტანას ტფილისის გალავნის ქვეშ და ამბობდა: „მე კარგად ვიცო, ერეკლე-ხანი ნადირ-შაჰის მოწაფეა და რამე მახეს დამიგებსო“, ნადირ-შაჰი ძლიერ მადლიერი იყო ერეკლესი, მისი სიმხნისა და ერთგულობისათვის, და ინდოეთში ლაშქრობის გათავების შემდეგ მაისში 1739 წ. გამოუშვა ის საქართველოში. იმავე წლის დეკემბერში ერეკლე მოვიდა კახეთს.

ამ გეარად ოსმალთა ბატონობის და ლეკთაგან ქვეყნის აწყვეტის შიშით თეიმურაზი და ერეკლე დარჩნენ სპარსეთის მთავრობის მხარეზე. თავისი ერთგული სამსახურით თეიმურაზმა და ერეკლემ შაჰ-ნადირის გული მოიგეს და კახეთი შედარებით მოსვენებით იყო თავისი მემკვიდრე მებატონის ხელში.

უფრო რთულ მდგომარეობაში იყო ქართლი, რომელსაც მართავდა შაჰის მიერ დაყენებული სპარსელი ხანი. ეს ხანი ხშირად იცვლებოდა. სეფი-ხანის შემდეგ ქართლის მართველად 1738 წ. დანიშნა განჯის ხანი ულუღი-ხან, რომელიც მალე მოკლეს ლეკებთან ბრძოლაში და სეფი-ხანი ისევ შეუდგა ქვეყნის მართვას. მის მხარეში უდგა საქართველოს ბეგლარბეგად დანიშნული ასლამაზ-ხან ორბელიანი. შვილი მაჰმად-ალი-ხანისა, რომლის სიკვდილის შემდეგ 1740 წ. ქართლში ნაიბად დანიშნულ იქმნა ხვარასნელი იმამ-ყული-ხანი. ქართლის გამგე ხანი იჯდა ტფილისში და განაგებდა ქვეყანას, მაგრამ ქართლის დიდი თავადები კვლავინდებურად წინააღმდეგობას უწევდნენ სპარსეთის მთავრობის პოლიტიკას და არ ემორჩილებოდნენ ხანს. რადგანაც საკუთარი ძალით ბრძოლა ძნელი იყო, ამიტომ თავადები ოსმალებსა და ლეკებს იშველებდნენ სპარსელების წინააღმდეგ. ხანი სამავთროდ თავის მხრეზე ცდილობდა სპარსეთის მფლობელობის განმტკიცებას



და ბოლოს-და-ბოლოს ქვეყანა აოხრებას განიცდიდა როგორც სპარსელების, ისე ოსმალებისა, ლეკებისა და ამათი მომწვევ ქართლის მსხვილ თავადების მხრივ. სპარსეთის მთავრობა ერთის მხრივ ცდილობდა ცალკე ურჩ ფეოდალთა შემუსვრას, ხოლო მეორეს მხრივ ზოგ ვავლენიან თავადების მიბირებასაც.

ქსნის ერისთავის დასჯა. ამ დროს ქართლის წარჩინებულთა შორის უბირველესი მნიშვნელობა ჰქონდათ ქსნის ერისთავს შანშეს და გივი ამილახორს. შაჰმა უბრძანა ტფილისის ხანს ქსნის ერისთავის შანშეს დასჯა. ხანი ჯარით წავიდა შანშეს წინააღმდეგ, შეიპყრა ცოლ-შვილი მისი და მისი ძმებისა, თვით შანშემ კი მოახერხა ახალციხეს გაქცევა. ამავდროს შაჰ-ნადირთან ტფილისის მოვიდა იმერეთის მეფე ალექსანდრე და სთხოვა დახმარება ოსმალების წინააღმდეგ. ამით ისარგებლა ყაენმა და მოსთხოვა ახალციხის ფაშას შანშეს მოკლე, წინააღმდეგ შემთხვევაში ემუქრებოდა ალექსანდრე მეფისთვის დახმარების გაწევას. ფაშა იძულებული გახდა შანშე დაეთმო. ის გაგზავნეს ხორასანს, მაგრამ გზაზედ გაპარვის შემდეგ შეიპყრეს და თვალების დათხრით დასაჯეს.

გივი ამილახორი — ქართლის ვეჟილი. შანშეს თავიდან მოცილების შემდეგ სპარსეთის მთავრობა შეეცადა გივი ამილახორის შემოამტკიცებას. მას მისცეს ქსნის საერისთო და დანიშნეს ქართლის ვეჟილადაც. გივს დიდი გავლენა ჰქონდა, არაგვის ერისთავი ბეჟანიც შემოიბირებული ჰყავდა. მაგრამ, მიუხედავად ამისა, ქართლში მშვიდობა მაინც არ დამყარდა. ამისი ერთი მიზეზთაგანი იყო ის გარემოება, რომ შაჰ-ნადირი თავისი ხშირ ლაშქრობათა გამო იძულებული იყო ხალხსათვის ისეთი მოთხოვნებიანა წამოეყენებინა, რომელიც აღემატებოდა ქვეყნის გარდამხდელიობის შესაძლებლობას. თავიდანვე შაჰ-ნადირმა შეაწერა ქვეყანას დიდი ხარჯი. გარდა ამისა სპარსელების ლაშქრობა დაღისტანზე დიდ მსხვერპლს ითხოვდა არა მარტო ჯარის მიცემით, არამედ სურსათის და მის გადასატან საშუალებათა დამხადების სახით. მართო ერთგობისას სურსათის გადასატანად დაღისტანში მომქმედ ჯარისათვის სპარსელებმა მოითხოვეს 3 ათასი უღელი ხარი, რომელიც არ დაუბრუნებიათ, 2 ათასი ურემი კიდევ სხვა იქმნა გაგზავნილი, 300 ათასი კოდი ბური ცალკე გაიგზავნა. ამას გარდა ქვეყანას მოემატა ახალი გარდასახადები, რომლის გარდახდა მცხოვრებთ ვერ შეძლეს, რის გამო ქართლიდგან მრავალი აიყარა და ახალციხის საფაშოში და სხვა მერზობელ მხარეებში გარდასახლდა.

გივი ამილახორის აჯანყება. ქართლის ვეჟილი გივი ამილახორი ფრიად უკმაყოფილო იყო სპარსელების ქცევით. ამ დროს მას წარუდგინეს ახალი მოთხოვნილება 600 ქალ-ვაჟისა, 500 კომლი კაცისა და 20,000 ხარვარის პურის წარდგენის შესახებ. ეხლა კი მოთმინებიდგან გამოსულმა გივმა განიზრახა სპარსელების წინააღმდეგ გამოსვლა.

თეიმურაზს წინადადება მისცეს აჯანყებას მიმხრობოდა. მაგრამ მან უარი განაცხადა. მაშინ გივი ამილახორმა ტფილისის ხანს შეაგულიანა დალისტანზე ვალაშქრება. თითონ კი ტფილისიდან შიდა-ქართლს გაიქცა (11 აპრილს 1742 წ:) და სპარსელების წინააღმდეგ აჯანყების დროსა ააფრიალა.

თეიმურაზი სპარსელების მხარეზე დგება და იპყრობს არაგვის საერისთოს. როდესაც პირველად ნადირ-შაჰს ამბავი მოუვიდა ხარკის და სურსათის შეუკრებლობისა და ამის შესახებ ამტყდარ უკმაყოფილების შესახებ, მან თავისი სასტიკი ხასიათის მიხედვით ბრძანება გასცა მთლად ქართლ-კახეთის აყრისა და აწყვეტის შესახებ. ასეთ დროს მხოლოდ თეიმურაზს შეეძლო ყენის დაშოშმინება. ჯერ თითონ წავიდა შაჰთან დალისტანს, ხოლო შემდეგ თავისი ცოლიც დედოფალი თამარ, ასული რუსეთში გადასახლებულ ქართლის მეფის ვახტანგისა, დაიბარა. დედოფალ თამარის შუამდგომლობით ქართლ-კახეთის აყრას შაჰ-ნადირმა თავი დაანება, მხოლოდ მიუწერა ტფილისის ხანს მოაჯანყე ქართლის თავადების და მათი მეთაურის გივი ამილახორის დასჯა. გივის დიდი მომხრე იყო აგრეთვე არაგვის ერისთავი ბეჟანი. ამ გარემოებით ისარგებლა თეიმურაზმა, არაგვის ერისთავი მისავე ყმებს მოაკვლევინა და არაგვის საერისთო თითონ დაიპყრო. თუმცა კახ-ბატონის გაძლიერება სპარსელების ანგარიშში არ შედიოდა, მაგრამ გივის წინააღმდეგ სპარსელები ქართლში გაცხარებულ ბრძოლას ეწეოდნენ და ამიტომ მეტი გზა აღარ იყო: არაგვის საერისთო შაჰ-ნადირმა ისევ თეიმურაზს დაუმტკიცა (1743 წ.). ამით კახ-ბატონმა თავისი ძალა და გავლენა განადიდა, მაგრამ იმავე დროს ის ქართლის დიდ თავადთა წინააღმდეგ ბრძოლაში აშკარად სპარსელების მხარეზე მოჰყვა.

ქართლის თავადები გივის მეთაურობით განაგრძობენ ბრძოლას. ამ გვარად სპარსელებმა თანდათან ჩაითრიეს კახეთის მეფე თეიმურაზი ქართლის თავადებთან ბრძოლაში. ამ თავადების ჯგუფი იბძოდა იმ დროს ქართველ ხალხის თავისუფლებისათვის ქართლის ტერიტორიაზედ. ის იყო ამ დროს თავისი მოქმედებით ეროვნულ დროშის მებაირალტრე. მაგრამ ეს ბრძოლა ხდებოდა მისთვის ფრიად არა ხელსაყრელ პირობებში. გარდა ქართლის მსხვილ თავადების და სპარსელების ძალთა უთანასწორობისა, კახეთის სამეფო სახლიც სპარსეთის პოლიტიკის მხარეზედ იყო და ეს გარემოება, რასაკვირველია, აკნინებდა ქართლელ ფეოდალთა ძალას. ამასთანავე თეიმურაზს პირადი გავლენაც ჰქონდა ქართლის ზოგიერთ წრეებზედ, განსაკუთრებით იმ ნათესაურ კავშირის გამო, რომელიც არსებობდა მას და ქართლში წინედ მებატონე დინასტიის შორის ვახტანგ მეფის ასულის თამარის ცოლად შერთვით. ამით აიხსნება, რომ აჯანყებულთა საქმე წინ ვერ წავიდა. პირიქით, თეიმურაზ მეფემ მალე ხელიდგან გამოაცალა ქართლის ფეოდალების მეთაურს გივს არა თუ არაგვის საერისთო, არამედ წაართვა

მის ქსანიც. ქსნის საერისთოს წართმევის შემდეგ ერეკლე ბატონიშვილმა ერთს ბრძოლაში აბო-წმინდასთან სასტიკად დაამარცხა გივი და შეერთებული ოსმალოს, ლეკის და ქართველების ჯარი — ათასი კაცი. გივი შევიდა სურამში, ხოლო ერეკლე დაბრუნდა კახეთს.

მდგომარეობა ამ გვარად ამ დროს ქართლ-კახეთში შემდეგი იყო: სპარსეთის მორჩილნი იყვნენ თეიმურაზ კახეთის მეფე და ძე მასი ერეკლე ბატონიშვილი, ტფილისში იჯდა სპარსელი ხანი, ხოლო ამით წინააღმდეგ ამხედრებული იყო ქართლის ძლიერი ფეოდალურა ჯგუფი გივი ამილახორის მეთაურობით.

თავადების და გივის დამხმარე იყვნენ ოსმალინი, რომელნიც ყოველ ღონისძიებას ხმარობდნენ სპარსელებისათვის საქართველოში ბატონობა გაემწარებინათ და, თუ შესაძლებელი იქნებოდა, ისინი აქედგან მთლად გავედოთ. 1744 წ., მაგ., ახალციხის უსუფ-ფაშა გადმოვიდა ქართლს და შეუერთდა გივს რუსისში. ამით წინააღმდეგ წამოვიდნენ ტფილისის ალი-ხანი და თეიმურაზ კახეთის მეფე. პირველს ბრძოლაში სპარსნი და თეიმურაზი დამარცხდნენ და გორის ციხეში შევარდნენ. უსუფ-ფაშამ ოსმალების მთავრობისაგან გამოტანებული ხაზინა გაგზავნა დალისტანში სპარსელების წინააღმდეგ ლეკების განთქმულ ბელადის მალაჩას ხელით, რომელსაც თან ახლდა ათასი ლეკი და ამდენივე ოსმალი. ხანის მოწვევით ამ ჯარს არაგვზე დახვდა ერეკლე ბატონიშვილი, რომელმაც დაამარცხა ეს რაზმი, მოკლა თვით ბელადი მალაჩა, დახოცა მრავალი, ნეშტი კი გაიქცა გორს უსუფ-ფაშასთან.

თეიმურაზს მიეცა ქართლი, ხოლო ერეკლეს კახეთი. ამგვარად თეიმურაზ კახეთის მეფე და ერეკლე ბატონიშვილი სპარსელების ჯართან ერთად ენერგიულ ბრძოლას ეწეოდნენ ქართლის ფეოდალურ ჯგუფთან. მაგრამ სპარსელებმა მიინც ვერ მოიპოვეს ბატონობა ქართლში. ტფილისში დადგინებული ხანი მხოლოდ დედა-ქალაქს, მისს არე-მარეს, აგრეთვე სომხით-საბრათიანოსა და ყაზახ-ბორჩალო-შამშადილს ფლობდა, შიდა ქართლი კი ფაქტიურად ქართველთა თავადების ხელში რჩებოდა. ამ ბრძოლის დროს თეიმურაზ მეფემ და ერეკლემ დიდი ერთგულება აჩვენეს შაჰ-ნადირს საქართველოს ტერიტორიაზე მისი უფლების განმტკიცების საქმეში. ამით აიხსნება, რა ყანშა ბოლოს ქვეყნის დასამშვიდებლად და ამავე დროს ქართლის შესანაარჩუნებლად 1744 წ. ქართლის მეფობა უბოძა თეიმურაზს, ხოლო კახეთის მეფედ დასვა ძე მისი ერეკლე ბატონიშვილი. შაჰს იმედი ჰქონდა, რომ თეიმურაზ მეფე უფრო მეტს შესძლებდა ქართლის დამშვიდებაში, ვიდრე სპარსელი ხანი, ტფილისს მჯდომი.

გივი ამილახორის დამორჩილება. სპარსეთის მთავრობა არ შესცდა. თეიმურაზი ქართლში გაბატონებისთანავე ენერგიულად შეუდგა საქმეს. საჭირო იყო ქართლის ფეოდალების შემომტკიცება ძალით ან



მებით. პირველად თეიმურაზი შეეცადა შერიგებით საქმის გათავებას. ამისთვის მან შუამდგომლობა აღძრა შაჰ-ნადირის წინაშე ქსნის ერისთვის შანშეს განთავისუფლების შესახებ. ქსნის ერისთავი განთავისუფლებულ იქნა და დაბრუნდა ხორასანიდან თავის საშფლობელოში. ქსნის ერისთავის შემორიგებამ დასცა და დაასუსტა თავადების ჯგუფი და მათი მეთაური გივი ამილახორი. გივი კიდევ ცდილობდა ქართლის ახალ მეფის თეიმურაზის შემბროლებას და თუმცა მას მხარს უჭერდნენ ოსმალინი, მაგრამ ამ ბრძოლიდან მისთვის არა გამოვიდა რა. თეიმურაზ მეფემ 1745 წ. შემოარტყა ალყა სურამს, სადაც გამაგრებულიყო გივრ, გამოიყვანა ის ციხიდან და გაგზავნა სპარსეთს შაჰ-ნადირთან.

ამ გვარად თეიმურაზმა შესძლო სპარსეთის წინაშე შაჰ-ნადირის მძლავრობის დროს ვარკვეულ, მიზან-შეწონილ და ლოიალურ პოლიტიკის საშვალებით ქართლში გაბატონება და იმავე დროს მსხვილ ფეოდალების შესამჩნევად ალაგმვა. ქართლსა და კახეთს პირველად ხანგრძლივ შეწყვეტის შემდეგ გაუჩნდათ ქრისტიანი ბატონები. ეს იყო იმ დროს დიდი ეროვნული გამოარჯევა. 1745 წ. 1 ოქტომბერს შაჰ-ნადირის ნებართვით თეიმურაზმა იკურთხა მცხეთაში გვირგვინი, რაც დიდ აღფრთოვანება გამოიწვია. დიდი ხნის ხარვეზის შემდეგ ჯეილისში მეფობდა ქრისტიანული წესით ცხებული მეფე.

ამიერიდან ქართლი და კახეთი მამა-შვილის მეფობისა გამო არაყბითად გაერთიანებული იყო როგორც სამხედრო ძალის მხრივ, ისე საგარეო პოლიტიკის წარმოებაში. თეიმურაზი და ერეკლე მხნელ შეუდგნენ თავისს აოხრებულ ქვეყანაში ცხოვრების დალაგებას. ბრძოლა ლეკთა თარეშებთანაც საერთო ძალით უფრო ადვილი იყო. ქვეყანამ რამოდენადმე მოსულიერება იწყო.

სპარსეთში ისევ არევ-დარევა იწყება. ამ დროს სპარსეთის ძლიერება ისევ დაცა და მისი დაცემა ისევ მალევე მოხდა, როგორც მალე აღმოებწყინდა შაჰ-ნადირის დროს. თავის მეფობის უკანასკნელ ხანს შაჰ-ნადირს გაუჩნდა დევნის მანია. თავის შვილს და აბრალა მის წინააღმდეგ შეთქმულობა და თვალები დასთხარა. შვილისთვის თვალების დათხრის შემდეგ შაჰ-ნადირი ჩავარდა ვანუსაზღვრელ წუხილში, არ იცოდა თავისი ჯავრი ვისზედ ამოეყარა და ერთ დღეს სიკვდილით დასაჯა 50 მასთან დაახლოებული პირი, მხოლოდ იმიტომ, რომ როდესაც ჩემ შვილისათვის თვალების დაწვის ბრძანება გავეცე, თქვენ უნდა დაგეშალათო. ამის შემდეგ დაიწყო სპარსეთში საშინელი ხანა შაჰის ტერორისა. ნადირ-შაჰი ფრთად გაძუნწდა და ხალხს უკანასკნელს ტყავს აძრობდა. დაიწყო ამბოხება სხვა-და-სხვა ადგილას, რასაც მოჰყვა მთელი ქალაქების აწყვეტა. განსაკუთრებით დევნიდა შაჰი შიიტებს, რადგან თითონ სუნიტი იყო. ბოლოს, როდესაც შაჰმა



ბრძანება გასცა თავისი ჯარში ყველა სპარსელის გაწყვეტისა, მაშ. თვითონ ის მოკლულ იქმნა ერთ მხედართ-მთავრის მიერ (იენ. 1747 წ. - შაჰ-ნადირის სიკვდილის შემდეგ სპარსეთში ასტყდა ხანგრძლივ ანარქია.

თეიმურაზი მიდის სპარსეთს დიდი არბაზობის გამო. თავისი მეფობის უკანასკნელ ხანაში და აშკარა სულიერ ავადმყოფობის დროს ნადირ-შაჰმა გააწერა ქართლ-კახეთსაც დიდ-ძალი გარდასახადი. ქართლის ვე-ქილად მყოფი ყაზახის ხანი, აგრეთვე თეიმურაზის ვეზირად სპარსე-ოიღვან დანიშნული მირზა-იბრეიმი და სხვა სპარსელი მოხელეები გაწ-ვეულ იქმნენ ყაენთან, რომელმაც მათი თვალების დათხრა ბრძანა და შემდეგ მოსთხოვა თეიმურაზს არბაზი 15 ათასი თუმანი, ერეკლეს 10 ათასი, ხოლო მთლად ქართლ-კახეთს 200 ათასი თუმანი. ამ ფულის გარდახდა ყოვლად შეუძლებელი იყო და მეფეებიც ვალუდგნენ შაჰ-ნადირს. ყაენმა ამ ამბის მიღებისთანავე აპატია თეიმურაზ-ერეკლეს მათზე გაწერილი გარდასახული და ქართლ-კახეთის არბაზის გარდაწყვე-ტაც თეიმურაზს მიანდო.

ამის შემდეგ თეიმურაზმა გარდასწყვიტა სპარსეთს წასვლა (მისი 1747 წ.), ხოლო ქართლი კი ჩააბარა იესეს ძეს ბატონიშვილ აბდულა-ბეგს (არჩილს), რომელსაც ქვეყანა უნდა ემართა ერეკლესთა, შეთანხმებით.

თეიმურაზს აძლევენ ყაზახს. თეიმურაზმა სპარსეთში დაჰყა თითქმის 2 წელიწადი. ამასობაში სპარსეთში არეულობა გრძელდებოდა. ცალკე პროვინციებში მოხდა განდგომილება. ყაენად მჯდარი ნადირ-შაჰის ძმისწული ადილ-შაჰი შეიპყრო მისმა ძმამ იბრეიმი-მირზამ, დასთხარა მას თვალები და თვითონ გაყაენდა (1749 წ.). თეიმურაზმა თავისი ტაქტით შესძლო ყველა სიძნელისათვის თავი გაერთო და ახალ შაჰთან სულთან-იბრეიმიანაც კარგი განწყობილება დაიჭირა. 1749 წ. მარტს თეიმურაზი გამოისტუმრეს ტფილისს დიდი საჩუქრებით. ამასთანავე მას უბოძეს ბორჩალოს გარდა ყაზახიც.

აბდულა-ბეგი. ტფილისის ციხის დაჭერა ქართველების მიერ. თეიმურაზის სპარსეთში ყოფნის დროს ქართლის მართველად დანიშ-ნულმა აბდულა-ბეგმა ისარგებლა მთელს ერანში მოდებულ არეულობით და გამოაცხადა თავისი თავი ქართლის ბატონად. მან დაიპყრო სომ-ხით-საბარათიანო, მოიძხრო ტფილისის ციხის მცველი თათრები (ცი-ხილბაშები), ხოლო თვითონ გამაგრდა სამშვილდეში. ერეკლე მეფემ დაიწყო ბრძოლა მის წინააღმდეგ და შემოადგა ტფილისის ციხეს. ხანგრძლივი ბრძოლის შემდეგ როგორც ტფილისის ციხე (ნარიყალა), ისე მეტეხის სიმაგრე აღებულ იქმნა ქართლ-კახეთის ჯარის მიერ.

პირველად ორი საუკუნის შემდეგ ტფილისის ციხეში შედიოდა ქარ-თველი რაზმები. ერეკლე მეფე თვით ავიდა ნარიყალას დასათვალიე-

ებლად და დააყენა იქ 60 კახი ჯარის-კაცი. მეტეხის ციხეში დადგა კიდევ ცალკე რაზმი (1748 წ.).

ცოტა ხნის შემდეგ ახალი შაჰის სულთან-იბრეიმის ეთიმადოვლეს სალიმ-ხანის შუადგომლობით თეიმურაზ-ერეკლე მოურიგდნენ აბდულა-ბეგს, რომელსაც მიეცა საუფლისწულო.

სპარსეთიდან ახალ ჩამოსულომა თეიმურაზ მეფემ ჩამოიყვანა 300 სპარსელი ჯარის-კაცი, რომელიც შაჰის ბრძანებით ტფილისის ციხეში უნდა დაედგარიყო. ტფილისში ამ გვარად ისევ ყაენის რაზმი დადგა, მაგრამ მხოლოდ ცოტა ხნით.

არეულობა სპარსეთში. არეე-დარევა სპარსეთში გრძელდებოდა. შაჰ-სულთან-იბრეიმი მალე ჩამოაგდეს ტახტიდან და მის მავივრად ყაენად დასმულ იქნა ნადირ-შაჰის შვილისშვილი როქ-მირზა. ამის შემდეგაც შეხლა-შემოხლა არ შეჩერებულა. გაჩნდნენ სხვა-და-სხვა მეძიებელნი ყაენის ტახტისა. შაჰ-როქს მალე თვალები დასთხარეს, ყაენობიდანაც გარდაგდეს, მაგრამ შემდეგ ისევ ტახტზე დასვეს. ბოლოს ერანში თანდათან გაძლიერება იწყო ზენდის ტომის მეთაურმა ქერიმ-ხანმა (1750 წ.). ქერიმ-ხანის გამოჩენის დროს სპარსეთში მძლავრობდნენ: აზერბეიჯანში ახატ-ხანი ავღანელებითურთ, გილანში ჰიდასტ-ხანი და ასტრბაღს ჰუსეინ-ხანი ყაჯარი. ქერიმმა დაუწყო ბრძოლა ამ თავისს მოპირდაპირე და აგრეთვე სხვა ხანებს და ბოლოს, რამოდენიმე წლის შემდეგ, ვახდა ფაქტიური მბრძანებელი სპარსეთის დიდი ნაწილისა.

ქართლ-კახეთი თავისუფლდება სპარსეთის გავლენისაგან. რადგანაც ამ გვარად ერანში არეულობა არ სწყდებოდა და ამიტომ სპარსეთის პოლიტიკური გავლენა აღმ. საქართველოში თანდათან სუსტდებოდა. მალე ფაქტიურად მოისპო ქართლ-კახეთის დამოკიდებულება სპარსეთისაგან და ტფილისის ციხეც უმტკივნეულოდ ქართველების ხელში გადავიდა.

ერევნის სახანო ხდება თეიმურაზ მეფის მოხარკე. არეულობა სპარსეთში საშუალებას აძლევდა თეიმურაზს და ერეკლეს უფრო მეტის ყურადღებით მოქცეოდნენ შინაურ საქმეებს და ამავე დროს სამეფოს საზღვრების გაფართოებისა და თვისი პოლიტიკური გავლენის გადიდებისათვისაც ეზრუნათ.

1749 წ. იბრეიმ-შაჰის მოკვლის შემდეგ, სპარსეთში ამტყდარ დიდი არეულობის დროს ვინმე მაჰმად-ხან აზერბეიჯანის ქვეყნებს აოხრებდა. ერევნის ხანმა ვერ შესძლო მაჰმად-ხანის წინააღმდეგობა. სპარსეთშიდაც ყველას მიერ აღიარებული ცენტრალური მთავრობა არ არსებობდა. ამიტომ მან მიმართა თეიმურაზ-ერეკლეს და სთხოვა დახმარება,

რის სანაცვლოდ აღუთქვამდა ყოველ წლიურ ხარკის მიცემას. ორნივე მეფენი წაივინდნენ მაჰმად-ხანის ასალაგმავად, დაამარცხეს ის და განათავისუფლეს მტრისაგან ერევნის სახანო, რის შემდეგ ხანმა ქართლის მეფის მფარველობა აღიარა და იკისრა ყოველ წლიური ხარკის გარდახდა.

განჯის სახანოც ქართლის მოხარკე ხდება. 1750 წ. კიდევ ყარაბაღის ხანი ფანა მოადგა განჯას. მაშინ მოსწერა წიგნი განჯის ხანმა და ითხოვა შეწყვეტა თეიმურაზისა და ერეკლესაგან, რომელთაც სწრაფად სალაშქროდ მზადება დაიწყეს. ფანა-ხანმა არ დაუცადა ქართველი ჯარის მოსვლას და ბრძოლას გაერიდა. მაგრამ მეფეებმა უკან მისდიეს, მოარბიეს ყარაბაღი და გამობრუნდნენ დიდის ნადავლით. ხოლო თვით განჯის სახანო კი ამიერიდგან ქართლის მოარჩილი იყო, მისს მფარველობას აღიარებდა და ყოველ წელს განსაზღვრულ ხარკს იხდიდა.

სპარსეთის არეულობა ამგვარად თანდათან აიძულებდა თეიმურაზს და ერეკლეს აქტიურ საგარეო პოლიტიკაზედ გადასვლას. ერევნის და განჯის სახანოების საქართველოს გავლენის ქვეშ მოქცევა აუცილებლად ხდიდა საზოგადოდ სპარსეთის არეულ საქმეებისათვის მეტის ყურადღების მიპყრობას. ამით ქართლ-კახეთის საგარეო პოლიტიკის სფერო შესამჩნევად გაფართოვდა. ამასთანავე მამა თანდათან უთმობდა პირველობას თავისს შვილს ერეკლეს, რომელიც უმთავრესად სამხედრო ოპერაციებით იყო ვართული, მაშინ როდესაც შინაური მართველობის გეზს უფრო თეიმურაზი აწარმოებდა.

ერეკლეს გალაშქრება სპარსეთისაკენ. ამ დროს სპარსეთში ჩნდებოდა სხვა-და-სხვა მძლავრი უზურპატორები, რომელთა გაძლიერება ქართველ-ბატონებისათვის არ იყო ხელსაყრელი. 1750 წ., მაგალითად, თანდათან გაძლიერდა ალი-მარდან-ხანი ბახტიარელი, რომელმაც მალე დაიპყრო თვით სპარსეთის ხატაბტო ქალაქი ისპაანი. 1751 წ. დასაწყისს მის წინააღმდეგ ამხედრდა ქართლ-კახეთის ჯარი ერეკლე II-ეს წინამძღოლობით. ყველა ჯარის-კაცს ნიშნად ჰქონდა გაკეთებული ჯვარი, — ემბლემა, რომელიც მთელს ლაშქრობას ჯვაროსნულ ომის ხასიათს აძლევდა და რომელიც ამიტომ დიდს აღფრთოვანებას იწვევდა სპარსეთის ქვეშევრდომ ქრისტიანებს, სომხებსა და სხვებს შორის. კახ-ბატონმა გაილაშქრა თავიზის მიმართულებასზედ და ემზადებოდა შუა სპარსეთში წასასვლელად, მაგრამ ეს შეუძლებელი აღმოჩნდა, რადგან აზერბეიჯანში ამ დროს ძლიერდებოდნენ ავღანელები. ესენი გადმოვიდნენ თვით არეზის გამოღმა, მოედევნენ ნახჩევანის მხარეს ერევანამდის, ხოლო ლეკები ამავე დროს მათთან შეთანხმებით მოადგნენ შირვანს. ამიტომაც ერეკლე II იძულებული გახდა 1751 წლ. დასასრულს დაბრუნებულიყო ტფილისში.

აზატ-ხანის დამარცხება. შემდეგ წელს აზერბეიჯანი თავრიზითურთ მთლად დაიპყრო ავღანელების წინამძღოლმა აზატ-ხანმა. თავ-

რიზიდგან დახმარება სთხოვეს ქართველ ბატონებს. ამ შუადგომლობის მიხედვით თეიმურაზმა და ერეკლემ კვლავ დააპირეს ლაშქრობა. მათ მხარს უჭერდათ, გარდა განჯა-ერევნისა, აგრეთვე ყარაბაღისა და შირვანის ხანები. განჯარაზული იყო ჯერ თავრიზზედ წასვლა, შემდეგ კი თვით ისპაანისაკენ აღღანელთა მძლავრების მთლად ასალაგმავად, ხოლო საბოლოო გამარჯვების მოპოვებისთანავე ერთ-ერთ პრეტენდენტის სპარსეთის ტახტზედ დამტკიცება. ქართლ-კახეთის ჯარი ჩავიდა ერევნის სახანოში, სადაც მას მოეგება აზატ-ხანი 18 ათასი კაცი. მიუხედავად მტერთან შედარებით სიცოტავისა, საქართველოს ლაშქარმა ერეკლეს პირადი მამაცი ხელმძღვანელობით სძლია სასტიკი ბრძოლის შემდეგ მოწინააღმდეგეს და ააფორიაქა იგი.

ჰაჯი-ჩელები. აზატ-ხანზე გამარჯვებამ კიდევ უფრო განაძლიერა თეიმურაზი და ერეკლე. მოსალოდნელი იყო მათ მიერ მთლად პირველობის ხელში ჩაგდება აზერბეიჯანის ტერიტორიაზედ და საზოგადოდ სპარსეთის იმპერიის ჩრდილოეთ ნაწილში. ეს გარემოება დიდს შურს და უკმაყოფილებას იწვევდა აზერბეიჯანის ხანებში, რომელთაც სასიამოვნოდ არ რჩებოდათ ქრისტიან და ქართველ ხელმწიფეების განდიდება. ამ უკმაყოფილების ნიადაგზე აზერბეიჯანში გაჩნდა მისწრაფება ქართველ ხელმწიფეთა ბატონობისაგან თათრების განთავისუფლების შესახებ. მოძრაობას სათავეში ჩაუდგა შაქის ხანი ჰაჯი-ჩელები. მამა ჰაჯი-ჩელებისა იყო სომხის მღვდელი. ამ მღვდლის შვილი აღრიდებანავე გადასულიყო მაჰმადიანობაში, ხოლო მას შემდეგ თავისი სიზნით, მოახერხებით და ჭკუით განემტკიცებინა ავისთვის შაქის სახანო. ჰაჯი-ჩელებს კავშირი ჰქონდა გაბმული დაღისტნის ლეკებთან და მათთან შეთანხმებით მოქმედობდა.

ამავე დროს აზატ-ხანმაც ქართველ მეფეების მდგომარეობის გასართულებლად მთავარი ყურადღება მიაპყრო ლეკების ამხედრებას როგორც ქართლ-კახეთისა, ისე შირვანისა და განჯის მხრისაკენ.

ჰაჯი-ჩელები ამარცხებენ ქართველების ჯარს. ასეთს მდგომარეობაში თეიმურაზი და ერეკლე იძულებულნი გახდნენ ჰაჯი-ჩელების წინააღმდეგ ლაშქრობისათვის განმზადებულებიყვნენ. მათ ჯარში იყვნენ ყაზახ-ბორჩალოელი თათრები და აგრეთვე ლეკნიც დაღისტნის შამხლის შვილის წინამძღოლობით. მეფეები მივიდნენ განჯას და დაიბარეს თავისთან აზერბეიჯანის ხანები, რომელნიც გამოცხადების შემდეგ საექვო მოქმედებისათვის შეპყრობილ იქნენ. ამის შემდეგ ჰაჯი-ჩელები შირვანის, ქარისა და თავისი ჯარით მოადგა განჯის სანახებს, სადაც გაიმართა ბრძოლა. ქართლ-კახეთის ლაშქრის ერთი ნაწილი ყაზახ-ბორჩალოელთა და ლეკთაგან შემდგარი, 4 ათასი კაცი, შეეფეთა მოწინააღმდეგეს არა შესაფერისს აღვილას და დაამარცხდა. მათმა გამოქცევამ არაა ბრძოლის ველზედ ერეკლეს



სხვა რვა ათასი ჯარიც, რის გამო ომი წაგებულ იქმნა. გამოქცეულ ჯარს დაეცნენ გზაზედ კიდევ შამშადილელნი, რომელთაც დიდი ნაენები ქნეს.

ამ დამარცხებას მოჰყვა მთლად თათრების გადადგომა ქართლ-კახეთისაგან. ყაზახ-ბორჩალო დაემორჩილა ჰაჯი-ჩელეხს. თათრები ამასთანავე ლეკებთან ერთად არბევდნენ სომხით-საბარათიანოს. ასეთს მდგომარეობაში მეფეებმა სცადეს ჰაჯი-ჩელეხთან მორიგება, მაგრამ ის ვადაპრით თხოულობდა ქართლის ქვეშევრდომ თათრებზე ხელის აღებას და აზერბეიჯანის საქმეებში გაურუველობას. შეთანხმება შეუძლებელი იყო, რადგან ეს პირობები ქართლ-კახეთის სახელმწიფოებრივ მთლიანობას არღვევდა და ამასთანავე ქვეყანას პოლიტიკურ და ეკონომიურ განვითარების გზას უსპობდა. ამიტომ თეიმურაზმა და ერეკლემ დაიწყეს მზადება ჰაჯი-ჩელეხის წინააღმდეგ გასალაშქრებლიად.

ჰაჯი-ჩელეხის დამარცხება. რადგანაც საკუთარი ძალა არ კმაროდა, ამიტომ ერეკლე II წავიდა ჩერქესეთზე იქიდან ჯამაგირით ჯარის გამოსაყვანად. ჩერქესების 4 ათასი კაცის მოსვლის შემდეგ ერეკლემ რამოდენიმეჯერ დაამარცხა ლეკები. აგვისტოში 1752 წ. კი ერეკლემ 7—8 ათასი კაცით ჩერქესებითურთ გაილაშქრა ყაზახზე, სადაც იღვა ჰაჯი-ჩელეხის შვილი განჯის ხანთან ერთად. ყაზახის ხანი შეფეს მიემხრო. მოხდა სასტიკი ომი, რომელიც გათავდა ჰაჯი-ჩელეხის ჯარის სრული დამარცხებით. ამ ბრძოლაში დაიღუპა 7—8 ათასი ლეკი და თათარი (31 აგვ. 1752 წ.).

ამ გამარჯვებამ დასცა ჰაჯი-ჩელეხის ძალა და აზერბეიჯანის ხანებმაც არჩიეს ქართველ მეფეებთან მორიგების გზაზე დადგომა. ყაზახ-ბორჩალო დარჩა ქართველ ბატონებს და გარდა ამისა მალე აზატ-ხანიც შეეცადა მეფეებთან შემორიგებას. თეიმურაზმა და ერეკლემ ისევ შემოიმტკიცეს განჯა-ერევანი და თვალსაჩინოდ გაძლიერდნენ აღმოს. ამიერ-კავკასიაში.

ერეკლეს სახელი ევროპაში. აზერბეიჯანის და საზოგადოდ სპარსეთის საქმეებში აქტიობის გამოჩენამ დიდი სახელი მოუპოვა ერეკლეს. ევროპაში მას ამ დროს სთვლიდნენ უპირველეს და უძლიერეს პიროვნებად მთელს ერანში, რომელიც დღეს-ხვალ სპარსეთის ბედს გადასწყვეტდა. ერეკლეზე სწერდნენ არა მარტო გაზეთებში, არამედ 1754 წ. პარიზში გამოვიდა სპეციალური წიგნიც სპარსეთ-საქართველოს არეულობათა შესახებ, სადაც ევროპიელი ავტორი უპირველესს მნიშვნელობას აძლევდა სპარსეთის ამბებში ერეკლე მეფეს და კერძოდ მის პიროვნებას არაჩვეულებრივი აღფრთოვანებით იხსენიებდა. ავტორი აღნიშნავდა ირაკლის, მიუხედავად მისი ახალგაზრდობისა, — არაჩვეულებრივ სიღარბაისლეს, ქუჟასა და გამოცდილებას, უშესანიშნავეს, მხნეობასა და მამაცობას, ღვთის მოშიშობას და კეთილმორწმუნეობას,



სამართლიანობას და თავის ქვეშევრდომებისადმი განუსაზღვრელ ღიბერალურ მოპყრობას. თუ რამდენად დაინტერესებული იყვნენ ევროპაში ერეკლეს პიროვნებით, ეს სჩანს იქიდანაც, რომ დასახელებული წიგნი მთარე წელსავე გადაითარგმნა გერმანულად და დიბეკდა მიანის ფრანკჟურტში. ერეკლეს პოპულიარობა იყო მიზეზი, რომ ათქმევინა პრუსიის მეფეს ფრიდრიხ დიდს:—ევროპაში მე ვარ პირველი, ხოლო აზიაში ერეკლეო.

ლექთა მძლავრება. ფაქტიურად მალე თეიმურაზ და ერეკლე იძულებული გახდნენ სპარსეთის მიმართ დიდ პოლიტიკის წარმოებაზედ ხელი აეღოთ. ამის ერთი მთავარ მიზეზთაგანი იყო გამუდმებული თავ-დასხვა ლეკებისა ქართლ-კახეთზე. დიდ-დიდ დასებად ლეკნი შემოდიოდნენ, აოხრებდნენ სოფლებს და ატყვევებდნენ მრავალ მცხოვრებთ. ბრძოლა მათ წინააღმდეგ ფრიად გაძნელდა.

დალისტინის მფლობელთ შორის ამ დროს მთავარი მნიშვნელობა ჰქონდა ავარიის ხანს ნურსალ-ბეგს, რომელსაც კიდევ ხუნძახის ბატონს ეახდნენ. თუმცა თვით მისი საბატონო დიდი არ იყო, მაგრამ თავისი გავლენით მას შეეძლო დალისტინის უმეტესი ნაწილი თავისი დროშის ქვეშ მოეკრიბა.

ავარიის ხანი ხშირად ესხმოდა თავს ქართლ-კახეთს. 1754 წ. აგვისტოში, მაგალ., მან დიდის ჯარით აიარა კახეთი, გადაეიდა ქართლს და შემოერთცა მქადის-ჯვარის ციხეს. მართალია, ეს შემოსევა მისი დამარცხებით გათავდა, მაგრამ ლექთა თარეშები მაინც არ შემცირებულა. ერეკლემ მოიწვია ჩერქეზების, კალმიკების, ნოღაელების და აგრეთვე სხვა-და-სხვა მთის ხალხის ჯარი და ეწყოდა ენერგიულ ბრძოლას მოზევეებულ ლექთა წინააღმდეგ.

ნურსალ-ბეგი არც ამის შემდეგ გაჩერებულა.

1755 წ., მაგალითად, ის 20 ათასი კაცით თავს დაეცა კახეთს, შემოერთცა თელავს და თუმცა საბოლოოდ ვერას მიადწია, მაგრამ მაინც ძლიერ დიდი ზიანი მოიტანა. 1757 წ. კი 4 ათასი ლეკი დაეცა ზემო-ქართლს, ხოლო ორი წლის შემდეგ დალისტინის ბელადი კოხტა 8 ათასი კაცით წავიდა ქართლს სათარეშოდ და ავიდა ლიხავის ხეობამდის. ვარდა ამ შედარებით მსხვილ ლაშქრობათა ქვეყანას ანიავებდა ქურდული თავდასხმა ლეკების უფრო მომტრო დასებისა. მეფე ერეკლე მხნედ მოქმედობდა მტრების წინააღმდეგ, გამუდმებით ლაშქრობდა და ცდილობდა მტკიცე მშვიდობიანობის დამყარებას შიგნით ქვეყანაში, მაგრამ პირადი მისი მხნეობა მაინც უძლეური იყო ლექთა თარეშების საბოლოოდ ასალაგმავად.

დიდ თავადების მოძრაობის იდეური საფუძველის შერყევა. შინაურ ცხოვრებაში ამ დროს უმთავრესი მნიშვნელობა ჰქონდა მეფის ძალა-უფლების დამოკიდებულებას ფეოდალურ ჯგუფთან. თეიმურაზი



და ერეკლე ცდილობდნენ მტკიცე მართველობის დამყარებას და სახელმწიფოებრიობის გაძლიერებას. ფეოდალურ წეს-წყობილებას ჯერ კიდევ ძირი მაგრად ჰქონდა გაღმული ქვეყნის ცხოვრებაში და ამას ხელს უწყობდა რამოდენაღმეც ის დადებითი მნიშვნელობა, რომელიც ჰქონდა წინა დიდ თავადთა გვარეულობათ ეროვნულ კულტურისა და ვინაობის დაცვის საქმეში. დიდი თავადები ეროვნულ მაჯის ცემის დასუსტებისა და გარეშე საფრთხის დროს ხშირად გამოდიოდნენ ეროვნულ თავისუფლების მებრძოდ. ასე იყო, მაგალითად, მე-XVII საუკუნეში სპარსელების წინააღმდეგ და მე-XVIII საუკუნეში პირველ ნახევარში ოსმალებსა და შემდეგ ნადირ-შაჰის წინააღმდეგ. ეს ბრძოლა ბოლოს გათავდა გარეგნულად თავადების დამარცხებით, მაგრამ არსებითად კი დიდი მორალურ გამარჯვებით თუ არა მათი, ყოველს შემთხვევაში იმ ძირითადი აზრისა, რომელიც ახასიათებდა ფეოდალურ წრეების სპარსელების წინააღმდეგ ამხედრებას: ბოლოს და ბოლოს ქართლი ხელში ჩაუვარდა ქრისტიან მეფეს თეიმურაზს და მალე მოისპო სპარსეთისაგან დამოკიდებულების ნაშთიც. ამ გვარად იდგა ეროვნულ და სარწმუნოებრივ თვით-მყოფობისა გამარჯვებული დარჩა. ამიტომ მას შემდეგ, რაც ქართლ-კახეთში ქრისტიანი და ეროვნული მთავრობა განმტკიცდა, დიდ თავადთა ბრძოლასაც ძლიერ ცენტრალური ძალებების განმტკიცების წინააღმდეგ გამოეცალა ის მაღალი ზნეობრივი საფუძველი, რომლისთვისაც ასე ხშირად აფრიალდებოდა ხოლმე აჯანყების დროშა — საფუძველი სარწმუნოებრივი და ეროვნული. დიდ თავადების მეთაურმა, სპარსეთში გაგზავნილმა გივი ამილახორმა მალე შეიგნო ეს და შეურიგდა თეიმურაზ მეფეს. სპარსეთში გივი დაწინაურებულიყო, ყულარაღასობა მიეღო და დიდი სიმდიდრეც მოეპოვა. იქიდან დაბრუნებისას ის მიღებულ იქნა თეიმურაზ მეფის მიერ პატივით, დაინიშნა ტფილისის მოურავად და ამის შემდეგ თეიმურაზის ერთგულ სამსახურში განაგრძობდა თავის მოღვაწეობას.

ქართლ-კახეთის ცხოვრებამ ამ ნაირად თანდათან მიიღო ახალი მიმართულება და ეს გარემოება კი თხოულობდა შინაურ წეს-წყობილების შეთანხმებას შეცვლილ ვითარებასთან, საზოგადოდ შინაური პირობების იმდენად გაუმჯობესებას, რომ შესაძლებელი ყოფილიყო სახელმწიფოებრივი ცხოვრების წინსვლის მკვიდრ გზაზე დაყენება. ეს კარგად ესმოდათ ქართლ-კახეთის მოწინავე წრეებს, თეიმურაზს და განსაკუთრებით ერეკლეს, ამიტომ შესაფერისს ზომებსაც ღებულობდნენ. ერთ-ერთი მთავარი მნიშვნელობა შინაურ პირობების გარდაქმნის მომზადებაში ჰქონდა, რასაკვირველია, კულტურული მუშაობის გაჩაღებას.

შინაური გაუმჯობესებანი. კულტურული მუშაობა შეფერხებული იყო ოსმალთა ბატონობისა და შემდეგ შაჰ-ნადირის მძლავრების გამო. ვახტანგ VI-ის მიერ დაარსებული სტამბაც ტფილისში არ მოქმედებდა. 1749 წ. ეს სტამბა ისევ განაახლეს. საეკლესიო წესთა

განსამართავად განათლებულ და მეცნიერ კათალიკოზის ბატონიშვილ ანტონ II-ის თაოსნობით მოწვეულ იქმნა ეპისკოპოსთა კრება. 1756 წ. კიდევ ტფილისში დაარსდა ფილოსოფიის სემინარია, რომლის რექტორად დანიშნულ იქმნა განსწავლული მღვდელი ფილიპე ყაითაზა-შვილი, სარწმუნოებით გრიგორიანი.

ამასთან ერთად თეიმურაზი და ერეკლე დებულობდნენ ზომებს შინაური ცხოვრების გასაუმჯობესებლად. გვირგვინის კურთხევის დროს 1745 წ. მეწინავეს სარდალს ქაიხოსრო ორბელიანს ებოძა უფროსობა სარდლებში. ამით სამხედრო მართველობას მეტი ერთიანობა მიეცა.

1748 წ. სამართლის საქმის გასაუმჯობესებლად მდივანბევად დანიშნულ იქმნა იოანე (ქაბუა) ორბელიანი, ფილოსოფოსი და მეცნიერული ცოდნით სახელ მოხვეჭილი. 1759 წლის ახლოს კიდევ საქმის წარმოების გასაადვილებლად დანიშნულ იქმნენ ცალკე მდივანბევები ქართლს და კახეთს, იოანე ორბელიანი კი დარჩა მსახულთ-უხუცესად.

ლექთა თარეშებთან საბრძოლველად თეიმურაზ მეფემ შეადგინა ნოქრების მუდმივი ჯარი—2 ათასი კაცი, ჯამაგირით 30—40 მან. წელიწადში. მართალია, ეს ჯარი მალე დაიშალა—სახელმწიფოს არ შეეძლო ასეთი ხარჯის გაწევა—მაგრამ მისწრაფება მუდმივი ჯარის გაჩენისაკენ თანდათან იზრდებოდა.

მიდრეკილება რუსეთისადმი ძლიერდება. ქართლ-კახეთი ამ გვარად ცდილობდა თავისი შინაურ ვითარების გაუმჯობესებას, მაგრამ ამისთვის ის საქიროებდა ახალს გზებს თავისი კულტურული ძალების განსავითარებლად.

ძველი და ზღიდარი კულტურის შქონე სპარსეთი ამ დროს გაყინული სჩანდა და მისი ეროვნული შემოქმედება მოდუნებული იყო. მაგრამ ამ დროს უკვე რუსეთთან იყო გაბმული ახალი კულტურული ძაფები, რომლებიც იწვევდა საქართველოს სულ სხვა სარბიელისაკენ. რუსეთში დიდი ხანია მოქმედობდნენ საკმაოდ მნიშვნელოვანი ქართული კოლონიები. ამ კოლონიებმა განსაკუთრებით მძლავრად მოიკიდეს ფეხი პეტერბურგსა და უფრო მოსკოვში მას შემდეგ, რაც ჯერ არჩილ მეფის და შემდეგ ვახტანგ მეფის და ამ უკანასკნელის მრავალ რიცხოვან, რჩეულ პირთაგან შემდგარ ამაღლის გადასახლებამ შესაძლოდ გახადა რუსეთში ძლიერი ქართული კულტურული ცენტრების გაჩაღება. მოსკოვში დამკვიდრებულმა საქართველოს სამეფო სახლის წევრებმა და სხვა განათლებულ პირებმა შექმნეს ქართული სტამბა (1705 წ.), განავითარეს ბეჭდვითი საქმე და თავისი მრავალ-მხროვანი ლიტერატურული და მეცნიერული მუშაობით ხელი შეუწვეეს ერთის მხრივ ქართულ კულტურულ ძალების აღორძინებას და მეორეს მხრივ რუსეთსა და საქართველოს შორის მუდმივ ურთიერთობის დაფუძნებას.

კულტურული კავშირის გაბმა რუსეთთან, რასაკვირველია, მომზადებული იყო იმ პოლიტიკური სიმპატიით და პატივისცემის გრძობით,



რომელსაც დიდი ხანია, უკვე თითქმის ორასი წლის განმავლობაში, იწვევდა დიდი და ერთ-მორწმუნე რუსეთი საქართველოს სამეფოებსა და სამთავროებში. ხოლო ყველა ამან, სპარსეთის კულტურულ ენერჯის მოდლებასთან ერთად, შესაძლებლად განაღდა საქართველოს ცხოვრების თანდათან ახალს გზაზედ დაყენება. კულტურული ინტერესები ამერიდგან ეძიებენ თავის დაქმანოფილებას უმთავრესად რუსეთიდან მომდინარე ნაკადის საშუალებით. ამიტომ პოლიტიკური მიდრეკილებაც გავერობიელების გზაზე დამდგარ საქართველოსი დიდ რუსეთის იმპერიისადმი უფრო ძლიერდება და რუსეთზე დამყარებული იმედებიც უფრო ფართოვდება.

ამ გარემოებას ფრიად დიდი მნიშვნელობა ჰქონდა განსაკუთრებით ეხლა, როდესაც ქართლ-კახეთში თეიმურაზ-ერეკლეს ედგათ წინ ფრიად რთული და პასუხ-საგები მოვალეობა შინაურ ცხოვრების გარდაქმნისა, მისი განმტკიცებისა. მთავრობა ცდილობდა სხვა, უფრო დაწინაურებულ ქვეყნების მაგალითისათვის წაბაძვას. ამ მხრივაც მთავარი მნიშვნელობა ქართლ-კახეთის მოწინავე წრეებისთვის ჰქონდა, რასაკვირველია, რუსეთის. რუსეთის წეს-წყობილების გასაცნობად და მისთვის წასაბაძვად ერეკლე მეფემ გადმოათარგმნინა რუსულიდგან ქართულად იმპერატორ პეტრე დიდის რუსეთის სახელმწიფო კოლეგიათა დებულება იოანე მღვდელ-მონაზონს (1760 წ.).

სხვა-და-სხვა სიძნელენი. მაგრამ ამ დაწყებულ დადებითი მუშაობის დაგვირგვინებას მრავალი ხელის შემშლელი პირობები სდევდა თან. ლეკების თარეშობა შეუძლებლად ხდიდა ქვეყნის მშვიდობიან წარმატებას. სპარსეთის ფეხზე წამოდგომაც კვლავ მოსალოდნელი იყო და საჭირო იყო ამ მხრივაც გარკვეულ გეზის შემუშავება. შიგნითაც, განსაკუთრებით ქართლში, მთავრობის დიდ ყურადღებას იპყრობდნენ დიდი თავადნი, რომელნიც ძლიერ უკმაყოფილო იყვნენ მეფის ძალაუფლების გაძლიერებით. ქართლის გავლენიან თავადების წრეებში ამა-სთანავე ხელზე იხვევდნენ იმ გარემოებას, რომ თეიმურაზი იყო წარმომადგენელი კახეთის სამეფოს სახლისა, ხოლო რუსეთში გარდახეწილ ქართლის მეფის ვახტანგ VI-ის სახლობაც ამავე დროს უარს არ ამბობდა ქართლის ტახტის დაბრუნებაზედ.

თეიმურაზ II მიდის რუსეთს. ყველა ამის მოსაგვარებლად დასუსტებულს, აოხრებულს და გავერანებულა ქართლ-კახეთს ძალია აღარ შესწევდა. განსაკუთრებით საქმეს აჩნელბდა შეუძლებლობა ლეკთა თარეშების ასე აღვილად აღაგმვისა, რის გამო მოუზნებელი იყო შინაური ცხოვრების დალაგებაც. საჭირო იყო რაიმე გარეშე დახმარება და ამ დახმარების მიღება ქარაველობისათვის არსებულ პირობებში შესაძლებელი იყო მხოლოდ რუსეთისაგან, რომლისაგან საქართველოს ცალკე სახელმწიფოების მეფეთ და მთავართ მულამ ხელის გაწვდნის



იმედი ჰქონდათ. რამოდენიმე თაობათა განმავლობაში ქართული საზოგადოებრივი აზრი შეეჩვია იმ ფიქრს, რომ მხოლოდ რუსეთში მრავალტანჯული და ბედისაგან დევნილი ქართველი ერი იპოვნის თავისი წყლულების მალამოს. ამ გვარი მიდრეკილება რუსეთისადმი არსებობდა არა მარტო ხელმძღვანელ პოლიტიკურ წრეებში, არამედ მშინდელ ფართო მოაზროვნე საზოგადოებაშიაც. რუსეთი იყო ის აღთქმის ქვეყანა, სადაც ყოველი ადგილობრივი გაქირვებული, ცხოვრებით თავ-მობურებელი, ეძიებდა თავშესაფარს და მიისწრაფოდა გარდასახეწად.

ეს მიდრეკილება რუსეთისადმი ისეთი დიდი იყო, რომ ახლაც თავისი მტრების დასატყუქსავად და შინაურ ცხოვრების მოსაწესრიგებლად საჭირო ძალის მოპოვებას მთავრობა სწორედ ჩრდილოეთიდან ცდილობდა. თეიმურაზი და ერეკლე უკვე კარგახანია თხოულობდნენ დახმარებას რუსეთის მთავრობისაგან, მაგრამ უშედეგოდ. ბოლოს 1760 წ. თეიმურაზ მეფე თვით გაემგზავრა პეტერბურგს რუსეთის მთავრობასთან სათანადო მოლაპარაკების გასამართავად. მაგრამ ამ გამგზავრებისაგანაც არა გამოვიდა რა ცარიელ დაიმედების მეტი. რუსეთის ინტერესი ამ ჟამად კიდევ არ მოითხოვდა საქართველოსთვის დახმარების გაწევას.

ქართლ-კახეთის გაერთიანება ერეკლე II-ს მიერ. პეტერბურგიდან დაბრუნებული თეიმურაზი გარდაიცვალა ასტრახანს 8 იანვარს 1762 წ., და იმავე წლის 21 ივნისს მეფე ერეკლე გამოცხადებულ იქნა შვერთებულ ქართლ-კახეთის მეფედ.

ამის შემდეგ აღმოსავლეთი საქართველო ერთს სახელმწიფოს წარმოადგენდა. საერთო პოლიტიკურ ინტერესების მქონეს. ამას, რასაკვირველია, დიდი მნიშვნელობა ჰქონდა ქვეყნის საერთო მტრის მოსაგერიებლად და საზოგადოდ გარეშე საქმეთა უფრო კარგად წასაყვანად, მაგრამ შიგნით კი ორივე სამეფო დარჩა მაინც გარეგნულად შეერთებული. ორგანიულ გაერთიანებამდის, თუნდ მართვა-გამგეობის სფეროში, ჯერ კიდევ შორს იყო. მართვა-გამგეობა და ადმინისტრაცია ცალკე იყო როგორც ქართლისა, ისე კახეთის სამეფოსათვის. სახლოთუხუცესობა, მაგ., და სხვა უმაღლესი მართველობის თანამდებობანი დარჩა სათითაოდ ქართლისა და კახეთის სამეფოსათვის განკერძოებით. შეერთება ქართლ-კახეთისა მოხდა მხოლოდ იმდენად, რამდენადაც მართველობითი ფუნქციები მოთავსებული იყო თვით მეფის ხელში. მართალია, მეფის უფლება ქვეყნის მართვა-გამგეობაში ფრიად ფართოდ ერეოდა, ასე რომ არსებითად გაშვებლობის წინანდელ წესის შენარჩუნებას ქართლ-კახეთის სახელმწიფოებრივ მთლიანობაზე გავლენა არ ჰქონდა. მაგრამ ყოველ შემთხვევაში ცხადი იყო, რომ ქართველ მოწინავე წრეების წინაშე მალე დადგებოდა ფრიად რთული საკითხი ერთ მთლიან მართველობის სისტემის შემუშავების შესახებ. თითონ მეფე ერეკლე

მომხრე იყო მკვიდრი ცენტრალური მართველობის დამყარებისა. მაგრამ არსებულ პირობებში, როდესაც ჯერ კიდევ ქვეყანა არ გამოსულიყო დიდ თავადების მძლავრების ხანიდგან და ქართლ-კახეთის ზოგიერთ კუთხეში ჯერ კიდევ მაგრად იყო ჩადგმული საუკუნეებით განმტკიცებული ძველ დიდებულ გვარეულობათა ბუდეები, საჭირო იყო დიდი სიფრთხილე და წინდახედულება მით უმეტეს, რომ ქართლის შემომტკიცება ჯერ გათავებული საქმე არ იყო.

პაატა ბატონიშვილის შეთქმულება ერეკლეს წინააღმდეგ. ქართლის ზოგიერთ გავლენიან წრეებში ერეკლეს პოლიტიკით არსებულ უკმაყოფილებების ნიადაგზე გაჩნდა შეთქმულობა მფევის წინააღმდეგ. შეთქმულობის მიზანი იყო ერეკლეს ტახტიდგან ჩამოგდება და ვახტანგ VI-ის უკანონო შვილის პაატას გამეფება. პაატას რუსეთში და ევროპაში ჰქონდა სწავლა მიღებული, იცოდა კარვად არტილერიის საქმე და უკვე კარგა ხანია ტფილისში ცხოვრობდა. შეთქმულობაში მონაწილეობას ღებულობდნენ სახლთუხუცესი დიმიტრი აბილახორი, გლახა ციციშვილი და სხვანი.

ეს შეთქმულება ჩაიშალა და შემთქმელნი მწარედ დაისაჯნენ, თვით პაატას თავი მოჰკვეთეს. მაგრამ ამ გვარი გამოსვლა გავლენიან თავადებისა ცხადად ამტკიცებდა, რომ ჯერ კიდევ ბევრი შრომა და დრო იყო საჭირო მფევის უფლების საბოლოოდ განსამტკიცებლად.

ლექთა თარეშების სიძლიერე. შინაურ სახელმწიფოებრივ აღმაშენებლობისათვის ფრიად დიდ დაბრკოლებას წარმოადგენდა გარემო მტრის დაუცხრომლობა. სპარსეთში ამ დროს ანარქია ჩანელდა და სახელმწიფოებრივი უფლება თანდათან შემოიკრიბა ქერიმ-ხან ზენდის ხელში, მაგრამ სპარსეთს მაინც საქართველოსთვის აღარ სცხელოდა. სამავიეროდ ლექთა თარეშები კვლავინდებურად შეუძლებლად ხდიდნენ მშვიდ მოქალაქეებრივ ცხოვრების დამყარებას. მგზავრობა შეუძლებელი იყო, თუ არ დიდის ქარავენებით. გლეხი ყანაში სამუშაოდ ვერ მიდიოდა, თუ არ თაფით შეიარაღებული. ყოველი სოფელი ცდილობდა კოშკისა და სიმაგრის აშენებას. მცხოვრებლები, ვანსაკუთრებით შიშინაობის დროს, ღამით სიმაგრეში შედიოდნენ თავისი საქონლით და სახლებს ცარიელს სტოვებდნენ. დიდკაცობა მოგზაურობდა მხოლოდ დიდის ამალით და ხშირად ეს ამაღაც საიმედო დამკველად ვერ ჩაითვლებოდა. ლეკნი აოხრებდნენ ქვეყანას და ატყვევებდნენ ხალხს. დედას შვილი ეკარგებოდა, შვილს კიდევ მამა ან დედა. იშვიათად შემდეგ თუ ვინმე ახერხებდა ტყვეობიდან გამოპარვას, ბევრი მთლად ეკარგებოდა და ზოგი კიდევ თავს იხსნიდა ფულით. ასეთი მდგომარეობა გრძელდებოდა მთელს სიგრძეზე მეთვრამეტე საუკუნისა; მხოლოდ ხანდახან ლექთა თარეშებს მომეტებული მწვავე ხასიათი ეძლეოდა. ტყვეების ფულით გამოსყიდვა ერთგვარ ხარკად გადაიქცა,

რომელსაც საქართველო იძულებით აძლევდა ლეკებს. უბედურება იმდენად დიდი იყო, რომ საქირო შეიქმნა სახელმწიფოს დახმარება. ¹/₅ სახელმწიფო შემოსავლისა გადადებული იყო საქველმოქმედო მიზნებისათვის და ამ ფულიდგან მხოლოდ მცირე ნაწილი იხარჯებოდა ქვრივ-ობლებსა და დავრდომილებზე, უდიდესი ნაწილი კი მიდიოდა ტყეების გამოხსნაზედ. მარტო ქიზიყში ლეკთა მიერ დატყვევებულითა გამოხსნაზედ გაიღო ერეკლე მეორემ 30 წლის განმავლობაში 37 ათასი თუმანი.

კათალიკოზი ანტონ I. მიუხედავად ასეთ ძნელი მდგომარეობისა, კულტურული მუშაობა ქართლ-კახეთში არ შეჩერებულა. ამ მუშაობას სათავეში ედგა კათალიკოზი ანტონ ბატონიშვილი (კათალიკოზად დაჯდა 1744 წ. და მიიცვალა 1788 წ.). თავისი კათალიკოზობის დასაწყისში ანტონი, დაუახლოვდა ტფილისში მყოფ კათოლიკე მისიონს. ეს დაახლოვება უმეტესად წარმოებდა მეცნიერულ და ლიტერატურულ ნიადაგზე, მაგრამ მალე მას დაბრალდა მიდრეკილება კათოლიკობისადმი. სამღვდლოების კონსერვატიულ ნაწილის მოთხოვნით, რომელსაც მხარს უჭერდა თეიმურაზ მეფეც, საკლესიო კრებამ ანტონი გადააყენა საკათალიკოზო ტახტიდგან (1756 წ.). ანტონი ამის შემდეგ წავიდა რუსეთს, სადაც დაინიშნა ელ-დინიჩის მთავარ-ეპისკოპოსად. მხოლოდ 1762 წ., თეიმურაზ II-ის მიწვევით ანტონი დაბრუნდა საქართველოში და შეუდგა ისევ კათალიკოზის ხარისხით ეკლესიის გამგებლობას.

რუსეთში ყოფნას ანტონისთვის დიდი მნიშვნელობა ჰქონდა. იქ მან შეისწავლა რუსული ენა და რუსული ენის საშუალებით ეცნობოდა ევროპიულ აზროვნებისა და მეცნიერების ნაწარმოებთ. თანდათან ანტონმა გადამოთარგმნა ქართულად რუსული ენის საშუალებით ბაშუმესტერის ფილოსოფია, ლოდიკა და მეტაფიზიკა, აგრეთვე ვოლფის ფიზიკა და სხ. მასვე ეკუთვნის თარგმანი არისტოტელის კატეგორიისა, შხითარის მიერ შედგენილ რიტორიკისა და სხ. მანვე, სხვათა შორის, შეადგინა ვრცელი გრამატიკა ქართული ენისა. ანტონის შრომებზე იზრდებოდა მაშინდელი ქართველი ახალგაზრდობა და განათლების მოყვარული საზოგადოება. თავის ნაღვაწით ანტონმა მკვიდრი საძირკველი ჩაუყარა საქართველოში ახალი მიმართულების განათლებას. ჩამომორებული სპარსეთს როგორც პოლიტიკურად, ის კულტურულად, აღმოს. საქართველო გზა იკვალავდა რუსეთის საშუალებით დასავლეთ ევროპის კულტურისაკენ.

სამცხე-საათაბაგოს შემოერთების საკითხის წამოყენება. 1760-იან წლებში ამ გვარად ქართლ-კახეთი, გაერთიანებული ერთ სამეფოდ, ეძიებდა კულტურულ და აგრეთვე პოლიტიკურ განვითარებისათვის ახალს გზებს. ასეთს პირობებში ქართლ-კახეთის მოწინავე წრეების ყურადღება იპყრობდა საქართველოს დაქსაქსვა საზოგადოდ და განსაკუ-



თრგბით სამცხე-საათაბაგოს ბელი. ოსმალეთის ხელში მყოფი მესხეთი საბოლოოდ ჰკარგავდა ქრისტიანობას და ამასთანავე შორდებოდა დანარჩენ საქართველოს კულტურულად, ხოლო ზოგიერთ ადგილებში ზაღისის გათურქების პროცესის დაწყებისა გამო ეროვნულადაც. ამიტომ სამცხე-საათაბაგოს შემოერთების საკითხი გარდაიქცა ერეკლე II-ს პოლიტიკისათვის ერთ მთავარ მნიშვნელობის საკითხად. ეს გარემოება კი, რასაკვირველია, ამწვავებდა ქართლ-კახეთის ურთიერთობას ახალციხის საფაშოსთან. ამ დროს გახშირებულ თარეშების სიძლიერეს ფრიად ხელს უწყობდა ოსმალეთისა და კერძოდ ახალციხის ფაშის მფარველობა აღმ. საქართველოზე მუდმივ თავდაპსხმელ ლეკებისა. ახალციხის საფაშოსთვის ქართლ-კახეთის გაძლიერება ძლიერ სახიფათოდ სჩანდა, რადგანაც ცხადი იყო, რომ საქართველო პირველ შემთხვევისთანავე ეცდებოდა ძველი სამცხე-საათაბაგოს განთავისუფლებას. ამიტომაც სწორედ ქართლ-კახეთის გაერთიანების შემდეგ ახალციხის ფაშამ მოუმატა ლეკთა დასების მოსევას აღმ. საქართველოზედ.

ასეთი იყო მდგომარეობა ქართლ-კახეთში, როდესაც იმერეთს დაისვა საკითხი ოსმალთა ბატონობისაგან განთავისუფლების შესახებ.

ლიხთ-იმერეთი ალექსანდრე V-ს დროს. იმ დროს, როდესაც სპარსელები ერეკებოდნენ ოსმალთა ქართლ-კახეთიდან და ნადირ-შაჰის ხანები ცდილობდნენ თავისი ბატონობის განმტკიცებას ქართლში, ლიხთ-იმერეთს ალექსანდრე V ოსმალთ დახმარებით ენერგიულ ბრძოლას აწარმოებდა დიდ თავადებთან. ამ თავადების სათავეში იდგა ოდიშის მფლობელი ოტია დადიანი, რომლის მამა ბეყან დადიანი მოკლეს ოსმალთ 1728 წ. ოტიას დასასჯელად და საზოგადოდ შავი ზღვის სანაპიროს შემოსამტკიცებლად 1733 წ. ოსმალთ დიდის ჯარით გაილაშქრეს ოდიშიდან აზოვისაკენ. ოსმალთ ჯარში იმყოფებოდა მეფე ალექსანდრეც. ოსმალთ მოაოხრეს ოღაში, გადავიდნენ აფხაზეთს, სადაც მათ გამოეცხადა შერვაშიძე და გამაჰმადიანდა კიდეც, მაგრამ შემდეგ ლაშქრობის გაგრძელება ვერ შესძლეს. აფხაზნი წამოიშალნენ და წვრილ-წვრილი თარეშებით ბოლო მოუღეს ოსმალთა ჯარს, რომლის ნეშტი იძულებული გახდა ზღვით უკან გაბრუნებულიყო.

ურთიერთ ხდომა ლიხთ-იმერეთს ამის შემდეგაც გაგრძელდა. ერთის მხრივ იდგა ალექსანდრე V, რომელსაც მხარს უჭერდნენ ოსმალი, და მეორეს მხრივ დადიანი, რაჭის ერისთავი და აბაშიძე. ალექსანდრე მტკიცედ გრძნობდა თავს, მაგრამ როდესაც მისსა და ახალციხის ფაშას შორის 1740 წ. სამღურავი ჩამოვარდა, დადიანმა, რაჭის ერისთავმა და ზურაბ აბაშიძემ გააგდეს ის სამეფოდგან. ნადირ-შაჰის შუამავლობით ალექსანდრე V-ს ოსმალთ ისევ დაუბრუნეს იმერეთი. ამის შემდეგ მეფემ შემოირიგა დადიანი და აიძულა ზურაბ აბაშიძე ქართლს გადასულიყო. სააბაშიო ეხლა დაიპყრო ლევან აბაშიძემ, გიორგის ძემ



რომელმაც დაიწყო ბრძოლა მეფესთან და 1746 წ. გარდაადგო ის ტახტიდგან. მეფემ თავი შეაფარა დადიანს, ხოლო სამი წლის შემდეგ ჩაპოყევანა ახალციხიდან ოსმალთა ჯარი და მისი დახმარებით დაიბრუნა მეფობა (1749 წ.).

იმერეთს გამეფდა სოლომონ I დიდი. 1751 წ. მარტში გარდაიცვალა იმერეთის მეფე ალექსანდრე V და ტახტზე დაჯდა მისი უფროსი 15 წლის შვილი სოლომონ I. მხნე, ქვეყნის ინტერესებისათვის გამუდმებით მზრუნავი და სწორ-უპოვარი მეთადარი, მტკიცე ნების ყოფის მქონე ადამიანი, სოლომონ I ღირსეული თანამედროვე იყო ერეკლე II-სი.

დასავლეთი საქართველო ამ დროს იმყოფებოდა მეტად უნუგეშო მდგომარეობაში. გამუდმებულმა ომებმა, ურთიერთ რბევამ და ტყვეთა ყიდვამ ქვეყანა უკანასკნელ დღემდის მიიყვანა. ყველა მნიშვნელოვან პუნქტებში იმყოფებოდა ოსმალთა ჯარი. ქუთაისში იდგა ალა 500 იანიჩართ და არტილერიით. ამ ალას ემორჩილებოდა იმერეთის სხვა ციხეებში ბაღდასა, შორაპანსა და ცუცხვათში მდგარი ოსმალთა რაზმები. ამას გარდა ფოთში იდგა ორთულიანი ფაშა 200 იენიჩართა და 50 ზარბაზნით, სოხუმში ასეთივე ფაშა 200 იენიჩართ და 60 ზარბაზნით.

შიგნით სამეფოში კიდევ მძლავრობდნენ რაჭის ერისთავი როსტომ, მხნე და ენერგიული პიროვნება და ლევან აბაშიძე, რომელიც იყო პაპა სოლომონ I-ისა.

თავადების აჯანყება მეფის წინააღმდეგ. აბაშიძემ და რაჭის ერისთავმა კვლავ განაგრძეს მეფის ძალა-უფლებების განმტკიცების წინააღმდეგ ბრძოლა, შეკრიბეს ჯარი და დაესხნენ თავს სოლომონს, რომელიც დამარცხდა და იძულებული გახდა ახალციხეს წასულიყო ოსმალთაგან შემწეობის სათხოვნელად. ოსმალეთის მთავრობამ მხარი დაუჭირა მეფეს და ამიტომ ახალციხის ფაშას ებრძანა იმერეთი ისევ სოლომონისთვის დაემკვიდრებინა. ფაშა გადავიდა იმერეთს ჯარით, გაამეფა ისევ სოლომონ და შეარიგა ის მისს აჯანყებულ ფეოდალებს (1752 წ.).

ტყვის ყიდვის აღკრძალვა. სოლომონი ამის შემდეგ მეტის სიფრთხილით შეუდგა თავისი პოლიტიკის წარმოებას. უპირველეს ყოვლისა ის შეუდგა მძლავრ მოკავშირის მოპოებას, რისთვისაც მან დააპირა დადიანთან დამოკიდება. ამ მიზნით მეფე გაეყარა თავისს ცოლს თავადის ინალიშვილის ასულს აფხაზეთიდან და დაიწერა ჯვარი ოტია დადიანის ასულს მარიამზედ. დადიანის შემომტკიცებით სოლომონს საშუალება მიეცა ქვეყნის კეთილდღეობისა და მისს განთავისუფლების საქმეში უფრო ენერგიულს გზას დასდგომოდა. ყველაზედ უფრო საშინელი შედეგი ხალხისთვის მქონდა ამ დროს ტყვის ყიდვას, რაც ქვეყა-



ნას მთლად ამოწყვეტას უჭადიდა. ამიტომ მეფემ გარდასწყვიტა, თუნ-
დაც ოსმალთა გადამტერების შიშით, ტყვეთა ყიდვა აღეკატა.

ხრესილის ომი. ტყვეთა ყიდვის აღკატლემ ამხედრა მეფის წი-
ნაღმდეგ ოსმალნი და რადგანაც ამავე დროს ურთიერთობა სოლო-
მონსა და ფეოდალებს შორის კვლავინდებურად გამწვავებული იყო, ამიტომ ოსმალთ ამ ჟამად მეფის მოწინააღმდეგე ჯგუფთან დიკრისს
კავშირი. ლევან აბაშიძე პირადად ავიდა ახალციხეს და იქიდან წამო-
უძღვრა ბაშალის და ქეპა გოლა-ფაშის წინამძღოლობით იმერეთზე სა-
ლაშქროდ დამხადებულს ახალციხისა და აჭარის ჯარს. იმერეთში გად-
მოსვლისას ამ ჯარს მიერთო რაჭის ერისთავი, და ზოგი სხვა იმერეთის
თავადი და აზნაური თავისი კაცებით. სოლომონის მხარეზედ იყო სი-
მამრი ოტია დადიანი, რომელსაც გამოევზახნა ოდიშის ლაშქრით თა-
ვისი უფროსი შვილი კაცია. ოდიშის ჯარში იყო აგრეთვე სამურზაყა-
ნოს მფლობელი ხუტუნია შერვაშიძე. ოკრიბაში ხრესილის მინდორზე
მოხდა ბრძოლა, რომელიც გათავდა მტრის სასტიკი დამარცხებით.
თვით ბაშალა და ქეპა გოლა-ფაშა ტყვედ შეიპყრეს და შემდეგ მოკ-
ლეს, ლევან აბაშიძეც მოკლულ იქნა, მრავალი ოსმალის ჯარის-კაცი
დაიღუპა, კიდევ მეტი ტყვედ იქნა შეპყრობილი. მეფის მხარეზედაც
დიდი ზარალი იყო. სხვათა შორის ამ ბრძოლაში გმირულად დაიღუპა
ხუტუნია შერვაშიძე, რომელსაც ხმლით მტრის 16 ჯარის-კაცი აეკუწა
და შემდეგ ოსმალთა რაზმის შუაგულში შევარდნილიყო. მხოლოდ
ოსმალთა ჯარის მცირეოდენ ნეშტმა და აგრეთვე როსტომ რაჭის ერის-
თავმა გაქცევით უშველეს თავს (14 დეკემბერს 1757 წ.).

ოსმალების ახალი შემოსევანი იმერეთს. ეს დამარცხება, რასა-
კვირველია, უშედეგოდ ვერ ჩაივლოდა. ახალციხის ფაშად ამ დროს
იყო შაჯი-აჰმედი, ამშენებელი კოსტანტინოპოლის აია-სოფიის გუმბათ
ახალციხის დიდი მეჩეთისა და დამაარსებელი ამ მეჩეთთან ჩინებული
წიგნთსაცავისა. მას ბრძანება მოუვიდა სტამბოლიდგან იმერეთის დამორ-
ჩილების შესახებ. ოსმალთ მოსთხოვეს სოლომონს 300 ქესა ფული
რამოდენიმე წლის ხარკად და ჯარიმად და კიდევ ტყვის ყიდ-
ვის თავისუფლად წარმოება. ქვეყნის აოხრების თავიდგან ასაკილებლად
სოლომონი დასთანხმდა პირველ პირობაზე, მეორეზე კი უარი განაც-
ხადა. მაშინ დიდ-ძალი ოსმალთა ჯარი ხუნძახის ბატონთან და ლეკებ-
თან ერთად გადავიდა იმერეთს, მოაოხრა ქვეყანა, აიკლო, სხვათა შო-
რის, გელათის მონასტერი და აიძულა მეფე ყველა პირობებზე დათან-
ხმებულიყო (1758 წ.). სოლომონი თვით მივიდა ახალციხეს, მოლაპა-
რაკების დაწვრილებით დასათავებლად. უკან დაბრუნებისას ფაშამ გა-
მოაყოლა მეფეს 3 ათასი ოსმალის ჯარი თავისი ქეპას წინამძღოლო-
ბით ზავის პირობათა შესასრულებლად. წინდაწინვე შეთანხმებით და-
მით იმერეთში ამ ჯარს თავს დაესხნენ იმერნი, რომელთაც მთლად
ასწყვიტეს ის და თვით ქეპაც კლდეზე გარდაჩნეს.



ასეთ მარცხის გამო სტამბოლიდგან მიღებულ ბრძანების თანახმად ახალციხის ფაშა თანამდებობიდან გადააყენეს და შემდეგ სიკვდილითაც დასაჯეს.

ახალციხის ფაშად დაინიშნა იბრაიმი, რომელმაც სოლომონს დაუპირდაპირა ერთი მისი ბიძაშვილთაგანი, თეიმურაზი, როგორც ტახტის მამიებელი და თვითონ 13 ათასი ოსმალოს ჯარით გადავიდა იმერეთს. მას მიემხრო რუსთომ რაჭის ერისთავი. პირველად ოსმალებმა გაიმარჯვეს, მაგრამ შემდეგ მათ ჯარში მყოფ იენიჩარებსა და ქურთებს შორის ატყდა უთანხმოება. პირველთ უნდოდათ ქვეყნის მხოლოდ დამორჩილება, მეორენი კი თხოვლობდნენ აზხრების ნებართვას. ამ უთანხმოებამ ჯარი დაშალა. იმერნი გამოედევნენ და შრავალი გასსწყვიტეს. ფაშა დაბრუნდა ახალციხეს, მალე ისიც გადააყენეს და ჩილდირის ვეზირად და ამავე დროს ლიხთ-იმერეთის წინააღმდეგ სერასკირად დაინიშნა ჰასან-ფაშა (1765 წ.). ორმოცი ათასი კაცით სერასკირი გადავიდა იმერეთს. რაჭას ერისთავი ეხლაც ოსმალთა შტაბეზედ იყო. სოლომონს მხარს უჭერდნენ გურიელი და დადიანიც. სერასკირმა ბრძოლით გაიარა იმერეთის სამხრეთი ნაწილი და შემდეგ გადავიდა გურიას, დაიმორჩილა ის და აიძულა დადიანიც ერთგულობის ნიშნად ოსმალთათვის სურსათი მიეწოდებინა. ლაშქრობა გურიასა და ოდიშს გაგრძელდა და სერასკირი იძულებული გახდა ზამთრად ოდიშს დაჩქინილიყო. გაზაფხულზე ჰასან-ფაშა გამოემართა სოლომონის წინააღმდეგ, აიღო 25. დღის ბრძოლის შემდეგ სვერის ციხე და განდევნა მეფე. რადგან წინააღმდეგობის გაწევა შეუძლებელი იყო, ამიტომ იმერეთის თავადები ნელ-ნელა გამოცხადდნენ ფაშასთან ქუთაისს და მოაწერეს ხელი მორჩილების აქტს. მეფედ გამოცხადებულ იქმნა სოლომონის ბიძაშვილი თეიმურაზი, ხოლო სოლომონი კი მხოლოდ 4 კაცის თანხლებით დაიშალა წერეთლების ციხეში მოდინახეში. ქუთაისში ფაშამ დასტოვა იმერეთის ხარკის მოსაკრებად ხარკის ამკრები მოხელე 4 ათასი კაცით და თითონ დაბრუნდა ახალციხეს (1766 წ.).

სოლომონ I მოურიგდა ოსმალებს. სოლომონი ამ გვერად დიდს გაჭირვებაში ჩავარდა, მაგრამ მეორეს მხრივ ოსმალთაც ძლიერ ძვირად დაუჯდათ ქვეყნის დროებით დამორჩილება, იმერეთის საბოლოოდ შემომტკიცება ხომ ჯერ კიდევ შორს იყო. სოლომონმა მიმართა რუსეთის მთავრობას და სთხოვა მას შუამდგომლობა ოსმალების წინაშე მისთვის სამეფოს დაბრუნების შესახებ ყოველწლიურ ხარკის მიცემის პირობით და მხოლოდ ტყვის ყიდვის დაუშვებლად. ამავე დროს სოლომონმა დაიწყო მოლაპარაკება ოსმალების მთავრობასთან ერეკლე II-ს შუამავლობით. ოსმალებსაც თავისს მხრივ უნდოდა საქმის მშვიდობიანად გათავება, რათა იმერეთის რუსეთთან დაკავშირება თავიდან აეცილებინა და ამიტომ ბოლოს და ბოლოს შეთანხმება მოხდა კომპრომისულ ნიადაგზე. ოსმალებმა აღიარა იმერეთი თავისი

მთავრობის ქვეშ და არა უშუალო ქვეშევრდომობაში, ხოლო სოლომონი კისრულობდა კვლავინდებურად ხარკის გადახდას და გარდა ამისა ყოველ-წლივ 60 ქალ-ვაჟის მიცემას. 1768 წლის დასაწყისში სულთანის ფირმანით სოლომონი კვლავ დამტკიცებულ იქნა იმერეთის მეფედ.

სოლომონი მიმართავს რუსეთს. ოსმალებთან დადებული პირობები იყო იძულებით მიღებული სოლომონის მიერ და ამიტომ მეფე ეძიებდა რაიმე საშუალებას ქვეყნის სახსენლად, რადგანაც ცხადი იყო, რომ ოსმალეთი არ დასთანხმდებოდა ტყვეთა ყიდვის აღკრძალვასა და ხარკის ანგარიშში ქალ-ვაჟთა მიცემის შეწყვეტაზედ. ერთადერთი იმედი ისევ რუსეთზედ იყო და სოლომონი ამავე 1768 წელს აგზავნის პეტერბურგს ქუთათელ მიტროპოლიტს მაქსიმე აბაშიძეს რუსეთისაგან დახმარების მოსაპოვებლად. მაქსიმე ქუთათელის რუსეთში ჩასვლა მოხდა სწორედ იმ დროს, როდესაც რუსის მთავრობა მზადებაში იყო ოსმალეთის წინააღმდეგ ომის დასაწყებად. ამიტომ მისს შუამდგომლობას პეტერბურგში ეხლა ყურადღებით მოეპყრნენ, რადგან ეს გარემოება რუსეთს განზრახულ ომის დროს ამიერ-კავკასიაში ოსმალთა წინააღმდეგ ახალი ფრონტის ამოძრავების საშუალებას აძლევდა.

რაჭის საერისთოს გაუქმება. ოსმალებისაგან გასანთავისუფლებლად საჭირო იყო უპირველესად ყოვლისა შინაური მდგომარეობის განმტკიცება. ამიტომ სოლომონმა უმთავრესი ყურადღება მიაქცია თავისი მთავარ მოწინააღმდეგის როსტომ რაჭის ერისთავის ალაგმას. მეფემ გარდასწყვიტა ბოლო მოეღო ფეოდალურ ელემენტების ამ უძლიერეს ბურჯისათვის, მით უმეტეს რომ როსტომი კვლავინდებურად დამოუკიდებელ გზით სიარულს არჩევდა. საკითხი უნდა გარდაეწყვიტა იარაღს. სოლომონმა თავისი და დაქირავებული ლეკის ჯარით დალაშქრა რაჭა, მაგრამ ერისთავი ვერ შეიპყრო. მეფე უკან დაბრუნდა და ერისთავის დასუსტებლად გადააყენა კათალიკოსობიდან ძმა მისი ბესარიონ, რომელიც ჯერ ახალციხეს წავიდა, ხოლო შემდეგ გადავიდა ოდიშს. კათალიკოსად კი დანიშნულ იქნა მეფის ძმა გენათელი მიტროპოლიტი იოსებ.

ამის შემდეგ მეფესა და ერისთავს შორის კვლავ გაიმართა მოლაპარაკება. ერისთავმა მოითხოვა უწებლობის ნიშნად კათალიკოსის მიერ შეფიცება და აღუთქვა მეფეს მორჩილება. მეფემ შეფიცა კათალიკოსს ბარძიშზე, ერისთავს სამავალითოდ მოვეპყრობიო, რაც თავისებურად შეუსრულა: როდესაც როსტომი თავისი შვილებით მივიდა ვარციხეს, აქ ის შეიპყრეს შვილებითურთ და თვალები დასთხარეს (1769 წლ. დასაწყისს). რაჭა სოლომონმა აიღო თავისს სახაოდ, ნაწილი კი უბოძა სარდალს ნიკოლოზს და მისს ძმას პაპუნა წერეთელს, რომელ-

თაც დიდი ერთგულება აჩვენეს მას წინაღ ოსმალებთან ბრძოლის დროს. რაჭის საერისთო ამ გვარად მოიხსო.

დადიანი იმერეთის მეფის წინააღმდეგ. რაჭის საერისთოს დაპყრობამ დიდად განაძლიერა მეფე სოლომონი. მისს ხელში იყო ამ დროს უცილობლად მთელი იმერეთი. ამ გარემოებამ იქონია გავლენა ოდიშის მფლობელს კაცია დადიანზედ, რომელიც აქამდის მეფესთან კარგს განწყობილებაში იყო და ოსმალებთან ბრძოლის დროს რამდენაღმე მას დახმარებასაც უწყევდა. დადიანს ეშინოდა, რომ მეფის აქტიური პოლიტიკა ამის შემდეგ დაისახავდა მიზნად გურიისა და ოდიშის სამთავროების სამეფოსთან მჭიდრო დაკავშირებას და მათ დამორჩილებას. ამით აიხსნება, რომ ურთიერთობა მეფესა და დადიანს შორის თანდათან გაუარესდა და ბოლოს გამწვავდა კიდევ. დადიანმა გამოყო ოდიში იმერეთიდან ეკლესიური მხრივაც და თავისი სამფლობელოს ეპისკოპოსები დაუმორჩილა კათალიკოსს ბესარიონს, რომელიც ოდიშს იყო შეხიზნული. ამ გვარად ლიხთ-იმერეთის საეკლესიო საქმეებს სათავეში მოექცა ორი კათალიკოსი: ბატონიშვილი იოსები და ოდიშს კიდევ ბესარიონი.

რუსის ჯარი ტოტლებენის მეთაურობით შემოდის საქართველოში. 1768 წლის დასასრულს გამოცხადდა ომი რუსეთსა და ოსმალეთს შორის. რუსეთი აქამდის თითქმის არავითარ ყურადღებას არ აქცევდა საქართველოს ტერიტორიაზე არსებულ სამეფოებს და სამთავროებს, მაგრამ ეხლა პეტერბურგში საჭიროდ დაინახეს ამ ძალის თავის სასარგებლოდ აბრუნება. რუსის მთავრობამ გამართა წინასწარი მოლაპარაკება, რომლის შემდეგ გადასწყდა მეფე ერეკლესი და სოლომონის დადიან-გურიელთან ერთად ოსმალეთის წინააღმდეგ ამხედრება, რისთვისაც რუსეთი თავის მხრივ აგზავნიდა ჯარს გრაფ ტოტლებენის უფროსობით. რუსეთში მიღებულ ცნობების მიხედვით ერეკლეს შეეძლო 30 ათასის და სოლომონს 20 ათასი კაცის გამოყვანა, რაც, რასაკვირველია, დააბანდებდა კავკასიაში კარგა მოზრდილს ჯარს ოსმალებისა და ამიტომაც რუსეთი ცდილობდა მეფეების ომში ჩათრევას მხოლოდ ისე კი, რომ თითონ დიდი მსხვერპლი არ გაეღო. სოლომონი და ერეკლე თავის მხრივ სიხარულით შეხვდნენ რუსის ჯარის საქართველოში გამოგზავნის ამბავს. ერეკლეს იმედი ჰქონდა სამცხე-საათაბაგოს შემოერთებისა, სოლომონს კიდევ უმთავრესად იმერეთიდან ოსმალთ განდევნისა. აგვისტოში 1769 წ. ტოტლებენის ჯარმა გაიარა დარიალის ხეობა და მივიდა ქართლს, ხოლო აქედგან იმერეთს სოლომონ მეფის დასახმარებლად და ოსმალების იმერეთის ციხეებიდან გასარეკად. ტოტლებენის ჯარში ირიცხებოდა სულ 500 კაცი 4 ხარბაზნით. ამ მცირე რიცხოვან რაზმით არაფრის გაკეთება არ შეიძლებოდა და მეფენიც დიდს სამხედრო ოპერაციებს მოერიდნენ. რუსის მთავ-



რობამ მაშინ გადალიერა თავისი ჯარი და 1770 წ. გაზაფხულისთვის საქართველოში უკვე $3\frac{1}{5}$ ათას კაცისაგან შემდგარი რუსის ჯარი იყო 12 ზარბაზნით.

მაგრამ ამის შემდეგაც საქმე წინ ვერ წავიდა. ტოტლებენმა სრულებით ვერ გაართო თავი ადგილობრივ პირობებს და ამასთანავე თავისი უტაქტობისა, ამაყობის და მეფეების შეურაცხყოფელ მოქმედების გამო ვერ მოახერხა ერეკლე-სოლომონთან მჭიდრო კავშირის დაქვერება. გარდა ამისა ერეკლე მეფის და სოლომონის ერთად ამოქმედებაც ადვილი საქმე არ იყო, და ამას კიდევ ემატებოდა ის, რომ სოლომონ მეფეს ოსმალებს გარდა სხვა საზრუნავიც ჰქონდა. მას უნდოდა ესარგებლა რუსის ჯარის იმერეთში ყოფნით როგორც ოსმალების გასარეკად, ისე აგრეთვე დადიანისა და გურიელის დასამორჩილებლად. დადიანი კი პირიქით რუსის ჯარს შემწევობით ფიქრობდა თავისი დამოუკიდებლობის განმტკიცებას.

ამ მიზეზებისა გამო შესაძლებელი ვახდა მხოლოდ კერძო ხასიათის სამხედრო მოქმედების წარმოება განსაზღვრულ მიმართულებით.

ასპინძის ომი. 1770 წ. აპრილისთვის მეფე ერეკლე და ტოტლებენი შეთანხმდნენ ახალციხეზედ გასალაშქრებლად. მეფის ჯარი შესდგებოდა 7,000 კაცისაგან 3 ზარბაზნით. შეერთებულ რუს-ქართველთა ლაშქარი დაიძრა, მაგრამ აწყურთან ტოტლებენი თავისი ჯარით მოულოდნელად უკან გამობრუნდა და სურამს ავიდა. მეფე ერეკლე ამის შემდეგ იძულებული ვახდა მარტო შებრძოლებოდა ოსმალებს, რომელნიც როგორც ახალციხიდან, ისე ახალქალაქიდან ჯარებს აგზავნიდნენ აწყურზედ. ასპინძისთან ერეკლე გადაეღობა მტერს და სასტიკად დაამარცხა ის (20 აპრილს 1770 წ.). დამარცხება ისეთი ძლიერი იყო, რომ მტრის 4 ათასი კაცისაგან ვაღარჩა მხოლოდ 20—25 კაცი. მაგრამ მიუხედავად ამ გამარჯვებისა, მეფემ ვერ შესძლო ჯარის სიცოტავის გამო წინსვლის განგრძობა და დაბრუნდა უკან.

ტოტლებენის მიერ ბრძოლის ველის მინებების მიზეზი იყო მის წინააღმდეგ ზოგი რუსის აფიცრის შეთქმულობა, რომელშიდაც ექვიანმა გენერალმა რუსის მთავრობის მიერ საქართველოში დანიშნული რეზიდენტი და თვით მეფეც ვარია.

ტოტლებენი ისევ გადადის იმერეთს. ასპინძის ბრძოლის შემდეგ ერეკლესა და ტოტლებენს შორის ურთიერთობა, რასაკვირველია, ფრიად გამწვავდა. ტოტლებენი სურამიდან ჩქარის მარშით გორის გზით ავიდა ღუშეთსა და ანანურს და დაიჭირა ეს ციხეები. მდგომარეობა იმდენად ვარუთულდა, რომ ტოტლებენმა კიდევ დააპირა ერეკლე მეფის დატუსაღება, მისთვის რუსის ორდენის წმ. ანდრია პირველ წოდებულის ჩამორთმევა, ტახტიდან ჩამოგდება და საქართველოს რუსეთთან შეერთებაც. ის კიდევ შეუდგა თავისი აზრის განხორციელებას.



დღუშეთსა, ანანურსა, გორსა და ცხინვალში ტოტლებენის ბრძანებით ხალხი დააფიცეს რუსის მთავრობის ერთგულებაზედ. მანვე დაიჭირა დღუშეთისა და ანანურის ციხეები და შემდეგ სწვდა გორის ციხესაც, მაგრამ ახლა კი ერკოლეს მოთმინების ფიალა ავესო და ამანაც თავის მხრივ დააპირა ტოტლებენის შეპყრობა. ცხადი იყო, რომ ასეთ გამწვავებულ ურთი-ერთობისა გამო ტოტლებენს ქართლ-კახეთში არ დაედგომოდა და ამიტომ თავისი ჯარით ის გადავიდა იმერეთს, თუმცა ერეკლე მეფე თავის მხრივ შემდეგ კვლავ ცდილობდა მასთან კავშირის აღდგენას.

ოსმალების განდევნა იმერეთიდან. სოლომონ მეფეს 1769 წლიდანვე, ტოტლებენის იმერეთში პირველ შემოსევიდან, იმერეთის ციხეებში გამაგრებულ ოსმალებთან ბრძოლა ჰქონდა დაწყებული. კაცია დადიანი ოსმალების მხაზუნე იყო და ოსმალებთან ერთად კიდევ შეებრძოლა მეფეს, მაგრამ დამარცხდა. 1770 წლის იანვრისთვის მეფეს უკვე აღებული ჰქონდა ცუცხვათისა და შორაპნის ციხეები და აგრეთვე ქალ. ქუთაისი. ქუთაისის ციხეში გამომწყვდეულის იენიჩარების აღას ალყა ჰქონდა შემორტყმული. ტოტლებენის ჯარის ხელახლავ იმერეთში გადმოსვლით ისარგებლა მეფემ და ოსმალებთან ბრძოლა განაძლიერა. 1770 წ. ივლისში რუსის ჯარი სოლომონთან ერთად მიადგა ბაღდადის ციხეს, რომელიც სამი საათის ბრძოლის შემდეგ აღებულ იქმნა. აქედან ტოტლებენი გაემართა ქუთაისის ციხის ასაღებად და ალყა შემოარტყა მას. ციხეში ამ დროს აღას შერჩენოდა მხოლოდ სამოცი ჯარის-კაცი, რომელთან ერთად ქალაქიდან შეხიზნულიყო 220 მაჰმადიანი მცხოვრები. თუმცა ტოტლებენის და მეფის ჯარი 4 ათასს აღება მინც გაძნელდა. ტოტლებენის უთაურ ხელმძღვანელობის გამო მეციხოვნეთა ამ მკირე რიცხვაც, სიმშლისაგან შეწყუხებულმა, ცოტაოდენ გამოჩაყლისის ვარდა ციხიდან გაპარვა მოახერხა. რუსებმა კი დაკარგეს 70 კაცი. ციხე დაპყრობილ იქმნა 6 აგვისტოს 1770 წ. იმერეთიდან ამ გვარად ოსმალები მთლად განდევნილ იქმნენ. სოლომონ მეფის ბრძანებით აღებული ციხეები და მათ შორის ქუთაისისაც აფეთქებულ და დანგრეულ იქმნა, რათა მომავალში კიდევ ოსმალთ შიგ ფეხი არ მოედგათ.

ტოტლებენის გალაშქრება ფოთზედ. ამის შემდეგ ტოტლებენმა გაილაშქრა ფოთზე და ალყა შემოარტყა მას. კაცია დადიანი, რომელიც აქამდის ოსმალებთან ერთად მეფის წინააღმდეგ მოქმედობდა, ეხლა ფოთის აღებაში დაინტერესებული შეუერთდა ტოტლებენს. გაგზავნილმა რუსის რაზმებმა დაიჭირეს ოდიშში რუხისა და ანაკლიას ციხეები, საიდანაც ოსმალეთის მეციხოვნენი რუსების მოახლოვების ვაგონებაზედ გაიქცნენ. მაგრამ ოსმალების წინააღმდეგ ფართო ოპერაციების დაწყებას შეუძლებლად ხლიდა ერთის მხრივ მეფის და მთავრების ერთ-



მანეთზე გადაკიდება და მეორეს მხრივ ტოტლებენის სამხედრო თავ-
მოყვარეობა. მას სურდა საკუთარი სახელით ეწარმოებინა ომი და ამი-
ტომ მეფე-მთავრების შეკავშირებას არ ცდილობდა.

სოლომონ I იმორჩილებს გურიას. სოლომონის ყურადღება ოს-
მალების იმერეთის ციხეებიდან განდევნის შემდეგ მიმართული იყო
დადიანისა და გურიელის დამორჩილებაზედ. 1771 წ. თებერვალში სო-
ლომონი ჯარით შევიდა გურიაში და აიძულა მამია გურიელი მთელი
გურიის თავ-კაცებით მისი ბატონობა ეცნოთ. მეფემ დააფიცა გურიის
მოწინავე პირნი თავისს ერთგულობაზე და გაბრუნდა უკან.

გურიის შემომტკიცების შემდეგ მეფის საზრუნავ საგნად დარჩა
ოდინის დამორჩილება, რაც კვლავინდებურად ფრიალ ამწვევებდა მე-
ფესა და დადიანს შორის ურთიერთობას.

რუსების ლაშქრობის დასასრული. ფოთის ციხის აღება ტოტ-
ლებენმა ვერ შესძლო და სურსათის ნაკლებობის გამო იძულებული
გახდა თავისი ჯარით ქუთაისს დაბრუნებულიყო. ამ დროს ტოტლებენ-
ის მავგივად რუსის ჯარის უფროსად უკვე გენ. სუხოტინი დაენიშნათ,
რომელიც აპრილის ბოლოს ჩამოვიდა ქართლს და იქიდან იმერეთს.
სოხოტინმა ისევ განახლა ფოთის ციხის ალყა. მაგრამ სასტიკ ციებ-
ცხელებისა გამო, რამაც დიდი ზარალი მოუტანა ფოთთან მდგარ რუ-
სის ჯარს (დაიხოცა 800 კაცი), გენ. სუხოტინი იძულებული გახდა
ალყა მოეხსნა (ოქტ. 1771 წ.).

ამ გვარად რუსის ჯარის ლაშქრობამ ვერავითარი სარგებლობის
მოტანა ვერ შესძლო, გარდა იმერეთის ციხეებიდან ოსმალების გან-
დევნის დაჩქარებისა. ამიტომ 1772 წ. მისში გენ. სუხოტინი თავისი
ჯარით გაიწვიეს უკან რუსეთში.

ერეკლე მეფე ეძიებს რუსეთის მფარველობას. ერეკლე ძლიერ
სწყობდა, რომ არ მოხერხდა რუსის ჯარის დახმარებით რაიმე თვალსა-
ჩინო ლაშქრობის მოწყობა ოსმალების წინააღმდეგ. მეფე და ქართლ-
კახეთის გავლენიანი წარეები ამას ხსნიდნენ იმ გარემოებით, რომ რუსე-
თი არ არის ჯეროვნად დაინტერესებული სამეფოს ბედით, და ამიტომ
მტკიცე დახმარების მისაღებად მათ საქიროდ ჩასთვალეს რუსეთისთვის
პრივილეგიურ მდგომარეობის შექმნა საქართველოს ტერიტორიაზედ.
დახანება არ შეიძლებოდა, რადგანაც ოსმალები განაგრძობდნენ უფრო
მეტის ენერგიით ოცეების აშლას და თვით აზერბეიჯანშიც და საზო-
გადოდ ჩრდილოეთ სპარსეთში ხანები მეფე ერეკლეს ეხლა, რუსის
ჯარის შემოსვლის შემდეგ, ძველი ნდობით არ უყურებდნენ. ოსმალთა
წინააღმდეგ ლაშქრობა მეფის ხაზინას ხომ ძლიერ ძვირად დაუჯდა,
ოცეების მოგერიების საქმე კიდევ ახალს ხარჯს ითხოვდა და ქვეყანას
უკანასკნელს ტყავს აძრობდა. ყველა ამის გამო 1771 წლის ბოლოს
გარდაწყვეტილ იქმნა პეტერბურგში საელჩოს გაგზავნა მეფის ძის ლე-



ონისა და ანტონ კათალიკოსის მეთაურობით, რომელსაც უნდა ეთხოვნა რუსის მთავრობისათვის მფარველობის გაწევა არსებითად იმ პირობებით, რა პირობებითაც უწინ აღმოსავლეთი საქართველო სცნობდა სპარსეთისაგან დამოკიდებულებას. გზად საელომ ასტრახანში დაჰყო მთელი წელიწადი და ჩავიდა პეტერბურგს მხოლოდ 1773 წ. იანვარში.

ის პირობები, რომელითაც ერეკლე მეფეს სურდა რუსეთის მფარველობაში შესვლა, შემდეგი იყო: ქართლ-კახეთში მეფის უფლება ისევ უნდა დარჩენილიყო, აგრეთვე ხელშეუხებელი უნდა ყოფილიყო საქართველოს ეკლესიის ავტოკეფალია. რუსეთის მთავრობას უნდა გამოეგზავნა ჯარი — 4 ათასი კაცი გარეშე მტრების მოსაგერიებლად და სამცხე-საათაბაგოს ქართლ-კახეთთან შემოსაერთებლად. ამის სამაგიეროდ მეფე თანახმა იყო გაეგზავნა რუსეთში მძევლად ერთი თავისი შვილი და რამდენიმე თავადიშვილი. ის კისრულობდა აგრეთვე ყოველ წლიურ ხარკის გარდახდას კომლზე 14 შაურს და აგრეთვე ყოველ წლივ რუსის მთავრობისათვის თავისი ხარჯით 2000 ვედრო ღვინოს ჩაბარებას. მეფე უთმობდა კიდევ რუსეთს საქართველოში ყოველგვარ მადნეულობიდან ნახევარ შემოსავალს და თხოულობდა სესხად რამოდენიმე თანხას სამეფოს ფინანსიურ მდგომარეობის გასაუმჯობესებლად.

ამ წინადადებაზედ რუსის მთავრობამ უარი განაცხადა. მიზეზი იყო ის გარემოება, რომ რუსეთის მიერ განზრახული დიდი დივერსია ოსმალების წინააღმდეგ, საქართველოს ამხედრების საშუალებით, ჩაიფუშა და პეტერბურგის მთავრობას არ სურდა ოსმალეთთან ზავის შეკერის დროს საქართველოს გამო საქმის რაიმე გართულებას შეეყოლა.

გალაშქრება ჯავახეთს და ჩხერის ომი. რუსთა ჯარის წასვლის შემდეგ ერეკლე და სოლომონ მეფეები დარჩნენ მარტონი ოსმალთა პირისპირ. ოსმალეთის მთელი ყურადღება მიპყრობილ იყო ევროპიულ ფრონტზე სამხედრო მოქმედებისაკენ და ამიტომ საქართველოს წინააღმდეგ პორტა აქტივობას არ იჩენდა. ახალციხის ფაშა მხოლოდ ცდილობდა წვრილი თარეშებით და უფრო ლეკების მისევით გაერთულებინა მეფეების მდგომარეობა. თავისს მხრივ ერეკლემ და სოლომონმა შეკრეს ურთიერთშორის მტკიცე კავშირი (ივნისს 1773 წ.) და იმავე წლის ოქტომბერში გაილაშქრეს ჯავახეთისკენ. მათ ჰყავდათ სულ 10 ათასი კაცი. ამ ჯარით ისინი შეესივნენ ჯავახეთს, ალყა შემოარტყეს ახალქალაქს და გაუშვეს თარეშები ყარსისა და არტანისაკენ. ამ დროს კიებ-ცხელებით ავად გახდა სოლომონ მეფე და ამიტომ ლაშქრობა შეწყვეტილ იქნა. დიდძალის ნადავლით ქართლ-კახეთისა და იმერეთის ჯარი დაბრუნდა უკან.

ოტა ხნის შემდეგ ამისდა საპასუხოდ ახალციხის ფაშამ დიდი თარეში გამოუშვა იმერეთზე 1774 წლის იანვარში. ახალ-



ციხილგან ვახანის გზით წამოვიდა 2,700 ლეკი და ათასი ოსმალოს ჯარის-კაცი სოლომონ მეფეზე თავდასასხმელად. ამავე დროს ახალციხის ფაშასთან შეთანხმებით დაიძრა იმერეთისაკენ კაცია დადიანი, რომელსაც მიწვევული ჰყავდა აფხაზებიც. მაგრამ ერეკლე მეფის მოწერილობამ დადიანი შეაჩერა და ამის გამო სოლომონს საშუალება მიეცა შემოსეულ მტრის წინააღმდეგ თავისუფლად ემოქმედა. ლეკ-ოსმალონი შემოიჭრნენ იმერეთში, მაგრამ რადგან ერეკლე მეფე ქართლიდან წამოვიდა ჯარით ვახანისკენ მათთვის გზის მოსაჭრელად, ამიტომ თარეშმა უკან დახევა დაიწყო. ჩხერთან მას მოულოდნელად თავს დაეცა მეფე სოლომონ და სასტიკად დაამარცხა. მტერმა დაჰკარგა ათასი კაცი მოკლული და 600 ტყვედ, რომელნიც ყველანი დახოცილ იქმნენ. სოლომონის ჯარის ზარალი იყო 50 მოკლული და 100 დაჭრილი (6 თებერ. 1774 წ.)

რუს-ოსმალოს ომის შედეგი საქართველოსთვის. მალე გათავდა რუს-ოსმალოთა ომიც კუჩუკ-კაინარჯის ტრაქტატით, რომელიც შეკრულ იქმნა 10 ივლისს 1774 წ.. ამ ტრაქტატში მოხსენებული იყო აგრეთვე დასავლეთ საქართველოს სამეფო-სამთავროებიც. რუსეთი აღიარებდა ამ ქვეყნებს ოსმალეთის ქვეშევრდომობაში მყოფად და პირობას სდებდა მათ საქმეებში გაურევლობის შესახებ, ხოლო ოსმალეთი თავის მხრივ ვალდებული იყო დაეტოვებინა ადგილობრივი მართველობა უცვლელად. ქუთაისის, შორაპნის და ბაღდადის ციხეები ცნობილ იქმნა ოსმალების საკუთრებად,

რუს-ოსმალოს ომში ჩარევამ ამ ნაირად ვერ მოუტანა ქართლ-კახეთის სამეფოს მისი საზღვრების გაფართოება ყოფილ საათაბაგოს მიჯნების მხრივ, ხოლო იმერეთის მეფეს ოსმალთა ქვეშევრდომობისაგან განთავისუფლება. მაინც ამ ომის შედეგა იმერეთისათვის ფრიად მნიშვნელოვანი იყო. ოსმალეთმა ვერ ისარგებლა კუჩუკ-კაინარჯის ტრაქტატით მიღებულ უფლებით და ვერ დაიჭირა იმერეთში დაკარგული ციხეები, რადგან ისინი ყველა მეფის ბრძანებით აღებისთანავე დანგრეულ იქმნენ. ამის გამო იმერეთის ოსმალთაგან დამოკიდებულება ფრიად შესუსტდა და თანდათან ნომინალურად იქცა. ხარკის გარდახდაც მოისპოა და სოლომონ მეფეს შეეძლო ფაქტიურად განეხორციელებინა თავისი დიდი ხნის ზრახვა ტყვეთა ყიდვის საბოლოოდ აღკვეთის შესახებ.

ქართლ-კახეთის საერთო მდგომარეობა. მიუხედავად იმისა, რომ ქართლ-კახეთი უკვე კარგა ხანია არ განიცდიდა სპარსეთისა და ოსმალეთის მხრივ დიდ-დიდ შემოსევათა შიშს, ქვეყანა მაინც ჯერ კიდევ არ იყო მოლონიერებული იმ საშინელ აწიოკების და აოხრების შემდეგ, რომელიც გამოიარა აღმ. საქართველომ 1720-იან წლებიდან 1740-იან წლებამდის ოსმალ-ლეკ-სპარსთა მძლავრების დროს. ამ განვლილ აოხრებათა მაჩვენებელი იყო, სხვათა შორის, ის გარემოება, რომ



ქართლ-კახეთი მოსახლეობის მხრივაც ამ დროს ჯერ კიდევ არ იყო გათანაწიორებული თუნდ მე-XVIII საუკ. დასაწყისში არსებულ მდგომარეობასთან. 1770 წლის ცნობებით ქართლ-კახეთის სამეფოში ითვლებოდა ყაზახს გარდა $34\frac{1}{2}$ ათასი კომლი, ამათგან $56,5\frac{5}{10}$ ქართველი, $18\frac{0}{10}$ სომეხი, $13\frac{0}{10}$ თათარი, $11,7\frac{0}{10}$ ოსი და სხ. ამას გარდა ყაზახ-შამშადილში, რომელიც 1749 წლიდან სამეფოს ეკუთვნოდა, ითვლებოდა 5,200 კომლი თათარი და 2,400 კომლი სომეხი. ხოლო 1702 წ. კი სულ ქართლ-კახეთის სამეფოებში ირიცხებოდა 60 ათასი კომლი, ამათში 12—15 ათასი კომლი თათრის ელი, რომელიც შემდეგ თითქმის მთლად შაჰ-ნადირმა გადასახლა სპარსეთს. ამ თათრის ელის გამოკლებითაც ცხადია, რომ ქართლ-კახეთის მოსახლეობა 1770 წელს მე-XVIII საუკუნის დასაწყისთან შედარებით საერთოდ დაკლებული იყო.

ასეთს პირობებში ცხადია, რომ ქვეყნის ეკონომიური მდგომარეობაც წინსვლის გზაზე ვერ დადგებოდა. ამისდა მიხედვით ფინანსიური ვითარება უარესდებოდა და ამიტომ მთავრობა იძულებული ხდებოდა ისეთი ღრობებითი ხასიათის ზომებით, როგორც მაგალითად ფულის განსახდერულ ერთეულში ვერცხლის რაოდენობის დაკლებით, ღრობით ხაზინის მდგომარეობის გაუმჯობესებას. ასე, 1749 წელს აბაზი შეიცავდა $6\frac{1}{3}$ დანგ ვერცხლს (მე-XVIII საუკ. პირველ წლებში კი $9\frac{3}{5}$ დანგს), ხოლო 1770 წელს მოკრილი აბაზი კი იწონიდა მხოლოდ $4\frac{2}{5}$ დანგს. ოთხ-დანგიანი აბაზი დარჩა შემდეგ. მე-XVIII საუკუნის დასასრულამდის. ასეთი ზომა, რასაკვირველია, ვერ შეიტანდა ძირითად გაუმჯობესებას სახელმწიფოს ფინანსიურ მდგომარეობაში.

საზოგადოდ, მიუხედავად ერეკლე II-ს ენერგიულ ზომებისა, წინა დროინდელ კრილობათა დაამება და ქვეყნის სერთო მდგომარეობის გაუმჯობესება მიიწეოდა სანდოდა და შედარებით მე-XVIII საუკ. დასაწყისთანაც კი წინსვლა არ აღინიშნებოდა. საინტერესოა ამ მხრივ სახელმწიფო შემოსავლის რაოდენობის შედარება, რადგან ექვს გარეშე ეს გარემოება რამოდენადმე საშუალებას გვაძლევს საერთო წარმოდგენა ვიქონიოთ ხალხის ხარჯის გარდამხდელობის შესაძლებლობაზედ. 1769 წელს და მის ახლო ხანებში ქართლ-კახეთის წლიურ სახელმწიფო შემოსავალს შეადგენდა: 10 ათ. მან. განჯის, 30 ათ. მან. ერევნის ხარკი და სხვა და სხვა გარდასახადებისაგან 90 ათ. მან., სულ 150 ათ. მან. ხოლო 1690-იან წლებში მარტო ქართლის სამეფოს წლიური შემოსავალი უდრიდა 50 ათას მანეთს. სტატისტიკურ მასალების შესწავლის მიხედვით აღმოსავლეთ საქართველოში ამ ხნის განმავლობაში ფულის ნომინალური წოდებულობის გათავება გამოიხატება, როგორც 1: 2,1. ამასთანავე სახეში მისაღებია ის გარემოება, რომ განჯა-ერევანი წინად ქართლის მეფის მოხარკე არ იყო. ამისდა მიხედვით სახელმწიფო შემოსავალი კერძოდ ქართლში 1770 წლ. ახლოს



არსებითად უფრო ნაკლები უნდა ყოფილიყო, ვიდრე მე-XVII საუკ. მიწურულს. აღსანიშნავია, რომ კერძოდ ტფილისის საბაჟოების შემოსავალსაც ამ ხნის განმავლობაში არავითარი წინსვლა არ ეტყობოდა. 1702 წ., მაგალითად, ამ საბაჟოებიდან შემოსილია 5 ათ. მანეთი. ხოლო 1769 წ. 10 ათასი მან., რაც ზემო-ხსენებულ ფულის გაიფების მაჩვენებელ პროპორციის მიხედვით არსებითად ძლიერ უდრის მე-XVIII საუკ. დასაწყისს არსებულ შემოსავლის ციფრს.

აქედან ცხადია, რომ ეკონომიურად ქვეყანა ძლიერ მოსუსტებდა და ამ გარემოებას გავლენა ჰქონდა სამეფოს ფინანსიურ მდგომარეობაზედაც. მაგალითად მე-XVIII საუკუნის 70-იან და წლებში მორიგი ჯარის ინსტიტუტის შემოღების და მშვიდობიან ცხოვრების უზრუნველყოფისთვის მიღებულ ზომების შემდეგ ქვეყანას რამოდენადმე მოლონიერება დაეტყო. 1785 წ. სახელმწიფოს სრული შემოსავალი განჯა-ერევნის ხარკითურთ უდრიდა უკვე 400 ათას მანეთს. 1771—1783 წლებში საზოგადოდ ფულის ნომინალური ღირებულების გაიფება ქართლ-კახეთში გამოიხატება როგორც 1: 2 $\frac{1}{2}$, მაგრამ მაინც ცხადია, რომ 80-იან წლების დასაწყისში სამეფო ხაზინას კოტაოდენი გაუმჯობესება დაეტყო.

მორიგი ჯარის დაფუძნება. მთავრობას ძლიერ კარგად ესმოდა ქვეყნის რთული მდგომარეობა და ეძიებდა რაიმე საშუალებას შინაური ცხოვრების წეს-რიგში მოსაყვანად. გარეშე ძალაზე იმედი ამხანად უკვე არ იყო და ამიტომ ერეკლე მეფე და ქართლ-კახეთის მოწინავე წრეები ადრობდნენ, რუსეთიდან დახმარებაზე უარის მიღების შემდეგ, საკუთარის ძალ-ღონით საქმის მოგვარებას. უპირველეს ყოვლისა საქირო იყო შტკიცე და მულმივი სამხედრო ძალის შექმნა, რადგან მხოლოდ ამის შემდეგ შესაძლებელი იქნებოდა აზვავებული ლეკობასთან გამკლავება და იმავე დროს შინაურ საქმეებზე ზრუნვა. 1773 წლის დასასრულს ტფილისში მოწვეულ იქმნა ეპისკოპოსთა და დიდ თავადთა კრება, რომელმაც იქონია მსჯელობა მულმივი სამხედრო ძალის შექმნის შესახებ. ხანგრძლივი მსჯელობის შემდეგ მიღებულ იქმნა და 4 იანვარს 1774 წ. გამოქვეყნდა განჩინება მორიგი ჯარის შესახებ, სადაც დაწვრილებით აღწერსული იყო წესი მეთერთმეტი და ნუზლით.

მთელი სამეფოს მოსახლეობა მამობრივი სქესისა, რომელსაც იარაღის ტარება შეეძლო, სიით უნდა აღწერსულიყო. თავადი, აზნაური, მოხელე და გლეხი, ყველა გაყოფილი იქმნა 12 რიგად წელიწადში 12 თვის მიხედვით. ყოველთვის ახალ-ახალი რიგი გამოდიოდა ქვეყნის დასაცავად და საზღვრებზე ლეკთა მოთარეშე რაზმებისათვის თვალ-ყურის სადევნელად. სამსახურში გამოცხადებაზე დავიანებისათვის თავადზე და აზნაურზე ჯარიმა იყო დანიშნული, ხოლო გლეხისათვის რუსულად წკებლში ვატარება.



ამ გვარად განჩნდა მუღმივი სამილიციო ჯარი. პირველად მორიგეთა რიცხვი ყოველ თვე-და-თვე უდრიდა 4—5 ათასს, მაგრამ შემდეგ დროს მორიგეთა ინსტიტუტის მოსუსტების გამო ამ ციფრმა თანდათან კლება იწყო, ასე რომ სამეფოს მოლაშქრეთა რიცხვი უჩვენებდა მხოლოდ 23 ათასს, მათ შორის 5 ათას თათარს, დანარჩენს ქართველს და რამდენადმე სომეხს. ამ ანგარიშით ყოველ თვეს მორიგობა დაახლოვებით 2 ათასს კაცს იძლეოდა.

შინაურ მშვიდობიანობის განმტკიცება. ეს მუღმივი მილიციური ლაშქარი სწორედ მისწრება იყო საქართველოსათვის. განლაგებულ ლეკების თარეშები თანდათან ალაგმულ იქმნენ. რასაკვირველია, მშვიდობიან ცხოვრების დამყარებამდის ჯერ შორს იყო, მაგრამ მაინც შესაძლებელი შეიქმნა ქვეყნის აღორძინებაზე ფიქრი. ხალხი თანდათან ჩამოვიდა სამალავიდგან და ტყე-ღრედგან. სოფლებმა იწყეს გაშენება. მცხეთა, რომელიც თითქმის მთლად აწყვეტილი და აყრილი იყო, დარჩენილიყო ერთი თუ ორი კომლი, ხელახლავ გაშენდა. ასევე ბევრი სხვა სოფელი. თვით მეფე და ბატონიშვილები მხურვალე მონაწილეობას ღებულობდნენ მორიგე ჯარში და რიგრიგობით გადიოდნენ სამსახურში. განსაკუთრებით ბევრი ღვაწლი დასდო მორიგე ჯარის საშუალებით ლეკების ალაგვის საქმეს ლევან ბატონიშვილმა, ერეკლეს საყვარელმა შვილმა, ცნობილმა თავისი გასაოცარი სიმამაცით, განათლების ზიყვარულით და გონება-გამჭირაობით. ეს ლევან ბატონიშვილი გახდა მალე ნამდვილი სულის ჩამდგმელი მორიგე ჯარისა. მთელი ქართლ-კახეთი შეხაოდა ენერგიულ ბატონიშვილს, რომელმაც ლეკების თარეშებს თავისი სამშობლო ქვეყნის ტერიტორიაზე სიკაცხლე გაუმწარა, ხანამ მოულოდნელმა სიკვდილმა 1781 წ. თებერვალს ბოლო არ მოუღო მისს მოღვაწეობას.

ერეკლე კიდევ მიმართავს რუსეთს. მორიგი ჯარის აქტიურმა მოქმედებამ შესაძლებლად გახდა შინაურ ცხოვრებაში გარკვეულ პოლიტიკის წარმოებაც. სამეფოს მდგომარეობა მაინც საჭიროებდა გარეშე დახმარებას. ამით აიხსნება, რომ ერეკლე, მიუხედავად მიღებულ უარისა, 1774 წ. 24 აგვისტოს კვლავ შუამდგომლობს რუსეთის წინაშე შემწეობას. მეფე უთითებდა რუსეთის პირველს მინისტრს, რომ ოსმალების გადამტკრება მის ძვირად დაუჯდა, რომ 1770 წლიდგან მას დეხარჯა ომებზე 450 ათასი მანეთი და სარგებლობა კი არაფერი გამოვიდა. ერეკლე თხოულობდა სესხად ფულის გამოგზავნას და 3—4 წლით ჯარის თხოებას. მაგრამ ამ დროს რუსეთს უკვე ოსმალებთან ზავი შეკრული ჰქონდა და ამიტომ საქართველოს საქმეებში ჩარევას თავისთვის სახეიროდ არ სთვლიდა.

ქართლ-კახეთის მთავრობის ასეთი დაჟინებით შუამდგომლობის აღძვრის მიზეზი, ვარდა მუღმივ გარეშე საფრთხისა, შინაურ პირობებშიც იმალებოდა. თავადების ცალკე ჯგუფებში ჯერ კიდევ ბუღობდა მეფე-



სადმი უკმაყოფილება და ხშირად ეს უკმაყოფილება სახელმწიფოსათვის საშიშ ხასიათს ღებულობდა. 1776 წ., მაგ., თავისი მხნეობით განთქმულმა ზაალ ორბელიანმა მოაწყო შეთქმულობა ერეკლეს წინააღმდეგ. შეთქმულობა დროზედ გამოაშკარავდა და შემთქმელნიც შეპარობილ იქმნენ. როგორც გამოძიებიდან გამოირკვა, შემთქმელთ უნდოდათ ერეკლეს ჩამოგდება ტახტიდან. შემთქმელთ კავშირი ჰქონდათ რუსეთის სამხედრო აგენტს ბაკუნინთან, რომელიც მათ ამხნეებდა. როგორც ამ შეთქმულობიდან გამოირკვა, ზოგი გაბოროტებული თავადი წინააღმდეგი არ იქმნებოდა, თუ კი სამეფო სახლის დაოჯუპასთან ერთად ქვეყანა მთლად რუსეთს გადაეცემოდა.

ეს ფაქტი, რამდენადმე ახასიათებს მაშინდელ ქართლის ზოგიერთ თავადების სულიერ განწყობილებას და აგრეთვე იმ ინტრიგებსაც, რომელსაც ეწეოდა საქართველოს ტერიტორიაზე ზოგი რუსი აგენტი.

ქსნის საერისთოს გაუქმება. ამ სულიერ განწყობილებამ ერთხელ კიდევ თავი იჩინა მძლავრად 1777 წ., როდესაც აშკარად გადუღდა მეფეს გიორგი ქსნის ერისთავი. ამის შვილს ჰყავდა ცოლად მეფის ასული და ამიტომ მეფეს არ სურდა საქმის გამწვავება. მაგრამ როდესაც მოლაპარაკებიდან არაფერი გამოვიდა, მეფე იძულებული გახდა ჯარი გაეგზავნა ერისთავის წინააღმდეგ, რომელიც შეიპყრეს და ჩამოიყვანეს ტფილისს. ამის შემდეგ მეფე ერეკლემ მოსპო ერისთავობა ქსნისა და მით ზოლო მოუღო ერთს უძველეს და უძლიერეს ბუღდეს ქართლის ფეოდალთა წრებისას.

საქართველოს გაერთიანების აზრი იღვიძებს. ქსნის ერისთავთა ალაგმვის შემდეგ ქართლში უკვე აღარ იყო ისეთი ძლიერი ცენტრ-თავანი ფეოდალური ძალა-უფლებისა, რომელსაც შესძლებოდა მეფის განუსაზღვრელ მართვლობისათვის წინააღმდეგობის გაწევა. შიგნით სამეფოს შემომატკიცებას მოჰყვა გაღვიძება საქართველოს ერთიანობის აზრისა. რადგანაც სამცხე-საათაბაგოს შემოკრთების განხორციელება ჯერჯერობით შეუძლებლად სჩანდა, ამიტომ ქართლ-კახეთის მოწინავე წრებმა ყურადღების მიპყრობა დაუწყეს ლიხთ-იმერეთს. ამ გარემოებაში გაამწვავა ურთიერთობა ერეკლე II-სა და სოლომონ I-ს შორის. ამისდა საპასუხოდ იმერეთის მეფემ დაიწყო ერეკლეს საწინააღმდეგო მოქმედება და მხარი დაუჭირა ვახტანგ VI-ის შვილის შვილის ალექსანდრე ბაქარის ძის პრეტენზიებს ქართლის ტახტის მოპოების შესახებ. ალექსანდრე ბატონიშვილი მოვიდა იმერეთს, საიდგანაც ის ცდილობდა ქართლში თავისი მომხრეთა ამოძრავებას. ერეკლე II-ს უკვე გარდაწყვეტილი ჰქონდა იმერეთის შემოერთება თუნდაც ომით და მართველად იქ თავისი ნიჭიერი ძის ლევან ბატონიშვილის დანიშვნა, მაგრამ საქართველოს საერთო პირობები და აგრეთვე შიში ოსმალეთთან ურთიერთობისა გამწვავებისა, რადგან ოსმალეთი ლიხთ-იმერეთს თავის

მფარველობაში სთვლიდა, შეუძლებლად ხდიდა ამ გეგმის განხორციელებას.

მიუხედავად ინტერესთა ამ გვარ წინააღმდეგობისა ერეკლესა და სოლომონს შორის, დროგამოშვებით მაინც ხერხდებოდა ორსავე მეთის შერიგება, მაგრამ ურთიერთ უნდობლობისა გამო ხანგრძლივი მეგობრულ განწყობილების დამყარება შეუძლებელი იყო.

ქართლ-კახეთის მთავრობა ცდილობს აზერბეიჯანში თავისი უპირატესობის დამყარებას ამავე დროს ერეკლე II მიისწრაფოდა სახანოებზე მტკიცედ თავისი გავლენის დამყარებას. მთავარი მიზეზი ქართლ-კახეთის მთავრობის მისწრაფებისა ერენისა და განჯის შემომტკიცებისაკენ იყო ერთის მხრივ ხარკის მიღების საჭიროება სამეფოს ფინანსიურ სწორ-წონაობის დასაცავად, რადგანაც აზერბეიჯანის ქვეყნის შემოსავალი საქმარისი არ იყო სახელმწიფო ხარჯების დასაფარავად და მეორეს მხრივ პოლიტიკურის თვალსაზრისით ქართლ-კახეთი დაინტერესებული იყო სახანოების დაქსაქსავაში.

მაგრამ აზერბეიჯანში ქართლ-კახეთის პოლიტიკურ გავლენის განსამტკიცებლად აუცილებლად საჭირო იყო ოსმალეთთან და სპარსეთთან გარკვეულ ურთიერთობის დამყარება.

სპარსეთის დასუსტება. სპარსეთი საზოგადოდ XVIII საუკუნეში დაცემის გზაზე იღვა. მიუხედავად ნადირ-შაჰის ძლიერდამოსილ ლაშქრობათა, უკეთ ვთქვათ, სხვათა შორის, სწორედ ამ ლაქრობათა გამო სპარსეთი თანდათან სუსტდებოდა. ნადირ-შაჰის შემდეგ სპარსეთში ვერც დამყარდა ძლიერი ცენტრალური მთავრობა. მართალია, ქერიმ-ხან-ზენდს ამ დროს ეკირა სპარსეთის უმეტესი ნაწილი, მაგრამ მისი უფლება მაინც ყველგან ერანში არ იყო აღიარებული. ვერც ქერიმის ცდამ სახელმწიფოებრივ ცხოვრების გაუმჯობესების შესახებ მოუტანა სპარსეთს ხსნა. ქვეყანა ნელ-ნელა სუსტდებოდა ეკონომიურად, კულტურულად და პოლიტიკურადც. თუ რამდენად დიხია უკან სპარსეთმა მე-XVIII საუკუნეში, ამისი მაჩვენებელია, სხვათა შორის, ის ვარემოება, რომ მე-XVII საუკუნის დასასრულს სფეიანთ იმპერიაში ითვლებოდა 40 მილიონამდის მცხოვრები, 1780-იან წლების ახლოს კი სპარსეთში ირიცხებოდა დაახლოებით 10 მილიონი. ნადირ-შაჰის მიერ ინდოეთიდან წამოღებულმა აუარებელმა სიმდიდრემაც ქვეყნის განვითარებაზე ვერაფერი გავლენა მოახდინა. ნაცარცვით, რასაკვირელია, შეუძლებელი იყო სპარსეთის აღორძინება, მშვიდობიანი შრომისათვის კი ერანის ეროვნული ძალაც მოღუწებულყოფი და მუდმივ არე-დარევისა გამო არც შესაფერისი პირობები არსებობდა.

ერეკლე II პირს იბრუნებს ოსმალეთისაკენ. ასეთს პირობებში სპარსეთზე დაყრდნობა ქართლ-კახეთისთვის შეუძლებელი იყო. რუ-



სეთზე კიდევ სამეფოს მოწინავე წრეები მფარველობის თხოვნაზედ ამდენი უარის მიღების შემდეგ რამოდენადმე გულგატეხილნი იყვნენ.

ამ დროს ოსმალეთსა და სპარსეთის მართველს ქერიმ-ხანს შორის შფოთი ჩამოვარდა და ოსმალეთმა ჯარების დაგროვება დაიწყო, სხვათა შორის, ყარსის საფაშოშიც, სპარსეთის წინააღმდეგ სამხედრო მოქმედების დასაწყებად. პორტას ამასთანავე აინტერესებდა აზერბეიჯანის ხანების სულიერი განწყობილება და აპირებდა მათი თავის მხარეზე გადაბირებას. ამით ისარგებლა ერეკლე II-მ და გამართა მოლაპარაკება ოსმალეთის მთავრობასთან. ერეკლე აღუთქვამდა ერთგულებას ოსმალეთს, პირდებოდა აზერბეიჯანის ხანების გადმობირებას ოსმალეთის მხარეს სპარსეთთან ომის დროს და თავისს მხრივ თხოულობდა, რომ სპარსეთთან დადებულ ხელშეკრულებაში მოხსენებული ყოფილიყო საქართველოს სამუდამოდ განთავისუფლება სპარსეთის დამოკიდებულისაგან. ერეკლე I ამასთანავე პირობას იძლეოდა რუსეთთან ყოველგვარი კავშირის გაწყვეტის შესახებ და თანხმდებოდა მძევლად ახალციხეს რამოდენიმე წარჩინებულ გვარეულობის წარმომადგენლის გამოგზავნას.

ერეკლე II ამ გვარად თითქოს ოსმალეთთან კავშირის დაქერის გზაზე დადგა. ამით მას იმედი ჰქონდა როგორც ქართლ-კახეთის საერთო მდგომარეობის განმტკიცებისა, ისე აზერბეიჯანის უმეტესს ნაწილზე თავისი გავლენის დამყარების.

ოსმალეთის მთავრობა სიამოვნებით შეხვდა ერეკლე II-ს შუამდგომლობას. სულთანის სახელით მას ორჯულ გავგზავნა დიდი საჩუქრები, სულ 12 ათასი ოქრო, საპატოო ქურქი და ოქროთი აღკაზმული ცხენი (1778 წ.).

ოსმალეთთან გაბმულმა მოლაპარაკებამ ხელი შეუწყო ქართლ-კახეთის შინაური მდგომარეობის განმტკიცებას. ახალციხის სულიმანფაშასთან მეგობრული ურთიერთობა დამყარდა და ლეკთა თარეშებმაც ამის გამო რამოდენადმე შემცირება იწყეს. საერთოდ კი ოსმალეთთან კავშირის დაფუძნება შეუძლებელი აღმოჩნდა, რადგან საქართველო უკვე აშკარად მიისწრაფოდა ევროპის კულტურისაკენ, ხოლო ეს გზა ევროპისაკენ მიდიოდა ამ დროს არა ოსმალეთის, არამედ რუსეთის მიმართულებით. შინაური აღმაშენებლობით მუშაობისათვისაც ქართულ სახელმწიფოებრიობას ოსმალეთისაგან არაფლის მიღება არ შეეძლო. დაწყებული ჯერ კიდევ მე-XVII საუკუნიდან ოსმალეთი თუმცა ჯერ კიდევ ასრულებდა დიდი სახელმწიფოს როლს, მაგრამ როგორც პოლიტიკურად, ისე კულტურულად აშკარად იდგა დაცემის გზაზედ.

ერეკლე II და აზერბეიჯანი. ამ დროს ხელახლავ იღვიძებდა აზერბეიჯანის ხანებს შორის ერთმანეთთან შეკავშირების აზრი ქართლ-კახეთის წინააღმდეგ. ხანები ძლიერ უკმაყოფილო იყვნენ ერევანზე და



განჯაზე ერეკლე II-ს უფლების განმტკიცებით და ფიქრობდნენ დაღი-სტნის ხალხებთან, ზუნძახის ბატონთან და დარუბანდის ხანთან ერთად ქართლ-კახეთის ქვეშევრდომ სახანოებისთვის დამოუკიდებლობის მოპოვებას. ამისდა საპასუხოდ ერეკლე II შეუკავშირდა ყარაბაღის იბრეიმ-ხანს, რომელთან შეთანხმებით განჯაში დაყენებულ იქმნა ორი მარ-თველი — ერთი ქართლ-კახეთის და მეორე ყარაბაღის სახანოს მხრივ.

ყარაბაღის ხანთან შეკავშირებამ დროებით დააცხრო აზერბეიჯანის ხანების მოძრაობა და საეპოოდ განამტკიცა უპირატესი მდგომარეობა ქართლ-კახეთის სამეფოსი აღმოსავლეთ ამიერ-კავკასიაში.

ზრუნვა განათლებისათვის. შინაურ ცხოვრებაში ერეკლე მეფე ცდილობდა დროებით გაუმჯობესება საერთო მდგომარეობისა გამოეყენებინა ქვეყნის წარმატებისა და მისი საქმეების მოსაწყობად. განახლებული სტამბა ტფილისში ამღიდრებდა წიგნის ბაზარს და ხელს უწყობდა საეკლესიო წიგნით განსაკუთრებით ეკლესიების და მონასტრების საჭიროების დაკმაყოფილებას. მარტო 1780-იან წლებში დაიბეჭდა 14 ათასი ცალი სხვა და სხვა საეკლესიო წიგნი.

ტფილისის ფილოსოფიის სემინარიის საქმეც თანდათან უფრო წინ მიდიოდა. კათალიკოზი ანტონი თვით ჩაუდგა განათლების საქმეს სათავეში და თავისი სამწიგნობრო მოღვაწეობით ხელი შეუწყო სწავლის ჯეროვნად დაყენებას. შემდეგ ფილიპე მღვდლისა სემინარიის სათავეში იღვა ანტონის გავრდილი და მისი მოწაფე გაიოზ არქიმანდრიტი. გარდა სემინარიისა მეფე ყურადღებას აქცევდა განათლების კერის განცხოვლებას სხვა-და-სხვა მონასტრებში თუ ეკლესიებთან. მალე შესაძლებელი შეიქმნა მეორე სემინარიის დაარსება ქალ. თელავში. რომელიც გაიხსნა 28 მაისს 1783 წ.. მის პირველ რექტორად იყო გაიოზ არქიმანდრიტი, რომლის ადგილი ტფილისის სემინარიაში დაიკავა ტფილისის სიონის ტაძრის დეკანოზმა იოანე ოსესძემ. გაიოზის შემდეგ, რომელმაც მალე თავი დაანება თელავის სემინარიას, რექტორად იქ იყო დავით ალექსიძე.

ზრუნვა მართველობის გაუმჯობესებისათვის. სამეფოს მართველობაშიაც მეფე ცდილობდა გაუმჯობესების შეტანას. ცენტრალური მართვა-გამგეობის ფუნქციები თვით მეფის ხელში იყო, რაც შეუძლებლად ხდიდა წესიერად საქმის გაძღოლას თვით ისეთ დაუსრუტელ ენერჯის ადამიანისათვის, როგორიც იყო მეფე ერეკლე. აპარატის მოუწყობლობით აიხსნებოდა ის გარემოება, რომ, ერთის თანამედროვის თქმისა არ იყოს, ყოველი ქვეშევრდომი აბაზიან საქმისათვის პირდაპირ მეფესთან გარბოდა საჩივრად. სულ უბრალო საქმეც კი, მაგალითად დავა მამულისა ან ყმის შესახებ, ფულის ვალდებულობისა და სხვა ამ გვარი, მიდიოდა პირდაპირ მეფესთან, რომელიც ამის გამო მთელი დღეები ხშირად წვრილმან საქმეებსა და კინკლაობის გარჩევა-



ში იყო გართული. ეს გარემოება, რასაკვირველია, ძლიერ დიდ დაბრკოლებას წარმოადგენდა სახელმწიფოებრივ მუშაობის წესიერად წარმოებისათვის. როდესაც ქართლსა და კახეთში ერისთავების და ზოგ სხვა დიდ გვარიან თავადების ხმას თავ-თავიანთ სამფლობელოში გასავალი ჰქონდა, როდესაც მსხვილი ფეოდალები თითონ ასრულებდნენ მართველის და მოსამართლის ფუნქციებსაც, მეფის უფლებასაც, ასე ესთქვათ, ოჯახური ხასიათი ჰქონდა, და მართველობის რთული აპარატის უქონლობა არც თუ დიდს რაიმე ნაკლს წარმოადგენდა. ესაა კი ფეოდალების უფლების ალაგმის შემდეგ ცენტრალურ მართველობის გაძლიერება აუცილებელი საჭიროება იყო. მეფის უფლებამ დაპყრობა თავისი წინანდელი ოჯახური ხასიათი. შედარებით ვრცელს ტერიტორიას ქართლ-კახეთის სამეფოსას ფართო თვალყურის დევნება სჭირდებოდა, მრავალ-ფეროვან მოსახლეობის საჭიროებანი მართველობის ახალს, უფრო რთულ მეთოდს თხოვლობდნენ როგორც ადმინისტრაციულ, ისე მართლმსაჯულების სფეროში. ამისი საჭიროება ძალიან კარგად ესმოდა ერეკლე მეფეს. მან კიდევ მოინდომა რამოდენადმე ამ ახალი გზის გაკაფვა. ამ მხრივ დიდი მნიშვნელობა ჰქონდა სამეფოს უფროს სახლთ-უხუცესად ერეკლეს მიერ თავისი სიძის დავით ორბელიანის დანიშნის შემდეგ მისსავე ხელში უფროსი სარდლის თანამდებობის მოთავსებას სარდალ-სახლთუხუცესის სახელწოდებით. ამით რამოდენადმე მოხდა სამოქალაქო და სამხედრო მართველობის ვალდებულებათა ერთ პიროვნების ხელში გაერთიანება. კერძოდ მართლმსაჯულებაშიც მეფემ მოინდომა დროსდა მიხედვით შეწონილი ცვლილების შეტანა. წინად ყოველი უბრალო საჩივარი პირდაპირ მეფესთან მიდიოდა. ხოლო 1778 წ. აპრილიდან კი ყოველი არზა და საჩივარი უნდა შესულიყო მდივანბეგებთან მათ სამსაჯულოში.

სახელმწიფოებრივი ცხოვრების საკუთარი ძალით გარდაქმნის სიძნელე. მაგრამ საერთო რეფორმების მოსახდენად და მართველობის გარდასაქმნელოდ ახალ მოთხოვნილების თანახმად ერეკლეს ძალი არ შესწევდა. საქართველოს ცხოვრებლს ზედაპირზედ არ იყო ისეთი ელემენტი, რომელსაც შესძლებოდა ფეოდალურ ძალის მაგიერობა გაეწია და რომელიც უზრუნველყოფდა ახალ ცენტრალისტურ მართველობის დამყარების საქმეს. მოქალაქეობრივი ცხოვრება ქალაქებში, თვით ტფილისშიც, ნაკლებად იყო განვითარებული და გარდა ამისა ქართველობაც ქალაქებს არ ეტანებოდა. არ იყო აგრეთვე არც განსაკუთრებული ხელისუფლობა, როგორც კლასი, თავისი ტრადიციებისა და იდეოლოგიის მქონე, რომელსაც შესძლებოდა სახელმწიფოებრივი აღმაშენებლობითი მუშაობაში თავისი ვალდებულობის შესრულება. ერეკლეს მეფობის უფრო მეორე ნახევარში ჩნდებიან კანტი-კუნტად ახალი ხელისუფალნი, ცხოვრების ზედაპირზე ახლად გამოსულნი, რომელნიც მეფის ერთგულობისა და მისი ძალა-უფლების განმტკიცებაში ხელადაცნენ თავის დანიშნულებას. ასეთი იყო, მაგალითად, მდივანბეგი



იესე ოსესძე და განსაკუთრებით მალალ-ნიჭიერი და განათლებული სოლომონ ლიონიძე. თავისი ჩამომავლობით მათ არაფერი ჰქონდათ საერთო თავადების გვარეულობებთან. იესე იყო სამღვდლო წოდებებიდან და მამა-პაპათ ტფილისის შექცევალი, ხოლო ლიონიძე იყო შვილი ნალეკარ დეკანოზისა. 14 წლისა სოლომონი ეხლა ერეკლე მეფეს. თავისი ნიჭით მან მალე მიიღო მეფის მდივნობა, ხოლო 1779 წ. კი 25 წლის სოლომონს ებოძა თავადობაც ლიონიძის სახელობით. მაგრამ ასეთი პირნი შეადგენდნენ გამონაკლისს და ისინიც ითქვეფებოდნენ თავადების საერთო წრეში.

ამიტომაც მოხელეთა, როგორც კლასის, შექმნაც შეუძლებელი შეიქმნა და მეფე ეძლეოდა იყო ასალ და შეცვლილ ვითარების დროს ისევ ძველ ფერდალურ წრებიდან გამოსულ ელემენტებს დაყრდნობდა. თავისი თავად იგულისხმება, რომ ქართლ-კახეთი ასეთს პირობებში ვერ შესძლებდა თავისი შინაური ცხოვრების ჯეროვნად მოწყობას და თავისი სახელმწიფოებრივ ორგანიზმისათვის ისეთი სიმტკიცის მოპოვებას, რომელიც საჭირო იყო განსაკუთრებით ეხლა, როდესაც ჩვენი ქვეყანა თანდათან ხდებოდა მეზობელ სახელმწიფოთა დიდ პოლიტიკის საგნად.

რუსეთი მოიწვეს ამიერ-კავკასიისაკენ. ჯერ კიდევ 70-იან წლების დასაწყისში რუსეთს, როგორც ვნახეთ, არ ჰქონდა შემუშავებული გარკვეული ხაზი საქართველოს შესახებ. ამით აიხსნება, რომ ერეკლე მეფის შუამდგომლობა 1772—1773 წ. წ. რუსეთის მფარველობაში მიღების შესახებ, განსაზღვრულ პირობებში და სათანადო ტრაქტატის შეკვრით, უარყოფალ იქმნა. მაგრამ შემდეგ თანდათან რუსეთის შეხედულება შეიცვალა. ერთი რომ 1777—1778 წლებში რუსეთმა ჩრდილოეთ კავკასიაში კიდევ უფრო წინ წაიწია და უფრო მტკიცედ მოიკიდა ფეხი ყუბანის ჩრდილოეთ-აღმოსავლეთით მდებარე ქვეყნების დაქვრით. მეორე მხრივ, 1779 წლიდან ქერიმ-ხანის სპარსეთში გარდაცვალების შემდეგ ერანის ტერიტორიაზე კვლავ ანარქია ასტყდა. ამით მოინდომა სარგებლობა რუსეთმა, სადაც კვლავ გაიღვიძა დიდ-დიდმა პროექტებმა კასპიის ზღვის ხელში ჩაგდებისა და საზოგადოდ აღმოსავლეთისაკენ გზის გაყვების შესახებ. 1781 წ. რუსის ესკადრამ დაიჭირა ასტრბადის ყურე და მოინდომა იქ საბოლოოდ ფეხის მოკიდება. მართალია, ყაჯარმა აღა-მაჰმად-ხანმა მალე განდევნა იქიდან რუსები, ასე რომ ამ ცდისაგან არა გამოვიდა რა, მაგრამ ცხადი იყო, რომ რუსეთი ეხლა უფრო ენერგიულად მიდიოდა წინ აღმოსავლეთისა და კავკასიისაკენ.

ერეკლე II ეძებს დახმარებას დასავლ. ევროპაში. ერეკლე მეფე ცდილობდა რუსეთის გარეშეც მოეპოვა რაიმე დახმარება. ამ აზრით მან 1782 წ. მიმართა ვენაში იმპერატორს, აგრეთვე საფრანგეთის მე-



ფეს, სარდნიის, ნეპოლისა და ვენეციის მთავრობათ. მეფე თხოულობდა დახმარებას ჯარით ან ფულით და თავის მხრივ პირობას სდებდა შეუსრულოს მისთვის დახმარების მომცემ სახელმწიფოს ყოველივე მოთხოვნილება სპარსეთის დაპყრობისა, თუ ოსმალეთის წინააღმდეგ მთელი თავისი ძალით მოქმედების შესახებ. უმთავრესი გაჭირვება სამეფოსი ამ გვარად, როგორც ყველა ამ რუსეთსა და ევროპაში აღძრულ შუამდგომლობებიდგან სჩანდა, იყო მტკიცე და საკმაო სამხედრო ძალის უქონლობა იმდენად მინც, რომ შესაძლებელი ყოფილიყო ლეკების და სხვა მტრების ალაგმა და შინაურ აღმაშენებლობითი მუშაობაზედ გადასვლა. ევროპაში ვაგზავნილ შუამდგომლობიდან არაფერი გამოვიდა. საქართველო ევროპის სახელმწიფოებისათვის შორს იყო და ამ დროს მათ პოლიტიკის ინტერესებს გარეშე იმყოფებოდა. არა თუ რაიმე რეალური დახმარების მიღება, არამედ უბრალო ხმის მიწვევნაც კი მაშინ ძნელი საქმე იყო.

მფარველობითი კავშირის დადება რუსეთთან. რადგანაც დასავლეთ ევროპასთან კავშირის გაბმა შეუძლებელი აღმოჩნდა, ამიტომ ქართლ-კახეთის მთავრობა იძულებული გახდა მთელი თავისი იმედები ისევ რუსის მთავრობაზედ დაემყარებინა. ამ დროს უკვე რუსეთის პოლიტიკური ინტერესიც აღმოსავლეთსა და კავკასიაში განცხოველდა და ამიტომ ეხლა თვით რუსის მთავრობამ შეაფასონა ერეკლე II რუსეთის მფარველობის მოპოების შესახებ შუამდგომლობის აღძრვაზედ. მართლაც 1782 წ. ერეკლე II-მ კვლავ აღსძრა ეს საკითხი, რომელსაც პეტერბურგის მთავრობა ამ უმაღლეს ხარისხით შეხვდა და შეუდგა სათანადო მოლაპარაკებას. ეს მოლაპარაკება გათავდა 1783 წ. 24 ივლისს ცნობილ ტრაქტატის ხელის მოწერით ქალ. გეორგიევსკში იმპერატრიცა ეკატერინა II და ერეკლე მეფის რწმუნებულთა მიერ.

ამ ტრაქტატით ქართლ-კახეთის მეფე აღიარებდა რუსეთის იმპერატორების უზენაეს ძალა-უფლებას და მათს მფარველობას. ტახტზედ ასვლისას ახალი მეფე თავისი ელჩის საშუალებით თხოულობს ტახტზე დამტკიცებას და ინვესტიტურის ნიშნების გამოგზავნას, რომლის მიღებისას მეფე რუსეთის რეზიდენტის თანადასწრებით ღებულობს ერთგულობის ფიცს. გარეშე სახელმწიფოებთან ურთიერთობა უნდა ხდებოდეს რუსეთის მთავრობასთან შეთანხმებით. ამას გარდა მეფე ღებულობს თავის თავზე ვალდებულობას იმპერიის სასარგებლოდ მოქმედების შესახებ და საქირების დროს ის მზათა თავისი ჯარით მისი დიდებულების სამსახურისათვის. სამაგიეროდ, რუსეთი იძლეოდა გარანტიას ქართლ-კახეთის ტერიტორიის დაცვისა და ხელ-უხლებლობისათვის და სამეფო ტახტის ბაგრატიონების სახლში დამკვიდრების შესახებ. ხელუხლებლობის გარანტია ვრცელდებოდა აგრეთვე იმ ქვეყნებზედაც, რომელნიც დროთა განმავლობაში საქართველოსთან იქნებოდნენ შემოერთებული და მასზე დამტკიცებულნი. შინაურ საქმეებში



და მართველობაში რუსეთი არ ერევა, დამოუკიდებელ მდგომარეობაში რჩება აგრეთვე საქართველოს ეკლესიაც. კერძო პუნქტებით კიდევ განსაზღვრულ იყო, რომ რუსეთი ვალდებული იყო ყოლოდა ქართლ-კახეთში 2 ბატალიონი ჯარი 4 ზარბაზნით.

3 ნოემბერს 1783 წ- ტფილისში მოვიდა ეს ჯარი, ხოლო 2^ე იანვარს 1784 წ. ინვესტიტურის ნიშნების მიღების შემდეგ მეფე ერეკლემ დიდის ცერემონიით მიიღო ფიცი იმპერატრიცა ეკატერინე II-ს ერთგულებაზედ.

რუსეთ-საქართველოს შორის დადებულმა მფარველობითი მოკვეშირობის ტრაქტატმა გარკვეულ ფორმებში ჩამოაყალიბა ის პოლიტიკური მიდრეკილება რუსეთის იმპერიისადმი, რომელიც ასე მძლავრად ახასიათებდა ერეკლე მეფის საგარეო პოლიტიკას და რომელიც გამოიხატებოდა მფარველობისა და დახმარების ძიებაში. ამიერიდგან საქართველომ საბოლოოდ პირი იბრუნა სპარსეთისაგან ჩრდილოეთისაკენ.

ამ ხელშეკრულებით ქართლ-კახეთის მთავრობას იმედი ჰქონდა საბოლოოდ ჩამოშორებოდა სპარსეთს, თავისი საშინაო და საგარეო მდგომარეობა განემტკიცებინა და გარდა ამისა სამცხე-საათაბაგოს — ახალციხისა და ყარსის მხარეების — შემოერთებით საძირკველი ჩაეყარა საქართველოს გაერთიანებისათვის.

ტრაქტატი დადებულ იქნა უფრო ხელსაყრელ პირობებით, ვიდრე ეს ერეკლე მეფისათვის მოსალოდნელი იყო. იმპერატრიცამ უარი განაცხადა ხარკზე, რომლის გარდახდაზე თანახმა იყო მეფე, მძევლების გამორთმევეც რუსეთში საჭიროთ არ დაინახეს. მეფეს დაუმტკიცეს ტიტული უმაღლესობისა სამეფო გვირგვინის კურთხევის უფლებით. სასოგადოთ საქართველოს მთავრობა ძლიერ კმაყოფილი იყო ამ შედეგებით. ქვეყანას ძლიერი და, როგორც ამ დროს სჩანდა, უანგარო მფარველი გაუჩნდა და სამეფოს შინაურ ცხოვრებისათვის იწყებოდა ახალი ხანა წარმატებისა და წინსვლისა. მართლაც, რუსის ჯარის ჩამოსვლამ დიდი აღფრთიერება გამოიწვია როგორც მართველ წრეებში ისე აგრეთვე ფართო ხალხში, მაგრამ მალე აღმოჩნდა, რომ ჯერ კიდევ შორს იყო მტკიცე მყუდროების მოპოვებამდის, რომ პირიქით სწორედ ესლა თითქოს ერთად იფეთქეს ყველა ქართლ-კახეთის ირგვლივ მოკალათებულმა მტრებმა.

საქართველოში რუსეთის მფარველობის შესვლამ ფრიად დიდი შთაბეჭდილება მოახდინა ყველა ახლო-მახლო ქვეყნებზედ. მაშინ როდესაც იმერეთი, თავისი უფროსი მოძმის მაგალითით წაქეზებული, ცდილობდა რუსეთთან ასეთივე მჭიდრო და ფორმალური კავშირის დაქერას, დალისტანმა, აზერბეიჯანის ხანებმა და ახალციხის ფაშამ დაი-

ნახეს რუსების ტფილისს შემოსვლაში ფრიად დიდი საფრთხე თავისათვის. რუსეთი არც მალავდა თავისს აგრესიულ ზრახვებს—განსაკუთრებით სომხობის საკითხის წამოყენებით და მისდამი მფარველობის ვაწევით. რუსეთის აგენტებმა მაშინათვე გააბეს ძაფები აზერბეიჯანის სომხობასთან, განსაკუთრებით ყარაბაღში, რაც ძალიან აფიქრებდა ხანებს. ყარაბაღის სომეხი მელიქები ჯერ კიდევ წინად დაჟინებით სთხოვდნენ რუსის მთავრობას დახმარებას და მფარველობას ხანის წინააღმდეგ და იმპერატორიკა ეკატერინას თავისი უმაღლესი ხელისუფალის თავ. გრ. პოტემკინის პირით უკვე აღთქმული ჰქონდა მელიქებისათვის აზიაში ქრისტიანულ სახელმწიფოს აღდგენა. მაშინ არსებულ გეგმის მიხედვით განზრახული იყო ამ სახელმწიფოს შექმნა ყარაბაღისა და ყარადაღისაგან. მალე ტრაქტატის შეკრის შემდეგ საქართველოს და საზოგადოდ ამიერ-კავკასიის გარემოების გასაცნობად გამოგზავნილ იქნა ტფილისში ბიძაშვილი თავ. პოტემკინისა გენ. პავლე პოტემკინი, რომელიც საზოგადოდ დიდი მომხრე იყო აქტიურ პოლიტიკისა სპარსეთსა და მის მიმდგამ ქვეყნებში.

რუსეთი და სომხობა. პოტემკინი ტფილისში ყოფნისას ეცნობოდა აგრეთვე სომხობის საკითხს და ამას, რასაკვირელია, ფრიად დიდი მნიშვნელობა ჰქონდა რუსეთის მხრივ სომხობის გულის მოსაგებად. რუსეთში ამ დროს უკვე კარგა ხანია მუშაობა სწარმოებდა რუსის მთავრობის დასაჯერებლად სომხობის ბედის გამორკვევასა და გაუმჯობესებაში. ამ მუშაობას სათავეში ედგა მთავარ-ეზისკოპოსი იოსებ არღუთაშვილი, რომელმაც თავისი უნარით და ენერგიით ერთს დროს შესძლო სომხობის საკითხის რუსეთის დიდ-დიდ პოტემკინთან, შესახებ კასპიის ზღვისა და სპარსეთის, დაკავშირება. სომხობის საკითხის გარდაწყვეტა ჯერ ნაადრევი აღმოჩნდა. სომხობა ამ დროს ამიერ-კავკასიაში არ წარმოადგენდა რაიმე სერიოზულ ძალას თვით მოსახლეობის მხრივაც კი. ყარაბაღში, მაგ., იყო სულ 7 ათასი კომლი სომეხი (4 ათასი თათარი), სხვა სახანოებში კიდევ უფრო ცოტა. ერევნისაში, მაგ., სადაც სომეხები შეადგენდნენ მცხოვრებთა დაახლოებით $\frac{1}{4}$ -ს, იყო მხოლოდ 3 ათასი კომლი სომხობა. მთლად არეზს გამოღობა სახანოებში ირიცხებოდა სულ 16,3 ათასი კომლი სომეხი. მაგრამ პოლიტიკური მნიშვნელობა რუსეთისთვის ამ საკითხის წამოყენებისა მაინც ცხადი იყო.

მართლაც სომხობის საკითხის წამოყენებამ ყარაბაღში თავისებური გავლენა იქონია ქართლ-კახეთის სომხობის გავლენიან წრეებზე, რომელთა ინტერესი მართალია საქართველოს ფარგლებში იყო, მაგრამ საერთო ხმა მათშიც ამოძახილს პოულობდა. მთავარ-ეზისკოპოსი იოსებ არღუთაშვილიც დაბადებით საქართველოდგან იყო და გარდა ამისა ტფილისის სომხობასა და ეჩმიადინს შორის განუწყვეტელი სულიერი კავშირი არსებობდა. ამით აიხსნება, რომ სომხობა მთლად მოექცა



რუსოფილურ მიმართულების ნაკადში, რომელიც ამ დროს თვით ქართველ მართველ წრეებში ფრიალ ძლიერი იყო, და რაც დრო გადიოდა, ეს მიმართულება სომეხ გავლენიან ჯგუფებში თანდათან ფეხს იკიდებდა. სომხეთში რუსოფილურ მიმართულების ზრდა მით უფრო ჩქარის ნაბიჯით ხდებოდა, რომ 1783 წლის ტრაქტატმა, წინააღმდეგ მოლოდინისა, ქართლ-კახეთის სამეფო დაცემის გზაზე დააყენა.

რუსეთთან დადებულ ტრაქტატის შედეგი. ერთ-ერთი მთავარი შნიშვნელობა ქართლ-კახეთისთვის ამ დროს ჰქონდა შინაურ აღმაშენებლობით მუშაობის გაღვივებას, მაგრამ ამ მხრივ რუსეთთან დადებულმა ხელშეკრულებამ ვერაფერი სარგებლობა მოუტანა ქვეყანას. რუსის მთავრობა სრულიად არ ცდილობდა ადგილობრივ ცხოვრების მოსაწყობად ერეკლესთვის ხელის შეწყობას. მაგრამ გარდა ამისა მალე რაიმე დადებითი სახელმწიფოებრივ მუშაობაზე ფიქრიც შეუძლებელი გახდა, რადგან ხელშეკრულებამ საქართველოს წინააღმდეგ აამხედრა ყველა მაჰმადიანი მეზობლები. აზერბეიჯანის ხანებმა განაძლიერეს თავისი უნდობლობა ერეკლესადმი. თვით ყარაბაღის ხანი იბრეიმი ეხლა წინააღმდეგი გახდა ერეკლე მეფისა. ამისი არსებითი მიზეზი იყო ის გარემოება, რომ ხანი რუსების საქართველოში შემოსვლის გასო შიშობდა სომეხთა მოძრაობის გაძლიერებას და საზოგადოდ რუსებისაგან მის სახანოს ინტერესების დათრგუნვას. იბრეიმ-ხანის მოქმედებით ქართლ-კახეთს გაღუდვა განჯის სახანო. ერევნის სახანოშიც ქართლ-კახეთის წინააღმდეგ დიდი მუშაობა წარმოებდა და თუმცა თავის დროზედ ერეკლემ მოახერხა ურჩობაში შენიშნულ ერევნის ხანის მოკვლით და მის მაგივრად მცირეწლოვან მისი შვილის მაჰმად-ხანის დადგინებით ერევნის შემომტკიცება, მაგრამ მდგომარეობა იქაც ძლიერ სერიოზული იყო. შიგნით სამეფოში ყველა ამ გარემოების მიხედვით მაჰმადიანური მოსახლეობა აგრეთვე დიდ აღელვებას განიცდიდა. ერეკლეს უკვე შეუძლებლად მიაჩნდა, მაგალითად, ყაზახ-შამშადილის თათრების ჯარში გაწვევა. ამავე დროს საერთო არევდარევის გამო მორიგე ლაშქრის ინსტიტუტიც დაუსტდა და ქვეყნის დაცვის საქმე უარესდებოდა.

ოსმალეთზედაც რუსის ჯარის შემოსვლამ ქართლ-კახეთში გავლენა იქონია. ოსმალეთის მთავრობა შეუდგა დაღისტნის ხალხების ამოძრავებას საქართველოს წინააღმდეგ. ამისდა მიხედვით ახალციხის ფაშა ყოველ გვარ ღონისძიებას ხმარობდა ლევათ თარეშების გასამრავლებლად ქართლ-კახეთის სრულიად დასუსტების მიზნით. გაძლიერდა ისევ ახალი ძალით ხლომა, ცარცვა, აოხრება, აღამიანთ ტყვედ წასხმა. ასე, მაგალითად, 1784 წ. გაზაფხულზე ახალციხის სულეიმან-ფაშამ გამოგზავნა ზემო-ქართლის ასაოხრებლად 4 ათასი ლეკის ჯარი, რომელთაც წაასხეს 600 ტყვე. სურამთან ამ ჯარს დახვდა რუსის ბათალიონი და ტყვე, აგრეთვე ალაფი დააყრევინა. ერთი თვის შემდეგ სულეიმან-ფა-



შამ გამოუსია ქართლს ახალი თარეში, 3 ათასი კაცისაგან შემდგარი და ასე გამოუდგებოთ.

ომარ-ხანის შემოსევა. 1785 წ. წამოდგა თვით ხუნძახის ბატონი ომარ-ხანი ნარსულ-ბეგის ძე, რომელმაც 20 ათასი კაცით გამოილაშქრა ქართლ-კახეთის ასახრებლად. ასეთს საწიშროების დროს ახალციხიდანაც მოვლოდნენ ოსმალთა თავ-დასხმას და ამიტომ ერეკლემ ქართლიდან ჯარი ვერ დასძრა. მარტო კახეთის ჯარით და რუსის რაზმით კი ერეკლემ ვერ გაბედა ომარ-ხანთან შებრძოლება. ამიტომ 11 ათასი კაცით ომარ-ხანმა გადმოლახა ალაზანი, თავისუფლად ჩაიარა იორით ყარაიაზე და გადავიდა ბორჩალოში, ალაოხრა ბორჩალოს ციხე, ახტალას მდინები, ლორის ციხე და შემდეგ ახალციხით ჩაივიდა ვახანს, აიღო ის და ასწყვიტა მცხოვრებნი. აქედგან დიდ-ძალი ტყვეებით ომარ-ხანი დაბრუნდა ახალციხეს და იქიდან გაზაფხულზედ გავიდა ყარაბაღს.

ამ გვარად ომარ-ხანის ამ შემოსევის დროს ერეკლემ ბოლოს და ბოლოს არჩია ბრძოლისათვის გვერდი აეარა, რაც მისი შანყენებელი იყო, რომ მცირე-რიცხოვანი რუსის ჯარი სრულებით არ კმაროდა აზვეგებულ მტერთა წინააღმდეგ დასახმარებლად. მეფე იძულებული გახდა მოლაპარაკება გაეწარათა ომარ-ხანთან, რომელიც დასთანხმდა ზავზე 10,000 მან. ჯამაგირით წელიწადში. ქართლ-კახეთი ამ გვარად ფაქტიურად გახდა მოხარკე ომარ-ხანისა.

რუსის ჯარის გაბრუნება საქართველოდან. ომარ-ხანის ასეთი მძლავრობა საქართველოზედ ძლიერ დამაფიქრებელი იყო. მართალია, სამხრეთით საქმეები უკეთ მიდიოდა. ერეკლემ ჩააქრო ამბოხება განჯაში და ერევანზედაც ძალა-უფლება განმტკიცებულ იქნა, ხოლო 1787 წ. ზაფხულს ქართლ-კახეთის ჯარმა, 5 ათას კაცმა, რუსებთან ერთად გაილაშქრა ყარაბაღზედაც. ყარაბაღზედ ვალაშქრების მიზანი იყო ერთის მხრივ იქ გადასულ ქართლ-კახეთის ქვეშევრდომ თათართა ელის უკან გამოხშმა და მეორეს მხრივ აქ მუშაობდაროსეთის პოლიტიკის ხელი ყარაბაღელ სომეხ მელიქთა დახმარების შესახებ. პირველ შეტაკებაზე ყარაბაღელ იბრეიმ-ხანის ჯარი დამარცხებულ იქნა, მაგრამ ამ დროს რუსების ჯარის უფროსს პოლკოვნიკ ბურნაშოვის მოუვიდა რუსეთიდან ბრძანება საქართველოს დატოვების შესახებ. ლაშქრობა მიტოვებულ იქნა და ქართველების ჯარიც დაბრუნდა უკან. სომხების ორი მელიქი 500 კომლით გაიქცა განჯის სახანოში. ყარაბაღელ იბრეიმ-ხანმა გამართა განჯის-ხანთან მოლაპარაკება ამ სომხების უკან დაბრუნების შესახებ. ქართლ-კახეთის მთავრობამ ამაზედ თანხმობა განაცხადა იმ პირობით, თუ იბრეიმ-ხანი მასთან გაქცეულ ბორჩალოელ თათართა 200 კომლს გამოგზავნიდა. მაგრამ მელიქებმა გადაჭრით უარი განაცხადეს ყარაბაღ-



ში უკან დაბრუნებაზედ და იარაღით გაუმკლავდნენ მათ წინააღმდეგ გამოგზავნილ იბრემ-ხანის რაზმს. მელიქები დარჩნენ განჯის სახანოში და ამის შემდეგ ისინი გახდნენ ბუღეთ ინტრიგებისა და ავტოციისა საქართველოს წინააღმდეგ განჯის ხანის წინაშე.

რუსის ჯარის გაწვევა საქართველოდგან გამოიწვია იმ გარემოებაში, რომ რუსეთი ოსმალეთთან ომის მზადებაში იყო და არ სურდა ამ ჟამად მეფე ერეკლეს ამ ომში ჩარევა. ვინაიდან განზრახული არ იყო მომატებულ ჯარის გამოგზავნა საქართველოსკენ, ამიტომ რუსის მთავრობა ჰფიქრობდა, რომ ერეკლეს, ბურნაშევის რაზმის გაწვევით, უფრო გაუადვილდებოდა გარემოების მიხედვით მეზობელ მაჰმადიან სამფლობელოებთან კავშირის აღდგენა და ამით თავისი საშეფოს დაცვა. ამის შემდეგ მართლაც 7 სექტემბერს 1787 წ. გამოცხადდა ომი რუსეთსა და ოსმალეთს შორის.

რუსის ჯარის აქ ყოფნამ საზოგადოდ დიდი ზარალი მიიყენა ქართლ-კახეთს. ერთი რომ მარტო მის შენახვისათვის მეფის ხანისა ეწეოდა დიდს ხარჯს, ხშირად თვეში 30 ათას მანეთამდის, რადგან რუსის ჯარი ხორბლეულობაში და საზოგადოდ სურსათში იხდიდა მაგარ ფასად ლიტრა პურში 3 $\frac{1}{2}$ —4 კაპ., მაშინ როდესაც ქართლ-კახეთის მთავრობა ამავე ლიტრას იძენდა ხშირად 15 კაპიკათ. მეზობელ სამფლობელოებისა და ოსმალების გადამტყრებამ ხომ სასოწარკვეთილობამდე მიიყვანა ქვეყანა.

რუსის ჯარის წასვლამ მაშინვე ფრიად კარგი გავლენა იქონია საქართველოს საგარეო მდგომარეობის გაუმჯობესების მხრივ, რადგან ამიერიდგან ერეკლე მეფეს საშუალება მიეცა თავისუფლად ურთი-ერთობა დაეჭირა მეზობელ ქვეყნების მფლობელებთან. ოსმალეთის მთავრობამაც რამოდენიმე ხნის შემდეგ ქართლ-კახეთზე გული იბრუნა და აღადგინა მასთან 1789 წ. მშვიდობიანი კავშირი.

მაგრამ მიუხედავად ამისა ქართლ-კახეთის საერთო მდგომარეობას გამოკეთება მაინც არ ეტყობოდა,

ქართლ-კახეთის საერთო ვითარება მაინც უარესდება. მიუხედავად საგარეო ურთი-ერთობის შედარებით რამოდენადმე გაუმჯობესებისა, ქვეყანა მაინც შორს იყო სრულ მშვიდობიანობისაგან. ახალციხის ფაშა მაინც თავისს გზას ადგა და ლეკთა თარეშები კვლავინდებურად არბევდნენ ცალკე სოფლებს და ქვეყანას სასოწარკვეთილებში ავდებდნენ. ამ ლეკებს მხარს უჭერდა ზოგი მოღალატე თავადი, ახალციხეს გაქცეული. ასე, მაგალითად, ქსნის ერისთვისძეთ მიხაილ დავითის ძემ, მირჰანოზ და ელიზბარ მიიხრეს თავისი სიძე ზაქარია ციციშვილი, რომელსაც დაპირდნენ მეფობას და დიდის თარეშებით იწყეს ქართლის რბევა, ჯერ დაეცნენ ხილთუბანს, შემდეგ ყარაღაჯს. ამასობაში ქარელი ლეკებიც მოუხდნენ ქიზიყს და ბრძოლაში ქიზიყის მოურავთან



ზაქარია ანდრონიკაშვილთან დახოცეს 300 ქიზიყელი. ახალციხეს ვაქცეული მიქელა არღუთაშვილი, გულნაკლული პირად შეურაცხყოფაზედ სამართლის მიუცემლობისა გამო, აგრეთვე თქმდებოდა წინ ლეკთა რაზმებს და არბევდა ქართლსა და სომხეთს. თუ რამდენად ამოხრებელნი იყვნენ ეს თარეშები, ცხადად სჩანს იმ ფაქტოდგან, რომ ერთს ასეთ თავდასხმის დროს არღუთაშვილმა და მის მიერ წამოყვანილ ლეკებმა გაიტაცეს ყალაჩიდან 200 სული მკოვრებათაგანი ტყვედ, ხოლო დურნუჯზე თავდასხმის დროს მოუკლეს სარდალს დავით ორბელიანს 100 კაცი და ასიც ტყვედ იქმნა წაყვანილი. ასეთი თარეშები სისხლიდგან სკლიდნენ ქვეყანას და მის მომავალს საბედისწეროდ ხდიდნენ. თუმცა იშვიათად, მაგრამ ხანდახან ქართველნიც მიდიოდნენ სათარეშოდ და სამაგიეროს გარდასახდელად. ასე, მაგალითად, აღსანიშნავია დავით ბატონიშვილის ათასი კაცით ვალაშქრება ყარსისკენ 1789 წ. საიდანაც ჯარი დიდათ გამარჯვებული და დიდძალი ტყვით და ალაფით წამოვიდა. მაგრამ საერთოდ თარეშების თაონსობა განსაკუთრებით ლეკების მხარეზედ იყო. ლეკნი გამუდმებით დას-დასად ათასობით ან მეტ-ნაკლებობით ჩამოდიოდნენ თავისი მთებიდგან და უფროსად ჭრ-ბელაქანისა დაახალციხე-ახალქალახის მხრივ თავს ესხმოდნენ ქართლ-კახეთს.

გამუდმებულმა თავდასხმამ და თარეშებმა ძირიანად შეარყიეს ქართლ-კახეთის სახელმწიფოებრიობის საფუძველნი. შვიდლობიანი ცხოვრების დამყარება შეუძლებელი გახდა, გარეშე მტერი კლავინდებულ რად აოხრებდა ქვეყანას. მეტიც. რუსეთთან დადებულ ხელშეკრულობის შემდეგ ამ მუდმივ თავდასხმას უფრო საბედისწერო შედეგი ჰქონდა, ვინაიდან ერთი მხრივ მტრები რუსეთის საფრთხის გამო მეტს ენერგიას იჩენდნენ და მეორეს მხრივ, რადგანაც დახმარება არსაიდან სჩანდა, ხალხის მოქანცული ძალა თანდათან მოდუნებას და დაკნინებას განიცდიდა. ეკონომიური მდგომარეობაც სამეფოსი თანდათან უარესდებოდა. რადგანაც შვიდლობიანი ცხოვრება სრულიადაც არ იყო უზრუნველ ყოფილი, საწარმოო ძალა არა თუ არ განიცდიდა რაიმე წინსვლას, პირიქით თანდათან სუსტდებოდა. სამეფოს ფინანსიური მდგომარეობა თანდათან უარესდებოდა. ახტალის მადნების აოხრება ომარხანის მიერ 1785 წ. ამ მხრივ დიდ ზარალს წარმოადგენდა. ამ მადნების დამუშავებას ხელი მიჰყვეს ერეკლე II-ს მეფობის დროს და სახელმწიფო ხაზინას მისგან კარგი შემოსავალი ჰქონდა. 1780 წ., მაგალითად, ამ მადნებიდგან ამოვიდა 63,200 მანეთის ოქრო-ვერცხლი. 1785 წ. კიდევ სრული სახელმწიფო შემოსავალი განჯა-ერევნის ხარკითურთ უდრიდა 400 ათასს მანეთს. ამის შემდეგ კი ამ ციფრმა კლება იწყა.

ფინანსიური მდგომარეობა იყო გამომხატველი ზოგად ეკონომიურ ვაჭირვებისა. ქალაქებში ცხოვრება საერთო ეკონომიურ კრიზისისა გამო თანდათან ძნელდებოდა. ცხოვრების სიძვირე შეუძლებლად ხდიდა



ღარიბ მოქალაქეთა ნორმალურ ფიზიკურ ცხოვრებას და ამიტომაც გასაგებია, რომ ქალაქებიდგან ყველაზე უფრო აქტიური ელემენტი ვარბოდა. ამ გვარ აყრას ქალაქებიდგან ისეთი სისტემატიური ხასიათი ჰქონდა, რომ მეფე ერეკლე 1784 წ. იძულებული გახდა განსაკუთრებული ბრძანება გამოეცა ტფილისის და გორის მოქალაქეთა მიმართ, რომ ამიერიდგან ვინც ქალაქიდან აიყრება სხვაგან გადასასახლებლად, მას მამული ჩამოერთმევა და მთავრობის ნებართვით სხვაზედ გაიყიდება. ქალაქთა ცხოვრების კრიზისის რამოდენადმე ახასიათებს მცხოვრებთა რიცხვის თანდათანობითი შემცირება ქართლ-კახეთის თითქმის ყველა ქალაქებში. 1770 წ., მაგალითად, ტფილისში ირიცხებოდა 4000 კომლი, ხოლო 1781—1 წ. მხოლოდ 3478 კომლი. გორში 1770 წ. 500 კომლი იყო, ხოლო 1794 წ. მხოლოდ 227 კომლი. ქალ. ახალგორში 1770 წ. 100 კომლი იყო, ხოლო 11 წლის შემდეგ 88. მუდმივ აოხრებათა გამო საერთო მცხოვრებთა ზრდაც სამეფოში შეჩერებული იყო.

ასეთს მდგომარეობაში, რასაკვირელია, ძნელი იყო რაიმე გაუმჯობესების და თვალსაჩინო ცვლილებების შეტანა ქვეყნის მართვა-გამგეობაში. პირიქით, ვინაიდან შინაური კრიზისი თანდათან რთულდებოდა და ამავე დროს მთავრობამ ვერ შესძლო არსებულ პირობებში სათანადო სადმინისტრაციო აპარატის შექმნა, ამიტომ თანდათან ისპობოდა ის ნაწილობრივი გაუმჯობესებანიც, რომელიც უკვე შეტანილი იყო სახელმწიფოებრივ ცხოვრებაში. ასე, მაგალითად, თავის თავად გაჰქრა მორიგეთა ინსტიტუტი, რომელიც წარმოადგენდა მუდმივ სამხედრო ძალას და რომელმაც დიდი ღვაწლი დასდო ლეკთა თარეშების აღაგმვას და შიგნით მშვიდობიანობის გაუმჯობესებას.

მორიგეთა ინსტიტუტის ლიკვიდაციას თან უნდა მოყოლოდა ხელის აღება ყველა იმ აზრის განხორციელებაზედ, რომელიც თან სდევდა ფეოდალიზმის ბუდეების დანგრევას ჩვენში და ახალი ცენტრალისტურ მართველობისადმი გზის გაკაფვას. ასეთი იყო, მაგალითად, იდეა საქართველოს დაქსაქსულ ნაწილების და კერძოდ იმერეთის ქართლ-კახეთთან შეერთებისა. ქართლ-კახეთის სახელმწიფოებრიობა ჩიხში ემწყვდეოდა და გასაქან გზას ვერ პოულობდა. ეს საკმაოდ ნათლად გამოაშკარავდა 1792 წელს, როდესაც აღძრა საკათხი იმერ-ამერეთის გაერთიანების შესახებ.

იმერეთის ვითარება სოლომონ I-ის დროს უმჯობესდება. შინაური მდგომარეობა იმერეთის სამეფოსი, სანამ იმერეთის სამეფო ტახტზედ იჯდა დიდი სოლომონ I, უკვე საკმაოდ მტკიცე იყო. მეფის უფლების ურჩი ელემენტები აღაგმული იყვნენ და ქვეყანა მშვიდობიანად ცხოვრობდა. ოსმალებთან და რაჭის ერისთავთან ბრძოლის დროს დაწინაურდა წერეთლების გვარეულობა, რომ-



შელიც თანდათან სამეფოს მართვა-გამგეობის სათავეში მოექცა. შინაურ პირობების გაუმჯობესების გამო ქვეყანამ მოლონიერება იწყო. ხალხის კეთილდღეობამ იმატა, ტყვეთა ყიღვის მოსპობისა და მუღმივ ხდომა-ობრების შეწყვეტის გამო დაცალიერებულ ქვეყნის მოსახლეობამ დიდის სისწრაფით იწყო მატება. 1769 წ. ახლოს იმერეთის სამეფოში ირიცხებოდა დაახლოვებით 12 $\frac{1}{2}$ ათასი კომლი მცხოვრები, ხოლო 1782 წლის აღრიცხვით აღმოჩნდა 18,980 კომლი. ქალაქი ქუთაისი 1770 წ. ოსმალთა ჯარისაგან განთავისუფლების შემდეგ მთლად დაცარიელდა, რადგან მანამდის მის მცხოვრებთა შორის 500 კომლი მართო მაჰმადიანი (იმერელი, ახალციხიდან მოსული, თუ ოსმალთა) ირიცხებოდა, ხოლო ქალაქის საბოლოოდ სოლომონ მეფის ხელში გადასვლის შემდეგ ეს მოსახლეობა მთლად გაიკრთვა. 1772 წ. ქუთაისში ირიცხებოდა მხოლოდ 50 კომლი, მაგრამ შემდეგ თანდათან მცხოვრებლებმა ზრდა იწყეს და რამოდენიმე წლის შემდეგ უკვე 200 კომლი იყო. ამავ დროს იმერეთის სამეფოს შინაურ მართველობაში მეტანილი იქმნა გაუმჯობესება. დაარსებულ იქმნა ცალკე ინსტიტუტი მდივანბეგისა სასამართლო საქმეების გასარჩევად და საზოგადოდ მიღებულ იქმნა ზომები სამართლის წარმოების გასაუმჯობესებლად. ვანტანგ მეფის კანონებში, რომელიც იხმარებოდა აგრეთვე იმერეთში, მეტანილი იქმნა დამატებანი და ცვლილებანი ადგილობრივ ჩვეულებათა და საქიროებათა მიხედვით და ეს აღნუსხულ იქმნა ცალკე საკანონმდებლო წიგნში. 1781 წლიდან კიდევ სახლთუხუცესის მნიშვნელობა, ამ თანამდებობაზედ ზურაბ წერეთლის დანიშვნის შემდეგ, კვლავ გაიზარდა და ამით შინაურ მართველობასაც მეტი ერთიანობა მიეცა.

რუხის ბრძოლა. სოლომონ მეორის დროს ერთხელ კიდევ იფუტქა აფხაზების მძლავრებამ, რომელმაც ასეთი სიძლიერით იჩინა თავი მე-XVII საუკ. დასასრულს და მე-XVIII საუკ. დასაწყისს. სოლომონ I-ის მეფობის დასაწყისს აფხაზეთს განაგებდა მანუჩარ შერვაშიძე, რომელსაც მალე აფხაზდრდენ თავადები ძაფშიფავას გვარეულობის შემთავრებით და მანუჩარი თავის ძმებით შირვან და ზურაბითურთ იძულებული გახდა ოსმალეთს გაქცეულიყო. პორტამ რამოდენიმე წლის შემდეგ გამოგზავნა მთავრად ზურაბ შერვაშიძე, რომელიც სახუშის ფაშის დახმარებით შეუღდა ქვეყნის მართვა-გამგეობას. 1771 წ., როდესაც რუსის ჯარი იმერეთში იმყოფებოდა, ზურაბი გადაუდგა ოსმალთ და სასურზაყანოს მულობელის ლევან შერვაშიძის დახმარებით დაეცა სახუშს და დაიპყრო ეს, ოსმალნი კი განდევნა. შემდეგ მან თავისი ძმის წულს ქელაიშ აჰმედ-ბეგს, მანუჩარის ძეს, შერთო ცოლად ძაფშიფავას ქალი, შემოირიგა ეს გავლენიანი გვარეულობა, თანდათან განიმტკიცა თავისი უფლება და იმდენად გაძლიერდა, რომ 1780 წ. მოინდომა ოდიშის წინააღმდეგ შეტევაზე გადასვლა. ზურაბ შერვაშიძე თავისი ძმისწულებით ქელაიშ-აჰმედ-ბეგ და ბექირ-ბეგითურთ 11 ათასი კაცით, რომელშიდაც იყვნენ ჯიქნი და ალანცი, არტილერიით



მოადგა მდ. ენგურს. მათთან იყო აგრეთვე სამურზაყანოს მფლობელი ლევან შერვაშიძე. კაცია დადიანმა მსწრაფლ შეკრიბა თავისი ჯარი და მიმართა თხოვნით დახმარების შესახებ სოლომონ მეფეს. მიუხედავად იმისა, რომ ურთიერთობა მეფეს და დადიანს შორის ამ დროს კვლავინდებურად მოგვარებული არ იყო, მეფე მაინც წავიდა დადიანის საშველად. ბრძოლა მოხდა რუხთან და გათავდა შერვაშიძეების სრული დამარცხებით (1790 წ.). გამარჯვებულთ დარჩათ დიდი ნადავლი, ბლომად ტყვე და 3 ხარბახანი.

რუხის ბრძოლამ საბოლოოდ შეაჩერა შერვაშიძეების მფლობელობის წინსვლა აღმოსავლეთისკენ. კერძოდ მეფისა და დადიანის ურთიერთობაში ამ ომმა დაამყარა მტკიცე მეგობრული ურთიერთობა. დადიანმა აღიარა მეფის უფროსობა და შინაური მშვიდობა უფრო განმტკიცდა. დამარცხებულს ზურაბ შერვაშიძეს და მის ძმისწულს ქელაიშ-ბეგს მალე მოუვიდათ ერთმანეთში უთანხმოება. ქელაიშ-ბეგმა, რომელიც ფლობდა აყუს ციხეს და მისს მიმდგამს, სძლო ზურაბს. ზურაბმა დახმარება სთხოვა კაცია დადიანს, რომელმაც გაგზავნა ჯარი თავისი ძმის გიორგის წინამძღოლობით იმისდა შესაწევნად. ქელაიშ-ბეგი გაპარდა სოხუმს, მაგრამ დამარცხდა და იძულებული შეიქმნა შერიგებოდა თავის ბიძას. ამ უთანხმოებით ისარგებლეს ოსმალებმა, მხარი დაუჭირეს ქელაიშ-ბეგს, რომელსაც მათი მფარველობა ეთხოვა და გარდაადგეს ზურაბი. აფხაზეთის მთავრად დაჯდა ოსმალთა მფარველობის ქვეშ ქელაიშ-ბეგი, ხოლო სოხუმის ციხე დაიპყრეს ოსმალთ. ქელაიშ-ბეგის დასაინტერესებლად მას დაენიშნა პორტასაგან წლიური ჯამაგირი.

ქობულეთის გამაჰმადიანება. 1770-იან წლებში იწყება ოსმალების გავლენის გაძლიერება ქობულეთსა ჩაკეთურთ. მაჰმადიანობაც იქ თანდათან ფეხს იკიდებდა. ქობულეთის მეპატრონედ იყო მამუკა თავდგირიძე, თავისი ვაჟკაცობით განთქმული; სიძე მეფის სოლომონ I-ისა. 1774 წ. ქობულეთი დაიპყირეს ოსმალების რაზმებმა. მამუკა თავდგირიძე გადავიდა გურიას მდებარე თავის მამულებში, ქობულეთში კი დასტოვა მძევლად ოსმალების მოთხოვნით თავისი ცოლი და შვილი. ოსმალების შემოსვლის შემდეგ ჩაქვსა, ქობულეთსა და აქარის ჯერ კიდევ ქრისტიანობაზედ დარჩენილ ჩრდილო-დასავლეთ ნაწილში სწრაფად გავრცელდა მაჰმადიანობა. ხინოწმინდელი ეპისკოპოსი აქარიდგან გადმოვიდა იმერეთს.

ჩაქვის ომი და სოლომონ I-ის სიკვდილი. ოსმალების გაძლიერებამ შეაშფოთა მეფე სოლომონ I, რომელსაც მამუკა თავდგირიძე დახმარებას თხოვდა. ბოლოს 1784 წლის დასაწყისს მეფემ გაილაშქრა ქობულეთს, დაამარცხა ოსმალი ჩაქვს, მაგრამ უკან დაბრუნებისას მას მოეწინენ ჩაქველნი და მოულოდნელად დაეცნენ თავს. მეფეს დაეხო-

ცა და დაეკარგა ტყვედ მრავალი თავადი, აზნაური და მეომარი-სარდლები ბერი წულუკიძე და ქაიხოსრო ავიაშვილი დაქრილ იქმნენ ბრძოლაში. დიდად დამარცხებული მეფე მოვიდა იმერეთს, სადაც მალე გარდაიცვალა 23 აპრილს 1784 წ. წვეთის დაცემისაგან იმ დროს, როდესაც მას ქუთაისის სასახლეში ცხენი მიგვარეს ხონის წმ. გიორგის დღესასწაულზე წასასვლელად. გარდაცვალებული მეფე, ქვეყნისადმი მის მიერ გაწეულ მრავალ ღვაწლის გამო, დამარხეს გელათის მთავარ ტაძრის შიგნით, რაც გელათის მონასტრის მრავალ საუკუნის არსებობის ისტორიაში პირველს მაგალითს წარმოადგენდა.

იმერეთის მეფე დავით II. სოლომონ I-ის სიკვდილის შემდეგ იმერეთის ტახტს გამოუჩნდა ორი პრეტენდენტი: ძისწული გარდაცვალებულ მეფისა დავით არჩილის ძე, რომელიც ამ დროს მხოლოდ ათი წლისა იყო და ქართლ-კახეთს თავისს მიორედ რევაზ ანდრონიკაშვილზე გათხოვილ დედასთან, ერეკლე მეფის ასულ ელენესთან, ცხოვრობდა და სოლომონ I-ის ბიძაშვილი დავით გიორგის ძე. უპირატესობა ეკუთვნოდა დავით არჩილის ძეს, რომლის მომხრე იყო იმერეთის თავადების უმეტესობა, მაგრამ კაცია დადიანმა მხარი დაუჭირა დავით გიორგის ძეს, რომელიც ამის შემდეგ მართლაც გამოცხადებულ იქმნა მეფედ. ახალი მეფე უნდაბლობით უყურებდა გავლენიან თავადებს დავით არჩილის ძის მომხრეობის გამო. ამიტომ მან გამეფების პირველ თვეებშივე ჩამოაშორა საქმეებს უწინდელი ხელისუფალნი და სამეფოს პირველ კაცად და მთავარ ვეზირად დანიშნა ქსნის ერისთვისძე ელიზბარ, რომელსაც სოლომონ I დიდის ქალი ჰყავდა ცოლად და ქართლიდგან ქსნის საერისთოს გაუქმების შემდეგ გამოქცეული იმერეთს შეხიზნოდა. ქსნის ერისთვისძის ელიზბარის დაწინაურების შემდეგ სარდალნი ბერი წულუკიძე და პაპუნა წერეთელი აშკარად გადუდგნენ დავით მეფეს და მოინდომეს დავით არჩილის ძის გამეფება. მეფემ დახმარება სთხოვა დადიანს. წულუკიძემ და წერეთელმა მოიშველიეს დაქირავებული ლეკის ჯარი 500 კაცი, ქაიხოსრო აბაშიძემ ჩამოიყვანა კიდევ ახალციხის საფაშოდგან 1000 კაცი და ტახტის პრეტენდენტ დავითს, ბატონიშვილთან ერთად შეეხენენ მეფისა და დადიანის ჯარს. მაგრამ სასტიკად დამარცხდნენ. დავით მეფე დროებით დამკვიდრდა ტახტზედ და ვიდრე კაცია დადიანის გარდაცვალებამდის ქვეყანა იყო მშვიდობით.

სოლომონ II-ს გამეფება იმერეთს. 6 დეკემბერს 1788 წ. გარდაიცვალა კაცია დადიანი და მისს მაგივრად სადადიანო დაიპყრო მისმა უფროსმა შვილმა 18 წლის გრიგოლმა. ამ გარემოებით დავით მეფემ მოინდომა სარგებლობა ოდიშის დასაპყრობად, შემოიკრიბა ჯარი, მოიბირა თავისს მხარეს გრიგოლის ძმა მანუჩარ, დალაშქრა ოდიში და მრავალი ტყვიით და ნადავლით დაბრუნდა უკან. გრიგოლ დადიანი კი ვერ შეიპყრო, რადგან მან მოასწრო ლეჩხუმს თავის შეფარება.

გრიგოლთან შეიკრიბნენ დადიანის სახლის წევრები, სახლოთუხუცესი გიორგი ჩიქოვანი, ლეჩხუმის მოურავი ქაიხოსრო გელოვანი და გარდასწყვიტეს დავით მეფის წინააღმდეგ დავით ბატონიშვილისთვის მხარის დაქერა. მიწვევის მიღებისთანავე დავით არჩილის ძე ქართლიდგან გადავიდა იმერეთს, სადაც მას მიეგებნენ წერეთლები და წულუკიძეები და აგრეთვე ზოგი სხვა თავადი და შემდეგ მივიდა ლეჩხუმს, სადაც მას შერთეს ცოლად გრიგოლ დადიანის და მარიამ. აქედან, ჯარის შეერთების შემდეგ, დავით ბატონიშვილი და დადიანი გაემართნენ მეფის წინააღმდეგ. მათხოჯთან მოხდა გარდამწყვეტი ბრძოლა, დავით მეფე დამარცხდა და ივლტოდა. ხოლო დავით ბატონიშვილი მიიყვანეს ქუთაისს და გამოაცხადეს იმერეთის მეფედ სოლომონ II-ს სახელით მისი ბიძის სოლომონ დიდის სახელის მოსაგონებლად (11 ივლ. 1789 წ.). იმერეთის ყველა ციხეები დაემორჩილა ახალს მეფეს, დავით II კი გადავიდა ახალციხეს, საიდანაც ის კვლად მცდელობდა ტახტის დაბრუნებას. ცოტა ხნის შემდეგ მან შემოიკრიბა ლეკის და ოსმალის ჯარი და მივიდა იმერეთს, დაამარცხა სოლომონ II და გამეფდა.

სოლომონმა კი თავი შეაფარა საწერეთლოს (1792 წ.).

ამ დროს მოკვდა სარდალი პაპუნა წერეთელი და სოლომონ II-ს გამოეცალა ერთი საუკეთესო მომხრეთაგანი და ამავე დროს მხნე და ენერგიული მხედართ-მთავარი. იმერეთის წარჩინებულთა შორის მაშინ დაიბადა აზრი იმერეთის ქართლ-კახეთთან შეერთების შესახებ. ეს იქმნებოდა მათის აზრით ერთად-ერთი საშუალება შინაურ შფოთისა და არეულობის მოსასპობად, რადგან თუმცა უმეტესობა თავადებისა დავით II-ს წინააღმდეგი იყო, მაგრამ ამ უკანასკნელსაც ყოველთვის ჰქონდა საშუალება ოსმალ-ლეკთა ჯარის დახმარებით თავისი მომხრეები იმერეთში აემუშავებინა.

ცდა ამერ-იმერეთის გაერთიანებისა. ამ საქმის შესახებ პირადად ერეკლე II-სთან შუამდგომლობის აღსაძვრელად ტფილისს გაემართნენ: სახლოთუხუცესი ზურაბ წერეთელი, ქუთათელი დონიოვოს, გენათელი ვეთიმე, პაპუნას სიკვდილის შემდეგ სარდლად დანიშნული ძე მისი ქაიხოსრო წერეთელი, სენხია წულუკიძე, იოანე აბაშიძე, იოანე აგიაშვილი, პაატა მიქელაძე, ქაიხოსრო ჩიჯავაძე, ფიცისკაცნი ლორთქიფანიძე, იოსელიანი, ავალიანი და სხ. და მიმართეს ერეკლე II-ს თხოვნით იმერეთის შეერთების შესახებ. ტფილისში ამ წინადადებას დიდს თანაგრძობით და სიხარულით შეხვდნენ. ბჭობა ამის შესახებ ერეკლე მეფესთან ქართლ-კახეთის და იმერეთის თავ-კაცების თანადანსწრებით გაგრძელდა სამს დღეს, მაგრამ ბოლოს და ბოლოს ერეკლემ შესაძლებლად ვერ დაინახა ამ აზრის განხორციელება თვით ქართლ-კახეთის სამეფოში არსებულ შინაურ მოუწყობლობით გამოწვეულ სიძნელეთა გამო. მან



მხოლოდ აღუთქვა იმერეთის დელეგაციას აქტიური დახმარების გაწევს ტახტის დაპყრობის საქმეში თავისი შვილის შვილის სოლომონ II-სათვის, რომლის იმერეთში დამკვიდრება ერთგვარ ბუნებრივს კავშირს შექმნიდა ამერ-იმერეთის სამეფოთა შორის. 4 ათასი ქართლ-კახეთის ჯარი იუანე მუხრან-ბატონის და ქიზიყის მოურავის ზაქარია ანდრონიკაშვილის წინამძღოლობით 900 ლეკითურთ გადავიდა იმერეთს და დამარცხა დავით მეფის ლაშქარი. ამავე დროს გრიგოლ დანიანმა გადალახა ცხენის-წყალი და აიღო ქუთაისი. სოლომონი კვლავ გამეფდა (1792 წ.). დავით მეფე გაიქცა ახალციხეს და იქიდან შუამავლობა სთხოვა ერეკლე II-ს, რომელმაც მოარიგა ის თავისი შვილის შვილთან. დავითს მისცეს საუფლისწულო იმერეთს.

ერთობის კავშირი საქართველოს მეფე-მთავართა შორის. ამ გვარად ამერ-იმერეთის გაერთიანების ცდა ჩაიფუშა, მაგრამ მიდრეკილება ერთობისადმი უკვე აშკარად გამოცხადდა. ქართლ-კახეთის სამეფოს მსაჯული სოლ. ლიონიძე, ქვეიანი და განათლებული პოლიტიკოსი, მხნედ შეუდგა ერთობის აზრის განხორციელებას, რამდენადაც ის არსებული პირობებში შესაძლებელი იყო. მისი შრომით 1792 წ. შესდგა ერთობის ხელშეკრულება საქართველოს მეფე-მთავრებს შორის. ამ ხელშეკრულებას ხელი მოაწერეს ერეკლე II-მ, სოლომონ II-მ, გრიგოლ დანიანმა და სვიმონ გურიელმა. ხელშეკრულების ძალით ამ მეფე-მთავრებს შორის მყარდებოდა პოლიტიკური კავშირი ერეკლე II-ს უზენაეს ხელმწიფების ქვეშ გარეშე მტრისაგან ქვეყნის საერთო ძალით დაცვის შესახებ.

რამოდენიმე თაობათა მიერ განვილილ დროში ეს იყო პირველი აშკარა გამოხატულება საქართველოს დაქსაქსულ ნაწილების გაერთიანების საქიროებისა.

რუსეთთან დაკავშირებას ქართლ-კახეთში ოპოზიცია უჩნდება. 1783 წ. რუსეთთან დადებულ ტრაქტატის შემდეგ ქართლ-კახეთის მდგომარეობა არა თუ გაუმჯობესებულა, პირიქით ქართველი მოწინავე წრეები ხედავდნენ, თუ როგორ თანდათან ადგილობრივ სახელმწიფოებრიობის მდგომარეობა უარესდებოდა. რუსეთმა არ გაუწია ქართლ-კახეთს რაიმე თვალსაჩინო სამხედრო დახმარება, აქ მყოფი ორი ბატალიონი, რომელიც ტრაქტატის მიხედვით საქართველოში უნდა დარჩენილიყო, უკან გაიწვია და ქვეყანა წინანდელზედ უარეს მდგომარეობაში ჩააგდო. ვინაიდან ქართლ-კახეთს ეხლა მეზობლებიც რუსეთის გამო გადამტყრებული ჰყავდა. ასეთს პირობებში შინაურ ცხოვრების მოწყობაზე ფიქრი ზედმეტი იყო, მით უმეტეს რომ ამ მხრივაც რუსეთი არავითარ მორალურ დახმარებას არ იძლეოდა.

ამ გარემოებამ ჩააფიქრა ზოგი ქართველი ხელმძღვანელი ჯგუფები. თუ კიდევ 1783 წლამდის მთელი იმედები რუსეთზედ იყო დამ-



ყარებული, ესლა, როდესაც ეს იმედები გაცრუებული აღმოჩნდა, რუსეთთან არსებულ კავშირს თანდათან გაუჩნდა ოპოზიცია, რომელიც ჯერ სუსტი იყო, მაგრამ შემდეგ კი საკმაოდ გაძლიერდა. ოპოზიცია ხელდაედა რუსეთის გულგრილობას, რომ პეტერბურგის მთავრობას მხოლოდ მაშინ მოაგონდებოდა საქართველო, როდესაც კასპიის ზღვაზე ბატონობის საკითხი წინ წამოდგებოდა და ამიტომ არჩევდა მეზობელ მაჰმადიან ქვეყნებთან და უპირველეს ყოვლისა ოსმალეთსა და სპარსეთთან კავშირის დაჭერით დამოუკიდებელ გზაზედ სვლას. ამ ჯგუფს სათავეში ედგა მდივანბეგი სოღ. ლიონიძე და სარდალ-სახლთუხუცესი დავით ორბელიანი, სიძე ერეკლე II ისა, მხნე, მამაცი და გონიერი კაცი.

რუსეთის მომხრე ჯგუფი. ამავე დროს მეორე, უფრო ძლიერი ჯგუფი, ქვეყნის მოუწყობლობისა და არევა-დარევისა გამო ერთად ერთს გამოსავალს ისევ რუსეთთან მჭიდრო კავშირის დაჭერაში ხელდაედა და მისგან მოელოდა საქართველოს სახელმწიფოებრიობის ხსნას. ამ, ასე ვსთქვათ, რუსოფილურ ჯგუფს ეკუთვნოდნენ გარსევან ქავჭავაძე, ელჩად გაგზავნილი რუსეთს, მისი სიმაჰრი ქაიხოსრო ავალიშვილი, ქსნის ერისთვიანი, გოგია ციციშვილი (სიმაჰრი ტახტის მემკვიდრის გიორგი ბატონიშვილისა), რომელსაც წინად ლაღატისათვის ყურები მჭიანდა დაჭრილი, არქიმანდრიტი ეფთიმე, ფრიად მომქმედი პირი, დი სხ. ზოგი ამ ჯგუფისა იყო მომხრე რუსეთთან კავშირისა 1783 წლის ტრაქტატის ფარგლებში, ზოგი კიდევ, როგორც, მაგალითად, ქსნის ერისთვიანი, პირადი შურის ძიებისა გამო წინააღმდეგი არ იქმნებოდნენ მთლად მეფობის მოსპობისაც. ამავე რუსის მომხრე ჯგუფში მოყვნენ გავლენიანი სომხის თავადებიც განსაკუთრებით მას შემდეგ, რაც რუსეთმა სცადა აზერბეიჯანის სახანოებში მოსახლე სომხობის საკითხის წამოყენება, ხოლო ეკატერინე II-ს და მისს ხელისუფალს გრ. პოტემკინს აზიაში ქრისტიან სახელმწიფოს დაარსების აზრი მოუვიდათ. მართალია, ეს აზრი მალე მიტოვებულ იქმნა, მაგრამ ენშიაძინის სასულიერო წრეებსა, აგრეთვე ყარაბაღის მელიქებში ის რწმენა განმტკიცდა, რომ სომხის ერის მხსნელი მხოლოდ რუსეთი შეიძლებოდა ყოფილიყო. ამას თავისი გავლენა მჭიანდა ტფილისის სომხობაზედაც და ამით აიხსნება, რომ რუსეთისადმი მძლავრმა სიმაჰრიამ მპოვა მათში სწრაფი ზრდა და განვითარება. სამეფოს შინაური და გარეგანი სისუსტე კიდევ უფრო აძლიერებდა იმ აზრს, რომ ძლიერი რუსეთი იხსნიდა ქრისტიანობას მაჰმადიანთა მძლავრობისაგან. ნავულისხმევ ჯგუფს სომეხთაგან ეკუთვნოდნენ: მისკარბაში იოსებ ბაბუთაშვილი, ტფილისის მელიქი დარჩია ბაბუთაშვილი, სულხან, მისი ძმა მანუჩარ და შვილი შიომ თუმანიშვილები, სოლომან არღუთაშვილი, და იოსებ ყორღანაშვილი, ერეკლე II-ის მეუღლის დადიანის ასულის დარეჯან დედოფლის საქმეების მოურავი. ამ პირთ მალე შიომპოვეს პირველი ადგილი რუსეთის მომხრე ჯგუფში. იოსებ ბებუთაშვი-



ლის სახლი გარდაიქვა მათ ცენტრად, სადაც იკრიბებოდა ყველა ამ წრის და ზრახვების ხალხი. წრის სათავეში მდგომ პირთ მუდმივი კავშირი ჰქონდათ რუსეთში მყოფ სომეხ მთავარ-გებისკაბოს იოსებ არლუთაშვილთან. ამავე რუსეთის მომხრე ჯგუფს თავისი მდგომარეობით დიდი გავლენა ჰქონდა სამეფო კარზედ და სახელმწიფო საქმეებზედაც. აქ იყო ვადამბული ერთმანეთთან ფრიალ რთული ქსელი იდეურ მიდრეკილებისა და შურიანობისა, ინტრიგებისა და პირადი უკმაყოფილებებისა, მაგრამ ყველაფერს ამას აერთებდა ერთი ხაზი რუსეთისადმი მიდრეკილებისა.

სპარსეთში ძლიერდება ალა-მაჰმად-ხან ყაჯარი. ასეთი იყო მდგომარეობა, როდესაც სპარსეთში თანდათან იწყო ვაძლიერება ალა-მაჰმად-ხანმა, ყაჯარის ტომის მეთაურმა, რომელმაც 1785 წ. დაიპყრა თეირანი, შემდეგ წლებში სძლია ჯაფარ-ხანს ზენდს, დაიპყრა ირაკი, აქედგან მოვიდა აზერბეიჯანს 1791 წ. და დაუწყო ლაპარაკი ერეკლეს მეგობრობის შესახებ.

ალა-მაჰმად-ხანის ვაძლიერება სპარსეთში საბოლოოდ გამორკვეული იყო და ამიტომ საკითხი სპარსეთთან უთრეირთობის შესახებ გადაქრით უნდა გარდაწყვეტილიყო. ცხადი იყო, რომ სპარსეთი მოითხოვდა რუსეთთან კავშირის გაწყვეტს და ერანსა და აღმოს. საქართველოს შორის არსებულ წინანდელ დამოკიდებულების აღდგენას. სოლომონ ლიონიძე და მისი ჯგუფი მომხრე იყო სპარსეთთან მეგობრულ ურთეირთობის დაქრისა, თუნდაც ამისათვის საჭირო ყოფილიყო რუსეთთან კავშირის გაწყვეტა, მით უმეტეს, რომ რუსის მთავრობა არ ასრულებდა ტრაქტატით თავის თავზედ მიღებულ ვალდებულებას. მაგრამ ამ აზრმა ვერ გაიმარჯვა, რადგან მიდრეკილება რუსეთისადმი ფრიალ ძლიერი იყო და რუსეთის მომხრე ჯგუფს დიდი ძალა და გავლენა ჰქონდა. ამიტომ ამ დროს უკვე მტკიცედ გარდაწყვეტილი იყო რუსეთთან ერთგულობით ყოფნა და ალა-მაჰმად-ხანისათვის წინააღმდეგობის გაწევა, თუ ის ქართლ-კახეთის დამორჩილებას ძალით განიზრახავდა. ერეკლე მეფემ მაშინვე აცნობა რუსის მთავრობას საქმის მდგომარეობა და სთხოვა ტრაქტატით აღთქმული ორი ბატალიონის გამოგზავნა. მაგრამ ამ შუამდგომლობიდან არა გამოვიდა რა. კავკასიის ლინიის უფროსს გენ. გულდოვიჩს პირიქით მისწერეს პეტერბურგიდან, რომ ჯარის გაგზავნა საქართველოში სასურველად არაა ცნობილი.

რეაქცია მართველობის წესში. მეფის-ძეთა საუფლისწულოები. რაც უფრო ირკვეოდა საგარეო მდგომარეობის მოსალოდნელი გართულება, მით უფრო საჭირო ხდებოდა შინაურ ძალთა ორგანიზაცია და მისი დარაზმვა გარეთ თუ შიგნით ატეხილ სიძნელეთა გასაძლოად. ერეკლე მეფის ცდა 70-იან წლებიდან სამეფოს შინაურ



წესწ-ყობილების გარდაქმნისა და გაუმჯობესების შესახებ განუხორციელებელი დარჩა. საქართველოს არ ჰყავდა სხვა რომელიმე, გარეშე ფეოდალურ ელემენტებისა, საკმაოდ მომზადებული და ლონიერი წრე, რომელიც შესძლებდა ქვეყნის ცხოვრებისათვის ახალის სულის ჩადგმას და სახელმწიფო აპარატის შესაფერისად მოწყობას. ამიტომაც მეფე იძულებული იყო, რაკი მთლიან და ერთიან მართვა-გამგეობის მოწყობა შეუძლებელი შეიქმნა, ისევ ძველს ფეოდალების ბატონობის დროს ნაცადს გზას დასდგომოდა, მხოლოდ იმ განსხვავებით, რომ ეხლა სამეფო სახლის წრეების მართველობაში ჩაბმით შექმნილიყო მეტი გარანტია მთლიან სახელმწიფოს ინტერესების დაცვისა. ჯერ კიდევ 1777 წ. ქსნის საერისთო გადაეცა ტახტის მემკვიდრეს გიორგი ბატონიშვილს, რომელსაც ჰქონდა აგრეთვე თიანეთი, აღჯაყალა და ლორე-ბამბაკი, არაგვის საერისთოც ჰქონდა ლევან ბატონიშვილს, რომლის სიკვდილის შემდეგ ის გარდაეცა მეფის-ძეს ვახტანგს. ვახტანგი თითქმის განუსაზღვრელად განაგებდა თავის საპატრონოს საკანონმდებლო უფლების მიღებითაც. დროთა განმავლობაში მეფის ძეთა მნიშვნელობა სამეფოს მართვა-გამგეობის საქმეში თანდათან იზრდებოდა. არსებულ პირობებში ეს იყო ერთად-ერთი საშუალება სამეფოს სხვადასხვა კუთხეში ადგილობრივ საქმეების მოწესრიგებისა. კახეთის თავადებმა, მაგალითად, ადგილობრივ საქმეების მთლად არევისა გამო 1786 წ. თვით ითხოვეს ერთ-ერთ ბატონიშვილის კახეთის გამგედ დანიშნა.

მეფის-ძეთა ამ მნიშვნელობის გაზრდით სამეფოს მართველობის საქმეში უნდა აიხსნას ის გარემოება, რომ ერეკლე, დედოფალ დარეჯანის და ბატონიშვილების მოთხოვნით, იძულებული გახდა 1791 წ. შეეცვალა არსებული წესი ტახტის მემკვიდრეობისა. თანახმად ამ წელს გამოცემულ განწესებისა სამეფო ტახტი ამიერიდგან უნდა გადასულიყო რიგ-რიგობით მეფის შვილებზე და მათ შთამომავლობაზედ, ე. ი. უფროსზე გვარში.

ამ განწესებას მოყვა საუფლისწულოების მიჩენა მეფის ძეთათვის (1792 წ.). ტახტის მემკვიდრეს გიორგის შვილებითურთ მიეცა 4,000 კომლი, ხოლო დანარჩენ ხუთ შვილს (იულონს, ვახტანგს, მირიანს, ფარნაოხს და ალექსანდრეს) თითოს ათას-ათასი კომლი ქართლსა და კახეთში ელვითურთ. მეფის-ძე გიორგი ამ დროიდგან განაგებდა კახეთს, იულონი ქართლის დასავლეთ ნაწილს და ქსანს, ვახტანგი ისევ არაგვის საერისთოს. საუფლისწულოების მიცემამ ბატონიშვილები კიდევ უფრო დამოუკიდებელნი გახადა.

ამ გვარად ფაქტიურად სამეფო უბრუნდებოდა უწინდელ ფეოდალურ დროის მართველობის წესს, მხოლოდ იმ განსხვავებით, რომ მეფის-ძენი ბევრად მეტს უპასუხისმგებლო მდგომარეობაში იყვნენ და მეტს დამოუკიდებლობასაც იჩენდნენ, ვიდრე წინანდელი თუნდ არაგვისა და ქსნის ერისთავები.



აღა-მაჰმად-ხანი მოემართება საქართველოსაკენ. ასეთ მდგომარეობაში იყო ქართლ-კახეთის სამეფო, როდესაც აღა-მაჰმად-ხანმა საბოლოოდ დაიპყრა ირაკი და ქალ. შირაზი, თანდათან განამტკიცა თავისი ძალაუფლება ერანის ტერიტორიაზე, ხოლო 1795 წლის დასაწყისს უკვე ფაქტობრივ მბრძანებელი გახდა მთელი სპარსეთისა. ქართლ-კახეთის მთავრობა ღებულობდა წინასწარ ზომებს და თავისი ელჩის გარსევან ჭავჭავაძის პირით თხოულობდა რუსეთისაგან დახმარებას. 1795 წლ. დასაწყისში გარსევან ჭავჭავაძე განმეორებით აქცევდა რუსის მთავრობის ყურადღებას საქართველოს მდგომარეობაზე და შუამდგომლობდა რან პოლკის გაგზავნას იმ არტილერიით, რომელიც ტრაქტატის შეკერვის დროს აღთქმული ჰქონდა საჩუქრად მეფე ერეკლეს და რომლის ნახევარი აქამდის გადაცემული არ იყო. ამ შუამდგომლობითაც არაფერი გამოდიოდა. აღა-მაჰმად-ხანმა ამოსობაში მოიმარაგა თავისი საქმეები სპარსეთში, შეკრიბა 70 ათასი კაცი და გამოეშურა საქართველოსაკენ. მდ. არეზზე მას შეხვდა ერეკლე მეფეს მოხარკე ჯავათ-ხანი განჯისა, რომელმაც ყენი მიაცილა ყარაბაღში.

ჯავათ-ხანის უკუდგომა საქართველოსაგან აიხსნება უმთავრესად ერეკლესა და ყარაბაღის ხანის იბრეიმს შორის ამ დროს არსებულ კავშირით. ეს კავშირი თავისთავადაც შიშს იწვევდა ჯავათ-ხანში და ამას ზედ დაერთო განჯის სახანოში ლტოლვილ ყარაბაღელ და თვით ადგილობრივ სომეხ მელიქთა აგიტაცია იბრაიმ-ხანისა და ერეკლე მეფის წინააღმდეგ. იბრაიმ-ხანი თავისი მდგომარეობით იყო მტრულ განწყობილებაში განთავისუფლების მოტრფიალე ყარაბაღელ სომეხ მელიქებთან, რომელნიც ამავე დროს ფრიად უკმაყოფილონი იყვნენ ერეკლე მეფის ყარაბაღის ხანთან დაკავშირებით. ხოლო ეს დაკავშირება ქართლ-კახეთისათვის აუცილებელი იყო განჯისა და რამოდენადმე ერევნის სახანოს შესამომტკიცებლად და საზოგადოდ აზერბეიჯანის ხანებს შორის სწორ-წონაობის დასაცავად. სახანოების გავლენიან სომხებში საზოგადოდ ის აზრი იყო გავრცელებული, რომ ერეკლე სომხობის წინააღმდეგია, რომ ის მომხრეა მათი რუსეთში გადასახლებისაკენ. განსაკუთრებით მელიქი მეჯღუშიმ აქეზებდა ჯავათ-ხანს განჯისს ერეკლეს წინააღმდეგ და მარადის უჩვენებდა მას ტფილისიდან მის თავზე მოსალოდნელ განსაცდელზედ.

ყარაბაღელ მელიქთა და საზოგადოდ აზერბეიჯანის სომხობის ერეკლე მეფის წინააღმდეგ აზროვნებას გავლენა ჰქონდა რამოდენადმე ტფილისის გავლენიან სომხებზედაც. რუსეთზე გაზვიადებულ იმედების დამყარებას ამ უკანასკნელ წრეებში ზედ დაერთო აზერბეიჯანის სომხობის უკმაყოფილება მეფე ერეკლეს პოლიტიკით. ამით აიხსნება, რომ ტფილისის სომხობის გავლენიანი წრეები გულ-გრილად შეხედნენ აღა-მაჰმად-ხანის შემოსევას და ზოგი მათგანი პირიქით ტფილისის დაცვის ინტერესების წინააღმდეგაც მოქმედებდა.



მდ. არეზზე იადმოსვლისას ალა-მაჰმად-ხანი გაემართა იბრემ-ხანის წინააღმდეგ და ალყა შემოარტყა ქალ. შუშას. აზერბეიჯანის დანარჩენ ხანებმა კი ერანის ახალ მმართველს მორჩილება გამოუცხადეს. შუშა ფრიად გამაგრებული აღმოჩნდა და მისი აღება არ მოხერხდა. ამ დროს ქართლ-კახეთის ჯარმა მეფის-ძეთა იულონის და ალექსანდრეს წინამძღოლობით მოარბიეს განჯის სახანო, რის გამოც ალა-მაჰმად-ხანი მთავარი თავისი ძალებით დაიძრა საქართველოსაკენ. მან ეხლაც წინასწარი მოლაპარაკება გამართა ერეკლესთან დამორჩილებისა და რუსეთთან კავშირის გაწყვეტის შესახებ, მაგრამ ამ მოლაპარაკებიდან არაფერი გამოვიდა. ყაზახში აღსტაფაზედ ალა-მაჰმად-ხანმა დასტოვა თავისი ბანაკი და ჯარის ნაწილი, ხოლო თითონ 33 ათასი მსუბუქი ჯარით უარტილეროდ (თან წამოიღო მხოლოდ ზამბურაკები) გამოემართა ტფილისისაკენ.

ტფილისის აღება ალა-მაჰმად-ხანის მიერ (1795 წ.). ქართლ-კახეთის მთავრობა უკვე კარგახანია მზადებაში იყო. ჯარის მოსაწვევად წინდაწინვე ჯომები იყო მიღებული. ვარაუდით ნაანგარიშევი იყო ქართლ-კახეთიდან 33 ათასი კაცი, ყაზახ-ბორჩალო და შამშადილიდან 10 ათასი, იმერეთიდან ამდენივე და გარდა ამისა მოსლოდნელი იყო ჯარის მოსვლა დაღისტნიდან, რომლის თავ-კაცებთან ამის შესახებ წინდაწინვე მოლაპარაკება იყო გამართული. აგვისტოს ბოლო რიცხვებში ტფილისში შეიკრიბა მხოლოდ 4 ათასი კაცი და სამი ათასი მოიყვანა იმერეთის მეფე სოლომონ II-მ. დანარჩენ ჯარების შეკრების მოლოდინში, მეფე ამ 7 ათასი კაცით წავიდა ყაზახს-ალა-მაჰმად-ხანის შესახვედრად. ერეკლე მოერიდა მტრის მთავარ ძალასთან შებრძოლებას და წამოვიდა უკან ტფილისისაკენ, რომლის მიახლოვებისას მას მოახსენეს მოულოდნელი და იმავე დროს საშინელი ცნობა: ტფილისში არავითარი ჯარი არ არისო. ამას თან დაერთო კიდევ შემდეგი: სოლანლულში დაბანაკების შემდეგ ქიზიყის მოურავმა ზაქარია ანდრონიკაშვილმა, მეფის სიძემ, არსებულ ჯარიდან გააპარა კახეთში 2 ათასი ქიზიყელი, ვითომდა მეფის-ძის გიორგის დასაცავად. დარჩა მეფე ერეკლე 2 ათასი ქართლ-კახეთის და 3 ათასი იმერეთის ჯარით. საჩქაროდ ბრძანება იქმნა გაცემული ქალაქის აყრისა და გახიზვნის შესახებ, მაგრამ ამისი მოსწრება დროს უქონლობისა გამო, რასაკვირველია, შეუძლებელი აღმოჩნდა. 5 ათასი კაციდან ათასი იმერელი მეფემ გაგზავნა ქალაქის პირს, თითონ კი თავისი შვილი-შვილით სოლომონითურთ შეხვდა ალა-მაჰმად-ხანის მოწინავე ჯარს სოლომონის ვიწროებში 10 სექტემბერს და დაამარცხა ის. დამით მეფე სოლომონ თავისი დანარჩენ ორი ათასი კაცით გაგზავნილ იქმნა ქალაქში, სადაც ის დადგა აბანოს კარებთან. მეორე დღეს ჯარი განაწილებული იყო შემდეგ ნაირად: მოწინავედ კრწანისის ველზედ მეფე ერეკლე 1¹/₂ ათასი კაცით, ათასი იმერელი იდგა ქალაქის პირს და მეფე სოლომონ 2 ათასი კა-

კით ქალაქში აბანოს კარებთან, ხოლო კოჯრის მთის გზას იცავდა ბატონიშვილი დავითი 4 ზარბაზნით და ოთხასი კაცით. თვით ტფილისის ციხე კი გამაგრებული იყო 16 ზარბაზნით. მეფეს განზარაბებქონდა, თუ ალა-მაჰმად-ხანი შეტევას განიმეორებდა, ქალაქში გამაგრებულიყო. ჯარის ასეთი განაწილება აიხსნება იმ გარემოებით, რომ სარწმუნო ცნობებით, რომელსაც მტრის ბანაკიდან აწვდიდნენ მეფეს აზერბეიჯანის ხანები, ალა-მაჰმად-ხანი, პირველი დღის სასტიკი ბრძოლის შედეგით დაშინებული, აპირებდა აყრას და უკანვე გაბრუნებას. რასაკვირველია, ნადირ-შაჰის გაზრდილის ერეკლეს პირადი სამხედრო ავტორიტეტიც დიდ შთაბეჭდილებას ახდენდა მტერზედ. მაგრამ წინა დამით არტემ არარატიანისა და სხვა სომხების დახმარებით ტფილისიდან გაპარულმა პატიმარდ მყოფ სპარსეთის ელჩმა დაარწმუნა ყენი ერეკლე მეფის სისუსტეში. ამიტომ დილას, 11 სექტემბერს, ალა-მაჰმად-ხანმა გამოიცვალა თავისი გარდაწყვეტილება, ხუთი ათასი კაცი გაგზავნა ტფილისზე უკან მოსავლელად, თითონ კი მთავარი ძალით გადავიდა შეტევაზედ. როდესაც უკან მოსავლელად დანიშნული სპარსელების ჯარი ავიდა მთებზე და ვადმოადგა ციხის ზარბაზნებს, ქალაქის პირას შდგომ ათას იმერელს თავხარი დაეცა, მეფე ერეკლე გამომწყვდეულიც ეგონა და საჩქაროდ ქალაქისკენ წამოვიდა. ქალაქში მყოფ მეფე სოლომონმა ეს რომ დაინახა, საქმე წაგებულად ჩასთვალა და იმერეთის ჯარიც დაიძრა ტფილისიდან. გზა-გზა თვით ქალაქში და ქალაქიდან მოდენილ მოქალაქეთ იმერთ რბევა დაუწყეს. კოჯრის გზაზე მდგარი ბატონიშვილი დავითი, ამისი შემხედარე, იძულებული გახდა დაეტოვებინა თავისი პოზიცია, ზარბაზნები ხეში ვადაჰყარა, თითონ კი თავისი რაზმით ვერაზე გადაიარა და კახეთისკენ წავიდა. ამასობაში მთავარ ძალებმა ალა-მაჰმად-ხანისამ შეუტევეს კრწანისის ველზე მეფე ერეკლეს, რომელმაც ბრძოლის შემდეგ უკან დახვეა და ქალაქში გამაგრება არჩია. ამ დროს სპარსთა ჯარი ზევით უკვე ციხის ზარბაზნებს ეპატრონებოდა. მეფემ სასტიკი ბრძოლით ქალაქის კარებს უკვე მიაღწია, როდესაც მალლოზიდგან ჩამოეშვა ახალი, ათასი კაცისაგან შემდგარი სპარსელების რაზმი, რომელიც ქართველებისათვის გზის მოჭრას ლამობდა. ვახურდა ბრძოლა, მოხუცებული ერეკლე მეფე თვით შეიჭრა სპარსთა შუაგულ რაზმში. მოსალოდნელი იყო მისი მტრის მიერ ტყვედ შეპყრობაც, მაგრამ ამ დროს ბატონიშვილი იოანე, მანაბელი დავით, ჯანდიერ ჯანდიერიშვილი და სხვანი რჩეული ცხენოსნებით გადაეშენენ სპარსელებში და იხსნეს მეფე ტყვეობისაგან. ულონო ქმნილი ერეკლე, ვახტანგ და იოანე ბატონიშვილთა, ივანე მუხრან-ბატონისა და სულ სამასი შერჩენილ ქართველი და თათარი ჯარის-კაცის თანხლებით გავიდა ავლაბრის ხიდზე და გაეშურა საგურამოსაკენ, ხოლო იქიდან მთიულეთს.

ქალაქი ტფილისი აღებულ იქმნა. რვა დღის განმავლობაში ქალაქი განიციდა ხოცვა-ჟლეტის, დაწვა-განადგურების და ცარცვა-გლეჯის

საშინელებას. მეფის სასახლე, თოჯხანა და აბანოები მთლად დაანგრიეს. ასეთივე ბედი ეწვია მთელი ქალაქის შენებულობას. ალა-შაჰმად-ხანმა და მისმა ჯარმა აიღო აუარებელი სიძლიერე, განსაკუთრებით მეფის სასახლეში, რომლიდანაც ვერაფრის გადახიზვნა ვერ მოასწრეს. ყენი ამით არ დაკმაყოფილდა და გაუშვა თარეშად 8 ათას კაცისაგან შემდგარი რაზმი მთიულეთისა და გორისაკენ, რომელმაც ააოხრა ქვეყანა და თან წამოასხა აუარებელი ნადავლი და მრავალი ტყვე.

ალა-შაჰმად-ხანმა ეხლაც სკადა მეფე ერეკლესთან მორიგება და წინადადება მისცა მას დაზავების შესახებ, მორჩილების აღიარებისა და ამის ნიშნად ერთ-ერთ ბატონიშვილის მძევლად მოცემის პირობით. თავი კაცნი მომხრე იყვნენ მორიგებისა და მეფეშეგაგაზვნა მოსალაპარაკებლად სუფრაჯი ქაიხოსრო ავალიშვილი (16 სექტემბერს). მაგრამ ამ მოლაპარაკებიდან არა გამოვიდა რა, რადგან ბოლოს და ბოლოს მეფე ვერ ენდო ალა-შაჰმად-ხანს.

უკვე 20 სექტემბერს ალა-შაჰმად-ხანი აიყარა ტფილისსა და სოლანლუღიდან და გაბრუნდა უკან. მის ჯარს თან მიჰყავდა 30,000-მდის ტყვე და მიჰქონდა აუარებელი ნადავლი. ასეთი გაჩქარებითი წასვლა ალა-შაჰმად ხანისა ცხადი მაჩვენებელი იყო იმისა, რომ სპარსეთს უკვე არ შეეძლო ფეხის მომაგრება საქართველოში. არსებითად ამ გვარად ქართლ-კახეთის დამორჩილების საკითხში ალა-შაჰმად-ხანმა ვერაფერს მიაღწია. ამისი მიზეზი იყო ცხადი სისუსტე თვით სპარსეთისა, რომლის ძალა უკვე დაკნინებულიყო და ალა-შაჰმად-ხანის პირადი ენერჯიაც კი უძლური იყო ამ ძალის განსაცხოველებლად.

ალა-შაჰმად-ხანის შემოსევის შედეგი. 1795 წლის სექტემბრის

საშინელება მარცხმა ცხად ჰყო ქართლ-კახეთის სამეფოს ძირითადი ხასიათის ნაკლულევანებანი. სამეფოს მართველობის სისტემა იმდენად მოუწყობელი და უვარგისი გამოდგა, რომ თვით ასეთს დიდ საურთხის დროს შეუძლებელი გახდა არსებულ ძალთა საკმაოდ დარაზნვა, რათა ქვეყანას ასეთი უბედურება თავს არ დასტყდომოდა. ალა-შაჰმად-ხანს არც იმდენი ძალა ჰქონდა, რომ მისი მოგერიება შეუძლებელი ყოფილიყო. შინ ათას კაცს უარტილეროდ ძლიერ გაუჭირდებოდა ქალაქ ტფილისის მოკლე დროში აღება, ხანგრძლივ ბრძოლას კიდევ ალა-შაჰმად-ხანი, დამორბეული თავისს ქვეყანას, რომლის შემომტკიცების საქმე ჯერ მას სავსებით დამთავრებული არ ჰქონდა, რასაკვირველია, ვერ შესძლებდა. ამით აიხსნება, რომ ალა-შაჰმად-ხანის შემოსევამ მიიღო ხასიათი ერთი დიდი თარეშისა, რომლის დამთავრების შემდეგ სპარსელები იძულებული გახდნენ უკან წასულიყვნენ.

ალა-შაჰმად-ხანის შემოსევამ დაამტკიცა, რომ ფეოდალურ დროინდელი წესი ქვეყნის მართვა-გამგეობისა უკვე შეუძლებლად ხდება სამეფოს დაცვას გარეშე მტრებისაგან. სათანადო ცენტრალურ აპარა-



ტისა და ერთიან მართველობითი გარკვეულ ხაზის უქონლობა ქმნიდა სრულს უპასუხისმგებლობას ცალკე კუთხეებში ფეხ-მოკიდებულ ბატონიშვილებისა და მათის მიხედვით აგრეთვე სხვა დიდი კაცებისას. ამიტომ ინტრიგებსა და პირად ანგარიშებს ანდა რაიმე შემთხვევითი მიზეზს დიდი გავლენა ჰქონდა სახელმწიფო ხასიათის საქმის მსვლელობაზედ. თვით ასეთ განსაცდელის დროს ბატონიშვილი იულონი, მაგ., არც კი დაიძრა დასავლეთ ქართლიდგან და არც ჯარი გაგზავნა. ტახტის მემკვიდრე გიორგიც თელავში იყო, ჯარის შესაკრებად არავითარ ზომებს არ ლეზულობდა, და როდესაც მეთუე ერეკლეს რაზმი კრწანისის ველზე სისხლისაგან იცლებოდა, ის არხენად თავისს სასახლეში განისვენებდა. იოანე ბატონიშვილმა, რომელსაც ამ დროს ქსანი ეკირა, მხოლოდ 50 კაცი მოიყვანა. არაგვიდგან ვახტანგ ბატონიშვილს მხოლოდ 300 კაცი მოყვა და სხ. ქიზიყში დიდი ჯარი შეყრილიყო, მაგრამ შემდეგ დაშლილიყო, და ქიზიყის მოურავს ზაქარია ანდრონიკაშვილს მეთუესთან მხოლოდ 2 ათასი კაცი მოიყვანა. ეს ჯარიც მან ბრძოლის წინა ღამეს სოღანლუღიდგან კახეთს გააძარა. სახელმწიფოებრივ ცხოვრების მოუწყობლობით აიხსნება, რომ ასეთ ბოროტ-მოქმედებებთან ბრძოლაც კი შეუძლებელი იყო და ქვეყანა თანდათან უფრსკულისაკენ ზივქანებოდა.

ალა-მამხად-ხანის შემოსევამ მთლად დასცა რაიმე კეთილ-დღეობის ნასახი ქართლ-კახეთში. ქალაქი ტფილისი ხომ მთლად აოხრდა, მაგრამ სხვა კუთხეებშიც ძალიან დაზარალდნენ. აუარებელი ხალხი დაიხოცა და ტყვედ იქმნა წაყვანილი. ქვეყნის აოხრებას თან მოჰყვა შინაურ ცხოვრებაში კრიზისის გაძლიერება. სახელმწიფოს ფინანსიური მდგომარეობაც სულ შეირყა. ხაზინის შემოსავალმა ძლიერ დაიკლო. განჯა-ერევნიდგან ყოველ წლიური ხარკი—40 ათასი მან. არ შემოდიოდა, ქალაქ ტფილისის საბაჟოები არ მოქმედობდნენ, ხალხისაგან გადასახადების წესიერად მოკრება გაძნელდა, ქვეყნის სიციცლის მაჯის ცემა შესუსტდა. საერთო კრიზისს თან მოჰყვა სიმშვილი და სხვა-და-სხვა გადამდებ ავადმყოფობის გაჩენა. 1797 წ. გაჩნდა ეპიდია, რომელმაც მრავალი სული იმსხვერპლა. ყველა ამით აიხსნება, რომ მცხოვრებთა რიცხვმა საშეფოში იკლო და თუ ჯერ კიდევ 1770 წელს მთელს ქართლ-კახეთის საშეფოში 42 ათასი კომლი ირიცხებოდა, 1795 წლის შემდეგ იყო მხოლოდ 35 ათასი კომლი.

ერეკლე II კვლავ მიმართავს რუსეთს. ქვეყანა სწორედ რომ სასოწარკვეთილ მდგომარეობაში იყო და დიდს გაჭირვებას განიცდიდა. ასეთ შემთხვევაში მას ვერ უშველიდა ის ორი ბატალიონიც, რომლის გამოგზავნა, თანახმად ტრაქტატისა, რუსის მთავრობამ ბოლოს და ბოლოს გარდასწყვიტა. ჯერ კიდევ 4 სექტემბერს 1795 წ., როდესაც ალა-მამხად-ხანი ტფილისისაკენ მოდიოდა, იმპერატრიცა ეკატერინე II-მ უბრძანა კავკასიის ლინიის უფროს—ტრაქტატით განსაზღვრულ



ჯარის ტფილისს გაგზავნა. თუმცა დაგვიანებით, გარს. ჭავჭავაძემ ანაირად მაინც მოახერხა რუსეთის მთავრობის მიერ თავისს თავზე მიღებულ ვალდებულების გატარება.

დეკემბერში 1795 წ. ტფილისში მოვიდა ორი ათასი რუსის ჯარი, მაგრამ ეს ძალა სრულიადაც არ კმაროდა აოხრებულ და განადგურებულ ქვეყნის საჭიროებისათვის. 8 იანვარს 1796 წ. ერეკლე მეფე აუწყებდა რუსის მთავრობას, რომ ალა-მაჰმად-ხანი მულანის ველზე დვას ჯარით და შისი შეჩერება იმ შემთხვევაში, თუ ის მოინდომებს კვლავ ტფილისისკენ წამოსვლას, ამ მცირე ძალით შეუძლებელი იქნება. ერეკლე თხოულობდა კიდევ 8 ათასი კაცის გამოგზავნას, რათა მას შესძლებოდა ბაშპაკისა, ყაზახისა და ბორჩალოს შენარჩუნება, რომელნიც ალა-მაჰმად-ხანს ერევნის ხანისთვის ეწყალებებინა, და აგრეთვე განჯისა და ერევნის სახანოების კვლავ დამორჩილება. გარდა ამისა საქართველოს დესპანი პეტერბურგს გარს. ჭავჭავაძე თხოულობდა ერეკლე მეფისათვის ერთი მილიონი მანეთის სესხად მიცემას ნაწილ-ნაწილად გარდახდის უფლებით.

მეფის იმედი ეხლა მთლად რუსეთის დახმარებაზედ იყო, რადგან აოხრებულ ქვეყანას მოვლა ეჭირვებოდა და ამავე დროს შიგნით სამეფოშიც ღელავდნენ სხვა-და-სხვა ჯგუფები.

რუსეთი ომს უცხადებს სპარსეთს. ტფილისის აოხრების ამბავმა პეტერბურგის მთავრობაზედაც იქონია გავლენა, და რუსის მთავრობა შეუდგა მზადებას სპარსეთის დასასჯელად. პეტერბურგში ამ დროს კვლავ გაიღვიძა დიდმა პროექტებმა კასპიის ზღვის და სპარსეთის დაპყრობისა და შემდეგ ინდოეთისაკენ გზის გაკაფვის შესახებ. მარტში 1797 წ. გამოვიდა მანიფესტი ალა-მაჰმად-ხანის წინააღმდეგ ომის გამოცხადების შესახებ და სპარსეთსა და საქართველოსკენ დაიძრა 30 ათასი რუსის ჯარი ვალ. ზუბოვის სარდლობით. რუსების მიერ აქტიურ მოქმედების მოლოდინში ქართლ-კახეთის მისუსტებული ძალაც ამოძრავდა. ბატონიშვილებმა ალექსანდრემ და დავით ყარაბაღელ იბრემ-ხანთან ერთად გაილაშქრეს განჯაზედ, დაიჭირეს ქალაქი და ალყა შემოარტყეს ციხეს, მაგრამ აიღეს ის მხოლოდ მაშინ, როდესაც თვით მეფე ერეკლე მივიდა ჯარში. ჯევათ-ხანი იძულებული გახდა მასთან მყოფი ტფილისიდან წაყვანილი ტყვე, ათასამდის სული, გაენთავისუფლებინა და კვლავ ეკისრა მეფისათვის ხარკის ძლევა.

ამ დროს რუსის ჯარი მოადგა კასპიის ზღვის სანაპიროებს და დაიჭირა დარუბანდი, შამახა, ბაქო და სალიანი. ალა-მაჰმად-ხანის წინააღმდეგ ბრძოლის შესახებ იშლებოდა ახალი პერსპექტივები, რომელიც ერეკლე მეფისათვისაც ფრიალ სახარბიელო იყო: რუსის მთავრობას განზრახული ჰქონდა ზოგიერთ ზომების მიღება საქართველოს განსამდიერებლად. მაგ. ერევნისა და განჯის სახანოების მთლად მასთან



შემოერთება. მაგრამ 6 ნოემბერს 1796 წ. გარდაიცვალა ეკატერინე II, ყელა დიდ პროექტებმა სპარსეთისა და ინდოეთის შესახებ ჩაილულის წყალი დაღია და რუსის ჯარსაც ებრძანა უკან დასაბრუნებლად მომხადებულოყო. ზაფხულს 1797 წ. მართლაც რუსებმა დასცალეს ცველა დაპყრობილი ადგილები და გაეიდნენ ქართლ-კახეთიდგანაც.

ახალი მიმართვანი რუსეთისადმი. ქართლ-კახეთის მთავრობა დარწმუნებული იყო, რომ რუსის ჯარის მოსალოდნელ წასვლის შემდეგ მდგომარეობა, რასაკვირველია, უფრო გართულდებოდა. ალა-მაჰმად-ხანი რუსების წასვლას თავის გამარჯვებას აწერდა და გადაჭრით თხოულობდა ერეკლე მეფისაგან მორჩილების განაცხადებას, წინააღმდეგ შემთხვევაში იმუქრებოდა ქვეყნის ახალი აზრებით. ეს იყო მიზეზი, რომ ერეკლე კვლავ მიმართავდა რუსის მთავრობას და სთხოვდა მას, თანახმად ხელშეკრულობისა, მფარველობის გაწევას. თავისს წერილში იმპერატორ პავლეს სახელზე 16 აპრილს 1797 წ. მეფე შუამდგომლობდა ოთხი ათასი კაცის დატოვებას ორის ან სამი წლის ვადით, ვიდრემდის ქვეყანას ძალა შეემატებოდა. საქართველოს მთავრობა ამასთან ცდილობდა, გარდა სამხედრო ძალისა, ესარგებლა რუსეთის მთავრობის მორალური დახმარებით შინაური ცხოვრების მოსაგვარებლად. 11 ივნისს 1797 წ. გარსევენ ჰაგჰაჰაძემ მიართვა იმპერატორ პავლეს მოხსენება, რომელშიც მეთვის სახელით სთხოვდა მფარველობის გაწევას, საქართველოში თანახმად 1783 წ. ტრაქტატისა ჯარის დატოვებას ხალხის განსამხნეველად და ადგილობრივ უშიშროებითი ცხოვრების განსამტკიცებლად და აგრეთვე რუსის მთავრობის წარმომადგენლის გაგზავნას ტფილისს. ამ წარმომადგენელს, ელჩის აზრით, უნდა მიეცა ქართლ-კახეთისათვის რუსეთის მართველობის დავარი წესი ქვეყნის გამგებლობისა დი ამით ხელი შეეწყო ადგილობრივად არსებულ, როგორც მოხსენებაში იყო ნათქვამი, აზიურის მართველობის მაგიერ ახალი წესების შემოღებისათვის.

ეხლა ამგვარად საკითხი დასმული იყო არა მარტო სამხედრო ძალით დახმარების შესახებ, არამედ შინაური მართველობის ხელმძღვანელობის სახით სახელმწიფოებრივი ცხოვრების ფართო მოწყობაში აქტიურად ჩარევის შესახებაც. საქართველოს შინაურმა დასავარეო კრიზისმა პპოვა აქ თავისი მკაფიო გამოხატულება. ქართლ-კახეთის მთავრობა ქვეყნის ხსნას მართვა-გამგეობის ახალს წესზე მოწყობით იმედოვნებდა, თუნდაც რომ ამისათვის საჭირო ყოფილიყო უცხო სახელმწიფოს შინაური საქმეში ჩარევა.

რუსის მთავრობა ქართლ-კახეთის წარმომადგენლის თხოვნაზე კერძოდ სამხედრო დახმარების შესახებ არავითარ წერილობით პასუხს არ იძლეოდა; მიუხედავად განმეორებითი მოგონებისა დესპანის გარს. ჰაგჰაჰაძის მიერ. ამასობაში ალა-მაჰმად-ხანმა ტრადიკულად დაამთავრა თა-



ვისი სიკოცხლე. ის მოკლულ იქნა ყარაბაღში 1797 წ. 4 ივნისს, მაგრამ ამ ფაქტს, რასაკვირველია, არ შეიძლებოდა საქართველოს პოლიტიკისათვის გარდამწყვეტი მნიშვნელობა ჰქონოდა. ეს პოლიტიკა მაინც თავის გარკვეულ მიმართულებით მიდიოდა და დაბეჯითებით უარყოფდა რაიმე კავშირის დაჭერას სპარსეთთან. მაგრამ რადგან რუსის მთავრობა ქართლ-კახეთის მთავრობის შუამდგომლობაზე ყურსაც არ იბერტყაედა, ამიტომ გარსევან ჭავჭავაძემ 31 დეკემბერს 1797 წ. გარემოების გამოსარკვევად კვლავ წარადგინა პეტერბურგში წერილობითი მოხსენება. ამ მოხსენებაში ელჩმა პირდაპირ დაუყენა საკითხი იმპერატორ პავლეს: სურს თუ არა რუსეთის იმპერატორს 1783 წ. ტრაქტატით მიღებულ ვალდებულებათა შესრულება. ელჩი ამასთანავე მოახსენებდა იმპერატორს, რომ უკეთეს შეფეს სკოდნოდა რუსეთის მიერ ტრაქტატით აღთქმული დახმარების აღსრულებლობა თუნდაც ერთი წლის წინად, მაშინ მეფის მთავრობა რაიმე სხვა ზომებს მიიღებდაო. ელჩი თხოულობდა ტრაქტატში აღნიშნულ ჯარის (2 ბატალიონის ოთხი ზარბაზნით) გაგზავნას, ანდა წინააღმდეგ შემთხვევაში იმის ნებართვას მაინც, რომ ქართლ-კახეთის მთავრობას თავის საზღვრებში შემოიყენა დაქირავებული ჩერქესების ჯარი.

ერეკლე II-ს გარდაცვალება. ასეთი იყო ქართლ-კახეთის მდგომარეობა, როდესაც 11 იანვარს 1798 წ. თელავს გარდაიცვალა ღრმად მოხუცებული ერეკლე მეფე, მხნე და გმირი სარდალი, თავდადებული მოღვაწე თავისი ქვეყნისა, მთელი თავისი სიკოცხლე მის კეთილ-დღეობისთვის მზრუნავი. მისი დაუშრეტელი ენერჯია შინაურ მართელობაში უთანასწორდებოდა მისსავე შეუღარებელ სამხედრო გამრობას. ჭკვიანი და გონება-მახვილი მეფე მთელი თავისს დროს ანდომებდა ქვეყნის სარგებლობაზედ ზრუნვას. თავისი ხანგრძლივ მეფობის დროს ერეკლე მთელი დღეობით გართული იყო სახელმწიფო საქმეებით: ღებულობდა ელჩებს, სამეფოს თავ-კაცებს და მოხოვენელებს, გვიან ნაშვალამედის არჩევდა ქალაღლებს და აწერდა რეზოლიუციებს ხშირად სულ მცირე საქმის გამო მორთმეულ არზას. მხოლოდ დღეში სამჯერ წირვა-ლოცვისათვის გადაღებული დრო და აგრეთვე საკუთრივ სამუშაო ოთახში ხანგრძლივი, ორი საათის განმავლობაში, ლოცვა არღვევდა მეფის გამუღმებულ სახელმწიფოებრივ მოღვაწეობას. ასეთი იყო მისი პირადი ცხოვრება თვით ღრმა სიბერემდის. როგორც პროგრესიულად მიაზროვნე და ევროპიულ წეს-წყობიღების დიდათ მოყვარული, ერეკლე გამუღმებით ცდილობდა ქვეყნის შინაურ ცხოვრების ახალ გეზზე მომართავს. ეს იყო მისი უდიდესი იღვალი, რომლის მიღწევა საკუთარი ძალით ქართლ-კახეთისათვის მეXVIII საუკუნეში საძნელოდ შექმნილიყო.

გარეშე მტრებთან ერეკლემ გამოიარა მრავალი თვალსაჩინო ბრძოლა, რომელთაგან უმეტესი—თითქმის ოცდაათამდის—გათავდა მტრის



სრული დამარცხებით. წვრილ-წვრილ თარეშებთან შეტაკება ქართლ-კახეთის ტერიტორიაზე მისი მეფობის დროს ხომ მრავალი იყო. მოთარეშე მტრების წინააღმდეგ ქვეყნის გამაგრებისათვის ზრუნვა გამოიხატა ერეკლეს დროს 160 ახალი ვალაყანისა და კოშკის გაშენებასა ან ძველის განახლებაში. თვით მეფის ხაზინის ხარჯით განახლებულ და აშენებულ იქმნა 13 ვალაყანი და კოშკი, მათ შორის გორისა, თელავისა, სიღნაღისა და სხვ.

მეფე გიორგი XII. ერეკლე II-ს მემკვიდრე გიორგი XII იყო სანთნოიანი ადამიანი, საღვთო წერილის ფრიად კარგი მკოდნე და საუკეთესო ქრისტიანი, მაგრამ იმავე დროს ავადმყოფი, არაჩვეულებრივ სიმსუქნესთან ძლიერ ბევრი საზრდელის მიძღები, რისთვისაც მას მტერ-მოყვარენი ზაქიჰამისაც უწოდებდნენ. როგორც ჯანმრთელობის მდგომარეობით, ისე აგრეთვე თავისი ხასიათით ის ფრიად ნაკლებ შეეფერებოდა იმ პასუხსაგებ როლს, რომელიც მას ბედმა აკუთვნა, ე. ი. უკიდურესი გაპირებაში მყოფ ქვეყნის მართვა-გამგეობა იმ დროს, როდესაც ქართლ-კახეთი ყოვლის მზიდგან განსაცდელში იმყოფებოდა.

უთანხმოება სამეფო სახლის წევრთა შორის. გამეფებისთანავე გიორგი XII-ს მოუხდა ანგარიშის გაწევა თავისი ძმებისთვის, რომლებსაც საუფლისწულების მეოხებით საკმაოდ დამოუკიდებელ და ამავე დროს უპასუხისმგებლო მდგომარეობისათვის მიეღწიათ. ბატონიშვილით მხარს უჭერდა ერეკლე II-ს ქვრივი დარეჯან დედოფალი, რომელიც აგრეთვე შურით უცქეროდა თავისი გერის გიორგი XII-ს გამაგრებას ტახტზე, რადგან შიში ჰქონდა ამით თვისი და მეფის ძეთა უფლებათა შეცვეცისა მეფის მიერ. კოტაოდენ ყოყმანის შემდეგ დარეჯან დედოფალმა და მეფის-ძეთ იცნეს გიორგი ქართლ-კახეთის მეფედ. სამაგიეროდ მეფე იძულებული იქმნა დამტკიცებინა ერეკლე II-ს მიერ 1792 წ. შედგენილი და გამოქვეყნებული წესი ტახტის მემკვიდრეობის შესახებ, რომლის მიხედვით გიორგი XII-ს შემდეგ მეფობა უნდა გადასულიყო უფროს-უმცროსობით ჩამორიგებით ძმებზე და არა უფროსს შვილზედ. გიორგიმ ხელი მოაწერა ამ წესს თავისი ნების წინააღმდეგ და ამისათვის, რასაკვირელია, ეძიებდა შემთხვევას მისი დასარღვევად და მემკვიდრეობით ტახტის თავისს შთამომავლობაში შენარჩუნებას. მეფის-ძენი გრძნობდნენ მეფის ამ გვარ სულიერ განწყობილებას და უნდობლობით უყურებდნენ თავისი უფროსი ძმის მოქმედებას, ხოლო ეს გავრეობება კიდევ უფრო ართულებდა შინაგან მდგომარეობას. ბატონიშვილებმა დაიწყეს მხნედ მუშაობა ადგილ-ადგილ და ცდილობდნენ თავადების და სხვა ადგილობრივ გავლენის მქონე პირთ თავისს მხარეზე გადაბირებას. მაშინ მეფემ თავისი მდგომარეობის განსამტკიცებლად დაიჭირა დაჭირავებულ ლეკთა ჯარი და ჩააყენა ტფილისში. რიცხვი ამ ჯარისა უდრიდა დაახლოვებით 1,200 კაცს, თვეში 30 მან. ჯამაგირით თითო.

ლეკთა ჯარის ჩამოყვანამ კიდევ უფრო არია საქმეები. ბატონიშვილები ამის შემდეგ აშკარად გაღუდგნენ თავისს ძმას.



სპარსეთთან ურთიერთობის განახლების ცდა. ასეთს მდგომარეობაში იყო ქვეყნის შინაური ვითარება, როდესაც სპარსეთის მბრძანებელმა ბაბა-ხანმა, აღამაჰმად-ხანის ძმისწულმა, რომელმაც დაიჭირა სპარსეთის ტახტი ბიძის ტრადიციულ სიკვდილის შემდეგ, კვლავ მოინდომა ქართლ-კახეთთან კავშირის აღდგენა. ბაბა-ხანმა გამოგზავნა ელჩად გიორგი მეფესთან (ივნ. 1798 წ.) თავისი თარეშ-ბაში მამად-ხან ყაჯარი და წინადადება მისცა მას, აღეარებინა კვლავ დამოკიდებულება სპარსეთისაგან, რის სამაგიეროდ ყაენი პირდებოდა მეფეს განჯა ერევნისა, შაქისა და შირვანის მისადმი დამორჩილებას. წინადადება იყო ფრიად სახეირო, გარდა ამისა რუსეთიდგან ფაქტიურად არაფელი დანხმარება არ სჩანდა და ასეთს მდგომარეობაში სპარსეთთან ურთიერთობის გამწვავებაც მიზან-შეწონილი არ იქმნებოდა. ამიტომ მეფე გიორგიმ მაშინვე გაგზავნა ყაენთან ელჩად თავისი სიმამრი სარდალი გიორგი ციციშვილი, თანხმობა განუცხადა წარმოდგენილ წინადადებაზე და თავისს მხრივ სთხოვა ტფილისიდგან სპარსელების მიერ ქალაქის აოხრების დროს წაყვანილ ტყვეთა უკან დაბრუნება. ამ დროს სპარსეთში ატყდა არეულობა, ბაბა-ხან ყაენს აუჯანყდა ძმა მისი უსენი-ყული-ხანი, რის გამო შაჰი იძულებული გახდა ხოლდგან. სადაც ის ამ დროს იმყოფებოდა ქართლ-კახეთის მთავრობასთან მოლაპარაკების დამთავრების მოლოდინში, წასულიყო ერაყს აჯანყების ჩასაქრობად. ამ მიზეზით გიორგი ციციშვილი ვერ წავიდა სპარსეთს და ერევნიდან დაბრუნდა უკან, ხოლო მეფის მოთხოვნილება შეატყობინა ყაენს მამად-ხან-ყაჯარის საშუალებით.

გიორგი XII აპრობს ოსმალეთს მიმართოს. სპარსეთთან მოლაპარაკება ამ გვარად შეფერხდა. ქვეყნის მდგომარეობა კი არ იცდიდა. შინაური მდგომარეობის გართულება აუცილებლად ხდიდა ქართლ-კახეთის მთავრობისათვის გარედან დანხმარების ძიებას. ამით აიხსნება, რომ მაშინვე, როგორც კი გამოირკვა სპარსეთთან მოლაპარაკების გაჭიანურების აუცილებლობა, მეფე ელჩად აგზავნის ასლან ორბელიანს ეხლა უკვე ოსმალეთთან მოლაპარაკების გასამართავად. ორბელიანი ჩავიდა უკვე ახალციხეს და ემზადებოდა სტამბოლს წასასვლელად, მაგრამ ამ დროს რუსეთიდგან ჩამოვიდა გიორგი XII-ს უფროსი ძე დავითი, რომელიც პეტერბურგს იყო გაგზავნილი ერეკლე II-ს მეფობის უკანასკნელ ხანში და ჩამოიტანა იქიდან მეფისათვის დამამაყოფილებელი აშბები. ამის შემდეგ ორბელიანი უკან გამოიხმეს, ხოლო პეტერბურგს კი გაგზავნილ იქნა ელჩად გარსევან ქაეჭავაძე.

ქართლ-კახეთის მთავრობა იხვე უბრუნდება რუსეთს. გარსევან ქაეჭავაძეს დავალებული ჰქონდა მოეთხოვა რუსეთის იმპერატორისაგან, თანხმად 1783 წ. ტრაქტატისა, გიორგი XII-ს ტახტზე დამტკიცება. მისთვის მფარველობის გაწევა, რუსის ჯარის გამოგზავნით დანხმარების აღმოჩენა და ამასთანავე ტახტის მემკვიდრედ დავით ბატონიშვილის



დამტკიცება. ამ შუამდგომლობაში მთავარი მნიშვნელობა ჰქონდა ბატონიშვილის დავითის ტახტის მემკვიდრეთ დამტკიცებას და აგრეთვე ჯარის გამოგზავნას, რაც შესაძლებლად გახდინდა ლეკების დაქირავებულ ჯარის დათხოვნას. მეფე თხოულობდა 3 ათასი კაცის გამოგზავნას მის განკარგულებაში და ამასთანავე კავკასიის ხაზზე მყოფ რუსის ჯარის უფროსისათვის განკარგულების მიცემას, რომ მას უფლება ჰქონდეს საქართველის დროს დახმარება აღმოუჩინოს საქართველოს მთავრობას 7 ათასი კაცით.

რუსის ჯარი შემოდის ტფილისში. რუსის მთავრობას ეხლა უკვე ვარდაწვეტილი ჰქონდა ქართლ-კახეთის საქმეებისათვის სერიოზული ყურადღება მიექცია. ამიტომ 18 აპრილს 1799 წ. გიორგი XII-ს ქართლ-კახეთის ტახტზე დამტკიცებასთან ერთად იმპერატორმა პავლემ დააკმაყოფილა არსებითად 1783 წლ. ტრაქტატით რუსეთის მიერ თავის თავზე მიღებული ვალდებულებანი. ტახტის მემკვიდრედ დამტკიცებულ იქმნა დავით ბატონიშვილი, საქართველოს მეფის კარზე მინისტრ-რეზიდენტად დაინიშნა პ. კოვალენსკი და ამავე დროს მიცემულ იქმნა ბრძანება ტფილისში ერთი პოლკი ჯარის გაგზავნის შესახებ. მეფეს ამასთანავე კოვალენსკის ხელით გაეგზავნა სამეფო გვირგვინი და ინვესტიტურის სხვა ნიშნები: დროშა, ხმალი, სკიპტრა, სანჯღო ტახტი და მანტია, რადგანაც ყველა სამეფო ძალა-უფლების ნიშნები ალა-მაჰმად-ხანის შემოსევის დროს დაღუპულყო. 26 ნოემბერს 1799 წ. ტფილისში შემოვიდა რუსის ჯარის ერთი პოლკი გენ. ლაზარევის უფროსობით, ხოლო 5 დეკემბერს გიორგი მეფემ ფიცი მიიღო რუსეთის ერთგულობაზედ.

ქართლ-კახეთის გართულებული მდგომარეობა. ამ ამბებმა დიდი არე-დარევა გამოიწვიეს ქვეყნის შინაურ ცხოვრებაში. დედოფალი დარეჯან და მეფის-ძენი, გიორგის ძმები, აღშფოთებულნი იყვნენ ერეკლე მეფის მიერ განწყისებულ ტახტის მემკვიდრეობის რუსის მთავრობის დახმარებით შეცვლისა გამო. მეფის-ძენი გამკვიდრდნენ თავიანთ საუფლისწულოებში და ურჩობდნენ. მეფის-ძემ ფარნაოზმა მიითვისა თავისი ძმის მირიანის წილი და გამაგრდა სურამის ციხეში. იულონი, რომელიც როგორც უფროსი ძმა, სთვლიდა თავისს თავს ტახტის მემკვიდრედ, იმყოფებოდა შიდა-ქართლს და კრებდა თავისს მომხრეებს. ბუნებით სუსტი ხასიათის ადამიანი, იულონი მოკლებული იყო ფართო ინიციატივისა და მოქმედობის უნარს, სახელმწიფო საქმეებს შედარებით გულგრილიად უყურებდა და მომეტებულ დროს სასულიერო წიგნების კითხვაში ატარებდა. სამაგიეროდ მეფის-ძე ვახტანგი, რომელსაც ეჭირა არაგვის საერისთო, იყო ენერგიით სავსე და ძმებს შორის ყველაზე უფრო აქტიური პიროვნება. ვახტანგი და დედოფალი დარეჯანი განსაკუთრებულის ენერგიით ამოძრავდნენ გიორგი მეფის წინააღმდეგ უფრო მას შემდეგ, რაც საბოლოოდ გამოირკვა, რომ მეფე არა-



ვითარ დათმობაზე ძმების მიმართ არ მიდიოდა, ურთიერთობა ძმებს შორის თან-და-თან უარესდებოდა. ბოლოს აღექსანდრე ბატონიშვილმაც, რომელსაც, როგორც ძმათა შორის უმცროსს, საქმაო საუფლისწულო არ ჰქონდა, მოითხოვა მეფისაგან ყაზახი. მეფემ ამაზედ უარს განაცხადა, რადგან ჩვეულებრივ ყაზახი მეფის სახასოს წარმოადგენდა. მაშინ აღექსანდრე წა კაცისაგან შემდგარ ამალით გადავიდა ყარსს და იქიდან კი მივიდა სპარსეთის ტახტის შემკვიდრე აბას-მირზასთან, რომელიც ამ დროს 9 ათასი კაცით იღვა არეზს გაღმა აზერბეიჯანში.

სპარსეთის მთავრობა უკვე კარგა ხანია ემზადებოდა ჩრდილოეთისაკენ სალაშქროდ. ბაბა-ხანა ერეოდა ამიერ-კავკასიის სახანოების შინაურ საქმეებში და მოლაპარაკებებით თუ მუქარით ცდილობდა მათ მკიდროდ შემომტკიცებას. ერევნის ხანად დანიშნა მისი ერთგული, ასევე მოიქცა ყაენი ხოის სახანოში. ყარაბაღის იბრეიმ-ხანს დიდი მოლაპარაკების და მუქარის შემდეგ გამოართვა ცოლად ქალიშვილი და ამ გზით შემომიტკიცა კიდეც, მაგრამ ყაენთან ვაგზაუნილი ყარაბაღის ხანის ქალი გზად დაიქირა შირვანის ხანმა, რომლისთვისაც ეს ქალი დაპირებული ყოფილიყო ერთი წლის წინად. შირვანის ხანის მოკავშირედ ითვლებოდა თალიშის ხანი და ყაენი ემზადებოდა ორივე ამათი დასაჯელად ჯარის გაგზავნას. გარდა ამისა მისსავე გეგმაში შედიოდა ბაქოს ხანის დატუქსევა და ყველა ამასთან ერთად ქართლ-კახეთის დამორჩილებაც. რუსის ჯარის ტფილისში მოსვლის შემდეგ სპარსეთის მთავრობამ განმეორებით მოსთხოვა გიორგი XII-ს რუსეთთან კავშირის გაწყვეტა და ეხლა, როდესაც მეფის-ძე აღექსანდრეც სპარსელების ჯარის ბანაკში იმყოფებოდა, მზადება ჩრდილოეთისაკენ გასალაშქრებლად უფრო ჩქარის ნაბიჯით წარმოებდა. მაგრამ მიუხედავად ამისა სპარსეთი მაინც ვერ ახერხებდა ენერგიულ შეტევაზე გადასვლას, მისი ძალა უკვე ფრიალ მისუსტებული იყო დიდ სამხედრო ოპერაციების შესასრულებლად და ამასთანავე არეზს გამოიშვა სახანოებთან გართულებული მდგომარეობა აძნელებდა სპარსეთის ჯარის მიერ აქტივობის გამოჩენას ქართლ-კახეთის მიმართ.

თუმცა ამ გვარად ფაქტიურად სპარსეთი უძლურად სჩანდა თავისი პრეტენზიები საქართველოს მიმართ განეხორციელებინა, მაგრამ რადგანაც ქართლ-კახეთის სამეფოც ამ დროს სრულს დეზორგანიზაციას განიცდიდა, ამიტომ ტფილისში დიდის შიშით აღეწებდნენ თვალყურს აზერბეიჯანში ჯარების გადასვლა-გადმოსვლას და მოელოდნენ 1795 წლის ამბების განმეორებას.

ბატონიშვილის აღექსანდრეს სპარსეთში წასვლის შემდეგ სხვა მეფის-ძენიც ამოძრავდნენ. დედოფალი დარეჯან ცხოვრობდა ტფილისის ავლაბარში და ამიტომ მისი წასაყვანად ბატონიშვილები დაიძრნენ სატახტო ქალაქისაკენ. 24 ივლისს 1800 წ. მეფის-ძე ვახტანგ ჯარით



მივიდა ავქალას, ორი დღის შემდეგ იულონ და ფარნაოზ ბატონიშვილებიც მოადგნენ ტუვილისს. მეფის-ძეთა ჯარში ირიცხებოდა 3 ათასმდის კაცი. მაგრამ მთავრობის მიერ წინასწარ მიღებულ ზომების მეოხებით და რუსის ჯარის დახმარებით დარეჯან დედოფალი იძულებული გახდა თავის სასახლეში დარჩენილიყო და ტუვილასიდან გაქცევაზე ხელი აეღო. ბატონიშვილებიც ამის შემდეგ დაბრუნდნენ თავიანთ სასულღისწყლებში.

ნიახურას ომი. ასეთ არევ-დარევის და შიშინაობის დროს ქართლ-კახეთის აღმოსავლეთ საზღვარზედ ისევ ამოძრავდა ავარიის ხანი ომარი. მას კავშირი ჰქონდა ვაბშელის გიორგი მეფით უკმაყოფილო ბატონიშვილებთან. ომარ-ხანმა დაიწყო მზადება საქართველოზე გასალაშქრებლად. ასეთს შევიწროებულს დროს ტუვილისში მოვიდა, თანახმად მეფის შუამდგომლობისა, კიდევ ერთი პოლიკი რუსის ჯარისა გენ. გულიაკოვის წინამძღოლობით, რომელსაც დიდის აშხით შეხვდა როგორც მეფე, ისე მთელი ქალაქი (23 სექტ. 1800 წ.). თუმცა გიორგი XII დაჟინებით თხოულობდა რუსის მთავრობისაგან რუსის ჯარის 6 ათას კაცამდის შევსებას, მაგრამ ეს დახმარებაც ამ დროს ფრიად დიდშინიშვნელოვანი იყო.

ომარ-ხანი ამის შემდეგ უფრო ენერგიულად შეუდგა თავისი გეგმის განხორციელებას და უახლოეს დღეებშივე მოადგა ალაზანს მეფის-ძე აღექსანდრე, რომელიც ამ დროს შუშაში იმყოფებოდა, ომარ-ხანისაგან მიწვევის თანახმად, ავიდა მასთან. რუს-ქართველთა ჯარიც 3 ათასი კაცი (მათ შორის ათასზე ცოტა მეტი იყო რუსი) მეფის-ძეთა იოანე და ბაგრატ და გენ. ლაზარევის წინამძღოლობით დადგა ქიზიყს. ომარ-ხანი თავისი 17 ათასი კაცით გადოვიდა ალაზანს და მოვიდა ყარაღაჯს, ხოლო იქიდან დაიძრა საგარეჯოსაკენ, სადაც მოელოდა იულონ და ვახტანგ ბატონიშვილებთან შეერთებას. მასთან იყო აგრეთვე აღექსანდრე ბატონიშვილი. რუს-ქართველთა ჯარი აედევნა ომარ-ხანს ფკან და იორს ახლოს დაეწია, სადაც ნიახურას მოხდა სასტიკი ბრძოლა, რომელიც გავრძელდა სამს საათს (7 ნოემბერს 1800 წ.). ბრძოლა გათავდა ომარ-ხანის სრული დამარცხებით. დამარცხებულნი ლეკნი გაიქცნენ განჯისაკენ, სადაც დაეცნენ ჯავათ-ხანის ჯარს. მაგრამ აქაც დამარცხდნენ და გადავიდნენ ყარაბაღს. თვით ომარ-ხანი კი დაბრუნდა დაღისტანს, სადაც მალე მოკვდა (მარტში 1801 წ.).

რუსეთი ეპირება საქართველოში ფეხის მოკიდებას. ამ დროს რუსეთში უკვე გაგზავნილი იყვნენ საქართველოს ახალი ელჩები გარსევან ქუეჯავაძე, გიორგი ავალიშვილი და ელიაზარ ფალავანდიშვილი, რომელნიც მოლაპარაკებას აწარმოებდნენ რუსის მთავრობასთან რუსეთსა და ქართლ-კახეთს შორის უფრო მჭიდრო დაშოკიდებულყო-



ბის დამყარების შესახებ რუსეთის მთავრობას ამ დროს უკვე რამდენადმე შეცვლილი ჰქონდა თავისი აზრი საქართველოს შესახებ. თანდათან რუსის მართველ წრეებში ფეხი მოიკიდა იმ აზრმა, რომ საქართველოს შემოერთება აუცილებელ საჭიროებას წარმოადგენს რუსეთისათვის როგორც პოლიტიკური, ისე ეკონომიური მოსახრებებით. ამ მხრივ პეტერბურგში დიდი გავლენა მოახდინა გრაფ მუსინ-პუშკინის მოხსენებამ.

მუსინ-პუშკინი წარუხანცილი იყო ქართლ-კახეთის სამელოში 1800 წ. ოქრო-ვერცხლისა და სხვა მანქანულობების საკითხის შესასწავლად. თავის მოხსენებაში იმპერატორის მიმართ, რომელიც მან წარადგინა საქართველოდგან უკან დაბრუნების შემდეგ, მუსინ-პუშკინი გამოთქვამდა იმ აზრს, რომ საქართველოს უწარჩინებულეს პირთა ფიქრით სამეფოს დამოუკიდებელი არსებობის დღეები დათვლილია, რომ თუ რუსეთი უარს იტყვის საქართველოს შემოერთებაზე, მაშინ ქვეყანა ხელში ჩაუვარდება ოსმალთ ან სპარსთ ანდა განდება მსხვერპლი დღისტნის მთიულთ თარეშებისა. მომხსენებელი ამასთანავე იმპერატორის ყურადღებას აქცივდა იმ ეკონომიურ და პოლიტიკურ ინტერესებზე, რომელიც რუსეთისთვის მოითხოვდა კავკასიის ქედის - სამხრეთით ფეხის მოკიდების საჭიროებას. ერთი რომ ქართლ-კახეთის შემოერთებით ფრიად თვალსაჩინოდ აღვილდებოდა ბრძოლა კავკასიის მთიულებთან და ამით უზრუნველყოფილი იქმნებოდა რუსეთის ეგრედწოდებული კავკასიის ხაზი. მეორეს მხრივ რუსეთს ხელში ჩაუვარდებოდა მდიდარი ქვეყანა, სპარსეთთან და ინდოეთთან ვაჭრობის ფარგლები ამით შესაჩნევად ფართოვდებოდა და გარდა ამისა ოსმალეთთან ომის დროს რუსეთს საშუალება ექმნებოდა მკიცე აზიასაც დაუპყრებოდა.

რუსეთის მართველი წრეები ამასთანავე ფიქრობდნენ, რომ ქართლ-კახეთის შემოერთებას თან მოყვებოდა ლიხთ-იმერეთის სამეფო-სამთავროების რუსეთთან დაკავშირება და მაშინ სარგებლობა ქართლ-კახეთის შემოერთებისა უფრო ცხადი იქმნებოდა.

ქართლ-კახეთი ეძიებს რუსეთის ქვეშევრდომობას გარკვეული პირობებით. პეტერბურგში ეხლა დიდის თანაგრძობით და კმაყოფილებით შეხვდნენ ტფილისიდგან გაუხანცილ ახალს : საელჩოს, რომელსაც დავალებული ჰქონდა მოღაპარაკება გაემართა რუსეთთან ახალი პირობის დადების შესახებ იმ გვარად, რომ რუსეთს თვით ეკისრა როგორც ქვეყნის გარეშე ძალთაგან დაცვა, ისე აგრეთვე შინაურ საქმეთა მოწესრიგება. მოლაპარაკების შედეგი გამოიხატა 1800 წ. ნოემბერს წარდგენილ ნოტაში. ამ ნოტით საელჩო აცხადებდა, რომ საქართველოს როგორც სამღვდლო, ისე საერო ერთ სურთ რუსეთის იმპერიის ქვეშევრდომობაში ყოფნა და პირობას სდებენ, რომ „წმინდათ

აღასრულონ ყოველივე იგი, რასაც აღასრულებენ მონანი მისნი (ე. ი. რუსეთისა) და არა უარჰყონ არა რომელიმე სჯული და ბრძანება, რაოდენცა სამეფოსა მისგან იქმნების შესაძლოა. საელოჩო ამასთანავე თხოულობდა, თანახმად ტფილისში მიღებულ დირექტივებისა, რომ საქართველოს სამეფო შეერთებულ იქმნას რუსეთთან, მისს მართველად ინიშნებოდეს სამეფო სახლის ერთი წევრთაგანი იმპერატორის მოადგილის ხარისხით, ხოლო ადგილობრივ საქართველოში კი მეფის ტიტულით, და მოადგილის ეს თანამდებობა დარჩეს მემკვიდრეობით გიორგი XII-ს გვარეულობაში. იმპერატორის მემკვიდრეობითი მოადგილესთან უნდა ინიშნებოდეს მისს თანაშემწედ რუსეთის ერთი დიდ მოხელეთაგანი, რომელიც მოაწყოებს ქვეყნის მართვა-გამეგობას რუსეთის კანონებისა და პეტერბურგიდან მიღებულ ბრძანებების მიხედვით. ყველა განკარგულებები და ბრძანებები უნდა ხელმოწერილ იქმნას როგორც მოადგილისა, ისე მისი თანაშემწის მიერ. ქვეყნის მოსაღონიერებლად ქართლ-კახეთის მოსახლეობა 12 წლის განმავლობაში განთავისუფლებული უნდა ყოფილიყო ყოველგვარ გარდასახადისაგან. მეფეს დაენიშნოს ჯამაგირი და მიეცეს რუსეთში სოფლები, ხოლო სამეფოს შემოსავალი გადავიდეს რუსეთის განკარგულებაში. ქართლ-კახეთში დაყენებულ იქმნას ოთხი ათასი რუსის ჯარი და აშენებულ იქმნას რუსის ინჟინერების მიერ საჰაერო ადგილებში ცხენები. ტფილისში მოიჭრას ფული, რომელსაც ერთს მხარეზე ექმნება რუსეთის ღერბი და მეორეზე საქართველოსი. მეფის ქვეშევრდომნი ყოველის მხრივ უნდა გათანასწორობულ იქმნენ რუსეთის ქვეშევრდომებთან. განჯისა და ერევნის სახანოები ისევ მეფის დამოკიდებულებაში უნდა დარჩენილიყვნენ და საქართველოს მადნები ახტალას და მისხანს გადადიოდა რუსეთის გამგებლობაში.

რუსეთი ემზადება ქართლ-კახეთის მთლად შესაერთებლად.

რუსეთის მთავრობამ მაშინვე თანხმობა განაცხადა ამ პირობებზე და წინადადება მისცა გიორგი ავალიშვილს და ელიაზარ ფალავანიშვილს ტფილისში წასულიყვნენ, სადაც მეფეს ხელი უნდა მოეწერა საელოჩო მიერ წარდგენილ პირობებზე. იმპერატორმა პავლემ ამასთანავე უბრძანა კავკასიის ხაზის უფროსს გენ. კნორინგს, რომ თუ დაავადმყოფებულ გიორგი მეფის გარდაცვალება ამ ახალ ხელშეკრულობის დადების წინ მოხდებოდა, ქართლ-კახეთის წარჩინებულთათვის ახალი მეფის გამოცხადების ნება არ მიეცა პეტერბურგიდან დასტურის მიუღებლად. მასვე ებრძანა ამასთანავე ტფილისში გასაგზავნად ახალი ჯარების დამზადება.

რუსის მართველ წრეებში თანდათან მეტი გაცაცება სჩანდა საქართველოს შემოერთების საქმით, ასე რომ თვით რუსეთის სახელმწიფო საბჭომ პოლიტიკური, ეკონომიური და სტატეგიული მოსაზრების გათვალისწინებით რუსეთისთვის აუცილებელ საჭიროებად ჩასთავალა

საქართველოში ფეხის მოკიდება. სახელმწიფო საბჭოს აზრმა დააჩქარებინა იმპერატორ პავლეს საკითხის საბოლოოდ გარდაწყვეტა. 22 დეკემბერს 1800 წ. იმპერატორმა მოაწერა ხელი საქართველოს რუსეთთან შეერთების მანიფესტს, რომელიც გაეგზავნა გენ. კნორინგს იმ პირობით, რომ მისი გამოქვეყნება საქართველოსთან ახალი ზელმეკრულების დადებამდის უნდა მომხდარიყო მხოლოდ მაშინ, თუ გიორგი XII-ს გარდაცვალება მოლაპარაკების დამთავრებამდის მოხდებოდა.

ქართველ თავადებში რუსეთის მომხრეობა ძლიერდება. ქართლ-კახეთის შინაური მდგომარეობაც ამ დროს თანდათან უფრო იწვევებოდა. მეფის გარდაცვალების მოლოდინში მეფის-ძენი მზადებას შეუდგნენ. როგორც მეფის-ძე დავით, ისე იულონი თავისს მომხრეებს რაზმადენენ. ბატონიშვილებს შორის ატეხილმა შულღმა გააძლიერა მესამე მიდრეკილება, რომელიც უარყოფდა საზოგადოდ მეფობას და ქართლ-კახეთის რუსეთთან მთლად შეერთებას ცდილობდა. ამ ჯგუფში მოხედნენ ეხლა, დაწინაურებულ სომხებს გარდა, ის პირნიც, რომელნიც უკმაყოფილო იყვნენ დავით ბატონიშვილის ამაყი, თავშეუკავებელი და თვით-ნება მოპყრობით და ამასთანავე იულონის გამეფების წინააღმდეგ იყვნენ. 26 დეკემბერს, მაგ., სარდლის ივანე ორბელიანის სახელში შეიკრიბა 40-მდის თავადი-დამსწრეთა დიდმა უმრავლესობამ ამ კრებაზე სურვილი გამოხატვა რუსეთის მართველობის დამყარების შესახებ გიორგი მეფის სიკვდილის შემდეგ.

მეფის-ძე დავით—სამეფოს რეგენტი. 28 დეკემბერს 1800 წ. გარდაიცვალა მეფე გიორგი XII. გენ. ლახარევმა მაშინვე მოსთხოვა ტახტის მემკვიდრეს, რომ მას არ გამოეცხადებინა თავისი თავი მეფედ იმპერატორისაგან ამის შესახებ ნებართვისა და სათანადო დამტკიცების მიღებამდის. დავითი შეუდგა სამეფოს მართვას, ვითარცა სამეფოს რეგენტი, რამაც დიდი აღშფოთება გამოიწვია რუსეთის მოწინააღმდეგე ჯგუფში, რომლის მეთაურად ითვლებოდა ს. ლიონიძე. ლიონიძემ თხოულობდა, რომ მღვთის მიეღო, თუნდაც რუსთა ნების წინააღმდეგ, მეფობის ხარისხი და როდესაც დაინახა, რომ დავითი მაინც თავისს გზას ადგა და პეტერბურგიდგან იმპერატორის წყალობის მომლოდინედ რჩებოდა, აშკარად დაუწყო მას ლაშქრად. ლიონიძე დააპატიმრეს, მაგრამ ის მალე გაიპარა საპატიმროდგან და წავიდა იმერეთს, სადაც შევიდა სოლომონ II მეფის სამსახურში.

ქართლ-კახეთის რუსეთთან შეერთება. თებერვალში 1801 წ. პეტერბურგიდგან მოვიდა იმპერატორის აქტი, რომელიც შეიცავდა 22 დეკემბრის 1800 წ. მანიფესტს ქართლ-კახეთის სამეფოს რუსეთთან შეერთების შესახებ. 16 თებერვალს ეს მანიფესტი წაიკითხეს სიონის ტაძარში, ხოლო მეორე დღეს სომეხთა ვანქის ტაძარში, სადაც ცერე-



მონიას მეთაურობდა სომეხთა კათალიკოსად არჩეული და ამ ქამად ტფილისში რუსეთიდან ახლად ჩამოსული იოსებ არღუთაშვილი, რომელიც მთელი თავისი სიცოცხლე მუშაობდა რუსეთის დასაინტერესებლად კავკასიის სომეხების ბედით.

იმპერატორ პავლეს მანიფესტმა სამეფოს რუსეთთან შეერთების შესახებ ფრიად ორჭოფულ მდგომარეობაში ჩააყენა როგორც ტახტის მემკვიდრე, ისე ტფილისში ამ დროს ჩამოსულნი გიორგი მეფის ელჩები ავალიშვილი და ფალავანიშვილი, რადგან მანიფესტში არაფელი იყო ნათქვამი სამეფო დინასტიის უფლების შენარჩუნების შესახებ, თანახმად გიორგი XII-ს თხოვნისა, ქვეყნის მართვა-გამგეობის საქმეში. ამიტომ ელჩები მსწრაფლ გაემურონენ პეტერბურგს, სადაც მათ წარადგინეს შუამდგომლობა ერთ-ერთ მეფის-ძის მეფედ დანიშვნის შესახებ, იმპერატორის მოადგილის ტიტულით საქართველოში (აბრ. 1801 წ.). იმპერატორი პავლე ამ დროს უკვე ცოცხალი არ იყო, ის მოკლეს 12 მარტს 1801 წ. და ამიტომ ქართლ-კახეთის საკითხის საბოლოოდ გარდაწყვეტა იმპერატორ ალექსანდრე I-ს უნდა ეკისრა.

პირადად იმპერატორი წინააღმდეგი იყო მისი მამის მიერ გამოცემულ მანიფესტისა, რადგან ეს მიაჩნდა მას ძალადობად ქართველ ხალხის წინაშე. ზაგრამ ვინაიდან სახელმწიფო საბჭო მტკიცედ ადგა საქართველოს შემოერთების აუცილებელ საქიროებას, ამიტომ ტფილისში გამოგზავნილ იქმნა კავკასიის ხაზის უფროსი გენ. კორინგი, რომელსაც უნდა წარედგინა ამ საკითხის შესახებ თავისი აზრი. კორინგმა პირდაპირ გაუგზავნა იმპერატორს პროექტი ქართლ-კახეთის მართველობის რუსულ წესზე მოწყობის შესახებ. ის ამასთანავე უარყოფით შეხვდა მეფის-ძეთათვის ქვეყნის მართველობაში რაიმე უფლების დათმობას.

ამ აზრის მიხედვით საბოლოოდ გარდაწყდა საქართველოს რუსეთთან შეერთება, რაც დასტურდა კიდევ 1801 წ. 12 სექტემბერს იმპერატორ ალექსანდრეს მიერ ხელმოწერილ მანიფესტით. ქართლ-კახეთის სამეფო გამოცხადდა საქართველოს გუბერნიად, მთავარმართებლად დანიშნა გენ. კორინგი, ხოლო სამოქალაქო საქმეების გამგედ — საქართველოს მართველად — კოვალენსკი, ყოფილი რეზიდენტი გიორგი მეფის კარზედ.

საქართველოს ცხოვრების ახალი მიმდინარეობა მე-XVIII საუკუნეში. მისწრაფება რუსეთისადმი ამგვარად ბოლოს ვათავდა პოლიტიკური თავისუფლების დაკარგვით და რუსულ მართველობის დამკვიდრებით ჯერ ქართლ-კახეთის სამეფოს ტერიტორიაზე, რასაც ცოტა ხნის შემდეგ მოყვა რუსეთის ბრძანებლობის დამყარება საქართველოს სხვა ნაწილებშიც. ეს მიდრეკილება გამოწვეული იყო ერის საღი



ინსტიქტით თავისი თვითმოყოლობის შენარჩუნებისა და განვითარებისა ევროპიულ კულტურის ნორმების მიხედვით. მე-XVIII საუკუნეში მოწინავე ქართველი საზოგადოება უკვე ცოტაოდნად იცნობდა დასავლეთ ევროპასაც. ამ მხრივ დიდი მნიშვნელობა ჰქონდა კათოლიკე მისიონათა მოღვაწეობას. ბევრი წარჩინებული ქართველი ფრიად დაახლოვებული იყო მისიონებთან და თვით კათოლიკე სარწმუნოებასთანაც. კათოლიკობაში გადასული საბა-სულხან ორბელიანი, მეცნიერი ანტონ I კათალიკოზი, თეიმურაზ II-სა და ერეკლე II-ის დროინდელი მდივანბეგი იოანე (ქაბუა) ორბელიანი, ფრიად განათლებული პირი, აგრეთვე კათოლიკობისადმი მიდრეკილი, არიან მთავარი წარმომადგენელი ამ წარჩინებულთა წრისა. საბა-სულხან ორბელიანმა ვახტანგ VI-ის დესპანად შემოიარა მე-XVIII საუკუნის დასაწყისში თითქმის მთელი დასავლ. ევროპა და თავისი მოგზაურობა აღწერა ცალკე წერილში.

მაგრამ დასავლ. ევროპა ჯერ კიდევ მიუვალი იყო საქართველოსთვის და ამიტომ კულტურული და პოლიტიკური ურთიერთობა რუსეთთან თანდათან უფრო მტკიცე და მკვიდრ ხასიათს ღებულობდა. რუსეთში თავს იყრიდნენ საქართველოდგან იძულებით თუ ნებით წასულნი მეფენი, ბატონიშვილები და წარჩინებულნი სასულიერო და საერო პირნი, რომელნიც სამშობლო ქვეყანას დაშორებული ცდილობდნენ კულტურული მუშაობის გაჩაღებას. მოსკოვსა და მე-XVIII საუკ. მეორე ნახევარში სხვაგანაც (მაგალი., კრემენჩუგს) იბეჭდებოდა ქართული წიგნები. 1743 წ., მაგ., მოსკოვში დაიბეჭდა დაბადების მთელი ტექსტი. რუსეთში მომუშავენი, რასაკვირელია, განიცდიდნენ რუსული მწერლობისა და მეცნიერების ზედგავლენას, რაც უფრო აახლოვებდა საქართველოს ჩრდილოეთ იმპერიასთან.

რუსეთშივე ცხოვრობდა და წერდა პოეტი დავით გურამიშვილი, იქვე სწერდა თავის ისტორიულ ნაშრომებს გამოჩენილი ისტორიკოსი ვახუშტი ბატონიშვილი.

ქართველები ამასთანავე ეცნობოდნენ რუსეთის სახელმწიფოს ახალს წეს-წყობილებას და ცდილობდნენ ამისდა მიხედვით საქართველოს სახელმწიფოებრივ ცხოვრების წინ წაწევას. გარდა რუსეთის კოლევიათა დებულებისა, რომელიც გადაითარგმნა ქართულად 1760 წ., შემდეგს დროში გადმოქართულებულ იქნა ზოგი სხვა ამავე ხასიათის ნაწარმოებიც. ამისდამიხედვით გაჩნდა ახალი პროექტები სახელმწიფოებრივ ცხოვრების მოწყობისა. 1779—1782 წლებში რუსეთში ნამყოფმა აღ. ანილახვრისშვილმა წარუდგინა იმერეთის მეფეს სოლომონ I-ს ამგვარი პროექტი სახელით „ბრძენი აღმოსავლეთისა“. ქართლ-კახეთის სამეფოს არსებობის უკანასკნელ ხანში დავით და იოანე ბატონიშვილნი აგრეთვე მუშაობდნენ ახალს კანონებზე და სახელმწიფოს



რამოდენადმე ევროპიულ წესსზე მოწყობის პროექტზედ. დავითმა 1800 წ., მაგალითად, შეადგინა ახალი სამართლის წიგნი, რომელიც 245 მუხლისაგან შესდგებოდა.

რუსეთთან დაახლოვებას გავლენა ჰქონდა ერის ყოფა-ცხოვრებაზედაც პირველად რასაკვირელია. მარტო უმაღლეს წრეებში. 1770-იან წლებიდან ერეკლე II-ის კარზე შემოდებულ იქმნა ევროპიული წესის სუფრაც, გაჩნდა რუსეთიდან გამოწერილი ფაიფურის ჭურჭელი და სხვ. სამეფო კარს მიბაძა ზოგმა წარჩინებულმა პირმაც. ამავე დროიდან იწყო. ჯერ თუმცა სუსტად. ფენის მოკიდება ევროპიულმა ტანთსაცემლმა: ქალებისთვის შემოვიდა შლიაპა, ქოლგა და სხ.

ამ გვარად საქართველოში თანდათან შემოდიოდა ახალი კულტურული ნაკადები. ამ გარემოებამ იქონია გავლენა რამოდენადმე პოეზიაზედაც და ადგილობრივ, საქართველოში. გააქაურა შემოქმედების უნარი. ცნობილ პოეტის ბესარიონ გაბაშვილის (ბესიკის) ნაწერები მე-XVIII საუკ. მეორე ნახევარში ცხელი მაჩვენებელია ამ შემოქმედების სიძლიერისა.

ქვეყნის საწარმოო ძალთა განვითარებაზე რუსეთთან ურთიერთობის გაძლიერებას ჯერ გავლენა არ ჰქონდა. ტფილისში თეიმურაზ II-ის და უფრო ერეკლე II-ის დროს არსებობდა ტყვია-წაშლისა და აგრეთვე ზარბაზნის ჩამომსხმელი ქარხანა და ზარაფ-ხანაც. ზარაფ-ხანა ჩვეულებრივ იჯარით იყო გაცემული და მისი შემოსავალი 1769 წ. უდრიდა 10 ათას მანეთს წელიწადში, ე. ი. იმდენს, რასაც იძლეოდა მთლად ტფილისის საბაჟოები. 1778 წლიდან გერმანელ რეინგესის დახმარებით ამ ქარხანასა და ზარაფხანაშიც შეტანილ იქმნა თვალსაჩინო გაუმჯობესებანი.

ფრიად დიდი მნიშვნელობა ჰქონდა დასავლეთ საქართველოში სიმინდის შემოსვლას მე-XVIII საუკუნეში, როგორც სჩანს, ოსმალეთიდან. სიმინდმა თანდათან განდევნა ღომი, რადგანაც მისი დამუშავება მიწის განსაზღვრულ რაოდენობაზედ უფრო ნაყოფიერი და მეტი სარგებლობის მომცემი გამოდგა. 1770-იან წლებში სიმინდი იმერეთში, მაგალითად, იპოვებოდა უკვე ბევრს ადგილას, გარდა ზემო-რაჭისა და ოკრიბისა. სიმინდის შემოსვლამ ფრიად ხელი შეუწყო მე-XVIII საუკუნის მეორე ნახევრიდან დასავლ. საქართველოს მოსახლეობის მომრავლებას და საზოგადოდ ქვეყნის ეკონომიურ მდგომარეობის რამოდენადმე გაუმჯობესებას.

VI

საქართველო რუსეთის ბატონობის ქვეშ.

ახლად შემოდებული რუსული მართველობა ქართლ-კახეთში. რუსეთის მთავრობის წინაშე დღიდგანვე საქართველოში დამკვიდრები-



სა დადგა საკითხი მტკიცე მართველობის შემოღების შესახებ. საჭირო იყო ფეოდალურ დროის წეს-წყობილების შეცვლა და ახალ მოთხოვნილებების თანახმად ერთიან ცენტრალისტურ მართველობის დამყარება. მეფობის დროს არსებული წესი მართველობისა ახალს დროსთან შედარებით ბევრს შეუსაბამობას შეიცავდა. თანამდებობანი ხშირად გადადიოდა შემკვიდრეობით ანდა რჩებოდა ერთსა და იმავე გვარში. სახელმწიფო შემოსავლის სხვა-და-სხვა დარგი ჩვეულებრივ, ცენტრალურ მართველობის მოუწყობლობისა გამო, იჯარით იყო გაცემული, რაც აადვილებდა ბოროტმოქმედებას და ხალხს ბევრს შევიწროებას აყენებდა. მეფის სახასო სოფლების სამოუაროდ გაცემა შემკვიდრეობით რომელიმე გვარში, ანდა კიდევ ახლად გაწეულ რომელიმე სამსახურისათვის აგრეთვე ხალხის შევიწროებულს მდგომარეობას აძლიერებდა. შიგნით სამეფოში კიდევ არსებობდა სხვა-და-სხვა საბაჟოები, რომლის შემოსავალი ეკლესიის ანდა განსაზღვრულ თავადთა გვარეულობათა სასარგებლოდ მიდიოდა. ეს საბაჟოები ღიღს დაბრკოლებას წარმოადგენდნენ ეკონომიურ ურთიერთობის განვითარებისათვის და საქონლის გაცვლა-გამოცვლის საქმეში.

საქართველოში შემოსვლისთანავე რუსებმა მოინდომეს არსებულ წეს-წყობილებებს ვარდაქმნა რუსეთში არსებულ მართველობის მიხედვით. რუსის მთავრობა მოქმედობდა ამ საქმეში ფრიად ენერგიულად და მკვეთრად, მაგრამ რადგანაც ამასთანავე ის ნაკლებ ყურადღებას აქცევდა ადგილობრივ პირობებს, ამიტომ ახალი მართველობა იწვევდა ბევრს გაუგებრობას და უკმაყოფილებასაც. ამას თან დაერთო რუსული ენის უცბად შემოღებაც მართველობაში, რაც, რასაკვირელია, კიდევ უფრო ადვილებდა ამ უკმაყოფილებას. უცხო ენის შემოღების მიზეზით მართველობა დაშორდა ხალხს, რადგან მისთვის გაუგებარი და ძნელად მისაწვდომი გახდა.

რუსები ამკვიდრებენ ქართლ-კახეთში თავისს მართველობას.

ახლად შემოღებულ წესის მიხედვით მართველობას სათავეში ედგა საქართველოს მთავარ-მართველი, რომელსაც ემორჩილებოდა აგრეთვე ადგილობრივ მყოფი რუსის ჯარები. მისს თანაშემწედ ითვლებოდა ტფილისის სამხედრო გუბერნატორი, ხოლო ადგილობრივი მართველობა ქვეყნისა მინდობილი ჰქონდა საქართველოს მართველს. მთავარმართველის თავმჯდომარეობით არსებობდა საქართველოს უზენაესი მართველობა 4 ექსპედიციით: აღმასრულებელ საქმეთა, სახაზინო-სამეურნეო საქმეთა, სისხლის სამართლისა და სამოქალაქო სამართლისა. ექსპედიციების თავმჯდომარეებად ირიცხებოდნენ რუსი მოხელეები. სამოქალაქო საქმეები ირჩეოდა ვახტანგ მეფის კანონებისა და ადგილობრივ ჩვეულებათა მიხედვით, ხოლო საჭიროების დროს, როდესაც ადგილობრივი კანონმდებლობა არ ემაროდა, რუსულ კანონებს დაგვარად. სისხლის სამართლის საქმეები კი განიხილებოდა რუსეთის კანონების



დაგვარად. ქართლ-კახეთის ყოფილი სამეფო გაყოფილ იქნა 5 მაზრად: ქართლი სამ და კახეთი ორ მაზრად. თათრის ელით და ოსებით დასახლებულ მაზრეში კი დაარსებულ იქნა ცალკე დისტანციები. მაზრის კომენდანტი იყო რუსი, მისი თანაშემწე კი ინიშნებოდა ქართველთაგან.

მთავრობა ამ გვარად ცდილობდა პირველ დღიდანვე შემოეღო ქართლ-კახეთში რუსულ მართველობის წესები და ახლად შემოერთებული ქვეყანა მართველობის მხრივ რაც შეიძლება დაეახლოვებინა რუსეთის შიდა გუბერნიებისათვის. ახლად გახსნილ მთავრობის დაწესებულებებში შემოღებულ იქნა რუსული ენა და რადგან ადგილობრივ პირობების გარკვევის გასაადვილებლად დანიშნულ ქართველ მოხელეებმა რუსული არ იცოდნენ, ამიტომ საქმეების გარკვევაში ფაქტიურად მონაწილეობას ვერ ღებულობდნენ და ქაღალდებს მაინც ხელს აწერდნენ რუს მოხელეებთან ერთად. საქმეს აჭირებდა თარჯიმანთა საკმაო რიცხვის უქონლობაც. დიდს უხერხულობას წარმოადგენდა აგრეთვე ხალხისთვის სასამართლოს სხვა-და-სხვა საფეხურების შემოღება კანცელარიული მიწერ-მოწერით და ისიც რუსულს ენაზე. ამას თან დაერთო ბოროტმოქმედებანი და მექრთამეობა ახლად შემოსულ რუს მოხელეთა დაწყებული საქართველოს მართველის კოვალენსკიდგან, რაც დიდს უსიამოვნებას და აღშფოთებას იწვევდა.

მთავარ-მართველი გენ. პ. ციციანოვი. საქართველოს საქმეების მოუწყობლობას ყურადღება მიაქციეს პეტერბურგში. ლეკთა თარეშები კვლავინდებურად ანიაგებდნენ ქვეყანას და მშვიდობიან მოქალაქობრივ ცხოვრების დამყარებას შეუძლებლად ხდიდნენ. ამიტომ გენ. კნორინგი გადაყენებულ იქნა თანამდებობიდან და მისს მაგივრად საქართველოს მთავარ-მართველად დანიშნეს გენ. პავლე ციციანოვი, შვილი ვახტანგ მეფესთან ერთად რუსეთში გადასულ დიმიტრი ციციშვილისა (1803 წ.).

ახალი მთავარ-მართველი თუმცა ქართული გვარის მატარებელი იყო, მაგრამ მთლად გარუსებული, დიდად ერთგული რუსული რეჟიმის დამყარებისა და იმავე დროს ნიჭიერი აღმინისტრატორი და მხედართ-მთავარი. რუსეთის მთავრობის პრესტიჟის დასაცავად მან დასტოვა უკვე შემოღებული მართველობის წესი, თუმცა მისს უხერხულობას თვითონ გრძნობდა. დაარსა ტფილისში ეგრედ წოდებული კეთილშობილთა სასწავლებელი, ლებულობდა ზომებს ქვეყნის ეკონომიურად მოღონიერებისათვის, შეადგინა კიდევ შესაფერისი პროექტები, თუმცა მათი განხორციელება ვერ მოასწრო. მოიწვია რუსეთიდან ექიმები, მისსავე დროს თავად-აზნაურებს ნება მიეცა თავიანთ წინამძღოლების არჩევისა წოდების ინტერესებისა დასაცავლად. თავად-აზნაურობის მისაზიდვად რუსის ჯარის სამსახურში, ციციანოვი აგზავნიდა თავად-აზნაურთა შვილებს რუსულ სამხედრო სასწავლებლებში და სხ.



სამეფო სახლის წევრთა გადასახლება რუსეთს. ციციანოვმა ჩამოსვლისთანავე უპირველესი ყურადღება მიაქცია სამეფო სახლის წევრთა გადასახლებას რუსეთში, რადგან რუსის მთავრობა უხერხულად სთვლიდა დედოფლების და მეფის-ძეთა დატოვებას საქართველოში მეფობის მოსპობის შემდეგ. გიორგი მეფის ძენი იოანე, ბაგრატ და მიხაილი ჯერ კიდევ მარტში 1801 წ. გაემგზავრნენ რუსეთს. 1803 წ. ციციანოვის მიერ მიღებულ ზომებით გაგზავნილი იქმნენ მემკვიდრე ბატონიშვილი დავით და აგრეთვე ვახტანგ ირაკლის-ძე. ამის შემდეგ ციციანოვმა გარდასწყვიტა გიორგი XII-ის ქვრივის მარიამ დედოფლის გაგზავნაც, მაგრამ დედოფალი წასვლაზედ უარს აცხადებდა. 18 აპრილს 1803 წ. დედოფალთან მივიდა ჯარის-კაცებით გენ. ლაზარევი, შევიდა მისს საწოლ ოთახში და გადაქრით მოთხოვა მას რუსეთში წასვლა. დედოფალმა ამოიღო ხანჯალი და მოკლა ლაზარევი იქვე. მარიამი დააპატიმრეს და წაიყვანეს რუსეთს, სადაც დააყენეს ბელგოროდის მონასტერში. 1811 წ. მას ნება მისცეს მოსკოვში ცხოვრებისა, სადაც აღესრულა 1851 წ.. მისი გვამი მოასვენეს და დაფლეს მცხეთას.

იმვე 1803 წ. ციციანოვმა გაგზავნა პეტერბურგს ერეკლე II-ის ქვრივი დედოფალი დარეჯან, რომელიც რუსეთშივე აღესრულა (8 ნოემბ. 1807 წ.).

სხვა ბატონიშვილების მეტი ნაწილი აგრეთვე ძაოით თუ ნებით გაემგზავრნენ რუსეთს. მხოლოდ ალექსანდრე ბატონიშვილმა არ მონდომა რუსეთთან შერიგება და რუსებთან ხანგრძლივ ბრძოლის შემდეგ დარჩა სამუდამოდ სპარსეთს.

ქარისა და ელისენის დამორჩილება. ციციანოვი ამასთანავე ენერგიულად შეუდგა ქართლ-კახეთის საზღვრების შემომტკიცებას და მებრძელ მიუსვენარ სამულობელოების აღავგმვას. ამ მხრივ ყველაზე დიდი მნიშვნელობა ჰქონდა ქარს, როგორც ლეკთა თარეშების ბუდე. ციციანოვმა გაგზავნა ორი პოლკი რუსის ჯარი, კახეთისა და ქიზიყის ჯარითურთ ქარის დასამორჩილებლად გენ. გულიაკოვის წინამძღოლობით. ქარში იმ დროს იმყოფებოდნენ მეფის-ძენი ალექსანდრე და თეიმურაზ, რომელნიც ლეკთა დახმარებით ცდილობდნენ რუსებისთვის ზიანის მოტანას. რუსების ჯარმა დაამარცხა ქარ-ბელაქნის ლეკები, მოაოხრა მათი სოფლები და შემდეგ საბოლოოდ დაიმორჩილა. ამასთან ერთად მიიღო რუსეთის ქვეშევრდომობა ელისენის სულთანმა (1803 წ.).

ქარ-ბელაქნის დაპყრობამ და ელისენის შემოერთებამ თუმცა მთლად ვერ მოსპო ლეკთა თარეშები, მაგრამ ფრიალ თვლსაჩინოდ შეასუსტა ის და ამ ბოროტებასთან ბრძოლა რუს რევოლუციარულ ჯარისა და ქართულ მილიციის წყალობით თვალსაჩინოდ ვაადვილდა.



ციციანოვის დროს რუსეთის სამეფოებლო ამიერ-კავკასიაში ვადაიქიმა კასპიის ზღვიდგან შავ-ზღვიდგან. მის დროს ოდიშის სამთავრო და იმერეთის სამეფო გურიითურთ შეუერთდა რუსეთს.

ბრძოლა იმერეთის მეფის სოლომონ II-სა და გრიგოლ დადიანს შორის. სოლომონ II-მ თავისი მეფობის განმტკიცებისთანავე აღადგინა ყველა ის ხელისუფალნი, რომელნიც დავით მეფის დროს დამდაბლებული იყვნენ და საზოგადოდ შეუდგა სამეფოს შინაურ საქმეების მოგვარებას. ამის შემდეგ მეფის მთავრობის ყურადღება მიპყრობილ იქმნა ისევ ოდიშისაკენ. გრიგოლ დადიანი, განლაგებული მეფისათვის გაწეულ დახმარებით, თავს დამოუკიდებელ მფლობელად სთვლიდა და მეფისადმი შორილობის გამოხატვას ერიდებოდა. ოდიშის შემოქმედება შეადგენდა 70-იან წლებიდან, სოლომონ I-ს მიერ რაჭის საერისთაოს დაპყრობის შემდეგ, იმერეთის ხელმძღვანელ წრეების მთავარ საზრუნავ საგანს. მხოლოდ შინაური არე-დარევა ხელს უშლიდა აქამდის ამ აზრის განხორციელებას. ეხლა კი, როდესაც შიგნით მდგომარეობა უკვე საკმაოდ გამორკვეული იყო, ოდიშის საკითხი კვლავ წამოყენებულ იქმნა. მაგრამ სადადიანოს უშუალოდ დასაპყრობად და შემდეგ ერთი ცენტრალურ მართველობით ქვეყნის შესაკავშირებლად იმერეთს ამ დროს არც სამხედრო და არც შინაური შემოქმედებითი ძალა არ შესწევდა და ამიტომ იმერეთის მთავრობა დეკაყოფილდა გრიგოლის წინააღმდეგ მისი ძმის მანუჩარის დაპირდაპირებით, მით უმეტეს რომ ამ უკანასკნელს მეფის ერთგულად ექირა თავი. ეს დაპირდაპირება გათავდა იმით, რომ მალე გრიგოლ დადიანი მეფის ბრძანებით გარდაადგეს და დადიანად დასვეს მანუჩარი. გრიგოლმა მაშინ კავშირი შეკრა დავით მეფე ყოფილთან, თითონ წამოიყვანა ჯარი სამურზაყანო-აფხაზეთიდან, ხოლო დავით მეფე კი ახალციხიდან მიწვეულ ლეკის რაზმებით და თავისი მომხრეებით დადგა ქუთაისის ახლოს. მაშინ მუფემ თავისი ჯარით თავს დაასხა ღამით ბანძის ახლოს დაბანაკებულ გრიგოლ დადიანს სარდალი ქაიხოსრო წერეთელი და ლეჩხუმის სარდალ-მოურავი ქაიხოსრო გელოვანი, რომელთაც დაამარცხეს მოწინააღმდეგე, გაფანტეს აფხაზები და მაშინვე მობრუნდნენ ქუთაისს. დავით მეფე-ყოფილმა ამის შემდეგ ვერ გაბედა შებმა, მოკილდა ქუთაისს და გამაგრდა მათხოჯს. გრიგოლ დადიანმა კი სთხოვა შემწეობა აფხაზეთის მთავარს ქელაიშ-აჰმედ-ბეგ შერვაშიძეს, რომელიც მივიდა ნიბულას. სოლომონ მეფე ეხლა თავს დაესხა მათხოჯს დაბანაკებულს დავით მეფე-ყოფილს და დაამარცხა ის. ამისმა შხილველმა ქელაიშ-აჰმედ-ბეგმა არ მოინდომა ბრძოლა და წაებდა აფხაზეთს. გრიგოლი დადგა ოსმალებთან ფოთს, ხოლო დავით წავიდა ახალციხეს, სადაც ცოტა ხნის შემდეგ გარდაიცვალა უკავილით (12 იანვ. 1795 წ.). დადიანობა დაიპყრო მანუჩარმა.

ფოთს გაქვეული გრიგოლ წავიდა ახალციხეს ოსმალთაგან რაიმე დახმარების მოსაპოვებლად, მაგრამ როდესაც იქ ვერას გახდა, მივიდა



ერეკლე II-სთან, რომლის შვილის-შვილი ტახტის მემკვიდრის გიორგის ასული ნინო მას ცოლად ჰყავდა. ერეკლემ იკისრა შუამავლობა გრიგოლსა და მეფე სოლომონს შორის. გრიგოლი დააბინავეს ქუთაისის, მაგრამ დადიანობა კვლავ ეჭირა მანუჩარს: სოლომონ მეფე გადაჭრით წინააღმდეგი იყო გრიგოლისთვის ოდიშის დაბრუნებისა.

ქუთაისში მცხოვრებ გრიგოლმა თანდათან კავშირი გააბა ოდიშში მყოფ თავისს მოხბრებთან, რომელთა შორის პირველი ადგილი ეჭირა მისს ბიძას დადიანისძეს გიორგის. ამ უკანასკნელმა გადმოიბირა გრიგოლის მხარეზე ლეჩხუმის სარდალ-მოურავი ქაიხოსრო გელოვანი, რის შემდეგ გრიგოლს დაჰე გაიბარა ქუთაისიდან თავისი ოჯახობით, ავიდა ნოღას ციხეს და გამაგრდა იქ. ქუთაისში ამ ამბავმა დიდი აღელვება გამოიწვია. მეფე, მანუჩარ დადიანთან ერთად, შემოერთა ნოღას ციხეს, მაგრამ ვერ აიღო ის და შემდეგ დაიწყო მოლაპარაკება გრიგოლს დადიანთან, რომელიც გათავდა მათი ურთიერთ შორის მორიგებით. გრიგოლმა მიიღო დადიანობა, ხოლო მისს ძმას მანუჩარს კი მიეცა სალიბარტიანო (1799 წ.), მაგრამ მშვიდობა დიდხანს არ გაგრძელდებულა. 15 დეკ. 1799 წ. მოყვდა მთავარი მრჩეველი გრიგოლს დადიანისა ბიძა მისი გიორგი და მეფემ კვლავ მოინდომა ოდიშის დაპყრობა, ამ მიზნით მან დააპირა ქაიხოსრო გელოვანის კვლავ თავისკენ მიმბრობა, მაგრამ გრიგოლმა დაასწრო და ქაიხოსრო მოაკვლევინა. მეფემ დროებით თავი მიაწება თავისი გეგმის განხორციელებას და უფრო მოხერხებულს დროს უცდიდა.

ბრძოლა სოლომონ II-სა და დადიანს შორის ისევ განახლდა.

1801 წ. ქართლ-კახეთში დამკვიდრდნენ რუსნი და ამ გარემოებამ დააჩქარა ახალი შეტაკება მეფესა და გრიგოლს დადიანს შორის. აღმოსავლეთიდან იმერეთზე მომდგარი რუსთა საშიშროება ცხად ხდოდა შინაურ ძალების შეკავშირების საჭიროებას, ამიტომ მეფემ გარდასწყვიტა ოდიშის შემოსამტკიცებლად გრიგოლის იქიდან გარდაცდება. დიდის ჯარით სოლომონ II გადავიდა ოდიშს და დადიანად დასვა მანუჩარ, მაგრამ გრიგოლი ვერ განდენა. ის თავისს მომხრეებით ხან ხორგას იმყოფებოდა და ხან ხეთას, ჰაქეიჯს და ნოღას, ხოლო შემდეგ გადავიდა ლეჩხუმს. მეფე მანუჩარს დადიანითურთ მივიდა ლეჩხუმს, დაიპყრო ის გარდა მურის ციხისა, სადაც გამაგრებულიყო გრიგოლი. გრიგოლმა შემოუთვალა მეფეს, მანუჩარი დაუტოვე და ლეჩხუმი ქუევის ციხითურთ მიირთვიო. ამ ნიადაგზე მოხდა შეთანხმება. მანუჩარმა თავისი თავი მარტად მიტოვებულნი რომ წახა, მოურიგდა ძმას, რის შემდეგ გრიგოლმა თავისი პირობა არ აღასრულა. მეფემ შემოიკრიბა ჯარი და წავიდა ლეჩხუმს (ივლ. 1802 წ.), შემოადგა ციხე ჰუეისს, სექტემბერში აიღო ის და დაიბანაჯა ლაილაშს. გრიგოლი თავისი ჯარით დადგა უსახელოს, სადაც მას რამდენიმე დღის შემდეგ თავს დაესხა მეფე. მოხდა სასტიკი ბრძოლა, რომელიც გათავდა დადიანის დამარცხებით. მე-



ფე შემოადგა დეხვირის ციხეს, რომელიც გაემაგრებია ბეჟან ყრუ-
 შვილს, შეთხარა ციხე და აიღო, დაიპყრო ლეჩხუმი და დაადგინა მის
 შოურავად ქაიხოსროს შვილი ბერი. დადიანობა მეფემ უბოძა გრიგო-
 ლის მეორე ძმას ტარიელს და თვითონ დაბრუნდა ქუთაისს (ოქტომ-
 ბერში 1802 წ.). დამარცხებულ გრიგოლმა მიმართა შემწურობისათვის
 ისევე აუხაზეთის მთავარს ქელოიშ-აჰმედ-ბეგ შერვაშიძეს. მან მოითხოვა
 ფული, ხოლო ამის გარდახდის წინადა ანაკლია და აგრეთვე
 მძევლად უფროსი შვილი ლევანი. გრიგოლი დასთანხმდა,
 რის შემდეგ შერვაშიძემ შემოიკრიბა 20 ათასი კაცი, 3 ზარბაზნით,
 გადმოიარა ოდიში და დადგა აბედათს (ნოემბერს 1802 წ.). მეფე დიდს
 ჯარით მივიდა ივანდიდს. შერვაშიძემ ვერ გაბედა მეფესთან შებრძო-
 ლება და უკან გაბრუნდა, სოლომონ II კი შევიდა ოდიშს და დაიპყრო
 ის გარდა ორიოდ სიმაგრისა, როგორც, მაგ., გორდის და ნოდას ციხისა.

გრიგოლ დადიანი ეძიებს რუსეთის ქვეშევრდომობას.

გრიგოლ დადიანმა მაშინ საბოლოოდ გადასწყვიტა მიემართა რუსის
 მთავრობისათვის დახმარების და მფარველობის თხოვნით. ამ გვარი შუამ-
 დგომლობა მას უკვე 1802 წ. ივნისში ჰქონდა აღძრული, მაგრამ
 ეხლა გრიგოლი დაბეჯითებით თხოულობდა დახმარებას, წინააღმდეგ
 შემთხვევაში ეპირებოდა ოსმალეთისადმი მიმართვას. გრიგოლის თხოვნა
 სწორედ შეესაბამებოდა რუსის მთავრობის მისწრაფებას ტფილისიდან
 შავი ზღვისკენ თავისთვის გზის გაკაფვის შესახებ და ამიტომ ციციან-
 ნოვსეს დიდად სასიამოვნოდ დაურჩა. 1803 წ. თებერვალში ციციანო-
 ვი შეეკაზა რუსეთის ელჩს კოსტანტინოპოლში, გავეო ხომ არ ჩათუ-
 ლის ოსმალეთი რუსეთის მიერ იმერეთის სამეფო სამთავროების დაპყრო-
 ბის 1774 წლის კუჩუკ-კაინარჯის ზავის დარღვევად. თითონ კი
 ამასობაში დაიწყო მოლაპარაკება გრიგოლ დადიანთან რუსეთის ქვეშე-
 ვრდომში შესვლის პირობების შესახებ. ეს მოლაპარაკება გავრძელ-
 და 1803 წლ. დასასრულამდის.

იმერეთი და რუსეთის შემოსვლა ქართლ-კახეთში.

რუსის მარ-
 თველობის დამკვიდრებას ქართლ-კახეთში იმერეთის მართველი წრეები
 დიდს უსიამოვნობით შეხედნენ. სოლომონ II-ს და მისს თანამოაზ-
 რეთ ძალიან კარგად ესმოდათ, თუ რა დიდს საფრთხეს წარმოადგენდა
 იმერეთის დამოუკიდებელ არსებობისათვის რუსეთის აღმოსავლეთ საქა-
 რთველოში დამკვიდრება. ამიტომაც თავიდანვე იმერეთი მოექცა რუსე-
 თის საწინააღმდეგო მიმდინარეობაში და ამიტომ ყველა ისინი, რომე-
 ლნიც განსაკუთრებით უკმაყოფილონი იყვნენ რუსის მართველობის
 დამკვიდრებით ქართლ-კახეთში, პოულობდნენ იქ თავისს თავშესაფარს.
 რუსეთის მოწინააღმდეგე ჯგუფის მეთაური სოლომონ ლიონიძე 1801
 წელსავე იმერეთს გადავიდა, შევიდა სოლომონ მეფის სამსახურში, და-
 ინიშნა მდივანბეგად და მალე გახდა მეფის მარჯვენა ხელი და პირველი
 თანამზრახველი. ასევე პატივით მიღებულ იქნენ იმერეთს გადასულნი



მეფის-ძენი იულონ და ფარნაოზ, მალხაზ ანდრონიკაშვილი და სხვა. მაგრამ რადგანაც მეფის ყურადღება ამ დროს მიპყრობილი იყო ოდიშის დაპყრობაზე, ამიტომ რუსის მთავრობის წინააღმდეგ დროგამოშვებითი გამოსვლები ქართლ-კახეთის ტერიტორიაზე ვერ პოულობდა დახმარებას იმერეთის სამხედრო ძალის მხრივ. მაინც სოლომონ II-ს დიდი მორალური გავლენა ჰქონდა ახალი რეჟიმით აღმოსავლეთ საქართველოში უკმაყოფილო გავლენიან ელემენტებზე.

რუსეთი ვრევა იმერეთის საქმეებში. იმერთა ხელმძღვანელი წრეების უნდობლობა კიდევ უფრო განაძლიერა რუსეთას პირველმავე დიპლომატიურ ნაბიჯებმა იმერეთის მიმართ, რომელიც თან მოჰყვა ქართლ-კახეთში მეფობის გაუქმებას მით უმეტეს, რომ საკითხიც, რომელმაც ეს დიპლომატიური ურთიერთობა გამოიწვია, განსაკუთრებული ხასიათისა იყო. სახელდობრ, მეფე დავით II-ის სიკვდილის შემდეგ იმერეთში დარჩა მისი მცირეწლოვანი შვილი ბატონიშვილი კოსტანტინე. როგორც ტახტის მოსალოდნელი პრეტენდენტი, ის სოლომონ II-ს მუხურის ციხეში ჰყავდა დაბატონებული. ქართლ-კახეთის რუსეთთან შეერთების შემდეგ ბატონიშვილის დედამ დედოფალმა ანაშ შუამდგომლობა აღძრა იმპერატორ ალექსანდრე I-ს წინაშე მისი შვილის ტყვეობიდან განთავისუფლების შესახებ. ამ დავალებით 1802 წ. იმერეთს გამოგზავნილ იქმნა იმპერატორის წერილით სოკოლოვი, რომელიც მივიდა მეფესთან, როდესაც ეს უკანასკნელი თავისი ჯარით ჰყვიშის ციხეს შემორტყმოდა, სადაც გრიგოლ დადიანის მეციხოვნენი გამაგრებულიყვნენ. მეფემ არ დააკმაყოფილა იმპერატორის თხოვნა და სოკოლოვი ხელკარიელი გაისტუმრა (აგვისტოს 1802 წ.). ამის შემდეგ მთავარ-მართებელმა ციციანოვმა კვლავ აღძრა შუამდგომლობა მეფის წინაშე კოსტანტინეს განთავისუფლებისა და რუსეთში წარგზავნის შესახებ. ეხლა უკვე უარის თქმა ურთიერთობის გაუმწვავებლად არ შეიძლებოდა. კოსტანტინე განთავისუფლეს და გაგზავნეს ტფილისს, ხოლო იქიდან კი რუსეთს.

სოლომონ II დასავ. საქართველოს გაერთიანების აზრით ეძიებს რუსეთის მფარველობას. გრიგოლ დადიანის მიერ რუსეთის მთავარ-მართებელთან გამართულ მოლაპარაკებამ დიდათ შეაფიქრია იმერეთის მართველი წრეები. ცხადი იყო, რომ რუსეთის პოლიტიკის გარეშე დგომა ასეთ პირობებში დიდს საფრთხეში ავდებდა ქვეყნის თავისუფლებას. ამიტომ არსებულ პირობებში შესაძლებელის შენარჩუნების მიზნით სოლომონ II-მ. გარდაწყვიტა თვით მოეთხოვა რუსეთის მფარველობა და წინდაწინვე პეტერბურგის მთავრობასთან შესაფერისი ტრაქტატის შეკვრით უზრუნველყვა თავისი უზენაესი უფლებები მთელს დასავლეთს საქართველოზედ. იმერეთის მთავრობის პოლიტიკა მისწრაფოდა გათიშულ სამეფო-სამთავროების შეკავშირებისა და გაერთიანებისაკენ და მეფეს სურდა რუსეთთან აუცილებელი დაკავშირება ამ მიზნის მისაღწევად რამოდენადმე მაინც გამოეყენებინა.



ამ აზრით აგვისტოში 1803 წ. მეფის ელჩად მიდის პეტერბურგს ხოლომონ ლიონიძე, რომელმაც მისვლისთანავე წარუდგინა რუსის მთავრობას თავისი მეფის შუამდგომლობა რუსის ქვეშევრდომობაში მიღების შესახებ მისი მემკვიდრეობითი უფლებების ცნობით სამეფო ტახტზე და სამეფოს გარეშე და მინაურ მტერთაგან დაცვის პირობით. ცალკე ნოტაში სოლომონ ლიონიძე ვრცლად აღწუხბავდა. თუ რა ეკონომიური და პოლიტიკური მნიშვნელობა ექმნებოდა რუსეთისთვის შავი ზღვის სანაპიროზე — აუხაზეთსა, ოდიშსა და გურიას — ფეხის მომაგრებას, როდესაც ამ ქვეყნების ერთად ერთი კანონიერი პატრონი — იმერეთის მეფე რუსეთის ქვეშევრდომობაში იქმნებოდა მიღებული.

დადიანი ლეზულობს რუსის ქვეშევრდომობას. მოლაპარაკება ციციანოვსა და გრიგოლ დადიანს შორის ამასობაში ჩქარის ნაბიჯით წინ მიდიოდა.

4 დეკ. 1803 წ. დადიანმა ხელი მოაწერა რუსეთის იმპერატორის სახელზე თხოვნის სახით შედგენილ პირობის მუხლებს, რომლის ძალით ის თავისი კანონიერი მემკვიდრეებით უნდა აღიარებულ ყოფილიყო მთავრად. ინვესტიტურის ნიშნად ყოველს ახალს მთავარს იმპერატორის მიერ დამტკიცების დროს უნდა მისცემოდა სამთავრო დროშა და ნაილო-ოღიშში მოისპო და მანაშავეთა სიკვდილით ან გახებეიერებით (ხელ-ფეხის და ცხვირის მოჭრით) დასჯა. სამთავროში უნდა დამდგარიყო რუსის ჯარი. რუსთა მიერ მადნეულობის დამუშავებისას ან ქალაქის აშენებისას შემოსავლის ერთი ნაწილი უნდა მისცემოდა მთავარს. საბაჟო შემოსავალიც ახალი ნავთ-სადგურისა, თუ რუსები ასეთს მოაწყობდნენ და ააშენებდნენ, ჩაირიცხებოდა რუსეთის ხაზინაში. ფიცის მიღებისას რუსის მთავრობის წარმომადგენელმა, რომელიც ახალციხის და ფოთის გზით მივიდა ტფილისიდან ოდიშს, მთავრად დადიანს ორდენი წმ. ალექსანდრე ნეველისა.

გრიგოლ დადიანი იპყრობს ოდიშს. ამ ამბავმა დიდი შთაბეჭდილება მოახდინა ქუთაისში, სადაც საქმე უკვე წაგებულად ჩასთვალეს. მეფემ მაშინვე მიმართა ოსმალეთის მთავრობას მფარველობის და რუსეთის წინააღმდეგ დახმარების თხოვნით, ადგილობრივ კი იწყო მნიშვნელოვან პუნქტების გამაგრება ლეჩხუმსა და ოდიშს. ასე, მაგალითად, დაიჭირა თამაკონის ციხე, მაგრამ დადიანის რუსეთის მფარველობაში შესვლას უკვე თავისი გავლენა მოეხდინა ოდიშის და ლეჩხუმის იმ თავკაცებზე, რომელნიც მეფის მხარეზე იყვნენ გადასულნი და მდგომარეობა შეირყა. მალე მეფეს გადუღვა ლეჩხუმის მოკრავი ბერი გელოვანი. გრიგოლ დადიანმა ნოდარციხიდან მცირედი რაზმით დაიჭირა თამაკონი, ხოლო იქიდან ბერი გელოვანის მიწვევით დაიპყრო ლეჩხუმი გარდა ქუყვიშის ციხის და მისი არეზარესი (პარილ. დასაწყ. 1804 წ.). მთელი ოდიში ისევ მას დაემორჩილა.



სოლომონ II იძულებით ღებულობს რუსის იმპერატორის ქვეშევრდომობას. დადიანთა შოლაპარაკების დაძთავრების შემდეგ რუსის მთავრობამ ზედმეტად ჩასთვალა იმერეთის მეფესთან იმ პირობებით ხელშეკრულების დადება, როგორც ამას სოლ. ლიონიძე თხოულობდა პეტერბურგს. ამიტომ რუსეთის მთავრობამ მოიმიზეხა მეფის მიერ ოსმალეთთან დაწყებული მოლაპარაკება, რომლის შესახებ ბუნდოვანმა ცნობამ პეტერბურგამდისაც მიაღწია, და სოლ. ლიონიძე უკან გამოისტუმრა. მას განუცხადეს, რომ იმერეთის საქმის გარდაწყვეტა ციციანოვს აქვს მინდობილი. ციციანოვს კი პეტერბურგიდან ბრძანება მოუვიდა იმერეთის მეფე დემოჩილგებინა ანდა სამეფო დაეპყრო. მთავარმართებელმა მისწერა სარდალს ქაიხოსრო წერეთელს, რომ თუ მეფე რუსეთის ქვეშევრდომობას არ ითხოვს, ჯარებს დაესძრავო და მართლაც იმერეთისაკენ დაიძრა ერთი რუსის პოლკი. ამ დროს ციციანოვს განჯის სახანო ახალი დაპყრობილი ჰქონდა და ამიტომ მისი პრესტიჟი დიდად აწეული იყო. იმერეთში გარდასწყვიტეს დაეთმოთ რუსებისათვის და ამიტომ მეფის ელჩებად წარგზავნილ იქმნენ სახლთუხუცესი ზურაბ წერეთელი და სენხია წულუკიძე. ელჩებმა განუცხადეს ციციანოვს, რომ მეფე მზადაა მიიღოს რუსეთის ქვეშევრდომობა, მხოლოდ ითხოვს დაუტოვონ მას ლეჩხუმი. ციციანოვმა ამაზე უარი განაცხადა, რადგან ლეჩხუმში სამეგრელოს სამთავროზე იყო მითვლილი. ელჩების თხოვნით ციციანოვმა, მაინც ვაგზავნა მეფესთან პირისპირ მოსალაპარაკებლად კამერგერი გრაფი ვორონცოვი (შემდეგ კავკასიის ნამესტნიკი), რომელსაც თან ვაატანა თხოვნის სახით დაწერილი რუსეთის ქვეშევრდომობაში შესვლის პირობები. მოლაპარაკება მაინც ქიანურდებოდა. მაშინ ციციანოვმა საქმის დასაჩქარებლად გაიღო ქრთაში ზოგიერთ იმერეთის ვაჟ-ლენიან პირთა მოსასყიდლად, რომელთაც მეფის დარბაზში ხმა ჰქონდათ.

ამავე ხანში ტფილისში ჩამოვიდა პეტერბურგიდან სოლ. ლიონიძე, რომლის ხელით ციციანოვმა გაუგზავნა მეფეს ახალი ნოტა პირობების მიღების შესახებ. თან იწვევდა საზღვარზე პირადად მოლაპარაკების შესამართავად. მეფე ამაზე დასთანხმდა, გამოვლო ჩხურის ციხე და მივიდა ელაზნაურის მინდორზე, სადაც ინახულა ციციანოვი, რომელიც ჯარით გადასულიყო იმერეთს. მეფე თანახმა იყო ქვეშევრდომობის პირობებზე ხელის მოწერისა, მხოლოდ თხოულობდა ლეჩხუმის მისთვის დამტკიცებას. რადგან მოლაპარაკება გრძელდებოდა, ამიტომ ციციანოვმა უბრძანა მასთან მყოფ პოლპოლკ. ერისთავს ჯარი დაეძრა და ახლომახლო სოფლები რუსეთის იმპერატორის ერთგულებაზე დაფიციებინა. მაშინ 25 აპრილს 1804 წ. მეფე იძულებული გახდა ხელი მოეწერა თხოვნითი მუხლებისათვის. ამ მუხლების მიხედვით მეფე აღიარებდა რუსეთის იმპერატორის ქვეშევრდომობას და უარს აცხადებდა ყოველგვარ პრეტენზიებზე ოდიშის შესახებ. ეკონომიური ხასიათის პირობანი ისეთივე იყო, როგორც დადიანთან რუსეთის მიერ დადებულ ხელშეკრულებაში. ბატონიშვილს კონსტანტინეს, რომელიც მეფის უშვილო-



ბისა გამო ცხადდებოდა ტახტის მემკვიდრედ, ეძლეოდა საუფლისწულო. ცალკე პირობით კიდევ განმარტებული იყო, რომ იმერეთში რუსის ჯარი არ უნდა დამდგარიყო ერთ როტაზე (120 კაცზე) მეტი, გურია აღიარებულ იქნა მეფის ხელმწიფობის ქვეშ მყოფად, ხოლო ლეჩხუმის საკითხი ღიად დარჩა. მეფეს ნება მიეცა ისტორიული საბუთები წამოეყენებინა თავისი უფლების დასამტკიცებლად ამ მხარის შესახებ, რის შემდეგ საკითხი საბოლოოდ უნდა გარდაწყვეტილიყო.

იმერეთთან დადებული ხელშეკრულება დამტკიცებულ იქნა რუსეთის იმპერატორ ალექსანდრე I-ს მიერ 4 ივლისს 1804 წ. და სოლომონ II-ს ამ შეთხვევისა გამო მიეცა ორდენი წმ. ალექსანდრე ნეველისა. რუსის ჯარი ზღვით მივიდა ყულევს და დადგა ოდიშს და ქუთაისს. ქუთაისშივე დადგა ლიხთ-იმერეთის მეფე — მთავრებთან რუსეთის რეზიდენტად დანიშნული ლიტვინოვი.

ამ გვარად, თუმცა იძულებით, მაგრამ იმერეთის სამეფო მაინც დაექვემდებარა რუსეთის იმპერიას. რუსის მართველი წრეები ტფილისში და მათი წარმომადგენლები ქუთაისში იმდენად აგრესიულ ვხას აღგნენ, რომ არავითარ ნდობას იმერთ შორის არ იწყვედნენ. თავისს მხრივ არც რუსეთის მთავრობის წარმომადგენლებს სწამდათ, რომ მეფე გულწრფელად შეურიგდებოდა ძალად მოხვეულ ხელშეკრულებას. ამასთანავე ოდიშზე უარის თქმა და მეფის ფაქტიურად დადიანთან გათანასწორობა დიდი შეურაცხყოფა იყო იმ საუკუნებით შემუშავებულ უფლებებზე შეგნებისა, რომელიც ახასიათებდა იმერეთის მეფეთა სახელმწიფოებრივ შემეცნებას. ლეჩხუმის საკითხის გარდაწყვეტაც შეჩერდა. აღშუოთება გრიგოლ დადიანისადმი ფრიად დიდი იყო, რადგან მას სთვლიდნენ მთავარ მიზეზად რუსების დასავლეთ საქართველოში შემოსვლისა. მალე დადიანიც მოკვდა (21 ოქტომ. 1804 წ.) და მისს სიკვდილში ბრალს სდებდნენ მასთან საწამლებლად მიწვეულს პატრ ნიკოლას, რომეოც მეფესთან დაახლოვებული იყო და იმერეთის საქმეების გულშემატკივრად ითვლებოდა.

ლევან V-ის გადადიანება. გრიგოლ დადიანის მემკვიდრედ ითვლებოდა მისი 12 წლის ვაჟი ლევან, რომელიც მძევლად ჰყავდა ქელიში — აშშედ-ბეგ შერვაშიძეს. რუსის მთავარ-ნარტებელმა ციციანოვმა მოითხოვა ლევანის განთავისუფლება, მაგრამ შერვაშიძემ ამაზედ უარი განაცხადა ფულის მიუცემლად. ამ დროს ყულევს ზღვით მოვიდა ახალი რუსის ჯარი გენ. რიხკოფის უფროსობით. რიხკოფი ოდიშ-ლეჩხუმის ჯარით მიადგა ანაკლიას, რომელიც აგრეთვე შერვაშიძეს ეჭირა, აიღო ის და ეპირებოდა აფხაზეთზე გალაშქრებას, როდესაც შერვაშიძემ გაანთავისუფლა ლევანი. იმპერატორის ბრძანებით ის დაინიშნა მთავრად, მას მიებოძა დროშა, ხმალი და გენერალ-მაიორის ჩინი. ამასთანავე ახალგაზრდა მთავრის მცირეწლოვანობისა გამო სამეგრელოს



რეგენტად იმპერატორის მიერ დანიშნა დედა მისი ნინო დედოფალი რომელთანაც შესდგა საბჭო 4 წევრისაგან, ესენი იყვნენ ნიკოლოზ დადიანის ძე („დიდ ნიკოდ“ წოდებული, ისტორიკოსი), ჭყონდიდელი მიტროპოლიტი ბესარიონ, სახლთუხუცესი გიორგი ჩიქოვანი და ლეჩხუმის მოურავი ბერი გელოვანი.

რუსნი იპყრობენ აზერბეიჯანის სახანოებს. ამასობაში რუსეთი აგრძელებდა თავის ბატონობას ამიერ-კავკასიის აღმოსავლეთ ნაწილებშიც. 1804 წ. იანვარში ციციანოვმა იერიშით აიღო განჯის ციხე, თვით ჯავათ-ხანი განჯისა ბრძოლის დროს დაიღუპა და განჯის სახანოში შემოდებული იქმნა რუსული მართეველობა.

განჯის აღებამ დიდი შთაბეჭდილება მოახდინა აზერბეიჯანის სახანოებსა და სპარსეთშიაც. სპარსეთის ტახტის მემკვიდრე, ნიკიერი და ენერგიული აბას-მირზა ჯარით შემოვიდა ერევნის სახანოში. მეუღის ძენი აღექსანდრე, ფარნაოზ და თეიმურაზ საქართველოს თათრების ელის ჯარით დადგნენ ბამბაკს, რომ სპარსელების ჯარის გამარჯვებისთანავე ტფილისისკენ წამოსულიყვნენ. მაგრამ ციციანოვმა 25 ივნ. 1804 წ. დაამარცხა აბას-მირზა მდ. ზანგის ნაპირას, შემოარტყა ალყა ერევანს და თუმცა ის ვერ აიღო, მაგრამ სპარსეთის შემოსევის საშიშროებამ ამ ხანად მოსპო.

შემდეგ წელს ციციანოვმა სათანადო მოლაპარაკების შემდეგ რუსეთს დაუქვემდებარა შურაგელი, ყარაბაღისა და შაქის სახანოები (1805 წ.). აბას-მირზამ ამის საპასუხოდ გადმოლაზა ერევნის სახანო და შემოესია განჯის მხარეს, მაგრამ რუსის ჯარმა განდევნა სპარსელები.

რუსის მფლობელობის უზრუნველსაყოფად აზერბეიჯანის სახანოებში საჭირო იყო ბაქოს სახანოს დამორჩილებაც. გენ. ზაფლონიშინს ებრძანა ზღვით ჯარის გადმოსხმა და ბაქოს დაქვერა, მაგრამ რადგანაც ბაქოს ხანმა ჰუსეინ-ყულიმ შედგარი წინააღმდეგობის უნარი გამოიჩინა, ამიტომ ციციანოვმა თვით გაილაშქრა მის წინააღმდეგ. გზად მან დაუქვემდებარა რუსეთს შირვანის სახანო და შემდეგ მიაღდა ბაქოს. ჰუსეინ-ყულიმ თანხმობა განაცხადა რუსეთის ქვეშევრდომობის მიღებაზე. ხანი გამოეგება ციციანოვს ციხის გასაღების მისართმევად, მაგრამ ამ დროს მისი მხლებლები დაეცნენ რუსთა მთავარ-მართებელს და მოკლეს ის (8 თებერ. 1806 წ.).

ციციანოვის მოკვლის შემდეგ — ეზლა კავკასიის — მთავარ-მართებლად დანიშნულ იქმნა გრაფი ლუდოვიჩი. მისს დროს 1806 წ. რუსეთს შეუერთდა ბაქოს, ყუბის და დარუბანდის სახანოები, ყაიტაგი და ტერჯის შანხალთა სამთავრო.



იმერეთში რუსეთის წინააღმდეგობის გრძნობა ძლიერდება.

ურთიერთობა იმერეთის მეფის სოლომონ II-სა და რუსის მთავრობას შორის რომელიც თავიდანვე ურთიერთ უნდობლობაზე იყო დამყარებული, თანდათან რთულდებოდა. რუსის მთავარმართებელნი არც ფიქრობდნენ რუსეთის მიერ სოლომონ II-ის მიმართ თავისს თავზე მიღებულ ვალდებულებათა შესრულებას და შინაურ საქმეებში ჩარევით ცდილობდნენ მეფის ავტორიტეტის დასუსტებას და დამცირებას. მაგალითად, რუსეთის წარმომადგენელი იმერეთში ლიტვინოვი ვრცოდა გურიის საქმეებში. გურიის მთავარი მამია, რომელიც სამი წლისა და რჩენილიყო თავისი მამის სვიმონ გურიელის 1792 წ. სიკვდილის შემდეგ, ჯერ კიდევ მცირე წლოვანი იყო და გურიას მართავდნენ დედა მისი დედოფალი მარინა და ბიძა ქაიხოსრო გურიელისძე. უფროსი ბიძა მამიასი ვახტანგ სერიოზულ პრეტენზიებს აცხადებდა სამთავროზე და რამოდენიმე ხნის განმავლობაში მეფის ნებართვით კიდევ განაგებდა გურიას. მამიას დანარჩენი ბიძების ლევანის და დავითის პრეტენზიები საბატონიშვილოს მიცემის შესახებ აგრეთვე ართულებდა გურიის შინაურ მდგომარეობას, ხოლო ყველაფერი ეს საბაზს აძლევდა რუსის მთავრობის წარმომადგენლებს გურიის საქმეებში ჩარეულიყო, რასაც მეფე თავისი უფლების უკანონო შეზღუდვად სთვლიდა.

ლენჩუმის საკითხიც ბოლოს რუსებმა დადიანის სასარგებლოდ გარდასწყვიტეს. ოდიშის მართველობის შეჩენით მცხოვრებლები თავს დაესხნენ დეხვირის ციხეში ლენჩუმს მყოფ მეფის მეციხოვნეთ, ხოლო ციხის დატლის შემდეგ ის გარდაეცა, მიუხედავად მეფის პროტესტებისა, დადიანს. ამასთანავე რუსის მთავრობამ თან-და-თან განადიდა ქუთაისში და საზოგადოდ იმერეთში დაბინავებულ რუსის ჯარის რიცხვი, რაც ცდად ხდიდა რუსეთის პლანებს იმერეთის მიმართ. მეფეც ამ ზომას სამართლიანად მის წინააღმდეგ მიმართულად სთვლიდა. ამ მიზეზით სოლომონ II იძულებული გახდა 1805 წლიდან განშორებოდა ქუთაისს და ამ ხნიდან მომეტებულად ვარდციხეში ცხოვრობდა მთელი თავისი ჯარის თანხლებით. რუსის მოხელეთა უწყსო საქცელო, რომელნიც ამის შემდეგ ქუთაისში თან-და-თან მეფის სასახლეში მოკალათდნენ და იმერეთ თავადებს მოახლეებს ართმევდნენ, იწვევდა აგრეთვე დიდს აღშფოთებას. ასეთს პირობებში მეფე უარს აცხადებდა რუსეთის ქვეშევრდომობაში მიღებისათვის იმპერატორთან სამადლობლო დებუტაციის წარგზავნაზე, რასაც ტფილისიდან დაჟინებით თხოულობდნენ მთავარმართებელნი.

მდგომარეობა თან-და-თან მწვედებოდა, ასე რომ 1807 წელს რუსის მთავრობამ უკვე საბოლოოდ გარდასწყვიტა მეფე ტახტიდან ჩამოეგდო და იმერეთში ქართლ-კახეთის დავკარად რუსის მართველობა შემოეყო. მაგრამ ამის განხორციელება მაშინვე შეუძლებელი იყო. იმერეთის მეფეს ქვეყანა ფრიალ შემოშტკიცებული ჰყავდა. თავისი ხა-



მართლიანი და სათნოიანი მოპყრობით და ჰუმანიური პოლიტიკით სოლომონ II-ს საერთო სიყვარული ჰქონდა დამსახურებული. გარდა ამისა მას ანგარიშს უწევდნენ არა თუ ქართლ-კახეთში, სადაც თავადებს შორის ჯერ კიდევ ბლომად მოიპოვებოდა რუსის მართველობის დამყარების უკმაყოფილო ელემენტები. არამედ აზერბაიჯანის სახანოებშიც. ოსმალეთის მთავრობასთან და ახლო-მახლო ფაშებთანაც მეფეს კიდევ მიწერ-მოწერა ჰქონდა გამართული. ყველაფერი ეს ითხოვდა დიდს სფეროზილეს რუსის მთავრობისაგან, რათა თავისი გვეგმის უდროოდ გამოაშკარავებით ამიერ-კავკასიაში საერთო ცეცხლის ალი არ გაეჩაღებინა.

რუსნი ცდილობენ იმერეთის ზოგიერთ გავლენიან პირის თავისკენ გადაბირებას. რუსის მთავარ-მართველნი ფრთხილად შეუდგნენ საქმის მოგვარებას. უპირველეს ყოვლისა ისინი შეეცადნენ მეფის ძალის დაქსაქსებას შიგნით სამეფოში ზოგიერთ გავლენიან პირთა თავისს მხარეზე გადაბირებით, რისთვისაც ზოგიერთ შემთხვევაში საქრო აკხდა ქრთამის გაღება ანდა კიდევ ისეთ დაპირებების მიცემა, რომელთა აღსრულებლობა თავისთავად ცხადი იყო. სახლთუხუცეს ზურაბ წერეთელს, მაგალ. პირდებოდნენ მეფის გარდაგდების შემდეგ იმერეთის მართველობის ჩაბარებას. მრავლად დასაჩუქრებული, 1805 წლიდგან პოლკოვნიკის ჩინით დაჯილდოვებული ზურაბ წერეთელი ეხლა გენერლობის მოლოდინში მეფის საღალატოდ ემზადებოდა. სახლთუხუცესის გადაბირებას ძალიან დიდი მნიშვნელობა ჰქონდა. როგორც უდიდესი შემამულე, ათასი კომლის მებატრონე, და სამეფოს უპირველესი ხელისუფალი, ის დიდის გავლენით სარგებლობდა და მისი რუსეთისაკენ გადახრას ბუნებრივად მოყვა ზოგ სხვა გავლენიან პირთა გადაბირებაც. ამათ შორის იყვნენ ოტია და სენია წულუკიძენი და გენათელი მიტროპოლიტი ფთიმე. შიგნით ამ გვარად ერთიანობა სამეფოს დაცვის საქმეში თან-და-თან ირღვეოდა.

ფოთის აღება რუსების მიერ რუსეთთან მოსალოდნელ შეტაკების დროს იმერეთისთვის დიდი მნიშვნელობა ჰქონდა ოსმალეთის დახმარებას. მართალია, საერთო ომის გამოწვევის შიშით ოსმალეთი ერიდებოდა აქტიურად ჩარევას იმერეთის საქმეებში, მაგრამ არა პირდაპირ მას შეეძლო თვალსაჩინო დახმარების აღმოჩენა. ფოთის ციხეს, რომელიც ოსმალეთის ხელში იყო, ამიტომ განსაკუთრებული მნიშვნელობა ეძლეოდა. რუსის მთავრობამ გარდასწყვიტა ჯერ ოსმალთა ამ სიმაგრისთვის მოეღო ბოლო. 1807 წ. რუსის ჯარი ოდიშის რაზმებთან ერთად მიაღდა ქილაქ ფოთს, ბრძოლით დაიჭირა ის და შემდეგ შემოადგათვით ციხეს, მაგრამ ვერ აიღო.

პირველი ცდა ამგვარად უშედეგოდ ჩატარდა. მალე რუსის ჯარის უფროსი ლინთ-იმერეთს გენ. რიხტგოფი მოკვდა (1808 წ.) და მის მა-



გივრად დაინიშნა გენ. დიმ. ორბელიანი. ამის შემდეგ რუსის ჯარი, 12 როტა, აგვისტოში 1809 წ. კვლავ შემოერთდა ფოთის ციხეს, სადაც გამაგრებული იყო ბათუმის ბეგი ქუჩუკ-ბეგ შერვაშიძე 600 კაცით. რუსის ჯართან იყო აგრეთვე ლევან დადიანი თავისი ლაშქრით. ციხის აღება უკვე დღე დღეზე მოსალოდნელი იყო, მაგრამ ამ დროს ფოთის ციხის მოსაშველებლად მოვიდა ტრაპეზუნტის ფაშა შერიფი 9 ათასი კაცით. რადგან ფოთის ციხის რუსების მიერ აღებას იმერეთისათვის ცუდი შედეგი ექმნებოდა, ამიტომ მეფის ბრძანებით მამია გურიელმა გზა დაანება შერიფ-ფაშას, რომელიც დაუახლოვდა ფოთს. მაშინ გენ. დიმ. ორბელიანმა ნიკ. დადიანისძის და სხვათა შუამდგომლობით დაიწყო ლაპარაკი მამია გურიელთან, რომელიც დათანხმდა რუსის მხარეზე გადასვლას და ცოტა ხნის შემდეგ თავისი ჯარით დაეცა ზურგში შერიფ-ფაშის ლაშქარს. მეორე მხრივაც შეუტეეს რუს-მეგრეთს, ოსმალნი დამარცხდნენ და იელტოცდნენ ზღვით ნავებით. ამის შემდეგ ფოთის ციხე დანებდა რუსთ (2 ნოემბ. 1809 წ.).

ამ გვარად რუსებმა ერთსა და იმავე დროს მიიღწიეს ორს მიზანს. მოსპეს ოსმალების ბაზა რიონის შესართავში და გადაიბირეს თავისს მხარეს მამია გურიელი.

იმერეთის სამეფოს დაპყრობა რუსთა მიერ. ამის შემდეგ რუსთა მთავრობამ გარდასწყვიტა ენერგიული მოქმედების დაწყება მეფის წინააღმდეგ. იანვარში 1810 წ. მას წარუდგინეს მოთხოვნილება: მეფეს უნდა გაეგზავნა რუსეთში დეპუტაცია, რომელშიაც უნდა ყოფილიყო ტახტის მემკვიდრე კონსტანტინე ბატონიშვილი, რუსეთიდან კარგა ხანს უკვე დაბრუნებული და ეხლა დიდი მოწინააღმდეგე რუსების პოლიტიკისა, მალხაზ ანდრონიკაშვილი, სოლ. ლიონიძე, სარდალი ქაიხოსრო წერეთელი, როსტომ ნიკარაძე და სენია წულუკიძე. რუსის მთავრობის წარმომადგენლებს ამით სურდათ ჩამოეშორებინათ მეფისათვის მისი უახლოესი მრჩეველები და აგრეთვე ისეთი პირნი, რომელნიც (გარდა სენია წულუკიძისა) მეფის დიდად ერთგულნი იყვნენ. ამასთანავე მეფე უნდა გადასულიყო საცხოვრებლად ქუთაისს, სადაც რუსის ჯარის უფროსს ნაბრძანები ჰქონდა მისი შეპყრობა და ტფილისში გაგზავნა. მოლაპარაკება ამის შესახებ გაგრძელდა 1810 წლის იანვარსა და თებერვლის პირველ ნახევარში. მეფე არ თანხმდებოდა წარმოდგენილ მოთხოვნილებას შესრულებას და თავის მხრივ მოითხოვდა ხელშეკრულებით განსაზღვრულ პირობათა განხორციელებას, სახელდობრ ლეჩხუმის დაბრუნებას, რუსის ჯარის, ერთი როტის გარდა, იმერეთიდან გაყვანას, ქუთაისის სასახლის დაბრუნებას და სხვა-და-სხვა შეურაცხყოფისათვის დაკმაყოფილებას. რადგანაც მოლაპარაკებიდან არაფერი გამოდიოდა, ამიტომ 20 თებერვალს წინასწარ განზრახულ გეგმის თანახმად რუსებმა ქუთაისში იმპერატორის სახელით გამოაქვეყნეს ბრძანება მეფის ტახტიდან გადაყენების და იმერეთში რუსის მართვე-



ლობის შემოღების შესახებ. ამავე დროს დაიძრა ჯარები. ლევან დიანი 4,500 კაცით გადავიდა ცხენის-წყალს, გურიელიც ჯარით წამოვიდა იმერეთისაკენ. ხოლო თვით რუსის ჯარი დაიძრავარდციხისაკენ. სადაც იმყოფებოდა მეფე 4 ათასი კაცი. ვარდციხეში გამაგრება მეფემ ვერ შესძლო და არჩია ბაღდადისაკენ დახვევა. რუსებს უკვე მოეკრათ ხანის ხეობაში ახალციხისკენ გადასასვლელი გზები და ამასობაში იმერეთის დიდი ნაწილიც დაეფიცებინათ რუსეთის ერთგულობაზე. ციხეები, გარდა რამოდენიმე გამონაკლისისა, დანებდა რუსებს ან მათ მომხრეებს. მეფე გაქირვებაში ჩავარდა და დაიწყო მოლაპარაკება რუსებთან. რუსეთის ჯარის უფროსმა გენ. სვიმონოვიჩმა ინახულა მეფე ფერსათის მთის ახლოს სალხინოს საყდარზე და ფიცით დაარწმუნა ის, რომ რუსის მთავრობას არ აქვს განზრახვა მას მეფობა წაართოს და მთავარმართებელ ტორმასოვთან მოლაპარაკების შემდეგ საქმე მოგვარებულ იქნება. ამის შემდეგ მეფე დიდის ამალით (500-მდის კაცი) დაიძრა ქართლისაკენ (28 მარტს 1810 წ.). ტორმასოვი უცდიდა მეფეს გარის ახლოს სოფ. ვარიანში. სოფ. დირბში მეფის ამაღას შემოართყეს რუსის ჯარი, რომლის თანხლებით მეფე მიიყვანეს ვარიანს და შემდეგ ტფილისს. სადაც პატიმრის მსგავსად დააბინავეს სუმბათაშვილის სახლში. მას მიუყენეს ყარაული, ამაღა კი გარდა პირისფარეშებისა ჩამოაშორეს. ტორმასოვი უცდიდა იმპერატორის ბრძანებას მეფის რუსეთში გაგზავნის შესახებ. 9 მაისს ღამე მეფე, თავისი პირისფარეშის ტანისამოსში გადაცმული, ვაიპარა საპატიმრო სახლიდან და ერთ იმერელ დესეტნიკის თანხლებით გავიდა ქალაქს გარედ. სადაც მას დახვდნენ წინდაწინვე მომზადებულნი და შეთქმულობის მომწყობნი სარდალი ქაიხოსრო წერეთელი, ძმა ამისი როსტომ, სვიმონ სახლთხუცის ზურაბის-ძე და სვიმონ გიორგის-ძე წერეთლები და სხვენები, სულ 23 იმერი თავდა-აზნაური. ყველა ყსენი მსწრაფლ გაეშურნენ ცხენებით ახალციხის საფაშოს საზღვრისაკენ. თრიალეთის იქით მათ შეხვდათ ლეკის ჯარი 300-მდე კაცი, რომელთა ბელადმა როგორც კი გაიგო საქმის ვითარება, მივიდა მეფესთან, თაყვანისცა მას და მიაცილა ახალციხემდის, სადაც სოლომონ II-ს გამოგება ფაშა დიდის ამბით. 17 მაისს ახალციხიდან მეფემ დაგზავნა იმერეთის წარჩინებულთა და აგრეთვე ხალხის მიმართ პროკლამაციები, ხოლო ივნისში მკირეოდენი ოსმალთა რაზმის თანხლებით გადავიდა იმერეთს და მივიდა ტყაჩირს აგიაშვილის სასახლეში.

მეფის შემოსულის გაგებისთანავე მთელი იმერეთი, როგორც ერთი კაცი, ფეხზე დადგა, ქუთაისში მყოფ რუსის ჯარს, გენ. სვიმონოვიჩის წინამძღოლობით, გზები შეკრული ჰქონდა. ზემო-მხარის დასამშვილებლად გაგზავნილი ორი როტით მაიორი კალატოზიშვილი იმერთ დაამარცხეს, თითონაც მოკლეს, ხოლო მისი რაზმი ვასწყვიტეს. რუსებმა გაგზავნეს მეორე რაზმი, რომელმაც დაამარცხა იმერლების ჯარი აბა-



შიდევების მეთაურობით. თვით ჯარის წინამძღოლი ქიხოსრო აბაშიძე და სამი მისი შვილი როსტომ, გიორგი და სიმონ ამ ბრძოლაში დაიღუპნენ. ტფილისიდან გამოგზავნეს 3.200 რუსის ჯარით გენ. დიმ. ორბელიანი. ხოლო ამავე დროს ლევან დადიანი ოდიშისა და აფხაზთა ჯარით მივიდა ჯიხაიშს, სადაც მას შეუერთდა 500 რუსის ჯარის-კაცი. მეფე დაეცა დადიანს და დაამარცხა ის, მაგრამ მან მიინც მოახერხა ცოტა ხნის შემდეგ ქუთაისში მისვლა და სიმონოვიჩთან შეერთება. ამასობაში გენ. დიმ. ორბელიანმა თავისი ტფილისიდან წამოყვანილი ჯარი გაყო ორ ნაწილად და შეესია იმერთს. პირველი ნაწილი ამ ჯარისა საზღვარზე სოფ. ალთან დაამარცხეს იმერლებმა. რუსებმა დაკარგეს 500 კაცი. ამის გამო ორბელიანს ჩამოართვეს მხედართმთავრობა. ის დაუმორჩილეს გენ.-ლეიტ. ბერონ როზენს, რომელიც ახალი ჯარით დაიძრა იმერთისაკენ. ჩხერის ციხესთან მან დაამარცხა 5 ათასი კაცისაგან შემდგარი იმერლების ჯარი და მიადგა ქუთაისს. აქედან შეერთებული რუსის ჯარი დადიანით და გურიელთა გაემართა მეფის წინააღმდეგ. რუსის ჯარში შივიდა ამ დროს თავისი რაზმებით სახლთუხუცესი ზურაბ წერეთელი, წულუკიძენი და აგრეთვე ზოგი აზნაური. მეფე გააპარდა ხანის-წყლის ხეობაში, სადაც იმყოფებოდა კარგა ხანს, მაგრამ ბოლოს-და-ბოლოს უკანასკნელ სასტიკო ბრძოლის შემდეგ დამარცხდა. მაშინ თავისი ცოლი მარიაშ დედოფალი, რომელიც იყო მამიდა ლევან დადიანისა, მეფემ გაგზავნა ოდიშს, თითონ კი მცირეოდენ დარჩენილ თავად-აზნაურთა და მეომართა თანხლებით გადავიდა ახალციხის საფაშოში. მთავარ-მართებელი გენ. ტორმასოვი რუსის დიდი ჯარით და აგრეთვე ოდიშ-გურიის ჯარის თანხლებით მიადგა ახალციხეს, მაგრამ მალე ჟამის გაჩენის გამო იძულებული გახდა ალყა მოეხსნა და უკან დაბრუნებულიყო.

ოსმალეთში გაქცეულმა სოლომონ II-მ აღძრა შუამდგომლობა სულთანის წინაშე ჯარით დახმარების შესახებ, მაგრამ ოსმალეთმა რუსეთის გადაკიდების მორიდებით ამაზედ უარი განაცხადა. ამ დროს იმერეთშიდაც შინაურმა მდგომარეობამ კატასტროფიული ხასიათი მიიღო. 1810 წლის ომს მოყვა სიმშლილი, რადგან ყანების დათვისვა იმწელს არ მოესწრო და ისედაც ქვეყანა რუსისა მომხრეთაგან და რუსეთის ჯარისაგან საშინლად აოხრდა. ამას თან დაერთა ჟაში, რომელიც 1811 წელს გაჩნდა და 1812 წელსაც მძინარებდა. სიმშლილი და ჟამი მოედო აგრეთვე ოდიშსა და გურიასაც. ამ სტიქიურმა უბედურებამ დიდი ნაენები ქნა. მოსახლეობა მთელს ამ მხარეში განახევრდა. ბევრი სოფელი ამოწყდა, ზოგში გადარჩა კიდევ მცხოვრებთა მხოლოდ მცირეოდენი ნაწილი. ასეთს პირობებში სამეფოს განთავისუფლებაზე ფიქრი უკვე აღარ შეიძლებოდა. დამწუხრებული მეფე სოლომონ II გარდაიცვალა 42 წლისა ტრაპეზუნტს 7 თებერვალს 1815 წ., სადაც დამარხულია წმ. გრიგოლის ბერძნების ეკლესიის გალავანში. მისი ერთგულ თავადთა შორის სოლომონ ლიონიძე უკვე 1811 წ. გარდაცვლილიყო



ახალციხეს, დანარჩენები კი დაბრუნდნენ იმერეთს, სადაც რუსის მთავრობამ დაუბრუნა მათ მამულები.

რუსულ მართველობის შემოღება იმერეთში. მეფე სოლომონ II-ის განდევნის შემდეგ იმერეთში შემოღებულ იქმნა რუსული მართველობა. ყოფილი სამეფო გაყოფილ იქმნა ნაწილად: ქუთაისისა, ვაკისა, რაჭისა, საჩხერისა, ჩხერისა და ბაღდადისა. მთელს იმერეთს განაგებდა გამგე, რომელთანაც არსებობდა გამგეობა, სამი ექსპედიციისაგან შემდგარი: ექსპედიცია აღმასრულებელი, სახაზინო და სასამართლო. გამგეობა შესდგებოდა იმერეთის დამგის თავმჯდომარეობით 3 მრჩევლისა ანუ სოვეტნიკისაგან რომელნიც რუსი მოხელენი იყვნენ. თითო სოვეტნიკს ჰყავდა ორი თანამემწე (ასესორი) იმერეთის თავადთაგან. სასამართლოს ექსპედიციაში სამოქალაქო საქმეები ირჩეოდა ვახტანგ მეფის კანონებისა და ადგილობრივ ჩვეულებათა თანახმად, ხოლო სისხლის სამართლის საქმეები კი რუსეთის კანონების მიხედვით.

მართვა-გამგეობის ამ გვარი წესით რუსის მთავრობას სურდა თანდათან მოეზადებინა იმერეთი რუსეთის საერთო წესებისთვის დასაქვემდებარებლად; თავადების მიწვევას მართვა-გამგეობის საქმეში მიზნად ჰქონდა კიდევ მათი გულის მოგება ახალი წეს-წყობილების სასარგებლოდ.

საქართველოს ეკლესიის ავტოკეფალიის გაუქმება. იმ დროს, როდესაც რუსეთი იპყრობდა იმერეთს, რუსის მთავრობას უკვე გარდაწყვეტილი ჰქონდა საქართველოს ეკლესიის დამოუკიდებლობის მოსპობა. ამით მას უნდოდა დაეჩქარებინა საქართველოს რუსულ გუბერნიებთან შედუღება და ეკლესიურ სფეროშიც ქართველი ხალხი დაექვემდებარებინა რუსულ მართველობისათვის. ჯერ კიდევ იმპერატორ პავლეს ღროს განზრახული იყო ხამეფოს შემოერთებასთან ერთად საქართველოს ეკლესიის ავტოკეფალიის მოსპობა და ქართლ-კახეთში 2 ეპარქიის (ტფილისის და თელავის) დაფუძნება. შემდეგ ეს პროექტი დროებით მივიწყებულ იქმნა, თუმცა ციციანოვი ხშირად ერეოდა საეკლესიო მართველობის საქმეებში. 1808 წ. კი მთავრობამ ხელზე დაიხვია კათალიკოსსა და ტფილელ მიტროპოლიტს არსენს შორის მომხდარი უსიამოვნება და გარდასწყვიტა საბოლოოდ მოესპო ეკლესიის ავტოკეფალია. 10 ივნისს 1811 წ. იმპერატორის ბრძანებით კათალიკოზი ანტონი გაწვეულ იქმნა რუსეთს, ხოლო ტფილისში კი დიანიშნა ვარლამ ქსნის ერისთვისაც საქართველოს ეპარქიისა და მცხეთის მიტროპოლიტის ტიტულით. ამერიდგან საქართველოს ეკლესია ემორჩილებოდა რუსეთის უწმიდესს სინოდს. საბოლოო სახე ამ საეკლესიო რეფორმამ მიიღო 1814 წ., როდესაც 30 აგვისტოს იმპერატორის ბრძანებით დაარსებული იქმნა უწმიდესი სინოდის საქართველო-იმერეთის კანტორა, რომელიც გახსნეს ტფილისში 1815 წ. 8 მაისს. კათა-



ლიკოზობის დროს არსებულ 12 ეპარქიის ნაცვლად ეხლა ქართლ-კახეთში დატოვებულ იქმნა 3 ეპარქია ერთი სავიკარო ეპისკოპოსით. ხოლო იმერეთს კი დროებით დატოვებული იქმნა არსებული წესები. ვარლამ მიტროპოლიტი ექზარხოსობდა 1817 წლამდის; ამ წელს კი ის გაწვეულ იქმნა სინოდში და საქართველოს ექზარხოსად დაინიშნა თეოფილაქტე (რუსანოვი). ამის შემდეგ ექზარხოსებად ინიშნებოდნენ რუსი მღვდელთ-მთავრები.

რუსეთში გაწვეული ანტონ II კათალიკოზი დაასახლეს ნიენი-ნოვგოროდში, სადაც გარდაიცვალა 21 დეკემბერს 1827 წ.

განწყობილება რუსებისადმი ქართლ-კახეთში. მიუხედავად იმისა, რომ რუსეთმა თვალსაჩინოდ გააუმჯობესა ქართლ-კახეთის მშვიდობიანი ცხოვრების უზრუნველ-ყოფის პირობები, ალავმა რამოდენადმე ლეკთა თარეშები და გარეშე მტრის ხდომა-ობრებისაგან გაანთავისუფლა ქვეყანა, სულიერი განწყობილება შიგნით მაინც სერიოზული იყო. რუსულ მართველობის წესების პირდაპირი შემოღება, ადგილობრივ პირობებისათვის არა საკმაოდ და ისიც კერძო შემთხვევებში ანგარიშის გაწევით, დიდს უხერხულობას ბადებდა. ხალხი დრტყინავდა, მაგრამ აშკარა წინააღმდეგობის გასაწევი ძალა არ ჰქონდა. ბევრი გავლენიანი თავადი რუსის მთავრობის სამსახურში მოთავსდა და მხოლოდ თავის დაწინაურებაზე ფიქრობდა. მუდმივი ლაშქრობანი რუსის ჯარისა ლეკებისა, სახანოებისა, თუ იმერეთის დასაპყრობად და აგრეთვე სპარსელების წინააღმდეგ ხდებოდა ყოველთვის ქართველ ჯარის თანხლებით. ქართველი თავად-აზნაურობა ჩაება ამ ომებში და რუსეთის სამსახურში თავის გამოჩენით ცდილობდა ჩინებთა და ორდენებით თავის დაწინაურებას. მცირე ნაწილი თავადებისა, ქვეყნის დამოუკიდებლობის დაცურების მოტივით, აგრეთვე იძულებული იყო ამ საერთო მიმდინარეობას მიყოლოდა. თავად-აზნაურობის ზოგი ნაწილი კიდევ წასული იყო რუსების წინააღმდეგ მებრძოლ ბატონიშვილებთან და მოელოდა სამეფო ტახტის დაბრუნებას ბაგრატიონთა გვარეულობაში.

უკმაყოფილება, გამოწვეული დამყარებულ მართველობის წესებით და ამ წესების ადგილობრივ პირობებთან შეუთანხმობით, აერთებდა თავად-აზნაურობის ყველა მიმდინარეობის წრეებს. 1806 წ., მაგ., თავადები, სხვათა შორის, თხოულობდნენ სასამართლოში საქმეების ქართულს ენაზე წარმოების შემოღებას. ისინი ამასთანავე თავის გულწინაყვლობას გამოსთქვამდნენ სამოურავოების მათთვის ჩამორთმევის გამო და თხოულობდნენ მის დაბრუნებას. მთავრობა ამ გვარ მოთხოვნის ნიღბებს უყურადღებოდ სტოვებდა, პირველის მავარს, რადგან ეს წინააღმდეგობა რუსეთის სახელმწიფოებრიობის მიერ საქართველოში აღებულ პოლიტიკურს კურსს, ხოლო მეორე ხასიათის მოთხოვნილებას იმიტომ, რომ ისინი გამომდინარეობდნენ ვიწრო წოდებრივი



ინტერესებიდგან და სახელმწიფოებრივ მართველობის განმტკიცებას თავისი დაკმაყოფილებით ხელს შეუშლიდნენ.

ხალხის აჯანყება კახეთში 1812 წ. გამუდმებულ ლაშქრობათ ფრიალ ცუდი შედეგები ჰქონდა ქვეყნის ეკონომიურ მდგომარეობისათვის, რადგან მუდმივი მოთხოვნა ხარ-კამეჩიან ურმებისა, პურისა და სხვა სურსათისა ხალხს დიდს გაკირვებაში ავდებდა. 1811 წ. რუსის ჯარმა აიღო ახალქალაქი, და იმავე წელს მთავარ-მართებელმა მარკიზმა პაულეჩიმ გაილაშქრა ერევანზე. თუმცა ამ ლაშქრობამ უშედეგოდ ჩაიარა, მაგრამ ქართველ ხალხს ის ურმებისა და სურსათის მიწოდებით ძლიერ ძვირად დაუჯდა. ამას თან დაერთო სიმშლილი და ქამიც, რომელიც ახალციხიდან გადმოყოლოდა გენ. ტორმასოვის ჯარს, ლიხთ-იმერეთს მოსდებოდა და ეხლა ქართლ-კახეთშიაც დიდს ზარალს იძლეოდა. ხალხი დიდს გაკირვებაში ჩავარდა, მაგრამ მთავრობა მანაც განაგრძობდა სურსათის მოთხოვნას. კოდს პურში მთავრობა იძლეოდა მანეთს, მაშინ როდესაც ადგილობრივ ის ს მანეთი ფასობდა. სურსათის ვადასატან ურმების მოთხოვნით რამოდენიმე წლის განმავლობაში, ქართლ-კახეთი მთლად გათწმენდილიყო ხარისაგან. მთავრობა მანაც თავისი მოთხოვნილებას არ უკლებდა. ბევრი, სასოწარკვეთილებამდის, მისული, მოთხოვნილ პურისა და ვარდასახადების ანგარიშში წინადადებას აძლევდა მთავრობას ცოლშვილის წაყვანის შესახებ. ამას თან დაერთო მხეცური ძალმომრეობა, რომელსაც ხმარობდნენ მშვიდობიან მცხოვრებლებზე რუსის ჯარის-კაცნი და აფიცრები: ცარცვა-გლეჯა, კაცის დასახიჩრება და მოკვლა, დედაკაცთა გაუპატიურება ხშირი მოვლენა იყო. ბოლის მოთმინებიდგან გამოსულმა ხალხმა იფეთქა. პირველად თიანეთის მცხოვრებნი დაეცნენ თავს რუსებს და ამოსწყვიტეს 150 კაცამდის. თიანეთიდან აჯანყება მოედო არაგვს, მაგრამ როდესაც აქ რუსის ჯარმა უშაკოვის წინამძღოლობით, რომელსაც თან ახლდა კოსტანტინე მუხრან-პატონიკ, დასწვა ღუშეთი, ანანური და სხვა სოფლები და დიდის სისასტიკით ცდილობდა აჯანყების ჩაქრობას, მაშინ ფეხზე დადგა კახეთიც. კახეთში მოძრაობას სათავეში ჩაუდგა ოთარ ქობულაშვილი, მეფეების დროს მდივნად ყოფილი, რომელიც მოიწვია დასახმარებლად ლეკებიც. კახელებმა ამასთანავე მოიწვიეს ქართლიდან მეფისძის იოანეს შვილი გრაგოლ, რომელმაც აგრეთვე მხურვალე მონაწილეობა მიიღო მოძრაობაში. კახთ დაამარცხეს რუსნი ვარდისუბანს და შემოადგნენ თელავს, ხოლო ამავე დროს ქიზიყელებმა აიღეს სიღნახი. რუსნი დამარცხდნენ აგრეთვე საგარეჯოს და ხაშშს. მოძრაობა თანდათან ძლიერდებოდა და რუსებისთვის საშიშ ხასიათს ღებულობდა. ამიტომ კახეთში ჯარით გაემართა თვით მთავარ-მართებელი პაულუჩი, რომელიც ანდრონიკაშვილების წინამძღვრობით ჩავიდა ქიზიყს, საიდანაც მივიდა შიგნით-კახეთს. ბრძოლა მოხდა და გათავდა კახელების გამარჯვებით. მიუხედავად ამისა, მუამბოხეთა მდგომარეობა, შესაფერ ორგანიზაციის უქონლობის გამო, მანაც მტკიცე არ იყო. აჯანყებაში მონაწილე თა-



ვადები თანდათან გადადიოდნენ რუსების მხარეზე. ბოლოს გრიგოლ ბატონიშვილიც დანებდა რუსთ. მაშინ გლეხები, მიუხედავად თავადების ლალატისა, თითონ დაეცნენ რუსებს ისევე ჩუმლაცს, პირველს დღეს გაიძარჯვეს, მაგრამ მეორე დღეს, მთავარ-მართებლის მოსვლისთანავე ახალი ჯარით, დამარცხდნენ. რუსთ დასწევს ჩუმლაცი. ამის შემდეგ ამბოხება დროებით მინელდა, თუმცა მთლად კიდევ არ ჩამქრალიყო. ამბოხებაში მონაწილე პირნი ვაგზავენს რუსეთის სხვა-და-სხვა ადგილას და ციხიბირს, ზოგი დააპატიმრეს. ბატონიშვილი გრიგოლიც ვაგზავენს პეტერბურგს და პატიმარ ჰყვეს ერთი წლით.

თავადების აჯანყება კახეთს. კახეთის აჯანყება ამით არ გათავდა. ეს ის დრო იყო, როდესაც საფრანგეთის იმპერატორი ნაპოლეონი წამოსული იყო რუსეთისა და მოსკოვისაკენ. რუსეთის შევიწროებულ მდგომარეობით სარგებლობა მოინდომეს კახეთის თავადებმა საქართველოდგან რუსების განსადევნად და სამეფოს კვლავ აღსადგენად. ამიტომ მათ სპარსეთიდან დაიბარეს ალექსანდრე ბატონიშვილი, ხოლო თვითონ კი შეუდგნენ მზადებას. თუ პირველს მოძრაობას ჰქონდა უმეტესად ხალხური ხასიათი და იყო შედეგი რუსთა ჯარის ნაწილების და მხებელეთა თვითნებობისა და ძალადობისა ხალხის შიმართ, ეხლა ამბოხებას მიზნად ჰქონდა დასახული სამეფოს აღდგენა.

1812 წლის აგვისტოს პირველ რიცხვებში ალექსანდრე ბატონიშვილი ერეწნიდგან მოვიდა თრიალეთს და თათრების თანხლებით გავიდა მტკვარს კოწახურის ფონზე, გაიარა მუხრანი და მივიდა თიანეთს, სადაც მას მიეგებნენ კანნი თავადნი თავისი კაცებით. ამის გაგებისთანავე რუსებმა დასძრეს თავისი ჯარი—ერთი პოლკი, რომელიც დამარცხდა, მაგრამ ცოტა ხნის შემდეგ რუსებმა ისევ მოიკრიფეს ძალა, დაამარცხეს კახელები, რომელთანაც იყვნენ ლეკებიც, დასწევს შილდა და დადგნენ ყვარელს. პაულუჩის მაგივრად ამ დროს მთავარ-მართებლად იყო გენ. რტიშჩევი, რომელმაც გამოგზავნა ათასი კაცი თ გენ. დიმ. ორბელიანი. ალექსანდრე ბატონიშვილი მივიდა ჩალაუბანს, სადაც მას შეუერთდა 5 ათასი ლეკით ალისკანტი, ავარიის ომარ-ხანის შვილი. ალექსანდრე დაეცა სიღნახს, მაგრამ ვერ აიღო ის. მალე რუსთ მოუვიდათ ახალი ჯარი 1,500 კაცი გენ. სეიმონოვიჩის უფროსობით, რომელიც შეუერთდა ორბელიანის რაზმს ჩაილურს. აქ მოხდა სასტიკი ბრძოლა, რომელიც არც ერთი მხარის გამარჯვებით არ გათავებულა. მაგრამ მიუხედავად ამისა ალისკანტი ლეკს ჯარით დამით წავიდა დლისტისაკენ. მაშინ კახნიც თან-და-თან დაიფანტნენ და ალექსანდრე იძულებული შეიქმნა ფშავეთში წასულიყო, ხოლო იქიდან დადგა ხევსურეთს, და შემდეგ წავიდა დლისტანს.

ამის შემდეგ აჯანყება ჩაქრობილ იქმნა სასტიკი ზომებით და მასში მონაწილე პირნი დასჯილ იქმნენ ციხიბირში ვაგზავენით ან დაპატიმრებით.



სპარსეთი უარს აცხადებს საქართველოზე და აზერბეიჯანის სახანოებზე. იმ დროს როდესაც ალექსანდრე ბატონიშვილი კახეთს იყო, სპარსეთის ტახტის მემკვიდრემ აბას-მირზამ რუსეთის ყურადღების მისაპყრობად დასძრა ჩრდილოეთისაკენ თავისი ახლად ევროპიულ წესზე განწყობილი ჯარი 6 ათასი კაცი. მაგრამ რუსის ჯარმა ყარაბაღელთა ცხენოსან რაზმის თანხლებით ფარულად გადალახა მდ. არზნი და მოულოდნელად დაეცა აბას-მირზას, რომელიც დამარცხდა და იძულებული გახდა თავრიზს გაქცეულიყო. ამას მოყვა ომი სპარსეთსა და რუსეთს შორის, რომელიც გათავდა 1813 წ. დადებულ გულისტანის ხელშეკრულებით. სპარსეთი ამ ომში დამარცხდა და ამიტომ მან უარი სთქვა ყოველგვარ პრეტენზიებზე საქართველოს შესახებ და დაუთმო რუსეთს სახანოები: განჯისა, ყარაბაღისა, შაქისა, შირვანისა, თალიშისა, ბაქოსი, ყუბისა და დარუბანდისა.

აჯანყება იმერეთს ეკლესიურ საკითხის გამო. 1816 წლიდან კავკასიის მთავარმართებლად იყო გენ. ერმოლოვი, რომლის მართებლობამ გასტანა 10 წელი. ერმოლოვი იყო მომხრე რუსიფიკაციისა და ქედმაღლურად ეპყრობოდა კავკასიის ხალხებს. ქართველი ერის ცხოვრებაში ერმოლოვის მიერ განსაკუთრებულის სიცხადით შემოტანილმა მიმართულებამ უმეტესად იჩინა თავი ეკლესიურ საკითხში. ექზარხოსის თეოფილაქტეს დანიშვნა 1817 წ. ამ მხრივ საყურადღებო მოვლენა იყო. მოსკლისთანავე მან შემოიღო სანახევროდ სლავიანური წირვა-ლოცვა ტფილისის სიონის საკათედრო ტაძარში. ტფილისის სემინარიის დარსებას რუსულს ენაზე 1817 წ. აგრეთვე ჰქონდა დასახული ქართველების გარუსების მიზნები. მალე თეოფილაქტემ მოინდომა დასავლეთ საქართველოს საეკლესიო საქმეებში ჩარევა. 1795 წ. მაისში კიევის გარდაცვალებულ კათალიკოზის მატსიმეს შემდეგ აფხაზ-იმერეთის საკათალიკოზოს განაგებდა დოსითეოს ქუთათელი. რუსის მთავრობა საქართველო-იმერეთის სასიონლო კანტარის გახსნით 1815 წ. ცდილობდა დასავლეთ საქართველოს ეპარქიების ექზარხოსისთვის დამორჩილებას, მაგრამ ფაქტიურად ლიხთ-იმერეთს წინანდელი წესი შეუცვლელი იყო. ექზარხოსმა თეოფილაქტემ ტფილისში ჩამოსვლისთანავე წარადგინა უწმინდეს სინოდში მოხსენება ლიხთ-იმერეთის ეპარქიების შემცირებისა და მათი ექზარხოსისთვის დაქვემდებარების შესახებ. დასავლეთ საქართველოში ამ დროს იყო 9 სამღვდელ-მთავრო კათედრა. განზრახული იყო მხოლოდ სამი ეპარქიის დატოვება და აგრეთვე საეკლესიო მამულების შემოსავლის ცნობაში მოყვანა. ამ რეფორმის განზრახვით დიდათ უკმაყოფილო გახდნენ იმერეთის მღვდელთ-მთავარნი და სამღვდელოება. მათ მიემხრნენ აგრეთვე ყველა ის ელემენტები, რომელნიც საზოგადოდ უკმაყოფილო იყვნენ რუსის მართებლობის დამყარებით. ექზარხოსის მიერ საეკლესიო მამულების აღსაწერად გაგზავნილი კაცები ხალხმა კინალამ დახოცა. უკმაყოფილება თან-და-თან იზრდებოდა, ქუთათელი მიტროპოლიტი დოსითეოს და გენათელი ფთთიმე აშკარად მოუწოდებ-



დნენ ხალხს ეკლესიის უფლებების დასაცავად და ბოლოს სოფ. ხიმშია
 აჯანყებულთა შეიარაღებული რაზმებიც გამოჩნდნენ. თეოფილაქტე
 თვით მოვიდა ქუთაისს საქმის მოსაგვარებლად, მაგრამ იძულებული
 შეიქმნა უკან დაბრუნებულიყო, რადგან ხალხის აღშფოთებას მისი პი-
 როვნებისთვის საშიში ხასიათი შეეძლო მიეღო. რუსებმა ჯარები დას-
 რეს აჯანყებულ იმერთა წინააღმდეგ, რომელთაც წინამძღოლობდა ივანე
 ქაიხოსროს ძე აბაშიძე, დედით შვილის-შვილი მეფის სოლომონ I-სა.
 აჯანყებულნი უკვე ბკობდნენ მეფის არჩევის შესახებ. 3 მარტს 1820 წ.
 იმერეთის ახლად დანიშნულმა მართველმა პოლკ. პუზირევსკიმ შეიპყრო
 ღრმად მოხუცებულნი ქუთათელი მიტროპოლიტი დოსითეოსი და გენ-
 ნათელი ეფთიმე, ორივეს ჩამოაცვეს თავიდან წელამდის ტომრები,
 შეუკრეს ხელები, ხოლო ქუთათელს ცემეს ფრიად და ესრედ წაიყვანეს.
 მათთან ერთად ჯარის თანხლებით დაპატიმრებულ და რუსეთისკენ გაგ-
 ზავნილ იქმნენ დარეჯან ბატონიშვილი, დედა ივანე აბაშიძისა, და რამ-
 დენიმე თავადი, მათ შორის სენნია წულუკიძე, დავით მიქელაძე და სხ.
 დარეჯანი დაასაღვურეს პენზას, ხოლო თავადები გაგზავნეს ციმბირს.
 სურამს ტომარაში დაირჩო ქუთათელი მიტროპოლიტი დოსითეოს,
 მაგრამ ის მიანიც წამოიღეს მკვდარი და დამარხეს ანანურს. ხოლო გენა-
 თელი წარუდგინეს პეტერბურგს იმპერატორ ალექსანდრე I-ს და შემ-
 დგ დააპატიმრეს სვირიის მონასტერში პეტერბურგიდგან 200 ვერსზე,
 სადაც ის გარდაიცვალა 21 აპრილს 1822 წ.

მიტროპოლიტთა დაპატიმრების შემდეგ აჯანყება იმერეთს დროე-
 ბით ჩანელდა, მაგრამ გაგრძელდა გურიას, სადაც ქაიხოსრო გურიე-
 ლისძესთან თავი შეეფარებინა ივანე აბაშიძეს. პოლკ. პუზირევსკი წა-
 ვიდა გურიას ქაიხოსრო გურიელისძის შესაპყრობად, მაგრამ შემოქმე-
 დის ახლოს ის მოკლეს. მისი გვამის გამოსახსნელად წასული რუსების
 ჯარის რაზმი დაამარცხა დავით ერისთავმა. ამის შემდეგ აჯანყებამ კვლავ
 იფეთქა როგორც გურიაში, ისე იმერეთში და აგრეთვე რამოდენადმე
 ოდიშშიც. ეხლა აჯანყებას უკვე პოლიტიკური ხასიათი ჰქონდა. ივანე
 აბაშიძე ჩავიდა იმერეთს, სადაც უკვე გამოეცხადებინათ მეფედ ვახტანგ
 ბატონიშვილი. ოდიშში კიდევ აჯანყებულებს სათავეში ჩაუდგა ლევან
 დადიანის ძმა გიორგი, რომელიც რუსის სამსახურის აფიცური იყო და
 ეხლა ძმის გადავლებას და შემდეგ იმერეთის მოაჯანყებთან შეერთებას
 ლაშობდა. აჯანყების ჩასაქრობად ტფილისიდან გაგზავნილ იქნა იმე-
 რეთის მართველად დანიშნული გორჩა ოვი რუსის ჯარით. გორჩაკოვმა
 პირველად დაამშვიდა რაჭა, სადაც აჯანყების ა-ი უფრო ძლიერი იყო
 და შემდეგ თან-და-თან დაფანტა მოაჯანყებნი სხვა ადგილებშიდაც. ივანე
 აბაშიძე და ქაიხოსრო გურიელისძე გაიქცნენ ოსმალეთში. აჯანყე-
 ბაში მონაწილე თავადები გაგზავნეს ციმბირს, ხოლო მათი გლეხები
 შეირიცხა სახაზინოდ. ლევან დადიანის ძმა გიორგიც შეპყრობილ იქმ-
 ნა და გაგზავნეს ციმბირის ერთ-ერთ კორპუსში სამსახუროდ.



ამის შემდეგ საეკლესიო რეფორმა აღვილად იქმნა გატარებული. იმერეთის ეპარქიის მართველად დაინიშნა ნიკორწმინდელი მთავარ-ეპისკოპოსი სოფრონი, ოდიშისა და გურიას დარჩა აგრეთვე თითო კათედრა (ჭყონდიდისა და ჯუმათისა) საქართველოს ეპისკოპოსის მართველობის ქვეშ.

საქართველოს საერთო ვითარება 1820-1830 წლ. რუსეთის მართველობის წესი და განსაკუთრებით რუსული ენის გაბატონება დიდს უხერხულობას წარმოადგენდა ხალხისთვის და ამიტომ უკმაყოფილება არ ცხრებოდა. მაგრამ ამ უკმაყოფილების გარედ გამომტანი ძალა არსად სჩანდა. მოწინავე წოდება—თავადობა თავისი საუკეთესო წარმომადგენლების სახით რუსის სამსახურში შედიოდა, ხოლო თვით ხალხი კი ბატონყმურ წეს-წყობილებისა გამოხმის ამოღების საშუალებას მოკლებული იყო.

ამასთანავე რუსეთის უფლების დამკვიდრება საქართველოში მაინც ქინიდა შესაფერის პირობებს წინსვლისა და ხალხის საერთო ვითარების გაუმჯობესებისათვის. შიგნით შედარებით მშვიდობიანობა დამყარდა და საქართველომ იწყო ეკონომიურად მოღონიერება, მოსახლეობა შესამჩნევად მატულობდა. 1819 წ. დაარსდა ტფილისში პირველი ქართული გაზეთი „საქართველოს გაზეთი“, რომელმაც 2 წელიწადი იცოცხლა. თავად-აზნაურობის ახალგაზრდობის საუკეთესო ნაწილი ამასთანავე ეტანებოდა რუსულ განათლებას და ადგილობრივ ცხოვრებაში ევროპიულ ნაკადის გამტარებელი ხდებოდა.

სამცხე-ჯავახეთის დაპყრობა რუსეთის მიერ. 1826—1828 წლებში სპარსეთსა და რუსეთს შორის წარმოებდა ომი, რომელიც დამთავრდა სპარსეთის დამარცხებით. თურქმენ-ჩაის ზავის მიხედვით რუსეთმა შეიერთა ერევნისა და ნახიჩევანის სახანოები.

ამის შემდეგ 1828 წ. დაიწყო ომი ოსმალეთსა და რუსეთს შორის. რუსებმა ბრძოლით აიღეს ყარსი, ფოთი, რომელიც ჯერ კიდევ 1809 წ. დაჭერილ იქმნა რუსების მიერ, მაგრამ შემდეგ ისევ ოსმალთ დაუბრუნდათ. აგრეთვე ხერთვისი და ახალციხე. აღრიანოპოლში შეკრულ ზავის პირობებით 1829 წ. რუსეთმა ამიერ-კავკასიაში შეიერთა ჯავახეთი, სამცხე (ახალციხის მხარე) და ფოთი.

ჯავახეთის ქართველ-მაჰმადიანებმა არ მოინდომეს რუსეთის ფარგლებში დარჩენა და მცირე გამოანაკლისის გარდა თითქმის მთლად გაიკრიბნენ ოსმალეთში. ძლიერ ბევრი გარდასახლდა ოსმალეთს აგრეთვე სამცხედან (ახალციხის მხრიდან). ქართველ მაჰმადიანების მავიჯრად ჯავახეთსა და სამცხეში რუსის მთავრობის მიერ ჩასახლებულ იქმნა 30 ათასი სული სომეხი, ოსმალეთიდან გამოქცეული. ბევრი სომეხი (60 ათასამდე) დასახლდა კიდევ ლორესა, ყოფილ ერევნის სახანოში და სხვა ადგილებშიც.



ამევე დროს ეკუთვნის გურიის სამთავროს გაუქმება რუსთა მიერ.

გურიის შეერთება რუსეთთან. იმერეთის რუსთა მიერ დაპყრობასთან ერთად უნდა გარდაწყვეტილიყო საკითხი გურიის შესახებ. რადგან გურიის მთავარი მამია გურიელი გადავიდა რუსის მხარეზე ჯერ კიდევ სოლომონ II-ს გარდაგდებადის, ამიტომ მას გაუადვილდა თავისი ავტონომიურ მართველობის შენარჩუნება. მიუხედავად იმისა, რომ 1804 წლის იმერეთთან დადებულ ხელშეკრულების ცალკე მუხლით გურია ცნობილ იქმნა იმერეთის ნაწილად, მისში 1810 წ. მამია გურიელმა დაიწყო მოლაპარაკება რუსთა ქვეშევრდომობაში შესვლის შესახებ და ცოტა ხნის შემდეგ წარადგინა იმპერატორის სახელზე ქვეშევრდომობის თხოვნითი ზუსტები, რომელიც იმავე ხასიათისა იყო, როგორც დადინასა და რუსეთს შორის დადებული პირობა. 8 აპრილს 1811 წ. იმპერატორ ალექსანდრე I-მა დაამტკიცა მამია მთავარი, რომელსაც ამის ნიშნად მიეცა იმპერატორის ხელწერილი რუსკრიბტი, დროშა და ხმალი. ამის შემდეგ მამია განაგებდა თავის სამთავროს. მისს დროს გურიის ცხოვრება რამოდენადმე წარმატების გზას დაადგა. ოზურგეთში მთავარმა გახსნა სკოლა, ეკონომიურ ცხოვრების განსაცხოვლებლად მოაწყო იარაღობა („მარინობა“) და სხ.

მამია გარდაიცვალა 1826 წ. 21 ნოემბერს და რადგან მისი მემკვიდრე დავითი ჯერ მცირეწლოვანი იყო, ამიტომ რუსთ სამთავროს საქმეების განსაგებად შეადგინეს ქვრივი დედოფლის სოფიოს თავმჯდომარეობით რჩევა, რომელშიდაც შედიოდა 6 გურიის თავადთაგანი. რჩევამ ფრიად შეზღუდა ქვრივ დედოფლის უფლებები და გარდა ამისა ხშირი ჩარევა რუს მოხელეებისა გურიის შინაურ საქმეებში იწვევდა გურიის ხელმძღვანელ წრეებში დიდს უკმაყოფილებას. ამით აიხსნება, რომ 1828 წ. როდესაც რუს-ოსმალეთის ომი წარმოებდა და ოსმალოს ჯარი გურიის საზღვარზედ იდგა, სოფიო დედოფალი და სახლთუხუცესი დავით მაჭუტაძე შეუღდნენ ოსმალებთან მოლაპარაკებას. მალე სოფიო დავით მაჭუტაძისა და 68 კაცისაგან შემდგარ ამაღლის თანხლებით გაიქცა ოსმალების ბანაკში. მან თან წაიყვანა 8 წლის მემკვიდრე დავითი. მისი გაქცევის შემდეგ გურიაში შემოღებულ იქმნა რუსის მართველობა ყოფილ სამთავროს იმერეთის მართველისადმი დაქვემდებარებით. სოფიო დედოფალი მალე გარდაიცვალა ქალ. უნიეში (7 სექტ. 1829 წ.). მისი შვილები ამაღლის თანხლებით სტამბოლს წავიდნენ; საიდანაც 1832 წ. დაბრუნდნენ გურიას. დავითი მისში 1833 წ. ტფილისიდან წაიყვანეს პეტერბურგს და მიაბარეს პაეების კორპუსში. ის მოკლეს ლეკებთან ბრძოლაში ახულგოს ალების დროს დლისტანს 1839 წ.

შეთქმულება რუხეთის წინააღმდეგ (1832 წ.). ამ დროს ჯერ კიდევ ფრიად ცოცხალი იყო ხსოვნა საქართველოს სამეფოების შესახებ.



რუსეთის სატახტო ქალაქებში მობინადრე დედოფლები და ბატონიშვილები ცოცხალი წარმომადგენლები იყვნენ ამ განვლილ დროისა. მალე თავად-აზნაურობის განათლებულ ახალგაზრდობაში გაჩნდა მისწრაფება საქართველოს განთავისუფლებისაკენ რუსეთის ბატონობისაგან. 1829 წ. ამ აზრით ტფილისში დაარსდა ფარული საზოგადოება, რომლის მოთავედ იყო ოქროპირ ბატონიშვილი იულიანის ძის დიმიტრი ბატონიშვილთან ერთად. ამ საზოგადოების წევრმა სოლ. დოდაშვილმა 1832 წ. კიდევ დაარსა ქართული ჟურნალი „ტფილისის უწყება“. 1832 წლის დასასრულისთვის საზოგადოების წევრთ განზრახული ჰქონდათ რუსთა წინააღმდეგ აჯანყების მოხდენა. წინასწარ შედგენილ გეგმის მიხედვით შემთქმელთ უნდა მოეყვანათ თავიანთი პატარა რაზმები, თავად-აზნაურობის სახელით სპეციალურად გამართულ მეჯლისზე ამოეხრცათ რუსის ძალადი მოხელეები და შემდეგ გაერეკათ რუსნი საქართველოდგან. ელიზბარ და გიორგი ერისთავს შემუშავებული ჰქონდათ მართველობის მოწყობის პროექტიც. შემთქმელთ კავშირი ჰქონდათ გაბმული სპარსეთში მყოფ მეფის-ძე ალექსანდრესთანაც. შეთქმულება ჩაიშალა, რადგან 9 დეკემბერს თავისი ამხანაგები გასცა ია ფაოვანდიშვილმა, ტფილისის სამოქალაქო გუბერნატორის ძმამ. შეთქმულების მონაწილენი რუსეთის სხვა-და-სხვა ადგილას იქმნენ გაგზავნილი უმეტესი განსახლვრული ვადით. მათ შორის იყვნენ ოქროპირ, დიმიტრი და თეკლა ბატონიშვილნი, ელიზბარი და დავითის-ძე გიორგი ერისთავები, ორბელიანები, ალექსანდრე ჭავჭავაძე, დიმ. ყიფიანი, სოლ. დოდაშვილი და სხვანი, სულ 38 კაცი.

ეს იყო უკანასკნელი გამოსელა თავადობის და აზნაურობისა საშეფოს აღდგენის მიზნით.

რუსის მთავრობა ცდილობს წმიდა რუსულ მართველობის შეღებას საქართველოში. მალე რუსეთის მთავრობამ მოინდომა იმ ცოტადენი თავისებურობის მოსპობაც, რომელიც ჯერ კიდევ ახასიათებდა ქართლ-კახეთ-იმერეთის მართველობას. 1830 წლიდგან ამის შესახებ მართველ წრეებში ბჭობა არ შეწყვეტილა, სანამ 1841 წლის 1 იანვრისთვის მთავარ-მართველ გოლოვინის დროს შემოღებულ არ იქმნა ახალი წესები. ამ წესების მიხედვით ქართლ-კახეთ-იმერეთი სამცხე-ჯავახეთითურთ გამოცხადებულ იქმნა ერთ — საქართველო-იმერეთის გუბერნიად, რომელიც განყოფილი იყო 11 მაზრად. ვახტანგ მეფის კანონების ძალა სამოქალაქო სამართლის წარმოებაში მთლად გაუქმებულ იქმნა გარდა ორი მუხლისა სარწყავი წყლით სარგებლობის შესახებ. მართველობიდან მთლად გამოიდევნენ ადგილობრივი თავად-აზნაურობის წარმომადგენლები და ამის მაგივრად გაძლიერდა რუსი მოხელეობა.

მიხ. ვარანცოვის ნამესტნიკობის დრო. ამ გვარი წესი მართველობისა ფრიალ უხერხული იყო და დიდს უკმაყოფილებასაც იწვევდა.



ამ გარემოებას ბოლოს ყურადღება მიაქციეს პეტერბურგშიდაც და 1844 წ. კავკასიაში დანიშნეს გრაფი მ. ვარანცოვი, რომელსაც შემდეგ თავადობა მიეცა, დიდი უფლებებით და იმპერატორის მოადგილის — ნამესტნიკის ხარისხით.

ვარანცოვმა მართლაც ყურადღება მიაპყრო ადგილობრივ საქმეების არევ-დარვეს და თუმცა მართველობის წესში არსებითი ცვლილებანი არ შეუტანია, მაგრამ გააუმჯობესა რუს მოხელეთა შემადგენლობა და ამასთანავე ფართო გზა გაუხსნა სახელმწიფო სამსახურისკენ ქართველ თავად-აზნაურობასაც. 1846 წ. კიდევ ამიერ-კავკასია გაყოფილ იქნა 4 გუბერნიად, რომელთაგან საქართველოზე, გარდა დასავლ. საქართველოს ავტონომიურ სამთავროებისა, მოდიოდა ორი: ტფილისისა და ქუთაისისა. ვარანცოვი დიდს ყურადღებას აქცევდა ქვეყნის შდგომარეობის გაუმჯობესებას. მისს დროს ვაყვანილ იქნა რამოდენიმე გზა, შავს ზღვაზე შემოღებულ იქნა წესიერი მიმოსვლა, მანვე ხელი შეუწყო გიორგი ერისთავს ქართულ თეატრის დაფუძნების საქმეში, რაც გამოიხატა 2 იანვარს 1850 წ. პირველ ქართულ წარმოდგენის გამართვაში ტფილისს. მისივე დახმარებით 1852 წ. დაარსდა ქართული ყოველ-თვიური ჟურნალი „ცისკარი“, რომლითაც მკვიდრი საფუძველი ჩაეყარა ქართულ დრო-გამოშვებითი გამომცემლობას. ვარანცოვი დარჩა კავკასიის ნამესტნიკად 1854 წლამდის და თავისი მართველობით კარგი სახელი დასტოვა. ვარანცოვი განსაკუთრებით დიდი მომხრე იყო ქართველ თავად-აზნაურობის დაწინაურებისა და რუსებთან დახლოების საშუალებით მათი გავერობიელებისა.

კავკასიის მთიულ ხალხების დაპყრობა. რუსთა მართველობის საქართველოში დამკვიდრებამ გარდასწყვიტა კავკასიის მთიულ ხალხების ბედი. მედგარი და ხანგრძლივი წინააღმდეგობის შემდეგ ისინი ბრძოლით დაიმორჩილეს რუსებმა. კავკასიის მთების აღმოსავლეთ ნაწილში 1834 წლიდგან რუსთა საწინააღმდეგო ბრძოლას სათავეში ედგა შამილი. როგორც დალისტნის იმამი, ის ამასთანავე ეყრდნობოდა მიურდიზმს. — სწავლა-მოდერებას, რომელიც რუსებთან ომს სარწმუნოებრივ ხასიათს აძლევდა. შამილმა შეაერთა თავისი ბრძანებლობის ქვეშ საჩჩჩნეთი, ავარია და დალისტნის უმეტესი ნაწილი. ხანგრძლივი ბრძოლის შემდეგ რუსებმა თანდათან შეავიწროვეს შამილი. განსაკუთრებით მკაცრი ხასიათი ამ ბრძოლაშ მიიღო ევგუდ წოდებულ ყირაძის ომის შემდეგ, რომელსაც რუსეთი აწარმოებდა ოსმალეთთან და დასავლ. ევრობის სახელმწიფოებთან (1853—1856 წ. წ.) ნამესტნიკს ბარათინსკის დავალებული ჰქონდა ბოლო მოეღო შამილისთვის, რომელიც ბოლოს-და-ბოლოს გუნიბის ციხეში გამაგრებული იძულებული გახდა დანებებოდა რუსთ (25 აგვ. 1859 წ.). დალისტანი ამ გვარად რუსეთმა შეიერთა.



შამალის წინააღმდეგ ბრძოლაში, ისე როგორც რუსეთის მიერ წარმოებულ ყველა ომებში ამერ-კავკასიის ფარგლებში, მონაწილეობას ლეზღობდა ქართული მილიციაც.

აღმოსავლ. კავკასიის მთიულ ხალხთა დამორჩილების შემდეგ დამთავრებულ იქმნა დასავლ. კავკასიის მთიულების დაპყრობაც. ეს მოხდა 1864 წ. ნაშესტნაის დიდი მთავრის მიხეილ ნიკოლოზის ძის დროს. სხვა-და-სხვა ჩერქესელ ტომებთან 90 ათასი სული დასახლებულ იქმნა მდ. ყუბანისა და ლაბას ველზედ. ხოლო ჩერქესთა უმეტესი ნაწილი — 418 ათასი სული იძულებული გახდა ოსმალეთს გარდახვეწილიყო. ზოგიერთი ტომი, როგორც, მაგ., ჯიქნი, ალანნი, უბიხები და სხ. მთლად გაიკრიფა ოსმალეთისკენ.

ამავე დროს რუსეთს თავისი მართველობა შეჰქონდა დასავლეთ საქართველოს სამთავროებშიც.

სამურზაყანოს ბედი. ოდიშის მართველ წრეებს თავიდანვე საუკეთესო განწყობილება ჰქონდათ რუსეთის მთავრობასთან. როგორც იმერეთთან ბრძოლაში, ისე ყოველ სხვა საკითხშიაც ისინი იყვნენ ბრმა აღმასრულებელნი ტფილისიდან მიცემულ ყოველგვარ ბრძანებისა და აზიტიმ რუსის მთავრობა მათ ნდობით უყურებდა.

ეს გარემოება ოდიშის ხელმძღვანელ წრეებმა მოინდომეს გამოეყენებინათ სამურზაყანოს შემოსამტკიცებლად. სამურზაყანოს 1758 წლიდან განაგებდა ლევან შერვაშიძე, ძე ხრესილის ომში დაღუპულ ხუტუნია შერვაშიძისა. ლევან შერვაშიძე ორქოფულ გზას ადგა და თავის მთავრობის დროს უფრო აფხაზეთის მფლობელ შერვაშიძეების მხარე ეჭირა. ლევან დადიანი 1809 წ. შევიდა სამურზაყანოში და ამ მხარის გამგეობა მიანდო თავისს სიძეს მანუჩარ სოლომონისძე შერვაშიძეს, ლევანის ძმისწულს. მალე მანუჩარ მოკლა ლევან შერვაშიძის შვილმა ხუტუნია. დადიანმა სთხოვა დახმარება რუსებს და გურიელს და შემდეგ ოდიშარ იმერ-გურულ-რუს ჯარით გადავიდა სამურზაყანოში. შერვაშიძე გამაგრდა ბედიში, მაგრამ მალე დანებდა დადიანს, რომელმაც მისცა მას საცხოვრებლად სოფლები, ხოლო სამურზაყანოს გამგებლად დასვა თავისი მოხელეები.

სამურზაყანოს ამგებმა აამხელრა დადიანის წინააღმდეგ აფხაზეთის მფლობელის სახლი, რომელიც სამურზაყანოზე თავისს პრეტენზიებს აცხადებდა. ეს პრეტენზიები განსაკუთრებულის სიცხადით გამოაშკარადნენ შო-იან წლებში, როდესაც აფხაზეთის მთავრის მიხეილ შერვაშიძის ცდით სამურზაყანოში დრო გამოშვებით წვრილ-წვრილი გამოსვლები ხდებოდა დადიანის უფლების დამყარების წინააღმდეგ. ამ გარემოებით ისარგებლა რუსის მთავრობამ, რომელმაც 1840 წ. ჩამოართვა დადიანს სამურზაყანო და დააწესა იქ განსაკუთრებულ საბოქაულოს



სახით რუსული მართველობა. დადიანს კი სამაგიეროდ მიეცა 25 ათ. მანეთი ფულად.

ლევან V დადიანი. სამურხაყანოს საკითხის წამოყენება იყო ყველაზედ უფრო მნიშვნელოვანი მოვლენა ოდიშის შინაურ ცხოვრებაში ლევან დადიანის დროს. ლევანი საზოგადოდ ნაკლებ ყურადღებას აქცევდა სამთავროს საქმეებს და უფრო მხიარულად დროს გატარებით ერთობოდა. სამურხაყანოში რუსულ მართველობის დაწესებამ ცხადად დაანახვა მას, რომ ადრე თუ გვიან რუსეთი ოდიშის ავტონომიურ მართველობასაც მოსპობდა. ეს იყო მიზეზი, რომ თავისს გვარში დადიანობის განსამტკიცებლად მან 1842 წ. რუსეთის მთავრობის ნებადართვით სამთავროს მართვა-გამგეობა გადასცა თავის უფროსს შვილს დაეთოს. ლევანი გარდაიცვალა 1846 წ. და იმავე წლის ნოემბერში დაეთით, რუსის სამსახურის გენერალ-მაიორი, დამტკიცებულ იქმნა მთავრად.

დავით დადიანი. დავით დადიანი (1846—1853 წ.) იყო ევროპულად აღზრდილი და კარგად განათლებული ადამიანი. ის ცდილობდა მართველობის სისტემის გაუმჯობესებას ახალი რეფორმების შემოღებით. მთელი სამთავრო მან გაყო რამოდენიმე ოლქად და თითო ოლქის სათავეში დააყენა მდივანბეგი, რომელსაც მინიჭებული ჰქონდა სამოსამართლო და საპოლიციო უფლება. მდივანბეგნი ხელმძღვანელობდნენ განსაკუთრებული ინსტრუქციით, რომელიც 1842 წ. კავკასიის მართვა-გამგეობისათვის შემუშავებულ დებულებას ეთანხმებოდა. სამთავროს ბევრი თანამდებობის პირი ჯამაგირზედ იქმნა გადაყვანილი, მოისპო აგრეთვე ამა თუ იმ თანამდებობათა განსაზღვრულ გვარის წევრთათვის ვადაცემა. მოხელეთა დანიშვნა თავისუფლად ხდებოდა.

1853 წ. ოქტომბერში გარდაიცვალა დავით დადიანი. მისი მემკვიდრე ნიკოლოზი ჯერ მცირეწლოვანი იყო, და ამიტომ სამთავროს მართვა-გამგეობა მიენდო დავითის ქვრივს ეკატერინე დედოფალს, რომელიც იყო ასული პოეტის ალექსანდრე ქავკაძისა.

ოსმალნი ოდიშსა და აფხაზეთში. (1854—1856 წ.). 1853 წ. დაიწყო ომი რუსეთსა და ოსმალეთს შორის. ოსმალეთის მხარეზე ამ ომში მონაწილეობას ღებულობდნენ საფრანგეთი და ინგლისი. ამ ომის დროს აფხაზეთი და ოდიში გახდა ერთ-ერთ მეორეხარისხოვან საომარ ასპარეზად. 7 მაისს 1854 წ. ოსმალნი და ინგლისელები მიაღწენ ყულევს და ზარბაზნები დაუშინეს მას. ყულევი მალე აღებულ იქმნა და დედოფალი ეკატერინე ახალგაზრდა მთავრითურთ ზუგდიდიდან გაიქცა გორდს. იმავე ხანს აფხაზეთში შემოვიდა ოსმალთა ჯარი—2 ათასი კაცი—სეფერ-ბეის წინამძღოლობით. მეორე წელს ოსმალთ აფხაზეთში დააგროვეს ჯარი, რომლის უფროსად დანიშნული იყო ომერ-ფაშა. 25 ოქტომბერს 1855 წ. ომერ-ფაშა 30 ათასი კაცით მიაღწა მდ. ენგურს,



დაამარცხა სოფ. კოკთან მდგარი რუსის ჯარი გენ. კ. მუხრან-ბატონის წინამძღოლობით და დაიპყრო ზუგდიდი. სამურზაყანოში ოსმალთ მართველად დასვეს მათს მხარეს გადასული რუსის სამსახურის გენ.-ლეიტ. კაცია მარღანი, ხოლო ზუგდიდს ნიკოლოზ დადიანისძე, რუსის ჯარმა ხონისკენ დაიხია, ხოლო დედოფალი მთავრითურთ ავიდა ლენჩხუმს. ომერ-ფაშამ გამართა მიწერ-მოწერა დედოფალთან, არწმუნებდა მას, რომ მოკვეშირეთა სურვილია ოდიშის დამოუკიდებლობის გამკვიდრება რუსეთის წინააღმდეგ და სთხოვდა ზუგდიდში მისვლას. დედოფალმა ამ წინადადებაზედ უარი განაცხადა და რუსეთის ერთგულად დარჩა. ნოემბრის ბოლოს, ყარსის ციხის აღების შემდეგ, რუსის ჯარი შეტევაზედ გადავიდა ომერ-ფაშის წინააღმდეგ, რომელიც ამ დროს უკვე ცხენის-წყალზედ იდგა. ოსმალთ უკან დახევა იწყეს და რბევა-ობრებით გაიარეს ქვეყანა. ზუგდიდში დასწევს მთავრის სასახლე და შემდეგ გადაბუგეს მთელი დაბა. ოსმალთა ჯარი დაბინავდა ზღვის პირის ახლოს ქვალონს, ყულევსა და ნაბადას შორის. ამის შემდეგაც წვრილ-წვრილი შეტაკებანი არ შეწყვეტილა. ვიდრე 19 მარტის 1856 წლის პარიზის ტრაქტატით ოსმალებმა არ დასცალეს როგორც ოდიში, ისე აფხაზეთი.

გლეხთა აჯანყება ოდიშში. იმავე წელს დედოფალი მიიწვიეს მოსკოვს იმპერატორ ალექსანდრე II-ის გვირგვინის კურთხევაზე დასასწრებლად. დედოფლის რუსეთს მყოფობის დროს ოდიშში იფეთქა გლეხების უკმაყოფილებამ მებატონეების მიმართ. ეს იყო ხალხის სტიქიური პროტესტი ბატონ-ყმობის წინააღმდეგ, რომელსაც უკვე თავისი დრო მოეკმა. დედოფლის ოდიშში უკან დაბრუნების შემდეგ კი ამ პროტესტმა აშკარა აჯანყებაში ამიხეთქა. გლეხების მეთაურები იყვნენ უტუთია მიქავა და „მართალი“ თოდუა. რუსის ჯარის დახმარებით აჯანყება მალე ჩაქრობილ იქმნა.

სამეგრელოს სამთავროს მოსპობა. გლეხთა აჯანყებით ისარგებლა რუსის მთავრობამ, დედოფალი პეტერბურგს გაიწვიეს, ვითომდა შეიღების უკეთ აღსაზრდელად, ხოლო ოდიშში კი მოეწყო რუსული მართველობა. სამეგრელოს მართველად დაინიშნა კოლიუბაკინი, რომელთანაც შესდგა ეგრედ წოდებული სამეგრელოს საბჭო, 5 წევრისაგან შემდგარი. ამათგან ორი იყო რუსის მთავრობის დანიშნული, ორი ოდიშის თავადებისაგან და 1 აზნაურთაგან. საბჭოს თავმჯდომარედ იყო სამეგრელოს მართველი სამხედრო გუბერნატორის უფლებით, რომელიც ემორჩილებოდა ქუთაისის გენერალ-გუბერნატორს.

თუმცა ნომინალურად ჯერ კიდევ ოდიშის სამთავრო განაგრძობდა არსებობას, მაგრამ ცხადი იყო, რომ მისი სიცოცხლე ხანმოკლე უნდა ყოფილიყო. მართლაც, 4 იანვარს 1867 წ. დასრულწლოვანებულმა მთავარმა ნიკოლოზ დადიანმა, რომლის სახელით აქამდის კიდევ მართა-



ვდნენ სამეგრელოს, უარი სთქვა, თანახმად რუსეთის მთავრობის წინა-
დადებისა, მთავრის უფლებებზე, რის საშაგიეროდ მას მიეცა იმპერატორ-
რისაგან 1 მილიონი მანეთი. ამასთანავე სამთავროს სახასო მამულები
ჩარიცხულ იქმნენ ყოფილ მთავრის კერძო საკუთრებად, ხოლო გვარად
კი მას მიეცა უგანათ. თავადის მინგრელსკის სახელწოდება, ამ ტიტულის
შემკვიდრეობით გვარის უფროსს წევრზე გადასულით.

აფხაზეთი მე-XIX საუკ. დასაწყისს. იმ დროს, როდესაც
რუსეთი ოდიშთან და იმერეთის სამეფოსთან ხელშეკრულების დადებით
ფეხს იკიდებდა დასავლეთ საქართველოში, აფხაზეთს მთავრობდა
ქელიაშ-აჰმედ-ბეგ შერვაშიძე, მაჰმადიანობაში გადასული. სოხუმში, რო-
შელიც ამ დროს წარმოადგენდა ლამაზს ქალაქს წ ათასი მცხოვრებით,
იღვა ოსმალთა ჯარი. ოსმალთა გავლენა აფხაზეთში უკვე მკვიდრად
ფეხ-მოკიდებული იყო. ხალხიც ბევრს ადგილს უკვე აღიარებდა მაჰ-
მადიანობას. მაჰმადიანობის შემოსვლა აფხაზეთში იწყება მე-XVII საუ-
კუნის დასასრულიდან. ამ დროიდანვე იქ თანდათან გავლენა დაეკარგა
ქრისტიანობას, აფხაზეთის კათალიკოზიც უკვე არ ცხოვრობდა ბიჭვინ-
ტას და იმერეთს იყო გადასული. ქრისტიანობის ადგილს განსაკუთრე-
ბით წარჩინებულ წრეებში ნელნელა იკავებდა მაჰმადიანობა, ხალხი კი
უფრო მეტად თავისს პირველყოფილ წარმართობას უბრუნდებოდა.

აფხაზეთის შესვლა რუსეთის ქვეშევრდომობაში. ქელიაშ-აჰმედ-
ბეგი შშვიდობიანად განაგებდა თავის სამთავროს, სანამ მისსა და
ოსმალეთის მთავრობას შორის სამდურავი არ ჩამოვარდა. ამ სამდურა-
ვის მიზეზი იყო ოსმალეთიდან გამოქვეყლის ტრაპეზუნტის ფაშის
თაიარის შერვაშიძის მიერ შეხიზნვა. მაშინ ქელიაშ-ბეგმა დაიწყო
მოლაპარაკება საქართველოს მთავარ-მართველ ციციანოვთან რუსთა
ქვეშევრდომობის მიღების შესახებ. ქელიაშ-ბეგი ამასთანავე მალე დაე-
მოყვრა ლევან დიდიანს, რომლის და თამარი შერთო ცოლად თავისს
მეორე შვილს საფარ-ბეგს. მამამ ამ შემთხვევისათვის ნება დართო მას
ქრისტიანობაში გადასულიყო გიორგის სახელით, რადგან დადიანის
სახლი უფროს ამბობდა თამარის მასზე მითხოვებაზე მაჰმადიანობის მიტო-
ვებამდის. უფროსი შვილი ასლან-ბეგი მამას არ უყვარდა და ფიქრო-
ბდა სამთავროს გადაცემას საფარ-ბეგ ყოფილ გიორგისათვის. ყველ-
ფერი ეს არ დარჩა, რასაკვირელია, შეუმჩნეველი ოსმალეთის მთავრო-
ბას, რომლის ბრძანებით სოხუმის ფაშამ ააშხედრა მამის წინააღმდეგ
ასლან-ბეგი. 2 მაისს 1808 წ. ქელიაშ-ბეგ მოკლულ იქმნა ასლან-ბეგი-
საგან შეჩენილ კაცების მიერ აყუს ციხეში. ასლან-ბეგი გამოცხადებულ
იქმნა აფხაზეთის მთავრად, მაგრამ მას წინააღმდეგ მამა მისი გიორგი,
რომელიც გამოიქცა ოდიშს, საიდანაც მან დახმარება სთხოვა რუ

რუსის მთავრობას უკვე თვალი ეჭირა აფხაზეთის სანაპიროზე და
ამით მას კარგი შემთხვევა ეძლეოდა თავისი ბატონობის გასაერცვლე-



ზღაღ ოღიშის ჩრდილო-დასავლეთით. 12 აგვისტოს 1808 წ. გიორგიმ წარადგინა იმპერატორის სახელზე თხოვნითი მუხლები რუსეთის ქვეშევდომობის მიღების შესახებ. რომელიც თავისი შინაარსით თითქმის უღრიდა დადიანის მიერ თავისს დროზე ხელმოწერილ პუნქტებს. 17 თებერვალს 1810 წ. იმპერატორმა დამტკიცა ეს მუხლები და გიორგის, ნიშნად მთავრობისა, გამოუგზანა დროშა და ხმალი. 9 ივლისს 1810 წ. რუსის ესკადრა მიადგა სოხუმს და ზარბაზნები დაუშინა მას, ხოლო მეორე დღეს ნაპირას გადმოსხმულმა ჯარმა აიღო ქალაქი. სოხუმი ამ ბრძოლის დროს დიდად დაზიანდა, თვით ქალაქს ამის შემდეგ დაეკარგა ის სამხედრო და საეკერო მნიშვნელობა, რომელიც მას ჰქონდა ოსმალების დროს და ამიტომ მტკიცებთა რიცხვი იქ დიდად შემცირდა. დიდხანს ამის შემდეგ სოხუმი ფეხზე ვერ წამოდგა. გიორგიმ, საფარბეგ ყოფილმა, ამ ვერად დაიპყრო აფხაზეთი. რუსის ჯარი დადგა სოხუმს და ლიხნს, მთავრების მუღმივ ადგილ-სამყოფევლს.

უთანხმოებანი აფხაზეთს. გიორგი შერვაშიძე არ უყვარდა ხალხს, რომლის სიმპატია უფრო მის მეორე ძმის ჰასან-ბეგის მხარეზე იყო. ჰასან-ბეგი იყო ფრიად მხნე და რკინის ხასიათის კაცი, მაგრამ მედღარი მამაღიანი. ამის გამო გიორგის მთავრობის დროს უთანხმოება შიგნით აფხაზეთში არასოდეს არ შეწყვეტილა. 7 თებ. 1821 წ. ვარდიცვაღა მთავარი გიორგი შერვაშიძე ამ დროს მისი უფროსი შვილი დიმიტრი პეტერბურგს პაეების კორპუსში იზრდებოდა. იმპერატორმა დამტკიცა ის მთავრად და საჩქაროდ გამოგზანა აფხაზეთს. მისს ჩამოსვლამდის აფხაზეთში დროებით მართველად გამოცხადებულ იქმნა გიორგის ქვრივი, ედღოფალი თამარ. მაგრამ ჰასან-ბეგმა თვით მოინდომა მთავრად დაჯდომა და ამიტომ ჯარით დაიძრა სოხუმისაკენ. რუსებმა ის მიიწვიეს თავისთან ვითომდა მოლაპარაკების გასამართავად და შეიპყრეს, მაგრამ ამ გარემოებამ მდგომარეობა უფრო გაამწვავა. მოძრაობას ახლა სათავეში ჩაუღდა ასლან-ბეგი, მამის მკვლეღი, რომელიც 3 ათასი კაცით დადგა კოდორის კონტრა და სოფ. კილასურს შუა რუსის ჯარის აფხაზეთში არშესაშებად. რუსის ჯარმა, რომლის ავანგარდს შეადგენდა ოღიშის ცხენოსანი რაზმები, დამარცხა იმერეთის მართვეღის გორჩაკოვის წინამძღოღობით ასლან-ბეგი და მთავრად დამტკიცებულღ დიმიტრი შერვაშიძე მიიყვანა ლიხნს, სადაც ნოემბერში 1821 წ. აფხაზეთის თავადების თანადასწრებით ის გამოცხადებულ იქმნა მთავრად.

მიხეღლ შერვაშიძის გამთავრება. შინაური უთანხმოება ამის შემდეგაც არ მოსპობიღა და მას შეეწირა ახალგაზრდა მთავარიც, რომელიც გარდაიცვალა მოწამღვისაგან 16 ოქტ. 1822 წ., რის შემდეგ მთავრად დამტკიცებულ იქმნა მისი 16 წ. ძმა მიხეღლი (14 თებერ. 1823 წ.) მაიორის ჩინის მიცემით. მალე აფხაზეთში ისევ იფეთქ



აჯანყებამ ასლან-ბეგის ხელმძღვანელობით. მიხეილს თავს დაესხა ლიხნს რამოდენიმე ათასი აფხაზი და ალყა შემოარტყა მას და მასთან მყოფ რუსის რაზმს. იმერეთის მართველი გორჩაკოვი საჩქაროდ გაეშურა მთავრის გამოსახსნელად. გზაზე მას შეუერთდა ლევან დადიანი თავისი ჯარით. შეერთებულ რუს-ოდიშართა ჯარმა დაამარცხა აჯანყებულები, გაიკაფა გზა ლიხნისაკენ და განთავისუფლა მთავარი გარშემორტყმულ ალყისაგან (1824 წ. ზაფხ.).

აფხაზეთის ცხოვრებას, გარდა შინაურ უთანხმოებისა, არყევდა ამ დროს კიდევ ხშირი თავდასხმა მეზობელ ჩერქესთა მოღვმის ტომებისა, რომელნიც ხშირად დახმარებას პოულობდნენ აფხაზეთის ზოგ თავადის მხრივ. 1830 წ. რუსის ჯარმა დაიჭირა ბომბორი, ბიჭვინთა და გავრი, რის შემდეგ მიხეილ შერვაშიძის ძალა-უფლებას მეტი სიმტკიცე მიეცა.

წებელდაში რუსულ მართველობის შემოღება. რუსის ჯარის მიერ აფხაზეთის სხვა-და-სხვა სტრატეგიული პუნქტების დაქვერა, მართალია, ხელს უწყობდა მთავარს ურჩ ელემენტების აღსაგმვაში, მაგრამ იმავე დროს ფრიად აძლიერებდა რუსთა გავლენას აფხაზეთის საქმეებზედ. ეს გაძლიერება განსაკუთრებით ცხადი შეიქმნა რუსების მიერ წებელდის დაპყრობის შემდეგ. წებელდის მფლობელი მარშანიები ფაქტიურად დამოუკიდებელი იყვნენ შერვაშიძეებისაგან და ცალკე საპატრონოს შეადგენდნენ. ამ გვარის მეთაურს ბათალ-ბეის ჯერ ლოიალურად ეჭირა თავი რუსებისადმი. მაგრამ შემდეგ მათი უყურადღებობით შეურაცხყოფილმა და დამცირებულმა აამოძრავა წებელდა და დალი (1840 წ.). რუსებმა ეს მათ წინააღმდეგ მიმართული მოძრაობა მალე ჩააქრეს, წებელდა გახადეს რუსის საბოქაულოდ და დაუმორჩილეს სოხუმში მობინადრე რუსის ჯარის უფროსს. ბათალ-ბეი შემდეგ თუმცა შეურიგდა რუსებს, მაგრამ თავისი საუფლობელი მიინც ვერ მიიღო და ცხოვრობდა წებელდაში როგორც კერძო პირი და შემდეგ დიდად ერთგულობდა რუსეთს.

აფხაზეთის სამთავროს გაუქმება. წებელდის დაპყრობით რუსის მართველობა შეიქრა აფხაზეთის შუაგულში. მიხეილ შერვაშიძე თანდათან გრძობდა თავისი უფლების შემცირებას რუსთა მიერ, რომელნიც ხშირად, ერეოდნენ აფხაზეთის შინაურ საქმეებში. ამას თან დაერთო სამურზაყანოში საბოქაულოს დაარსება, რაც შერვაშიძემ თავის ახალ დამცირებად მიიღო, რადგან ის სამურზაყანოს აფხაზეთის სამთავროს კუთვნილებად სთვლიდა. მიხეილი ცდილობდა თავისს სამთავროს მართველობაში გაუმჯობესების შეტანას, მაგრამ რუსის მთავრობა ამაში არა თუ დახმარებას არ უწყევდა მას, კიდევ ხელს უშლიდა. ასე, 1845 წ. რუსის მთავრობამ უარი სთქვა აფხაზეთიდან განზრახულ რეფორმების მოწინააღმდეგე თავადების და აზნაურების რუსეთში გაგზავ-

ნახე. 1846 წ. კიდევ მთავარს ჩამოართვეს ნავთსადგურები, სადაც და-
არსებულ იქნა საბაჟოები, რის სანაცვლოდ მიხეილს წლიურად დე-
ნინშა 12 ათასი მანეთი. სოხუმში კიდევ თავიდანვე მოქმედობდა რუ-
სული ადმინისტრაცია და სასამართლო. ყველა ამ გარემოებამ აიძულა
მთავარი 1847 წლის დასასრულს შუამდგომლობა აღეძრა კავკასიის
ნამესტნიკის ვარანცოვის წინაშე გაენთავისუფლებინათ ის მთავრის
მოვლეობისაგან და სამაგიეროდ მიეცათ მისთვის საცხოვრებლად იმე-
რეთში 1,500 კოპლი გლეხი სახელმწიფო გარდასახადებისაგან გან-
თავისუფლებით. რუსეთი ამ დროს გართული იყო დაღისტნის ომით
და ამიტომ შერვაშიძის წინადადება თავისს ინტერესებისთვის სასარ-
გებლოდ არ ჩასთვალა. შერვაშიძე ისევ დარჩა მთავრად.

1853 — 1856 წ. რუსეთ-ოსმალეთისა და ამ უკანასკნელის მოკავში-
რეთა ომის დროს მიხეილ შერვაშიძე ორქოფულ მდგომარეობაში ჩაავდო
ოსმალეების ჯარის გადმოსხმამ აფხაზეთში. მიიწვ მთავარი ისევ რუსეთის
ერთგულად დარჩა, თუმცა მას ხშირად ოსმალეების მთავარ-სარდალ ომერ-
ფაშასთან საქმიითი ხასიათის ურთიერთობის დაჭერა უხდებოდა.

ოდიშში ფაქტიურად რუსის მართველობის დამყარებისა და აგ-
რეთვე დაღისტნის საბოლოოდ დაპყრობის შემდეგ გარდასწყდა აფხა-
ზეთის სამთავროს არსებობის საკითხიც. დიდმა მთავარმა მიხ. ნიკოლო-
ზის ძემ კავკასიის ნამესტნიკად დანიშვნის შემდეგ მოინდომა აფხაზე-
თის სამთავროს გაუქმება. განზრახული იყო აფხაზეთის სანაპიროს მდ.
ენგურამდის ყაზახებით დასახლება. რუსის მთავრობა ფიქრობდა, რომ
ამის განხორციელება უპროტესტოდ არ ჩაივლიდა, ამიტომ ეჭვის თვა-
ლით უყურებდა მიხეილ შერვაშიძეს და მოელოდა მისგან რაიმე მოქ-
მედების დაწყებას რუსეთის წინააღმდეგ. 1864 წ. ივლისში რუსებმა
აფხაზეთში პროკლამაცია გამოუშვეს ახალი საიმპერიო მართველობის
შემოღების შესახებ. მაშინ მთავარმაც თავის მხრივ, წინააღმდეგ რუსების
მოლოდინისა, აგრეთვე გამოაქვეყნა ბრძანება სამთავროს ნებაყოფლო-
ბით გადაცემის შესახებ. 12 ივლისს 1864 წ. სოხუმში შეკრებილ თა-
ვად-აზნაურობისა და ხალხის წარმომადგენლებს რუსის მთავრობის წარ-
მომადგენლებმა გამოუცხადეს გარდაწყვეტილება მთელს აფხაზეთში რუ-
სულ მართველობის შემოღების შესახებ. მალე მიხეილ შერვაშიძემ ით-
ხოვა ნებაართვა იერუსალიმში წმიდა ადგილების მოსალოცავად წასვლი-
სა, მაგრამ უარი უთხრეს და მითხოვეს რუსეთში გამგზავრება. 1864
წლის ნოემბერში მიხეილი მიიყვანეს როვოროსისკს, ხოლო იქიდან
დააბინავეს ეორონეში, სადაც ის მალე გარდაიცვალა (1865 წ.). მისი
გვაში მოასვენეს აფხაზეთს და იქ დაამარხეს.

აჯანყება აფხაზეთს. აფხაზეთში დამყარდა რუსეთის მარ-
თველობა. აფხაზეთის მართველად დაინიშნა პოლკ. კონიარი. 1866 წ.
ბზიბის ოლქში (აფხაზეთი) გაყოფილი იყო ამ დროს, როგორც მთავ-



რის ბატონობის უკანასკნელ წლებში, სამ ოლქად ბზიბისა, აფხაზეთისა და აფშუასი) ატყდა არეულობა. ამისი მიზეზი იყო ერთის მხრივ განზრახულ გლეხთა განთავისუფლების რეფორმის მიერ გამოწვეული გაუგებრობანი. უტაქტო და უხეში მოქცევა რუსი მოხელეებისა აგრეთვე დიდს უსიამოვნებას ბადებდა ხალხში. აჯანყებულნი დაეცნენ ლიხნში რუსთ, მოკლეს პოლკ. კონიარი და მასთან მყოფი რუსი მოხელეები, გაიტაცეს გარდაცვალებულ მთავრის შვილი გიორგი შერვაშიძე, რომელიც გამოაცხადეს მთავრად, და გაემართნენ სოხუმის ასაღებად, მაგრამ დამარცხდნენ. რუსთ მალე ჩააქრეს აჯანყება, რომელიც მოსდებოდა აგრეთვე წებელდას, აყარეს იარაღი ხალხს და განამტკიცეს თავისი მართველობა.

ამ აჯანყების შემდეგ წებელდის თითქმის მთელი მოსახლეობა აიყარა და გადასახლდა ოსმალეთს (1867 წ.). აფხაზეთი კი აღმინისტრატურლის მართველობის მხრივ გადაკეთდა სოხუმის განყოფილებად, რომელსაც 2 ოლქი შეადგენდა: ბიჭვინთისა და ოჩემჩირისა სამურზაყანოინათ.

ჯერ კიდევ აფხაზეთის დაპყრობის დასრულებამდის გარდაწყდა სვანეთის ბედი.

სვანეთი. მე-XV საუკუნეში სვანეთის ერისთავებად ითვლებოდნენ გელოვანები, მაგრამ ერისთავის უფლება ფაქტიურად ძლიერ სუსტი იყო. სვანეთის უმეტესი ნაწილი, ეცერიდგან დაწყებული რიონის სათავის მთიულეთამდის (გლოლა-ჭიორას რაიონითურთ), წარმოადგენდა თავისუფალ თემების კავშირს, რომელიც აღიარებდა მხოლოდ მეფის უზენაეს უფლებას. ხოლო ეცერი და მისი დასავლეთით მყოფი სვანეთი შედგენდა რუჩაგიანისა და ჭადეშქელიანის საბატონოს. მე-XV საუკუნის 80-იან წლებში სვანეთის თავისუფალ თემებს დაეღვათ რაქის შექმნულ თავადების ჯაფარიძეების სისხლი. სვანებს სხვა-და-სხვა შეტაკებებს და თავდასხმის დროს მოეკლათ ორი თავადი ჯაფარიძე და აგრეთვე მათ ქვეშ მყოფ გლეხთაგან 300 სულამდის. ამის გამო ჯაფარიძეებმა შეკრეს რაქის და ლეჩხუმის გზები და სვანები არ გადმოუშვეს და რადგან მარილი და ღვინო სვანებს რაქა-ლეჩხუმიდგან შეჰქონდათ, ამიტომ დიდს გაჭირვებაში ჩაუარდნენ. შემდეგ შეიკრიბა 800 კაცი, გადმოვიდა ლეჩხუმს და 400 საპალნე ღვინოთი დაბრუნდა უკან. მათ თავს დაესხათ ჯაფარიძეები და ამათი მიწვევით კუჭაიძე, ინასარიძე და გარეყანიძე თავთავიანთ კაცებით. სვანები დამარცხდნენ და 400 კაცი დაკარგეს. გამწვავებული ურთიერთობა სვანებსა და ჯაფარიძეებს შორის კარგ ხანს გაგრძელდა, სანამ სვანების შუამდგომლობით მეფემ არ მოარიგა ისინი. სვანებმა იკისრეს ჯაფარიძეთათვის სისხლის მიცემა და ამის ანგარიშში დაუდვეს მათ მთლად რიონის სათავის მთიულეთი, დაახლოვებით 900 კომლის მოსახლეობით. თავისუფალი სვანეთის და-

ნარჩენი ნაწილი კი ამის შემდეგაც განაგრძობდა თავისს გეოგრაფიულ მდგომარეობისა გამო ნახევრად დამოუკიდებელ არსებობას იმერეთის მეფის უფლებების აღიარებით, რაც გამოიხატებოდა მკირეოდენ ხარკის გარდახდაში. იმერეთის სამეფოს არსებობის უკანასკნელ ხანაში თავისუფალი სვანეთი (მდ. ენგურის სათავეში) იხდიდა მეფის ხაზინის სასარგებლოდ წელიწადში 3 ბათმანს თოფის წაშალს. ხოლო რაც შეეხება მდ. ცხენის-წყლის სათავეს სვანეთს, ის ოდიშის მეპატრონეების ხელში ლეჩხუმის გადასვლის შემდეგ დაემორჩილა დადიანებს, რის გამო მას დაერქვა სადადიანო სვანეთი.

საბატონო სვანეთში მე-XVI საუკ. და შემდეგ დროებში ატყდა სამკედრო-სასიცოცხლო ბრძოლა რუჩაგიანებსა და დადიშქელიანებს შორის, რომელიც თან-და-თან დადგმულიანების სასარგებლოდ ვითარდებოდა. იმავე დადგმულიანმა სიკვდილის წინ თავისს შვილებს უანდერძა: რუჩაგიანები გასწყვიტეთ და შათი დალუპვის ამბავი საფლავში ჩამომძახეთ, მაშინ მე სინხარულისაგან გავცოცხლდებიო. დადგმულიანებმა მართლაც მალე ამოსწყვიტეს თავიანთი მეტოქეები და საბატონო სვანეთი თითონ დაიპყრეს. მე-XVIII საუკ. ნახევარს საბატონო სვანეთს ფლობდა ოთარ დიდი დადგმულიანი. ოთარს ჰყავდა ორი შვილი ბაბა-ციოხი და მოსოსტი. მათ მემკვიდრეებს შორის გამუდმებული შუღლი და ურთიერთ ხდომა იყო. ბაბა-ციოხის შვილმა თათარხანმა 1832 წ. მიმართა იმერეთის მართველს გენ. ვაკულსკის რუსეთის ქვეშევრდომობაში შესვლის განცხადებით. ამავე დროს მოსოსტის შვილმა ციოხმაც მოინდომა რუსის ქვეშევრდომობაში შესვლა, რათა თავისს ბიძაშვილისათვის დაესწრო და სადადგმულიანო სვანეთი თითონ დაეპყრო. 1833 წ. როგორც თათარხანი, ისე ციოხი, თხოვნიითი მუხლები წარდგენის შემდეგ, დამტკიცებულ იქმნენ მთავრებად რუსის მთავრების მიერ. დადგმულიანების სახლი უკვე კარგა ხანია მუზომელ ყაზარდოსა და აფხაზეთის ზედგავლენით მაჰმადიანობისაკენ მიდრეკილიყო, ესლა კი რუსეთის ქვეშევრდომობაში შესვლისას ორივე მთავარმა ქრისტიანობა მიიღო. თათარხანს დაერქვა მიხაილ, ხოლო ციოხს ნიკოლოზი. პირველს შეხვდა ეცერი და ბეჩო, ხოლო მეორეს ჩიბუხევი.

თათარხანს იმედი ჰქონდა, როგორც გვარის უფროსს წარმომადგენელს, მთელი სადადგმულიანო სვანეთის მიღებისა და ამიტომ შექმნილი მდგომარეობით დიდათ უკმაყოფილო იყო. ამით აიხსნება, რომ უთანხმოება ორივე შტოს შორის არც ამის შემდეგ მოსპობილა. 1841 წ. სექტ. მოკვდა ციოხი, რომლის უფროსი შვილი 14 წლის კონსტანტინე შეუღდა ჩიბუხევის მფლობელობას თავისი ენერგიული ბების გიგო-ხანუმის ხელმძღვანელობით. 1843 წ. თათარხანი დაეცა გიგო-ხანუმს ფარის ციხეში და ცეცხლი მოუკიდა ციხეს. გიგო-ხანუმმა თავი გადმოიგდო ათი საჯენის სიმაღლე კოშკიდან და მოკვდა. ამ ფაქტმა დიდად გაამწვავა მდგომარეობა სადადგმულიანო სვანეთში, რადგან დალუ-

პულ გიგო-ხანუმის შვილისშვილები სისხლის ძიებას შეუდგნენ. თათარ-ხანი მოკვდა 1850 წ. და ხუთი წლის შემდეგ მისი შვილი ჯანსუხი მოკლეს ციხის შვილებმა თენგიზმა და ისლამმა. ჯანსუხის შვილები გაიქცნენ სამეგრელოს, ხოლო ეცერი დაიპყრო კოსტანტინე დადემ-ქელიანმა. 1857 წ. მანვე დაიმორჩილა თავისუფალ სვანეთის ორი საზოგადოება და ფიცი მიადებინა მათ თავისს ერთგულებაზედ. თავისუფალ სვანეთს კი უკვე 1840 წელს მიეღო რუსეთის ქვეშევრდომობა. ამის გამო კოსტანტინე დაიბარეს ქუთაისს. რუსის მთავრობას უკვე გარდაწყვეტილი ჰქონდა სვანეთის სამთავროსთვისაც ბოლო ზოგადი დეამიტომ კოსტანტინეს გამოუტყდადეს პეტერბურგს ან ერევანს წასულიყო. ამ წინადადებით გაანჩლებულმა კოსტანტინემ პირადი ბაასის დროს მოკლა ქუთაისის გენერალ-გუბერნატორი გაგარინი (1858 წ.). კოსტანტინე შეიპყრეს და იმავე წლის 5 ნოემბერს სიკვდილით დასაჯეს.

სვანეთში კი თავისუფალ სვანეთთან ერთად განწესებულ იქმნა რუსის ბოქაული.

ბატონ-უმობა მე-XIX საუკუნის პირველ ნახევარში. საქართველოში შემოსვლისთანავე რუსის მთავრობა ცდილობდა თავად-აზნაურობის თავისს მხარეზე მიზიდვას და ადგილობრივ ცხოვრებაშიც, რამდენადაც ეს მისი პოლიტიკისათვის საჭირო იყო, ამავე წოდებას უწყვედა ანგარიშს. უფლებრივად საქართველოს თავად-აზნაურობა ვათანასწორებული იყო, როგორც ეს განისაზღვრებოდა 1783 წლის ერეკლე II-სა და იმპერატრიცა ეკატერინე II-ს შორის დადებულ მფარველობითი კავშირის ტრაქტატით, რუსეთის აზნაურობასთან. ვინაიდან აზნაურნი საქართველოში თავისუფალ წოდებას არ შეადგენდნენ, არამედ ისინი თავიანთ მებატონეებისაგან იყვნენ დამოკიდებულნი. ამიტომ მთავრობა ღებულად ზომებს აზნაურთა უფლებრივ მდგომარეობის გასაუმჯობესებლად. ასე, მაგ., ჯერ კიდევ 1811 წ. ყველა საეკლესიო აზნაურნი გადარიცხულ იქმნენ ტახტის აზნაურთა რიცხვში. აზნაურთა წოდების ასამალღებლად 1832 წ. აღეკრძალა მოქალაქეთ ყმების ყოლა, 1833 წ. კიდევ განთავისუფლებულ იქმნენ სათავადო აზნაურნი.

მე-XIX საუკ. დასაწყისს, როდესაც საქართველოში რუსეთის მართველობა მკვიდრდებოდა, გლეხობა ქართლ-კახეთში უკვე თითქმის ერთ წოდებად იყო ჩამოყალიბებული. სხვა-და-სხვა საფეხურები უფლებრივი ხასიათისა გლეხებს შორის თითქმის მოსპობილი იყო. მსახურნი მთლად უკვე გაუთანასწორდნენ მეტეგრე გლეხებს. ხოლო იმერეთში კი ამ დროს ჯერ კიდევ არსებობდა სამი წყება გლეხებისა: აზატნი ანუ მსახურნი, რომელთა რიცხვი შედარებით წინა საუკუნეებთან მცირე იყო, მესამე გლეხნი და კიდევ მოჯალაბენი.

უფრო რთული იყო გლეხთა დანაწილება შედარებით ჩამორჩენილ მხარეებში—ფხაზეთსა და სამურზაყანოში.



მებატონეთა მიმართ. აღნუსხვის შედგენა წარმოებდა დიმიტრი ყიფიანის ხელმძღვანელობით და დამთავრდა 1841 წ.. ამ ცნობათა მიხედვით და თავად-აზნაურობის მიერ დაჯერებულმა ჩერნიშევმა 1842 წ. გამოსცა ბრძანება, რომლითაც აღმინისტრაციას ებრძანა — გლეხი ყოველისფერში დაუმორჩილონ მებატონეს. გლეხთა მდგომარეობა ამით თავლახინოდ გაუარესდა.

ორი წლის შემდეგ ნამესტნიკად დანიშნული ვარანცოვი კიდევ უფრო შედგრად იცავდა ქართველ თავად-აზნაურობის ინტერესებს და ყოველის მხრივ ცდილობდა ამ წოდების ამაღლებას. 1848 წ. მან გამოსცა ბრძანება, რომლის მიხედვით გლეხთ წაერთვათ უფლება სასამართლოს საშუალებითაც თავისუფლების ძიებისა.

უმწიკო უფლებბრივი მდგომარეობა იწვევდა გლეხებში დიდს უკმაყოფილებას. მწერლობაში ამ უკმაყოფილებამ ჰპოვა პირველი აშკარო გამოხატულება 1859 წ., როდესაც დანიელ ჯონქაძემ დაიწყო ბეჭდვა თავისი მოთხრობისა „სურამის ციხე“. თავად-აზნაურობის მოწინავე ახალგაზრდობაც აგრეთვე გამობდა არსებულ ბატონ-ყმურ ურთიერთობას. ილია ქვეკვიციანის ნაწარმოებნი „კაცია-ადამიანი?“, „კაკო ყაჩაღი“, „გლახის ნაამბობი“, (1862—1863 წ.) წარმოადგენენ ბატონ-ყმურ წესწყობილების გამობას მხატვრული სურათებით.

ბატონ-ყმობის გაუქმება. ასეთი იყო მდგომარეობა, როდესაც ალექსანდრე II-ის 1861 წლის 19 თებერვლის მანიფესტით განთავისუფლებულ იქმნა პირად ბატონ-ყმურ დამოკიდებულებისაგან რუსეთის შიდა გუბერნიების გლეხობა. საქართველოშიდაც ამის შემდეგ მთავრობა შეუდგა სამზადისს გლეხთა განსათავისუფლებლად. მთავრობის მოწოდებით ტფილისში მოწვეულ იქმნა ქართლ-კახეთის თავად-აზნაურობის ყრილობანი, რომელთაც მსჯელობა იქონიეს მოსალოდნელ რეფორმის შესახებ. 1863 წლის ყრილობამ საბოლოოდ შეიმუშავა თავისი აზრი, რომლის მიხედვით გლეხნი უნდა განთავისუფლებულნი ყოფილიყვნენ უმიწოთ. მათ მიეცემოდათ მხოლოდ მოძრავი საკუთრება. ხოლო მაჰმადიან მეცხვარე და მესაქონლე გლეხთაგან და აგრეთვე სომეხ და ისრაელ ხელოსანთაგან ბატონის სასარგებლოდ უნდა გადასულიყო მოძრავი საკუთრების ნახევარიც. ეს აზრი ტფილისის გუბერნიის თავად-აზნაურთა ყრილობაზე ვავიდა 554 ხმადგან 539 ხმით.

ხოლო 1864 წლის 13 ოქტომბრის სიმეგრატორო მანიფესტით აღმოსავლეთ საქართველოს გლეხობა განთავისუფლებულ იქმნა ბატონ-ყმურ ურთიერთობისაგან. გლეხნი ამიერიდგან პირადად თავისუფალი ვახდა ბატონის ყოველგვარი დამოკიდებულებისაგან. მოძრავი ქონება რჩებოდა მისს ხელში, ხოლო მიწა კი მთლად ეძლეოდა მებატონეს. სამოსახლო მიწებისათვის თავისი შენებულობით გლეხნი ვალდებული იყო ეხადა ბატონის სასარგებლოდ გარდაწყვეტილი



გარდასახადი, რომლის გადიდება ბატონს არ შეეძლო. ასევე გარდაწყვეტილ ყოველწლიურ გარდასახადის ან ერთეულად გამოსასყიდ ფასის შივივით გლეხი დღებულობდა მებატონისაგან იმ მიწას, რომელიც ბატონ-ყმობის დროსაც გლეხის სარგებლობაში ითვლებოდა. გლეხი ამ ნაირად თავისი მამულის გამოსყიდვამდის დროებით ვალდებულებაში რჩებოდა. თავად-აზნაურობას ამასთანავე მიეცა თითო სულს განთავისუფლებულს გლეხზე 25 მანეთი.

შემდეგ წელს, 1865 წ. 13 ოქტომბერს დამტკიცებულ დებულების თანახმად, განთავისუფლებულ იქმნა გლეხობა იმერეთსა და გურიაში იმავე წესით, როგორც აღმოსავლეთ საქართველოში. მალე ბატონ-ყმობა მოისპო ოდიშსა და აფხაზეთშიდაც.

ოდიშში ისევე, როგორც იმერეთსა და გურიაში, გლეხობა განაწილებული იყო უფლებრივის მხრივ უმთავრესად 3 წყებად: ახატებად, მებეგრეებად და მოჯალაბეებად.

ცოტახევა-გვარი იყო სოციალური დანაწილება მოსახლეობისა აფხაზეთსა და სამურზაყანოში. მალე წოდებას შეადგენდნენ თავადნი, რომელთა მიყობოდათ ამისტა (სამურზაყანოში ჟინოსქუა). ამათზე დაბლა იდგნენ ახატნი, კიდევ ამაცურასგუები (მონაღლები სამურზაყანოში). შემდეგ ახუები (დელშახორენი სამურზაყანოში), ხოლო უკანასკნელი წყება - ახაშლა კი უდრიდა დანარჩენ დასავლეთ საქართველოს მოჯალაბებს და თავისი მდგომარეობით მონას უახლოვდებოდა.

ყველგან გლეხთა უფლებანი, გარდა მოჯალაბეთა, რომელთა რიცხვი შედარებით მცირე იყო, სასტიკად განსაზღვრული იყო კანონით და ჩვეულებებით.

ოდიშის გლეხთა განთავისუფლება დამტკიცდა 1 დეკ. 1866 წ.. ხოლო ადგილობრივ გამოცხადდა 19 თებერვალს 1867 წ., აფხაზეთის და სამურზაყანოს გლეხობის განთავისუფლება კი დამტკიცდა რუსეთის იმპერატორ ალექსანდრე II-ის მიერ 8 ნოემბერს 1870 წ.. ამ დროსთვის დასრულდა აგრეთვე სვანეთის გლეხების განთავისუფლება.

ძირითადი ხაზი რეფორმისა ყველგან ისეთივე იყო, როგორც ქართლ-კახეთში.

გლეხთა განთავისუფლება შეეხო არსებითად ჩხოლოდ მათ პიროვნულ უფლებებზე მხარეს, ქონებრივად კი გლეხი ისევ ბატონისაგან დამოკიდებულებაში დარჩა. ეგრედ წოდებული დროებით ვალდებულება დიდს დაბრკოლებას წარმოადგენდა ხალხის წინსვლისა და განვითარებისათვის. მიუხედავად ამისა პიროვნულ ბატონ-ყმურ დამოკიდებულებისაგან განთავისუფლებული საქართველოს გლეხობა დიდის სისწრაფით იცილებდა თავიდან დროებით ვალდებულებასაც. უფრო ჩქარის ნაბიჯით ეს პროცესი მიდიოდა დასავლეთ საქართველოში, სადაც ხალხის ფართო მასსა მეტს სიმძობავეს იჩენდა და გარდა ამისა თვით

მებატონეთა მძლავრებაც ისეთი საგრძნობელი არ იყო, როგორც განსაკუთრებით ქარ თლში. ამით აიხსნება, რომ დასავლ. საქართველოს გლეხობის უმეტესობამ შედარებით ადვილად დაახწია თავი დროებით ვალდებულ მდგომარეობას. რამოდენადმე სხვადასხვა მდგომარეობა იყო ქართლში, სადაც უფრო ძლიერნი იყვნენ ძველი ფეოდალური გვარეულობანი, მაგრამ აქაც დროებით ვალდებულ მდგომარეობისაგან განთავისუფლების საქმე წინ მიდიოდა.

საბოლოოდ კი დროებით ვალდებულ გლეხთა კატეგორია მოიხსოვროდა 20 დეკ. 1912 წელს, როდესაც ამ დროისთვის კიდევ ასეთს მდგომარეობაში დარჩენილ გლეხთ საკუთრებად დაუმტკიცდათ მათ სარგებლობაში მყოფი მიწები, ხოლო მებატონეთ კი ხაზინიდან უნდა მისცემოდათ ამისდა სანაცვლოდ განსაზღვრული თანხა.

ბატონ-ყმობის გადავარდნამ შექმნა ახალი ხანა საქართველოს ცხოვრებაში. ეხლა თვით ხალხმა იწყო გამოხსნა ფართო ასპარეზზე და ერის ცხოვრებასაც თანდათან ახალი მიმართულება მიეცა.

ქართული საზოგადოებრივი აზროვნება 1860-იან წლებიდან.

ბატონ-ყმობის გადავარდნის შემდეგ საქართველო სწრაფის ნაბიჯით წავიდა წინ საზოგადოებრივ პროგრესის გზაზე. ჯერ კიდევ ბატონ-ყმობა საქართველოში გაუქმებული არ იყო, რომ ილია ჭავჭავაძემ 1863 წ. დაარსა ჟურნალი „საქართველოს მოამბე“ და საძირკველი ჩაუყარა ქართულ პუბლიცისტიკას. ილია ჭავჭავაძე იყო შემომღები ლიბერალურ ჰიმნათულებსა ქართულ მწერლობაში. პატრიოტიზმის დანაციონალიზმის ქადაგებასთან ერთად ეს მიმართულება დიდ ყურადღებას აქცევდა თავად-აზნაურობის, როგორც საქართველოს მოწინავე წოდების, ინტერესების დაცვას. 1877 წლიდან ილია ჭავჭავაძემ განაგრძო თავისი სამწერლო მოღვაწეობა ჟურნალ „ივერიით“, რომელიც შემდეგ გაზეთად გადაკეთდა.

1860-იანი წლები საზოგადოდ ფრიად ნაყოფიერი იყო ქართულ კულტურულ ცხოვრებისათვის. მხატვრულ მწერლობაში ილია ჭავჭავაძე და აკაკი წერეთელი, ნიკოლოზ ბარათაშვილის უკვე განვლილი სამწერლობო მოღვაწეობის შემდეგ, თავისი ნაწერებით იწყებდნენ ქართულ ლიტერატურულ შემოქმედების ახალს ხანას. ამავე დროს საბოლოოდ ჩამოყალიბება იწყო ახალმა ქართულმა სალიტერატურო ენამ, რომელიც შედარებით ძველ ქართულთან მარტივ და შეკვეცილ ფორმებზე იყო აგებული.

1866 წ. ქართულ საზოგადოებრივ აზროვნებაში გაჩნდა ახალი მიმართულება, რომლის სულის ჩამდგმელნი იყვნენ ნიკ. ნიკოლაძე, გ. წერეთელი, ს. მესხი და სხ. ეს ეგრედ წოდებული მეორე დასი პოულობდა თავისს გამოხატულებას გაზ. „დროებასა“ და აგრეთვე ჟურნ.



„კრებულში“. მთლიანი ეროს ინტერესების წამოყენება თავად-აზნაურობის და გლეხობის ერთმანერთის დაუპირდაპირებლად ახსიათებდა უმთავრესად ამ მიმართულებას.

მიხეილ ნიკოლოზის ძის ნამეტნიკობა. დიდი მთავრის მიხეილ ნიკოლოზის ძის ნამეტნიკობის დროს (1862—1881 წ.) რუსის მთავრობა ადგა საქართველოში წინანდელ გზას რუსული მართველობის განმტკიცებისა და ადგილობრივ ქვეყნის რუსეთთან შედუღებისას. ყველგან როგორც მართველობასა, ისე სასამართლოსა და შკოლაში გაბატონებული იყო რუსული ენა. ამავ დროს მთავრობა შესაძლებლად არ სთვლიდა რუსეთის შიდა-გუბერნიებში განხორციელებულ რეფორმების — ერობისა და აგრეთვე ნაფიც მსაჯულთა სასამართლოს შემოღებას, რათა თვითმართველობითი დაწესებულებათა საშუალებით არ შეჩერებულიყო ადგილობრივი ელემენტების რუსეთთან საბოლოოდ გაერთიანების პროცესი. მთავრობას მაინც შეჰქონდა მციროდენი ცვლილებანი ქვეყნის მართვა-გამგეობის საქმეში ადგილობრივად არსებულ საჭიროების მიხედვით. ასე, მაგ., 1868 წ. მოხდა ახალი აღმინისტრატორული ვალამიჯენა ამიერ-კავკასიისა, რომლის შემდეგ საბოლოოდ ჩამოყალიბდა ტფილისის გუბერნია (ქართლ-კახეთი, სამცხე-ჯავახეთ-ლორეთურთ, მაგრამ უახანის გამოკლებით). ქუთაისის გუბერნიაში კი ამიერიდგან, გურია-იმერეთს გარდა, ირიცხებოდა დასავ. საქართველოს ყოფილი სამთავროებიც. შემოღებულ იქმნა აგრეთვე საქალაქო თვით-მართველობა, პირველად ტფილისში.

მთავრობა ღებულობდა ამასთანავე ზოვიებს ისეთ ტეხნიკურ ხასიათის გაუმჯობესებათა შესატანად, რომელთა განხორციელებას აუცილებლად თხოულობდა ქვეყნის ეკონომიური განვითარების ინტერესი და აგრეთვე რუსეთის იმპერიის სტრატეგიული საჭიროებანი. 1868 წლიდგან ტფილისში გაჩნდა ტელეგრაფი. 1871 წ. გახსნეს რკინის გზა ჯერ ჯერობით მხოლოდ ფოთსა და ზესტაფონს შუა. ახლად გაყვანილ ანდა გაუმჯობესებულ იქმნა სხვა-და-სხვა გზატკეცილები და სხ.

ბათუმის და ყარს-არტანის მხარეების შეერთება რუსეთთან. 1877—1878 წლ. რუსეთსა და ოსმალეთს შორის წარმოებდა ომი, რომელიც დამთავრდა რუსეთის გამარჯვებით. ამ ომში რუსეთის მხარეზე ქართველობაც ღებულობდა მონაწილეობას თავისი მოხალისე რაზმებით, რომელნიც იბრძოდნენ კავკასიის ფრონტზე.

სხვა გვარად შეხვდა ამ ომს აფხაზეთი. აფხაზეთის ცხოვრება ჯეროვნად მოწყობილი არ იყო. რუსეთის საერთო მართველობის წესის დამყარებისადმი მიდრეკილება, რაც ხშირად ადგილობრივ პირობებთან და ჩვეულებებთან შეუთანხმოებას ქმნიდა, ბადებდა ხალხში დიდს უკმაყოფილებას. ადგილობრივ პირობების ჯეროვნად მხედველობაში მიუღებლობისა გამო რუსის მართველობამ ამასთანავე ვერ მოახერხა ბატონ-ყმობის გაუქმების შემდეგ მიწის საკითხის სასურველად მოწყობა.



ყველა ამ მიზეზისა გამო ხალხი უკმაყოფილო იყო რუსული მართველობით. 1877 წ. მაისში რუს-ოსმალთა ომის დროს ოსმალთა გდმოსხვის ჯარი სოხუმში და დასწევს ის. აფხაზეთი აჯანყდა რუსების წინააღმდეგ. ამავე წლის აგვისტოში რუსებმა უკან დაიბრუნეს სოხუმი და აჯანყებაც მალე ჩაქრობილ იქმნა. მრავალი აფხაზი ამის შემდეგ გადასახლდა ისევ ოსმალეთს.

ომის გათავების შემდეგ ბერლინში შეკრულ ზავის მიხედვით რუსეთმა დაიპყრო მესხეთის ნაწილი, სახელდობრ ბათუმის, ყარსის და არტანის სანჯაყები. მრავალმა ქართველმა მაჰმადიანმა აქაც არ მოინდომა რუსეთის ბატონობის ქვეშ დარჩენა და გადაესახლა ოსმალეთს განსაკუთრებით აქარა-ქობულეთიდან და ჭოროხის ხეობიდან. გადასახლებულნი (მუხაჯირნი) მოთავსებულ იქმნენ ოსმალეთში მარმარილოს ზღვას ახლო მხარეში და აგრეთვე ანატოლიის ჩრდილოეთ ნაწილებში.

დიდი ნაწილი სამაჰმადიანო საქართველოსი ამნაირად შეერთებულ იყო რუსეთთან. მრავალ საუკუნის განმავლობაში დაქუცმაცებულ საქართველოს უმეტესი ნაწილი (გარდა ჭანეთისა და ტაოს ნაწილისა) მოჰყვა ეხლა გაერთიანებულად საერთო უღელს ქვეშ.

მაგრამ რუსეთთან შეერთებამ ვერ შეასუსტა ქართველ-მაჰმადიანების გათურქების პროცესი, რომელიც უკანასკნელ საუკუნის განმავლობაში საქმაოდ სწრაფად ვითარდებოდა, განსაკუთრებით მალალ წრეებსა და აგრეთვე სამაჰმადიანო-საქართველოს განაპირა კუთხეებში ტაოსა, ისპირ-თორთუმსა და არტანში. რუსის მთავრობა ახლად შემოერთებულ ქვეყნებში ხელს უშლოდა ქართულ კულტურის აღორძინებას და თავისი რუსიფიკატორულ პოლიტიკით მხოლოდ ხელს უწყობდა ხალხს გათურქების დაჩქარებას. უკვე რუსეთის ბატონობის დროს ოსმალურმა ენამ ფეხი მოიკიდა სამცხის მოსახლეობის ერთ ნაწილში, შავშეთში და მცირედ აქარაშიც.

საინგილო. ქარსა და ელისენში, რომლის მცხოვრებთ მე-XVIII საუკუნიდან თათრულად ინგილოთ, ანუ ახლად მოქცეულთ ეძახდნენ, ქართველ-მაჰმადიანთა მოსახლეობა რუსეთის ბატონობის დროს აგრეთვე კარგავდა თავისს სამშობლო ენას. ინგილოთა ერთი ნაწილი 1849 წლიდგან უბრუნდებოდა ისევ ქრისტიანობას. ამას მოჰყვა რუსების მიერ სამისიონერო მოღვაწეობის გაჩაღება, რამაც ამ მხარეში დარჩენილი ქართველ მაჰმადიანთა მოსახლეობა მთლად დააფრთხო. გაქრისტიანების შიშით მაჰმადიანი-ინგილონი ეხლა თვით ცდილობდნენ ქართული ენის დავიწყებას და გადადიოდნენ ლეკურსა და თათრულზედ. მაინც 1920 წლისათვის ქართული ენა აქ ზოგ ადგილის კიდევ კარგად იყო დაცული.



ქართულ საზოგადოებრიობის ამუშავება. 1882 წლიდან, როდესაც კავკასიის ნამესტნიკის მაგივრად მთავარ-მართებლად დანიშნულ იქმნა დონდუკოვ-კირსაკოვი, ბიუროკრატიული წესი მართვა-გამგეობისა საქართველოში უფრო მკაცრად ტარდებოდა, გარუსების ცდაც უფრო მეტის სიმკვეთრით იჩენდა თავს და ადგილობრივ ძალთა ხმასაც მთავრობის თვალში თავისი მნიშვნელობა ეკარგებოდა. სახელმწიფოებრიობა საქართველოში უფრო და უფრო შორდებოდა ხალხს და თვით მოწინავე თავად-აზნაურობასაც. ასეთს პირობებში საზოგადოებრივი ენერგია ქართველი ერისა ცდილობდა მოენახა გამოსავალი თავისთვის სხვა-და-სხვა კერძო თაოსნობით დაარსებულ საზოგადო ხასიათის დაწესებულებებში მუშაობით. 1874 წლიდან ტფილისში არსებობდა საადგილ-მამულო სათავად-აზნაურო ბანკი. 1875 წლიდან მოქმედობდა ქუთაისის სათავად-აზნაურო ბანკიც. ეს ბანკები სათავად-აზნაურო კრებებთან ერთად, რომელიც იმართებოდა წოდებრივ საქმეთა და აგრეთვე საგუბერნიო და სამაზრო წინამძღოლების ასარჩევად, წარმოადგენდნენ ქართულ საზოგადოებრიობის მთავარ ყურადღების საგანს. თავისი მნიშვნელობა ჰქონდა აგრეთვე ქართველთა შორის წერა-კითხვის გამავრცელებელ საზოგადოებებს დაარსებას 1879 წელს და ქართულ დრამატულ საზოგადოების დაფუძნებასაც. ორივე საზოგადოება აწარმოებდა შემდეგს დროში თავ-თავის სფეროში საბატო კულტურულს მუშაობას.

თავად-აზნაურობის მნიშვნელობის დაცემა. ბატონ-ყმობის გადავარდნამდის თავად-აზნაურობას, როგორც წოდებას, კიდევ ჰქონდა შენარჩუნებული თავისი მნიშვნელობა, თუმცა ერის ბელადობას ის უკვე ჯეროვნად ვერ ასრულებდა. როგორც მოხსენებული იყო, ჯერ კიდევ მე-XVIII საუკუნეში, თეიმურაზ II-ისა და ერეკლე II-ის დროიდან ფეოდალურ თავადობამ საქართველოში დაკარგა ეროვნულ მებირაღტრე წოდების როლი. რუსეთის მარბველობის დამკვიდრების შემდეგ რუსის მთავრობამ აამაღლა აზნაურობა და გაუთანასწორა ის თავისი უფლებებით თავადობას, თანახმად რუსეთის შიდა-გუბერნიებში არსებულ წესებისა. ვაერთიანებული თავად-აზნაურობა შეკავშირებული იყო თხლა საერთო წოდებრივი დაწესებულებებით და ერთგვარ წოდებრივ ენთიმართველობითაც. მაგრამ მიუხედავად ამისა, ერის მესვეურობას ის უკვე ვერ სწევდა. რუსის სამსახურში, განსაკუთრებით სამხედროში, დაწინაურება შეადგენდა, მცირე გამონაკლისის გარდა, ამ წოდების საუკეთესო გვარეულებათა მისწრაფებას. ამას მოჰყვა ამ წოდების მოწინავე ნაწილის გარუსების დაწყება, რამაც განსაკუთრებულის სიძლიერით იჩინა თავი უკვე მე-XIX საუკუნის დასასრულს. ქართლ-კახეთის თავადობის უფრო შეძლებული ნაწილი რუსულს ენაზე გადადიოდა. ტფილისის გუბერნიის თავად-აზნაურობის საგუბერნიო და სამაზრო კრებებზედაც უკვე ქართული ენა არ ისმოდა, თუმცა კანონი ამის ნებას იძლეოდა. მოწყვეტილი სამშობლო კერას, ამ წოდე-



ბის გავლენიანი და შემძლე ნაწილი ქართულ ეროვნულ თავისებურობის შესანარჩუნებლადაც კი ეხლა უკვე საფრთხეს წარმოადგენდა.

მესამე დასი. რაც უფრო ეცემოდა თავად-აზნაურობის მნიშვნელობა ერის ცხოვრებაში, მით უფრო მეტს ყურადღებას იპყრობდა ხალხის ფართო მასა, როგორც მთავარი და ერთად-ერთი საფუძველი ეროვნულ აღორძინებისა. ხალხის ფართო წრეების მნიშვნელობას თვალსაჩინოდ ხდიდა კიდევ ის გარემოება, რომ ვაჟარ-მრეწველთა კლასი—ბურჟუაზია ქართველ ერის ცხოვრების ზედა-პირზე მხოლოდ ეხლა ჩნდებოდა და სერიალურ საზოგადოებრივ ძალას არ წარმოადგენდა. ადგილობრივი ვაჭრობა და მრეწველობა უმთავრესად არა ქართველთა ხელში იყო მოთავსებული. ასეთს პირობებში გაჩნდა 1890-იან წლებში ახალი საზოგადოებრივი მიმართულება, ეგრედ წოდებული მესამე დასი, რომელიც გამოდის ასპარეზზედ პირველად 1893 წ. ჟურნალ „კვალით“. გიორგი წერეთელი იყო დამაარსებელი ამ ჟურნალისა, რომლის გარეშემო თანდათან შეიკრიბნენ ახალი მიმართულების ნიადგზედ მუშაენი, იდეოლოგიურად ეკონომიური მატერიალიზმის მიმდევანი—ნოე ჟორდანი, სილ. ჯობლაძე, ფ. მახარაძე და სხ. შემდეგ წლებში ამ მიმართულებას მოექცა სათავეში ნოე ჟორდანი, რომლის ხელმძღვანელობის დროს მესამე დასმა მიიღო სოციალ-დემოკრატიული მიმდევრების სახე და შეუერთდა რუსეთის სოციალ-დემოკრატიულ მუშათა პარტიას. მუშათა კლასს დასვლები აღიარებდნენ იდეოლოგიურად თავისი დასაყრდნობ ძალად. რუსეთის სოციალ-დემოკრატიულ პარტიასთან შეერთების შემდეგ მესამე დასელების მიმართულებამ მიიღო ინტერნაციონალური ხასიათი. ეროვნულ კითხვის გარდაწყვეტას ისინი მომავლის საქმედ სთვლიდნენ, ხოლო თავისს პრაქტიკულ მოქმედებაში უმთავრეს ყურადღებას აქცევდნენ ბრძოლას რუსეთის რევოლიუციონურ პარტიებთან ერთად რუსეთის იმპერიის შინაგან ცხოვრების გარდასაქმნელად. ორი გარემოება ხელს უწყობდა მესამე დასის მიმართულების ამ გზით ჩამოყალიბებას: ახლად ფეხ ადგმულ ქართველ დემოკრატიის სისუსტე, რაც შეუძლებლად ხდიდა საკუთარი ძალით ბრძოლის წარმოებას და კულტურისა, აგრეთვე ვაჭრობა-მრეწველობის ცენტრებში, ტფილისსა და რამოდენადმე ბათუმს, ქართველობის სისუსტე, რის გამო ბრძოლა მთავრობის რეჟიმთან შესაძლებელი იყო მხოლოდ ყველა ეროვნების დემოკრატიისათვის მისაღებ დროშის ქვეშ.

სოციალ-დემოკრატიულმა მიმართულებამ მალე გავლენა მოიპოვა საქართველოს მოსახლეობის უდიდეს ნაწილზედ.

სოციალისტ-ფედერალისტების პარტია. მე-XX საუკუნის პირველ წლებში თანდათან ჩამოყალიბდა მეორე მიმართულება, რომელიც შემდეგ დაედვა საფუძვლად საქართველოს სოციალისტ-ფედერალისტთა პარტიას. ეს პარტია აგრეთვე ცდილობდა ხალხის ფართო მასას დაყრდნობოდა, მაგრამ პრაქტიკულ მოღვაწეობაში დიდა მნიშვნელობას აძლევდა



ეროვნულ საკითხის გარდაწყვეტას. პარტია თხოულობდა საქართველოს ავტონომიის, საბოლოოდ კი მიისწრაფოდა რუსეთის გარდაქმნისაკენ ფედერატიულ სახელმწიფოდ. სოციალისტ-ფედერალისტთა პარტიის დამაარსებელი და იდეოლოგი იყო არჩილ ჯორჯაძე.

სოციალ-ფედერალისტების პარტია თვის ეროვნულ პროგრამის გამო თავისი მოღვაწეობის პირველ ხანაში აერთებდა ეროვნულ პლატფორმაზე მდგარ ქართველი ერის თითქმის ყველა ელემენტებს, როგორც თავად-აზნაურობისა, ისე ვაჭარ-მრეწველთა და ინტელიგენციისაგან.

გარუსების ცდის გაძლიერება. რუსის მთავრობა ამასობაში თანდათან უმატებდა ქართველი ხალხის გარუსების ცდას. შკოლა უმთავრესად ამ მიზანს ემსახურებოდა. 1887 წლიდან საქართველოში შემოდებული იყო საყოველთაო სამხედრო ბეგარა, ხოლო მე-XX საუკ. პირველ წლებიდან ქართველები უკვე რუსეთში მიჰყავდათ ჯარში სასამხაუროდ, რაც ფრიად ხელს უწყობდა რუსულ ენის გავრცელებას ახალგაზრდობაში. რადგანაც სახელმწიფოს ცდა ქვეყნის გარუსებისაკენ უკმაყოფილებას იწვევდა, ამიტომ მთავრობა თავისს უნდობლობას ადგილობრივ მკვიდრთაღმე კიდევ უფრო აძლიერებდა. მე-XX საუკუნის დასაწყისში ხალხი და მთავრობა საქართველოში მთლად დამორბეული იყვნენ ერთმანერთისაგან.

მოდრაობა 1905--1906 წლ. 1904—1905 წლებში რუსეთის იმპერია აწარმოებდა ომს იაპონიასთან. ეს ომი დამთავრდა რუსეთის დასარცხებით. ამ დამარცხებამ ხელი შეუწყო საიმპერატორო მართველობასთან მებრძოლ რუსეთის შინაგან ძალებს თავისი მიზნების მისაღწევად უფრო აშკარად გამოსულიყვნენ. რევოლიუციის შეჩერებას იმპერატორი ნიკოლოზ II ცდილობდა 17 ოქტომბრის 1905 წლის მანიფესტით, რომლითაც ის ხალხს აღუთქვამდა ხალხის წარმომადგენლობითი საკანონმდებლო ორგანოს მოწვევას, სინიღისის, სიტყვის და ბეჭდვის თავისუფლების დამკვიდრებას. მაგრამ მიუხედავად ამისა, რევოლიუცია რუსეთში მაინც ვითარდებოდა, სანამ ის არ დამთავრდა 1905 წლის დეკემბერში მოსკოვის აჯანყების ჩაქრობის შემდეგ რევოლიუციონერთა დამარცხებით.

საქართველოში რევოლიუციონური მოძრაობა მოედო ხალხის ფართო მასას. სათავეში მას ჩაუდგა სოციალ-დემოკრატიული პარტია, რომელიც მთლიან რუსეთის ნიადაგზე იბრძოდა. ამ დროს კავკასიის მართველად ნამესტნიკის ხარისხით იყო გრაფი ვარანცოვ-დაშკოვი. რომელიც ტფილისში ლიბერალურ დაპირებებით მოვიდა, მაგრამ ეხლა რევოლიუციონურ მოძრაობის გაძლიერებისა გამო გარიყული დარჩა. თითქმის ყველგან საქართველოში ხალხმა უარჰყო მთავრობის დაწესებულებანი, სასამართლო და ადმინისტრაცია და მოაწყო ბევრგან



თავისი საკუთარი, როგორც მაშინ ეძახდნენ, ერთობის მართველობა. ეს იყო პირველი გამოცდა საქართველოს ხალხის თვითმოქმედებისა და ეს გამოცდა განსაკუთრებით კარგად ჩატარდა დასავლეთ საქართველოში.

რევოლიუციის დამარცხების შემდეგ რუსეთში, გათავდა ხალხის თვითმოქმედების თავისუფალი ამოძრავებაც საქართველოში. ქართლში (გორის მაზრაში) გაგზავნილი იქნა რუსის ჯარით (კახეზით) გენ. ბაუერი შემამულეთა წინააღმდეგ აჯანყებულ გლეხობის დასახველად, ხოლო დასავლეთ საქართველოში, სადაც მოძრაობა უფრო მწყობრად და ღრმად მიმდინარეობდა, გაიგზავნა გენ. ალიხანოვი-ავარიელი. გენ. ბაუერის რაზმებმა ააწიოკეს და დაარბიეს ქართლის სოფლები, გენ. ალიხანოვი-ავარიელის დამსჯელმა ჯარმა კიდევ დასწვა ზესტაფონი და ნაწილობრივ ცეცხლს მისცა ან ფრიად დააზარალა ხარაგაული, სვირი, ოზურგეთი, ჩოხატაური, ფარცხმა, ხიდისთავი, სურები და ზოგი სხვა სოფლის ჯზნები (1906 წლ. დასაწყისი).

რევოლიუციის ამ დამარცხების შემდეგ ადგილობრივ საქართველოში გამეფდა სრული რეაქცია. არავითარი წინსვლა ადგილობრივ მართველობას არ ეტყობოდა. არავითარი ძირითადი რეფორმის გატარებაზე მთავრობა არ ფიქრობდა. ხალხი ეხლაც, როგორც წინააღ, რუსულ ბიუროკრატიულ მართვა-გამგეობის ქვეშ იმყოფებოდა, მისი თვითმოქმედება შეუძლებელი იყო და შესაფერისს სამოქმედო ასპარეზს ვერ პოულობდა. ყველგან, სკოლაში, სასამართლოში და, რასაკვირვლია, მართველობაშიაც გაბატონებული იყო მხოლოდ რუსული ენა. ამასთანავე ქვეყნის გარუსების დასაჩქარებლად მთავრობა ხელს უწყობდა საქართველოს სხვა-და-სხვა კუთხეებში რუს გლეხის ჩასახლებას და აწყობდა რუსულ სოფლებს. ასე, გრავ ეორონცოვი-დაშკოვის ნამესტნიკობის დროს გაჩნდა რუსული მოსახლეობა კახეთში. სხვა ადგილებშიაც ჩასახლებული რუსის მოსახლეობა ეხლა კიდევ უფრო გაიზარდა ახალმოსულთა მიმატებით. ტფილისში აგრეთვე რუსეთიდან ჩამოსულნი ძლიერ მრავლდებოდნენ და ქალაქს მეტი რუსული ელფერი ეძლეოდა.

VII.

რუსეთისაგან დამოუკიდებლობისაკენ.

საქართველო მე-XX საუკ. დასაწყისს საკმაოდ მოღონიერებულია. მიუხედავად რუსეთის მართველობის დუხჭირ პირობებისა, საქართველო მე-XX საუკუნის დასაწყისში უკვე თვალსაჩინოდ მოღონიერებული იყო. ხანგრძლივმა შედარებით მშვიდობიან ცხოვრებამ გაამრავლა მოსახლეობა, ხალხის თვითმოქმედებამ და რუსეთის საშვლებით ევროპის კულტურასთან დაახლოვებამ ასწია ქვეყანა ეკონომ-



მიურად და კულტურულად. 1914 წლისათვის მოსახლეობა საქართველოში ირიცხებოდა: ტფილისის გუბერნიაში 1,410 ათასი სული, ზაქათლის ოლქში 84,6 ათასი, ქუთაისის გუბერნიაში 1,038 ათასი, სოხუმის ოლქში 189,9 ათასი, ბათუმის ოლქში 191 ათასი და არტან-ოლთისის ოლქებში 134 ათასი სული. კერძოდ ქართლ-კახეთ-იმერეთ-გურია-ოდესში ამ დროს, შედარებით 1800 წლის ახლოს ხნის ცნობებთან, მცხოვრებთა ზრდა აღინიშნებოდა როგორც 1:3,9. ეკონომიურად ქვეყნის წინსვლის მაჩვენებელი იყო, სხვათა შორის, ის ფაქტიც, რომ 1914 წელს საქართველოს ტერიტორიაზე უკვე ირიცხებოდა 3,286 ფაბრიკა და ქარხანა, რომელშიდაც მუშაობდა 15¹/₂ ათასი მუშა. ამ ფაბრიკა-ქარხნების წარმოება უდრიდა წლიურად 18 მილიონ მანეთზე მეტს.

ქართველები რუსეთის სახელმწიფო სათათბიროში. 1905 წლის რევოლუციამ რუსეთის შინაური ვითარებას მაინც თვალსაჩინო გაუმჯობესება მოუტანა. ხალხის წარმომადგენლობითი ორგანო — სახელმწიფო სათათბირო — შეადგენდა საზოგადოებრივ ყურადღების მთავარს საგანს. პირველ სახელმწიფო სათათბიროში, რომელიც გაიხსნა 27 აპრილს 1906 წ., საქართველოდგან იყო 8 დეპუტატი, მათ შორის 5 სოციალ-დემოკრატი (ნოე ჟორდანი, ივ. გამართელი და სხ.) ქართველი სოციალ-დემოკრატები დიდ მნიშვნელოვან როლს ასრულებდნენ რუსეთის სახელმწიფო სათათბიროს სოციალ-დემოკრატიულ ფრაქციაში, რომელიც უკიდურეს ოპოზიციონურ ტაქტიკას ადგა. მალე პირველი სახელმწიფო სათათბირო მთავრობისადმი ოპოზიციონერობის გამო გარეკილ იქმნა და 20 აგვ. 1907 წ. პეტერბურგს შეიკრიბა მეორე სახელმწიფო სათათბირო. საქართველოს დეპუტატები ეხლა უკვე ყველა სოციალ-დემოკრატიულ პარტიისა იყვნენ. დეპუტატმა ირაკლი წერეთელმა, რომელიც სათათბიროს სოციალ-დემოკრატიული ფრაქციის მეთაურად ითვლებოდა თავისი პოლიტიკური გამოსვლებით და მქუხარე მკერმეტყველებით დიდი სახელი მოიხვეჭა.

მალე მეორე სათათბიროც ოპოზიციონერობის მიზეზითვე დათხოვნილ იქმნა, ხოლო სოციალ-დემოკრატიულ ფრაქციის წევრები, მათ შორის ირაკლი წერეთელი არჩ. ჯაფარიძე, ბიკ. (კოლა) ლომთათიძე და სხ., მიცემულ იქმნენ სამართალში — მათ ბრალდებოდათ რევოლუციონერულ შეთქმულობის მოწყობა — და გაგზავნილ იქმნენ კატორგაში. მეორე სათათბიროს განდევნის შემდეგ რუსის მთავრობამ თავისი თაოსნობით შეცვალა საარჩევნო წესი ცენზიან მემამულეთათვის მეტი უპირატესობის მიცემით (3 ივნისს 1907 წ.). კერძოდ საქართველოს, როგორც რუსეთის იმპერიის სხვა განაპირა ქვეყნებს, შეუშორდათ წარმომადგენელთა რიცხვიც სათათბიროში. მესამე სახელმწიფო სათათბიროში საქართველოდგან იყო მხოლოდ 3 დეპუტატი, მათ შორის 2 სოციალ-დემოკრატი — ნიკ. ჩხეიძე და ევ. გვაშაძე.

1912



წლიდან კიდევ მეოთხე სახელმწ. სათათბიროში საქართველოდგან არჩეული იყო 2 სოც.-დემოკრატი ნიკ. ჩხეიძე და აკ. ჩხენკელი და 1 სოც.-ფედერალისტი—ვარლამ გელოვანი.

როგორც მესამე, ისე მეოთხე სათათბიროში ქართველი სოც.-დემოკრატი დეპუტატები სათავეში უდგნენ რუსეთის სახელმწ. სათათბიროს სოციალ-დემოკრატიულ ფრაქციას.

ქართული საზოგადოებრივი აზროვნება. რუსეთის სახელმწიფო სათათბიროს არჩევნები, მიუხედავად მისი ცენზიან ხასიათისა, იმისი მაჩვენებელი იყო, რომ საქართველოს უმეტესი ნაწილი სოციალ-დემოკრატიულ პარტიას მიჰყოფდა, რომელიც მთლიან რუსეთის თვალსაზრისზე იდგა. ამავდროს საქართველოში მომქმედი მეორე პარტია სოც.-ფედერალისტებისა მთავარ ყურადღებას ეროვნულ საკითხის გარდაწყვეტას აქცევდა. 1912 წლიდან გაჩნდა კიდევ ახალი—ეროვნულ-დემოკრატიული მიმართულება, რომელიც არსებითად 1860-იან წლებში ფეხმოკიდებულ აზროვნების გამგრძელებლად ითვლებოდა. ეროვნულ-დემოკრატიულ მიმართულების გაჩენის შემდეგ სოც.-ფედერალისტების პარტიას თანდათან ჩამოშორდა თავად-აზნაურთა და ვაჭართა წრეები, რომელიც პარტიასთან ეროვნულ საკითხის გამო იყვნენ დაკავშირებული, და ახალს მიმართულებას მიეკვდნა.

რევოლიუცია რუსეთში. 1914 წლის ივლისში დაიწყო დიდი მსოფლიო ომი, რომელშიდაც თანდათან მოყვნენ ერთის მხრივ გერმანია, ავსტრო-ჰუნგრეთი, ოსმალეთი და ბოლგარია და მეორეს მხრივ ინგლისი, საფრანგეთი, რუსეთი, იტალია, რუმინია, ამერიკის ჩრდილოეთი შეერთ. შტატები და სხ.. ამ ომში რუსეთი გამარჯვებული დარჩა ოსმალეთთან: რუსის ჯარმა დაიჭირა არზრუმი, მუში, ერზინჯანი, ტრაპეზუნტი და სხ.. მე-XVII საუკუნიდან დაწყებული დაცემის გზაზე დამდგარი, ხოლო 1877—1878 წლის რუს-ოსმალის ომის შემდეგ თვალსაჩინოდ დასუსტებული ოსმალეთი ეხლა უკვე მეორე-ხარისხოვან სახელმწიფოდ გარდაქცეულიყო და ნელ-ნელა უახლოვდებოდა თავისი ძლიერების აღსასრულს. სამაგიეროდ რუსეთი დამარცხდა მასთან შედარებით დაწინაურებულს გერმანიასთან ბრძოლაში. ამ დამარცხებამ განსაკუთრებით ცხად ჰყო რუსეთში არსებულ საიმპერატორო მართველობის უვარგისობა: საზოგადოებრივ ძალთადმი მუდმივ უნდობლობისა და ხალხის ენერგიის შეზღუდვის გამუდმებული ცდა რუსეთის მომავალს განსაცდელს უშხადებდა. ომში გამოვლილ დამარცხებამ უკმაყოფილება ხალხში კიდევ უფრო გააღვივა და საიმპერატორო მართველობის არსებობასაც ნიადაგი თანდათან ეცლებოდა. ბოლოს ამ უკმაყოფილებამ ამოხეთქა 1917 წლის თებერვლის დასასრულს დიად რევოლიუციონურ გამოსვლაში, რასაც მოყვა იმპერატორ ნიკოლოზ II-ის მიერ რუსეთის ტახტზე უარის თქმა და შემდეგ საიმპერატორო დინას-

ტიის მთლად ჩამოშორებაც. პეტერბურგში შესდგა ჯერ თავად ლეოვისა და შემდეგ კერენსკის თავმჯდომარეობით (როებითი მთავრობა, რომელიც სათავეში ჩაუდგა რუსეთის მართველობას.

რუსეთის რევოლიუციის ამ ხანაში პირველ-ხარისხოვანს როლს ასრულებდნენ რუსეთის სახელმწიფო სათათბიროს დეპუტატი ნიკოლოზ ჩხეიძე, რომელიც სათავეში მოექცა პეტერბურგის მუშაობა და ჯარის-კაცთა საბჭოს და ციმბირიდან დაბრუნებული ყოფილი დეპუტატი მეორე სახელმწ. სათათბიროსი ირაკლი წერეთელი, რომელიც რუსეთის რევოლიუციონურ დემოკრატიის ბეზადთა პირველს რიგში მოჰყვა. ერთხანს ის იყო მინისტრალაც კერენსკის დროებით მთავრობაში.

ამიერ-კავკასიაში ფხვს იკიდებს რევოლიციონური გამგებლობა. პეტერბურგში მომხდარ რევოლიუციამ გარდასწყვიტა საიმპერიო მართველობის ბედი საქართველოსა და საზოგადოდ კავკასიაში. კავკასიის ნამესტნიკად მყოფი დიდი მთავარი ნიკოლოზ ნიკოლოზის ძე, ყოფილი უზუნაესი მთავარ-სარდალი რუსეთის მთელი მხედრობისა, წავიდა ტფილისიდან, სადაც მართველობას სათავეში ჩაუდგა ქალაქის თვით-მართველობასთან ერთად ტფილისის მუშათა და ჯარის-კაცთა საბჭო, რომლის თავმჯდომარეთ ითვლებოდა ნოე ჟორდანი. მალე პეტერბურგიდან გამოავხანო იქმნა განსაკუთრებული ამიერ-კავკასიის კომიტეტი ხარლამოვის თავმჯდომარეობით, რომელიც შეუდგა ქვეყნის გამგებლობას. კომიტეტში ირიცხებოდა 5 წევრი, მათ შორის 2 ქართველი—სახელმწ. სათათბიროს წევრი აკაკი ჩხენკელი და ივანე (კიტა) აბაშიძე. შემდეგს დროში მოეწყო კავკასიის ცენტრი მუშათა, ჯარის-კაცთა და გლეხთა დეპუტატებისა, რომლის თავმჯდომარედ ევგენი გეგეჭკორი ითვლებოდა. ცენტრი თანდათან ჩრდილავდა ამიერ-კავკასიის განსაკუთრებულ კომიტეტს და ამ უკანასკნელის მნიშვნელობაც ნელ-ნელა ეცემოდა.

ამიერ-კავკასიის და რუს-ოსმალთა საომარ ფრონტის ფარგლებში მოქმედ რევოლუციონურ ორგანიზაციებსა და დაწესებულებებში ხელმძღვანელს როლს ასრულებდნენ საქართველოს დემოკრატიის წარმომადგენელი—სოციალ-დემოკრატიულ პარტიის წევრნი: ნოე ჟორდანი, ევგეგეჭკორი, ნოე რამიშვილი, აკ. ჩხენკელი და სხვანი.

საქართველოს ეკლესიის ავტოკეფალიის აღდგენა. რუსეთის რევოლიუციამ საშუალება მისცა საქართველოს სამღვდლოებასაც თავისი დიდი ხნის მისწრაფება ეკლესიურ დამოუკიდებლობის აღდგენის შესახებ განეხორციელებინა. 12 მარტს 1917 წ. მცხეთის საპატრიარქო ტაძარში ქართველ მღვდელთ-მთავართა და ეპარქიების წარმომადგენელთა თანასწრებით გამოცხადებულ იქმნა საქართველოს ეკლესიის ავტო-

კეფალის აღდგენა. გურია-სამეგრელოს ეპისკოპოსი ლეონიდე არჩეულ იქმნა საკათალიკოზო ტახტის მოადგილედ.

საქართველოს ეკლესიის განთავისუფლებას დიდად წინააღმდეგ ტფილისში მყოფი საქართველოს ექზარხოსი პლატონი და აგრეთვე რუსეთის სინოდი. თვით რუსეთის დროებითი მთავრობა სხვა-და-სხვა დაბრკოლებას ქმნიდა ეკლესიის დამოუკიდებლობის განმტკიცების საქმეში, მაგრამ მიუხედავად ამისა ეკლესიის მესვეურთ მაინც შესძლეს დაწყებული საქმის გაგრძელება და ავტოკეფალიის ფაქტიურად განხორციელება. 1917 წლის სექტემბერში ტფილისის მოწვეულ საეკლესიო კრებამ შეიმუშავა ძირითადი დებულება საქართველოს ეკლესიის გამგებლობისა, ვატიარა ზოგიერთი აუცილებელი რეფორმა და შემდეგ ამოარჩია კათალიკოსად ეპისკოპოსი კირიონი. ამასთანავე აღდგენილ იქმნა რამოდენიმე ძველი ქართული სამღვდელთ-მთავრო კათედრა.

კათალიკოზი კირიონ II გარდაიცვალა 27 ივნისს 1918 წ. და მას შეუდგა კათალიკოზი ლეონიდე.

საბჭოთა მთავრობის დამყარება რუსეთში. რუსეთის რევოლუციამ თავისუფლება მიანიჭა რუსის ხალხის დიდი ხნით შებოროტებულ მთავრობებს, მაგრამ მან ვერ მოსპო მსოფლიო ომი და ვერ შეასუსტა ამ ომით გამოწვეული კრიზისი რუსეთის ეკონომიურ ცხოვრებაში. მალე რევოლუციონარულ მოძრაობამ რუსეთში მიიღო უკიდურესი მიმართულება. პირველობა თანდათან რჩებოდათ ბალშევიკებს, რომელნიც პირდებოდნენ ხალხს ომის შეწყვეტას, ზავის ჩამოგდებას რუსეთთან მეომარ სახელმწიფოებთან, კაპიტალიზმის დაცემას და სოციალიზმის განხორციელებას. ამ ლოზუნგების წყალობით ბალშევიზმი გავრცელდა ჯარში, რომელიც ხანგრძლივ ომისაგან თავმოებნებულ იმდენად იყო საომარი ფორტი მიეტოვებინა და საშობლო ქვეყანაში დაბრუნებულიყო. 1917 წლის ოქტომბრის დასასრულს ბალშევიკები პეტერბურგში აშკარად და ახალის ძალით გამოვიდნენ კერენსკის დროებითი მთავრობის წინააღმდეგ და იმავე თვის 27-ს ჩაიგდეს კიდევ მთელი ძალა-უფლება ხელში. ბალშევიზმი თანდათან გავრცელდა და მალე ის მოედო რუსეთის უმეტეს ნაწილს. მართველობა გადავიდა ყველგან მუშათა, ჯარის-კაცთა და გლეხთა საბჭოების ხელში, ხოლო ცენტრალური გამგებლობას კი ამიერიდგან აწარმოებდა სახალხო კომისართა საბჭო, რომლის თავმჯდომარედ გახდა ვლ. ულიანოვი (ლენინი).

რუსეთი ამის შემდეგ დაეშვა ახალ სოციალურ ექსპერიმენტების გზაზედ, რამაც ფრიად არია ქვეყნის შინაური ცხოვრება, დასცა მისი კეთილ-დღეობა და სასტიკ სამოქალაქო ომის გაჩაღებით რუსის ხალხის მომავალი დიდს განსაცდელში ჩაიგდო.

ამიერ-კავკასიის კომისარიატი. ბალშევიკების გამარჯვებამ პეტერბურგს და რუსეთში სამოქალაქო ომის გაჩაღებამ აიძულა ამიერ-კავ-



კასია საკუთარი ძალით მოეწვლა საქმისათვის. ბალშევიკების პროპაგანდის გავლენით ოსმალეთის ფრონტზე მყოფი $\frac{1}{2}$ მილიონიანი რუსის ჯარი ღელავდა, მასში თან-და-თან ფეხს იკიდებდა ფრონტის მიტოვების და სამშობლოში დაბრუნების აზრი. 20 ოქტომბერს 1917 წ. პირველად დაიდრა ოსმალეთის ფრონტიდან მე-39 დივიზია და წამოვიდა უკან. ამავე დროს შინაური მდგომარეობაც, განსაკუთრებით სომეხ-თათართა გამწვავებულ ურთიერთობისა გამო აღმოსავლეთ და სამხრეთ ამიერ-კავკასიაში, დიდს ყურადღებას თხოულობდა. ასეთს გარემოებაში აუცილებელ საქაროებას წარმოადგენდა ისეთ ორგანოს შექმნა, რომელიც დროებით მაინც შესძლებდა ამიერ-კავკასიის მართვა-გამგეობის ფუნქციების შესრულებას.

ამ აზრით 11 ნოემბერს 1917 წ. ტფილისში შედგა რევოლიციონურ დაწესებულებათა წარმომადგენლების კრება, რომელშიდაც მონაწილეობასღებულობდნენ მუშათა და გლეხთა საბჭოების ცენტრებისა, კავკასიის ჯარის ცენტრის, ტფილისის მუშათა და ჯარის-კაცთა დეპუტატების საბჭოს, პოლიტიკურ პარტიების და სხ. წარმომადგენლები და აგრეთვე ამ დროს უკვე მთლად გავლენა დაკარგული ამიერ-კავკასიის განსაკუთრებული კომიტეტი. თათბირს დაესწრო სულ 400 კაცამდის. კრებაზედ გამოტანილ იქმნა დადგენილება ამიერ-კავკასიის დროებითი მთავრობის—კომისარიატის დაარსების შესახებ. კომისარიატს უნდა ეზრუნა ქვეყნის მართვა-გამგეობისათვის მთლიან რუსეთის ნიადაგზე რუსეთის დამფუძნებელ კრების არჩევნების დამთავრებამდის, რის შემდეგ ადგალობრივი მართვა-გამგეობის საქმის მოწყობა რუსეთის დამფუძნებელი კრების წევრთ ან მათ მოადგილეთა კოპეტენციაში უნდა ყოფილიყო. კომისარიატის თავმჯდომარედ ამორჩეულ იქმნა ევ. გეგეჭკორი, შინაგან საქმეთა კომისრად დინიშნა აკ. ჩხენკელი და იუსტიციისა და განათლებისა—შალ. ალექსი-მესხიშვილი. დანარჩენი 8 კომისარი იყო სომეხთა, თათართა და რუსთაგან. მალე სამხედრო და საზღვაო საქმეების კომისრადაც დინიშნა ელად. გობეჩია, კიდევ ერთი წარმომადგენელი საქართველოს რევოლიციონურ თაობისა. 1918 წ. მარტიდან კიდევ შინაგან საქმეთა მართველობა ჩაბარდა ნოე რამიშვილს.

კომისარიატს უხდებოდა მუშაობა ფრიად ცუდს პირობებში. ფრონტზე მყოფი რუსის ჯარი იშლებოდა, შიგნით მყოფი რუსის ჯარის ნაწილები აგრეთვე ბალშევიზმისაკენ იხრებოდნენ. თვით ტფილისსაც ხშირად გაბალშევიკებულ რუსის ჯარის-კაცებისაგან საშიშროება მოელოდა. ამ საფრთხის თავიდან ასაცილებლად 29 ნოემბერს 1917 წ. რევოლიუციონურმა წითელ გვარდიის რაზმმა ვალ. ჯულეღის პეთაურობით დაიჭირა ტფილისის არსენალი და ამით ფრთა შეაკვეცა ბალშევიკ ჯარის-კაცების მძლავრებას. ეს იყო პირველი დიდი გამოსვლა წითელი გვარდიისა, რომელსაც მოყვა გვარდიის ორგანიზაციულად დარაზმვა და მისი მტკიცე შეიარაღებულ ძალად გარდაქცევა.

ამ წითელ გვარდიიდან შემდეგ წარმოიშვა საქართველოს რესპუბლიკის სახალხო გვარდია.

ამიერ-კავკასიის ფაქტიური გამოყოფა რუსეთისაგან. რუსეთის საბჭოთა მთავრობამ სახელმწიფო ძალა-უფლების თავის ხელში ჩაგდებისათვისა და შემდეგ შეუდგა საზავო მოლაპარაკებას. ამისდა მიხედვით ოსმალეთმაც წინადადება მისცა ამიერ-კავკასიის კომისარიატს დროებით ზავის ჩამოგდებისა და შემდეგ მუდმივი ზავის შეკვრის შესახებ. დროებითი ზავი ფრონტზე გატარებულ იქმნა, საზავო მოლაპარაკების დაწყებაზე კი კომისარიატმა უარი განაცხადა. კომისარიატი იღვა მთლიან რუსეთის საფუძველზე და ამიტომ უცდიდა სრულიად რუსეთის დამფუძნებელ კრების მოწვევას, რომელიც 1918 წ. 5 იანვრისთვის იყო დანიშნული პეტერბურგში. მაგრამ დამფუძნებელი კრება ბალშევიკებმა გარეკეს, რადგან თვით ისინი მასში უმცირესობას შეადგენდნენ და გარდა ამისა საყოველთაო არჩევნების პრინციპზე აგებული სახალხო წარმომადგენლობა იდეოლოგიური მოსაზრებით საბჭოთა მთავრობისთვის მიუღებელი იყო. რუსეთის დამფუძნებელ კრების შემდეგ ამიერ-კავკასია ფაქტიურად გათიშული დარჩა რუსეთისაგან. ამიერ-კავკასიის კომისარიატი კლდე ცდილობდა ოსმალეთთან ზავის საკითხში კავშირის გაბმას ყუბანისა, უკრაინისა და საზოგადოდ სამხრეთ რუსეთის ოლქების მთავრობებთან, მაგრამ ამ ცდისაგან არა გამოვიდა რა.

რუსეთის ჯარი მიდის კავკასიის ფრონტიდან. მარტოდ დარჩენილი ამიერ-კავკასია იძულებული გახდა თავისი საკუთარი ძალით მოეკლო გართულებულ მდგომარეობისათვის. ამასობაში ფრონტის დაშლამ კატასტროფიული ხასიათი მიეღო. რუსის ჯარი დაიძრა სომარ ხაზიდგან. სომეხთა ეროვნული სამხედრო ნაწილები ცდილობდნენ დაცლილ ადგილების შენარჩუნებას, მაგრამ ამაოდ. ჯარის უკან დახევას მოყვა ომის დროს რუსეთის მიერ დაკავებულ ოსმალეთის ტერიტორიაზე ძალმომრეობის გახშირება. სოფლების აოხრება, დანაცვა და აწიოკება მშვილობიან მაჰმადიან მკობრებლებსა გახშირდა. თავის მხრივ მაჰმადიანებიც (ქურთები და თურქები) ცდილობდნენ წვრილ-წვრილ თავდასხმებით რუსის ჯარის შეწუხებას უკან სვლის დროს. ასეთ არევ-დარევით ისარგებლა ოსმალეთის სარდლობამ და ბრძანება გასცა საერთო შეტევასზე გადასვლის შესახებ. მალე ოსმალთ დაიჭირეს ერზინჯანი, ტრაპეზუნტი, ვანი, არზრუმი და შემდეგ გადმოვიდნენ ყოფილ რუს-ოსმალის საზღვრის აქეთ.

ამიერ-კავკასიის სეიმი. ფრონტის დაშლა დღითი დღე ვითარდებოდა, როდესაც 10 თებერვალს 1918 წ. ტფილისში შეიკრიბა ამიერ-კავკასიის სეიმი, რომელიც შესდგა რუსეთის დამფუძნებელ კრების არჩევნებზე მიღებულ შედეგების მიხედვით თითო დეპუტატის საარჩევნო ზომის ერთი სამად გადიდებით. სეიმის თავმჯდომარედ ამორჩეულ



იქმნა ნიკოლოზ ჩხეიძე. სემის შედგენდა: 115 დეპუტატი: 32 სოციალ-დემოკრატი, 30 თათართა პარტიის მუსავატის და მისი თანამგრძობთა წარმომადგენელი, 27 სომეხთა და შნაკუთუნის პარტიისა, 5 სოციალისტ-რევოლიუციონერი, 1 ქართველი სოც.-ფედერალისტი, 1 ქართველი ეროვნულ-დემოკრატი და სხ.

სემის მთავარი ყურადღება მიპყრობილი იყო გარეშე საფრთხისაკენ, რომელსაც წარმოადგენდნენ ოსმალინი. შიგნით სემმა გაატარა კანონი მემამულეთათვის, გარეშე განსახლებულ ნორმისა, მიწის იძულებით ჩამორთმევის შესახებ. პრივილეგიურ წოდებათა (საქართველოში თავდა-აზნაურობის) გაუქმება კი უკვე დადასტურებული იყო ამიერკავკასიის კომისარიატის დეკრეტით 1917 წლის ნოემბერში. 1918 წ. 18 აპრილიდან კიდევ სემის დადგენილებით შემოღებულ იქმნა დროის ახალი სტილით აღრიცხვა.

ტრაპეზუნტის კონფერენცია. 16 თებერვლის სხდომაზე სემმა დაადგინა შეუდგეს საზავო მოლაპარაკებას ოსმალეთთან, რისთვისაც მალე გაგზავნილ იქმნა განსაკუთრებული საზავო დელეგაცია აკ. ჩხენკელის თავმჯდომარეობით. მოლაპარაკების ადგილად დანიშნული იყო ქალ. ტრაპეზუნტი, რომელიც ამასობაში ოსმალთ კიდევ დაეჭირათ. ტრაპეზუნტის კონფერენციის მუშაობა გაიხსნა 1 მარტს. ოსმალეთი პირველად მოითხოვდა ამიერ-კავკასიის დამოუკიდებლობის გამოცხადებას და ამას ასაბუთებდა საზავო ხელშეკრულების იურიდიულ ფორმაში ჩამოყალიბების საპირობით.

ამასობაში რუსეთის საბჭოთა მთავრობა ქალ. ბრესტ-ლიტოვსკში უკვე ზავით შეკროდა გერმანიას და მისს მოკავშირეთ ოსმალეთთან ერთად (18 თებერ. 1918 წ.). ბრესტ-ლიტოვსკის ხელშეკრულების ძალით რუსეთი თანხმდებოდა ბათომისა და ყარსის ოლქის დაცლაზე და ამ ოლქების მოსახლეობის თვითგამორკვევებზე იმ პირობით, რომ ამ ოლქების ბედს უნდა გარდაეწყვიტა ოსმალეთის მეზობელ სახელმწიფოებთან შეთანხმებით. ეს მუხლი ცხად ჰყოფდა ოსმალეთის სურვილს ამ ოლქების დაპყრობის შესახებ და მართლაც ოსმალეთმა მაშინვე მოითხოვა ბათომისა და ყარსის მისთვის გადაცემა. ტრაპეზუნტის კონფერენციაზედაც ოსმალთა დელეგაცია თხოულობდა ბრესტ-ლიტოვსკის ხელშეკრულების ამ მუხლის მიღებას ამიერ-კავკასიის კომისარიატის მიერ. ასეთს პირობებში სემმა შეუძლებლად ჩასთვალა მოლაპარაკების გაგრძელება და 31 მარტს დაადგინა თავისი დელეგაციის უკან გამოწვევა.

ბათომის აღება ოსმალთა მიერ. ამ დროს ოსმალთა ჯარს უკვე დაეკავებინა მთელი ის ტერიტორია, რომელიც რუსეთს დაეპყრო ომის დროს, ეხლა ვადმოსულრიყო რუს-ოსმალის ყოფილ საზღვარსაც და შემოდგომოდა ბათომის ციხე-სიმაგრეს. ბათომს იცავდა მზა-მზარეულად შეყრილი ქართველი ჯარის-კაცები და აგრეთვე მოხალისეთა რაზმები.



ბათომის დაკარგვის შიშმა დიდი საომარი აღვრთოვანება გამოიწვია საქართველოში. მაგრამ მარტო აღვრთოვანება არ კმარადა დაშლო ჯარის ხელახლავ შესაკავშირებლად და მტკიცე სამხედრო ორგანიზაციის შესაქმნელად. 7 აპრილს 1918 წ. ხანმოკლე და უმნიშვნელო ბრძოლის შემდეგ ოსმალთ აიღეს ბათომი და განაგრძეს შეტევა. მალე მათ დაიჭირეს ქალ. ოზურგეთიც, ხოლო რკინის-გზის გასწვრივ მიადგნენ შდ. ნოტანებს. 8 აპრილს შდ. ნოტანების სამხრეთით ოსმალთა ჯარს დახვდა ქართველთა რაზმები და ჯავშნოსანი მატარებელი, რომელსაც უფროსობდა გოგვაძე. ოსმალნი სასტიკად დამარცხდნენ და მარტო მოკლულთ, დაჭრილთა გარდა, დაკარგეს 600 კაცზე მეტი.

ნოტანების გამარჯვებამ შეაჩერა ოსმალთა წინსვლა. ცოტა ხნის შემდეგ ამიერ-კავკასიის სეიმმაც გარდასწყვიტა საზავო მოლაპარაკების განახლება.

ამიერ-კავკასიის დამოუკიდებლობის გამოცხადება. ბათომის დაკარგვის შემდეგ სეიმი დარწმუნდა, რომ ოსმალეთთან ზავის შეკვრა აუცილებელ საქროებას წარმოადგენდა ქვეყნის შინაურ მდგომარეობის მოსავლელად. შინაური ვითარებაც ფრიად სერიოზული იყო. სწორედ იმ დროს, როდესაც ოსმალნი ბათომს შემოდგომოდნენ, ბალშევიკებს გორის მაზრის ოსებში აჯანყება მოუწყოთ და ცოტა ხნის შემდეგ ასეთივე არეულობა მოხდა ოდიშის და ლეჩხუმის ჩამორჩენილ კუთხეებში. ამიერ-კავკასიის სამხრეთ ნაწილებშიაც სომეხთა და თათართა შორის ურთიერთობა ფრიად გამწვავებული იყო, რაც აშკარა შეტაკებებში პოულობდა თავისს გამოხატულებას. ასეთს პირობებში უჯარო და ანარქიულ მდგომარეობაში მყოფ ქვეყანას ოსმალეთისთვის არავითარი წინააღმდეგობის გაწევა არ შეეძლო. მით უმეტეს, რომ სეიმის ერთი დიდ პარტიათაგანი — თათრების „მუსავატი“ — ორქოფულ გზას ადგა და თუმცა სეიმის სხვა პარტიათა დადგენილებებს ომისა და ზავის საკითხში ხმას აძლევდა, მაგრამ წინდაწინვე უარს აცხადებდა აზერბეიჯანის მაჰმადიან მოსახლეობის სულიერ განწყობილების შესახებ პასუხისმგებლობაზედ. 9 აპრილს 1918 წ. სეიმმა, თანახმად ოსმალეთის მოთხოვნილებებისა ტრაპეზუნტის კონფერენციაზე გამოაცხადა ამიერ-კავკასიის რესპუბლიკის დამოუკიდებლობა. ევ გეგე-ქკორის კომისარიატი გადადგა და მისს მაგიერად შესდგა ახალი მთავრობა ა.კ. ჩხენკელის თავმჯდომარეობით. ამ მთავრობაში ირიცხებოდა 12 მინისტრი, მათში 4 ქართველი იყო, რომელთაც ეკირათ ყველაზედ უფრო საპასუხისმგებლო სამინისტროები (ა.კ. ჩხენკელი თავმჯდომარე და გარე შე საქმეთა მინისტრი, ნოე რამიშვილი — შინაგან საქმეთა, გრ. გიორგაძე — სამხედრო და ნოე ხომერიკი — მიწათმოქმედების მინისტრი). საზავო მოლაპარაკება ოსმალეთთან ისევე განახლდა, კონფერენცია გაიხსნა ქალ. ბათომში, სადაც წავიდა განსაკუთრებული დელეგაცია თვით ა.კ. ჩხენკელის თავმჯდომარეობით.



ბათუმის კონფერენცია. ამიერ-კავკასია ამ დროს უკვე დამოუკიდებელ რესპუბლიკად იყო გამოცხადებული, გარდა ამისა დელეგაცია ბოლოს დათანხმდა ბრესტ-ლიტოვსკის ხელშეკრულების მიღებას შესახებ ბათუმის და ყარსის ოლქებისა, მაგრამ მოლაპარაკებიდან მაინც არაფერი გამოდიოდა.

ამისი მთავარი მიზეზი იყო ის გარემოება, რომ ამიერ-კავკასიის სამ მთავარ ერს (ქართველთა, თათართა და სომეხთა) შორის არ იყო ინტერესთა და კულტურულ-პოლიტიკურ სიმშატიების ერთიანობა. თათრები ოსმალების ბატონობის მოსალოდნელ დამკვიდრებას ამიერ-კავკასიაში თანაგრძნობით უყურებდნენ, მაშინ როდესაც როგორც ქართველებისათვის, ისე სომეხებისათვის ეს მიუღებელი იყო. ოსმალთ უკვე ეჭირათ ყარსი და მალე მათ დაიპყრეს გუმბრი—ალექსანდროპოლიც. ამასთანავე მათ ისარგებლეს ამიერ-კავკასიის ერთა შორის შეუთანხმლობით და მოითხოვეს ახალციხის და ახალქალაქის მაზრების მათთვის გადაცემა. მდგომარეობა თან-და-თან რთულდებოდა. ოსმალთა დელეგაციის მოქმედებიდან პირდაპირ სჩანდა, რომ ოსმალეთს არ სურს მთლიან ამიერ-კავკასიასთან ზავის შეკვრა და ამჯობინებს ყოველ ერთან კერძობით მოლაპარაკებას.

ბათუმის კონფერენციაზედ იპყრებოდა აგრეთვე გერმანიის მთავრობის წარმომადგენელი გენ. ფონ-ლოსსოვი, რომელიც ოსმალთა გადაქარბებულ მოთხოვნებით კმაყოფილი არ იყო და ამიერ-კავკასიისა და ოსმალეთის დელეგაციას შორის შუამავლობასაც კისრულობდა.

ასეთს პირობებში საქართველოს სასიცოცხლო ინტერესები თხოვლობდა ამიერ-კავკასიის რესპუბლიკის გაუქმებას და დამოუკიდებელ პოლიტიკის წარმოებას.

26 მაისს 1918 წ. ამიერ-კავკასიის სეიმა გამოაცხადა თავისი თავი გაუქმებულად და ამიერ-კავკასიის რესპუბლიკა დაშლილად.

საქართველოს ბედის ბატონად ხდებოდა ქართული ეროვნული საბჭო.

ეროვნული საბჭო. ეს საბჭო ამორჩეული იყო ქართულ ეროვნულ ყრილობაზე, რომელიც შესდგა ტვილისში 19—23 ნოემბერს 1917 წ. ნოე ყორდანის თავმჯდომარეობით. ამ ყრილობას ფრიად დიდი მნიშვნელობა ჰქონდა, რადგან ცხად ჰყო ასეთ არეგ-დარევის დროს ერის სამკედრო-სასიცოცხლო საკითხებში ყველა პოლიტიკურ პარტიათა და მიმართულებათა გაერთიანების შესაძლებლობა. ყრილობამ მიიღო დადგენილება საქართველოსთვის ფართო თვითმართველობის საქირებისა საკანამდებლო უფლებით, შეიმუშავა აგრეთვე რეზოლიუციები ყველა მთავარ პოლიტიკურ, სოციალურ და კულტურულ ხასიათის



საკითხების შესახებ და შემდეგ აირჩია ეროვნული საბჭო, 67 კაცისაგან შემდგარი. ამ შემადგენლობას შემდეგ მიემატნენ ამიერ-კავკასიის სეიმის ქართველნი წევრნი.

საქართველოს დამოუკიდებლობის გამოცხადება. ამიერ-კავკასიის სეიმის ადგილი ტფილისში დაიჭირა ქართულმა ეროვნულმა საბჭომ, რომელმაც 26 მაისს 1918 წ. ნაშუადღევს 5 საათზე და 10 წ. გამოაცხადა საქართველოს დამოუკიდებლობა განსაკუთრებულის აქტით, რომელშიდაც ეწერა:

„ძრავალ საუკუნეთა განმავლობაში საქართველო არსებობდა, როგორც დამოუკიდებელი და თავისუფალი სახელმწიფო.

„მთავრამეტე საუკუნის დასასრულს ყოველი მხრით მტრისგან შევიწროებული საქართველო თავისი ნებით შეუერთდა რუსეთს იმ პირობით, რომ რუსეთი ვალდებული იყო საქართველო გარეშე მტრისგან დაეცვა.

„რუსეთის დიდი რევოლიუციის მსვლელობამ რუსეთში ისეთი შინაგანი წყობილება შექმნა, რომ მთელი სამართი ფორნტი სრულიად დაიშალა და რუსის ჯარმაც დასტოვა ამიერ-კავკასია.

„დარჩენ რა თვისი ძალღონის ამარად, საქართველომ და მასთან ერთად ამიერ-კავკასიამ თვით იღვეს თავს საკუთარი საქმეების გაძღოლა და პატრონობა და შესაფერი ორგანოებიც შექმნეს; მაგრამ გარეშე ძალთა ზედგავლენით ამიერ-კავკასიის ერთა შემეერთებელე კავშირი დაირღვა და მით ამიერ-კავკასიის პოლიტიკური მთლიანობაც დაიშალა.

„ქართველი ერის დღევანდელი მდგომარეობა აუცილებლათ მოითხოვს, რომ საქართველომ საკუთარი სახელმწიფოებრივი ორგანიზაცია შექმნას, მისი საშუალებით გარეშე ძალის მიერ დაპყრობისაგან თავი გადაიჩინოს და დამოუკიდებელი განვითარების მტკიცე საფუძველი ააგოს.

„ამისდა თანახმად საქართველოს ეროვნული საბჭო, 1917 წლის, ნოემბრის 22-ს არჩეული საქართველოს ეროვნული ყრილობის მიერ, დღეს აცხადებს:

1) ამიერიდან საქართველოს ხალხი სუვერენულ უფლებათა მატარებელია და საქართველო სრულ-უფლებოვანი დამოუკიდებელი სახელმწიფოა. 2) დამოუკიდებელ საქართველოს პოლიტიკური ფორმა — დემოკრატიული რესპუბლიკაა. 3) საერთაშორისო ომიანობაში საქართველო მუდმივი ნეიტრალური სახელმწიფოა. 4) საქართველოს დემოკრატიულ რესპუბლიკას სურს საერთაშორისო ურთიერთობის ყველა წევრთან კეთილ-მეზობლური განწყობილება დაამყაროს, გან-



საკუთრებით მოსახლერე სახელმწიფოებთან და ერებთან. 5) საქართველოს დემოკრატიული რესპუბლიკა თავის საზღვრებში თანასწორად უზრუნველყოფს ყველა მოქალაქის სამოქალაქო და პოლიტიკურ უფლებებს განურჩევლად ეროვნებისა, სარწმუნოებისა, სოციალური მდგომარეობისა და სქესისა. 6) საქართველოს დემოკრატიული რესპუბლიკა განვითარების თავისუფალ ასპარეზს გაუხსნის მის ტერიტორიაზე მოსახლე ყველა ერს. 7) დამფუძნებელი კრების შეკრებამდე მთელის საქართველოს მართვა-გამგეობის საქმეს უძღვება ეროვნული საბჭო, რომელიც შევსებული იქნება ეროვნულ უმცირესობათა წარმომადგენლებით და დროებითი მთავრობა პასუხისმგებელია საბჭოს წინაშე“.

მე-XVIII საუკუნეში თეიმურაზ II-სა და ერეკლე II-ის დროს სპარსეთში ამტყდარ ანარქიისა გამო აღმ. საქართველო გახდა ფაქტიურად დამოუკიდებელი სპარსეთისაგან.

1918 წ. საქართველო, თავმინებებული რუსეთისაგან იქ ამტყდარ არევ-დარევის გამო, აცხადებს თავის დამოუკიდებლობას.

მე-XVIII საუკუნეში საქართველოს სამეფო ტახტი, მარტოდ დარჩენილი და მოკლებული შიგნით დასაყრდნობ ძალას, უძლური იყო სახელმწიფო ცხოვრების ახალ გეზზე მოსამართავად.

1918 წ. კი სახელმწიფო ცხოვრებას სათავეში მოექცა გათვითცნობიერებულ და შეკავშირებულ ხალხის მოწინავე ნაწილი და თავისი ძალის მოიმედე მტკიცედ დაადგა მოპოვებულ თავისუფლების განმტკიცებისა და ახალ ცხოვრების მოწყობის გზას.

საქართველოს რესპუბლიკის პირველი მთავრობა ნოე რამიშვილის თავმჯდომარეობით. დამოუკიდებლობის გამოცხადებისთანავე ეროვნულმა საბჭომ ამოარჩია რესპუბლიკის მთავრობა. მთავრობის თავმჯდომარედ და შინაგან საქმეთა მინისტრად დაინიშნა ნოე რამიშვილი, გარეშე საქმეთა—აკ. ჩხენკელი, ფინანსთა და ვაჭრობა-მრეწველობისა—გიორგი ჟურული, სამხედრო—გრ. გიორგაძე, განათლების—გიორგი ლასხიშვილი, მიწათ-მოქმედების და შრომისა—ნოე ხომერიკი, იუსტიციის—შ. ალექსი-მესხიშვილი და გზათა—ივ. ლორთქიფანიძე. მთავრობა პასუხისმგებელი იყო ეროვნულ საბჭოს წინაშე, რომელიც ამ დროს შესდგებოდა 113 წევრისაგან, ამათგან 65 სოც.-დემოკრატი იყო, 16 სოც.-ფედერალისტი, ამდენივე ეროვნულ-დემოკრატი, 12 სოციალ-რევოლიუციონერი და სხ.

ახალი მთავრობის მთავარ საზრუნავ საგანს შეადგენდა ზავის ჩამოგდება ოსმალეთთან, რომელიც საქართველოს უმწეო მდგომარეობისა გამო აგრესიულს და მუქარის გზას ადგა. იმავე დღეს, რა დღესაც ცხადდებოდა საქართველოს დამოუკიდებლობა, ოსმალეთის დელეგა-

ციამ ბათომში წამოაყენა ჯერ კიდევ ამიერ-კავკასიის მთავრობის სახელზე ულტიმატუმი ახალციხის და ახალქალაქის მაზრების გადაცემისა და აგრეთვე რკინის-გზებით თავისუფლად სარგებლობის შესახებ. ასეთს გაჭირვებულს მდგომარეობაში მთავრობა იძულებული გახდა მიემართნა ამ დროს ტფილ-სში მყოფ გერმანიის წარმომადგენლისათვის და ეთხოვა მისთვის ეგრემანელთა პიკეტების დაყენება საზღვრებზე ოსმალთა წინსვლის შესაჩერებლად. ამ გარემოებამ არიფ-დარია ოსმალთა აგრესიულ ზრახვების გეგმა. ამასობაში ბათომში ჩავიდა საქართველოს ახალი დელეგაცია ნოე რამიშვილის თავმჯდომარეობით, რომელიც ბოლოს-და-ბოლოს იძულებული გახდა არსებითად დათანხმებულიყო ოსმალთა მიერ წამოყენებულ პირობებზედ.

ზავი ოსმალეთთან. 3 ივნისს 1918 წ. შეკრულ იქმნა ზავი ოსმალეთთან, რომლის მიხედვით ოსმალეთს ვარდაეცა, ვარდა ბრესტ-ლიტოვსკის ხელშეკრულებით განსაზღვრულ ოლქებისა, ახალციხის და ახალქალაქის მაზრებიც აბასთუმანის და აწყურის გამოკლებით. ამასთანავე ოსმალებს და მათ მოკავშირეებს უფლება მიეცათ რკინის-გზებით სარგებლობისა სამხედრო საქროებათათვის.

ამ ხელშეკრულებას შეუდგა ოსმალეთის მიერ ზავის შეკრა აზერბეიჯანისა და სომხეთის რესპუბლიკებთან, რომელთაც აგრეთვე გამოეცხადებინათ თავისი დამოუკიდებლობა. მალე ოსმალთ დაიწყეს თავისი ჯარის გადაყენა აზერბეიჯანში ბაქოზე გასაღოშქრებლად იქ დამკვიდრებულ რუს ბალშევიკების წინააღმდეგ.

გერმანელების ჯარის შემოსვლა საქართველოში. საქართველოს ახალ რესპუბლიკას ჯერ კიდევ ვერ გაერკვია თავისი მდგომარეობა. ოსმალთა საფრთხეც თვალწინ იდგა და მისი საწინააღმდეგო ძალა კი რესპუბლიკას არ მოეპოვებოდა. ჯარი დაქსაქსულიყო და დშლილიყო. ასეთს პირობებში საქართველოსთვის აუცილებელი იყო გარეშე დახმარების მოპოება. ამ დროს აღმოსავლეთ-ევროპის ფრონტზე ძლივეამოსილი გერმანია შემოსული იყო უკრაინასა, ყირიმში და ამ გვარად მოახლოვებოდა საქართველოს. წინასწარ მოლაპარაკების შემდეგ გერმანიის ჯარი, დაახლოვებით 17 ათასი კაცი, შემოვიდა საქართველოში და დადგა როგორც ტფილისსა, ისე სხვა ადგილებში. ამ ჯარის უფროსი გენ. ფონ-კრესი იმავე დროს ფაქტიურად გერმანიის დიპლომატიურ წარმომადგენლის როლსაც ასრულებდა. გერმანიამ იკისრა საქართველოს რესპუბლიკის საზღვრების დაცვა, რის გამო შემოსულისთანავე ამ ჯარის ერთი ნაწილი გაიგზავნა ბორჩალოს მაზრაში ოსმალების მიერ ახმედრებულ შეიარაღებულ ბრბოებთან საბრძოლველად. შემდეგ გერმანიამ აღიარა საქართველოს დამოუკიდებლობაც.

მთავრობის სათავეში დგება ნოე ჟორდანი. რესპუბლიკის შინაური მდგომარეობა ამ დროს მეტად გამოურყვეველი იყო. ამასთანავე



რუსის ბალშევიკები შემოჭრილიყვნენ აფხაზეთ — სამურზაყანოში და ზოგან ადგილობრივი შეუზღებელი ელემენტებიც თავისს მხარეზე გადაებირებინათ. როგორც წინაღ ბათომზე ოსმალების გალაშქრების დროს, ისე ეხლაც ბალშევიკები ცდილობდნენ თავისი აგიტაციის გავრცეებას ყველაზე უფრო ჩამორჩენილ მხარეებში განუფიქრებელ მასის თავისს მხარეზე გადასაბირებლად საქირო იყო მტკიცე და განსაკუთრებული ოფლებებით აღჭურვილი მთავრობა. ამიტომ 24 ივნისს მთავრობას სათავეში ჩაუდგა თვით სოციალ-დემოკრატიულ პარტიის ბელადი ნოე ჟორდანიას. ნოე რამიშვილი კი დარჩა შინაგან საქმეთა მინისტრად. მასვე დაევალა გარეშე საქმეთა მინისტრის თანამდებობის ასრულება.

აფხაზეთში შემოჭრილი ბალშევიკები დამარცხებულ იქმნენ. მაგრამ ამ დროს ოსმალთ აღ. შერვაშიძის მიწვევით, გადმოსხეს მდ. კოდორზე თავისი რაზმი აფხაზეთის ასაჯანყებლად და შემდეგ იქ ფეხის მოსაკიდებლად. სოხუმის ჯარის უფროსმა გენ. მაზნიაშვილმა დაიჭირა სოხუმის დამცველი პოზიციები და ამით შეუშალა ხელი ოსმალთ მათი განზრახვის შესრულებაში. ამასობაში გერმანელებმაც მოსთხოვეს ოსმალთ გადმოსხმულ ჯარის გაყვანა და მართლაც მცირე შეტაკებების შემდეგ ოსმალთ დასცალეს აფხაზეთის სანაპირო.

ამის შემდეგ საქართველოს მხედრობამ გენ. მაზნიაშვილის მეთაურობით განდევნა ბალშევიკები როგორც სოხუმის, ისე სოჭის ოლქიდან და დაიჭირა ტუაფსეც.

ბალშევიკების საფრთხე ამის შემდეგაც არ მოსპობილა. ამავე 1918 წლის ივლისში ბალშევიკებმა თავი წამოყვეს ლუშეთის მაზრაში, რომლის ჩამორჩენილობა მათი აგიტაციის საქმეს ფრიად აადვილებდა, და მოვიდნენ თითქმის მცხეთამდის. სახალხო გვარდიამ და ჯარმა ჩააქრო ეს აჯანყებაც.

ყველა ამ სამხედრო შოკმედებაში მთავარ მონაწილეობას ღებულობდა სახალხო გვარდია. ეს იყო ამ დროს თითქმის ერთადერთი სამხედრო ძალა, რადგანაც რეგულიარულ ჯარის მოწყობის საქმე მხოლოდ ეხლა იწყებოდა.

1918 წლის ოქტომბერში უკვე საბოლოოდ გამოირკვა, რომ მსოფლიო ომში გამარჯვება დარჩათ ინგლისს, საფრანგეთს და მათ მოკავშირეებს. ჯერ ბოლგარეთმა, შემდეგ ოსმალეთმა და ავსტრო-ჰუნგარეთმა დაჰყარეს იარაღი, რის შემდეგ 11 ნოემბერს გერმანიის ახალი რესპუბლიკანურ მთავრობის წარმომადგენლებმა ხელი მოაწერეს დროებით ზავის პირობებს.

ოსმალებს უკვე დაეწყათ დაცლა ახალციხის და ახალქალაქის მაზრებისა და ბორჩალოს მაზრის იმ ნაწილისა, რომელიც მათ ეჭირათ და გერმანელებიც მიდიოდნენ საქართველოდან.



ომი სომხეთთან. ახლად შექმნილ მდგომარეობით მოინდომეს სარგებლობა სომხეთის რესპუბლიკის ხელმძღვანელმა წრეებმა, რომელთაც მოკავშირეთა გამარჯვება უნდოდათ გამოეყენებინათ სომხეთის გასაძლიერებლად ამიერ-კავკასიაში მეზობლების ხარჯზედ. ჯერ კიდევ ოქტომბერში სომხეთის მთავრობის მიერ მიცემულ განკარგულების მიხედვით სომხეთის ჯარის ნაწილები დაეცნენ ბორჩალოს მაზრაში საქართველოს სადარაჯო რაზმს და დაიჭირეს წათერი და კორინჯი, ხოლო დეკემბრის დასაწყისში კი, როდესაც გერმანელების ჯარი ტფილისიდან თითქმის მთლად გასული იყო, ერევნიდან მოაწყვეს სომხების მიერ დასახლებულ სოფლების აჯანყება ბორჩალოს მაზრის სამხრეთ ნაწილში სანაინ-კობერის ხაზზედ. 9 დეკემბერს სადგ. სანაინთან ერევნის მთავრობის აგენტების მიერ აჯანყებულნი ადგილობრივი მკვიდრნი სომხეთის რესპუბლიკის ჯარისკაცებთან და აფიცრებთან ერთად, დაეცნენ ქართველთა რაზმს და გააფუქეს რკინის-გზა. აჯანყებულნი სომხეთის ჯარის ნაწილების დახმარებით თანდათან აძლიერებდნენ თავისს სამხედრო მოქმედებას. მათ დახოცეს ან ტყვედ წაიყვანეს საქართველოს სადარაჯო რაზმები და შემდეგ რიგ-რიგობით ხელში ჩაიგდეს სამი ჯავშნოსანი მატარებელი. სომხეთის მთავრობამაც ამასობაში ნიღაბი მოიხსნა და წარუდგინა საქართველოს ულტიმატიური მოთხოვნა ილება ახალქალაქისა და ბორჩალოს*) მაზრების დაკლის შესახებ მდ. ხრამიდის. მაშინ საქართველოს მთავრობა იძულებული გახდა გამოეცხადა მობილიზაცია (18 დეკემბ.).

ამასობაში სომხეთის ჯარი შემოჭრილიყო ჯავახეთში, ხოლო ბორჩალოში უახლოვდებოდა მდ. ხრამის ხაზს, ამავე დროს მდ. ხრამის ჩრდილოეთით სოფ. დაგეტ-ხაჩინში, წინასწარ შემუშავებულ გეგმის მიხედვით სომხეთის ჯარისთვის ტფილისისკენ წასასვლელ გზის გასაადვილებლად, გამაგრდნენ აჯანყებულნი ადგილობრივი მცხოვრებნი.

სომხეთის რესპუბლიკის ვერაგულობა თავ-დასხმა? დიდი აღშფოთება და საომარი აღფრთოვანება გამოიწვია მთელს საქართველოში. ძლიერ ბევრი მიდიოდა ფრონტზე მოხალისედ. 19 დეკემბერს სოფ. ეკატერინეფელდთან სახალხო გვარდია დაამარცხა სომხეთის ჯარი. მეორე დღეს ჯავახეთშიდაც მტერი უკუგდებულ იქნა. მალე საქართველოს მხედრობა—ჯარი და სახალხო გვარდია—გადავიდა საერთო შეტევაზე, 29 დეკემბერს აიღო შულავერი, შემდეგ სადახო მარცხენა ფრთაზე და ბოლნისი მარჯვენაზედ.

*) ბორჩალოს მაზრა შესდგება უმთავრესად სამი ნაწილისაგან: თრიალეთი, ანუ ესლანდელი წალკა, ტაშირი ანუ ლორე და ხუნანი (მაზრის ჩრდილოეთი ნაწილი) რომელიც შემდეგ იწოდებოდა ქართველების მიერ სომხითად, უმთავრესად იმიტომ რომ ადგილობრივი ქართველ მოსახლეობაში საქმიად ვაგრცვლებული იყო ანტი-ხალკიდონური ანუ სამხურ ეკლესიის მოძღვრება. მე-XXVII საუკუნეში კიდევ ხუნანში სპარსეთის მთავრობის მიერ დასახლებულ იქნა თითოერთი ელი ბორჩალუ, რომლისაგან შემდეგ მთელმა მხარემ მიიღო თავისი აწინდელი სახელი.



ამასობაში ინგლისის და საფრანგეთის წარმომადგენლები ჩაერთვნენ სომხეთ-საქართველოს შორის მომხდარ უთანხმოებაში და, თანახმად მათი მოახლოებისა, 31 დეკემბერს ლამის 12 საათზე საომარი მოქმედება შეწყვეტილი იქნა. შემუშავებულ პირობის მიხედვით, ჯავახეთი და ბორჩალოს მაზრის ჩრდილოეთი ნაწილი დარჩა საქართველოს მართველობაში, ლორე კი გამოცხადდა ნეიტრალურ მხარედ, რომლის მართველობა საქართველოს და სომხეთის შეთანხმებით უნდა წარმოებოდა.

ოსმალეთის აგენტები სამცხეში. სომხეთთან ომის ვითარების შემდეგ საქართველოს ახალი სიძნელე გაუჩნდა. თებერვალში 1919 წ. ოსმალეთის აგენტებმა მოაწყვეს აჯანყება ახალციხის მაზრაში და აიძულეს საქართველოს ჯარი ეს მხარე დაეცალათ. საქარო ძალის დაგროვების შემდეგ, საქართველოს მხედრობა გენ. კვიციანი უფროსობით გადავიდა შეტევაზე, 9 მარტს დაიჭირა ახალციხე და მალე გასწმინდა ოსმალთა აგენტებისა და მათი ბრძოებისაგან მთელი მაზრა.

საქართველოს დამფუძნებელი კრება. ამასობაში თანახმად პარლამენტის მიერ (პარლამენტად გამოცხადებული იყო ყოფილი ეროვნული საბჭო) მიღებულ კანონისა, უკვე მომხდარი იყო დამფუძნებელ კრების არჩევნები, საყოველთაო ხმის მიცემასა და პროპორციულ სისტემაზე აგებული. 12 მარტს 1919 წ. — რუსეთის რევოლუციის ორი წლის თავს — ტფილისში გაიხსნა დამფუძნებელი კრება, რომლის თავმჯდომარედ არჩეულ იქნა ნ. ი. ჩხეიძე, ამ დროს პარიზს მყოფი, სადაც ის გაგზავნილი იყო საზავო კონფერენციაზე წასულ საქართველოს დელეგაციის მეთაურად, თავმჯდომარის უფროსს ამხანაგად კი არჩეულ იქნა ალ. ლომთათიძე, ხოლო უმცროს ამხანაგებად ექვ. თაყაიშვილი და სვ. მდივანი. დამფუძნებელ კრებაში ირიცხებოდა 130 წევრი. სულ ამავე წლის აგვისტოში მომხდარ დამატებითი არჩევნების შედეგთან ერთად დამფუძნებელ კრების არჩევნებზე მიცემული აღმოჩნდა სოციალ-დემოკრატიულ პარტიის სიისთვის 465,136 ხმა, სოციალისტ-ფედერალისტების პარტიისა — 41,003, ეროვნულ-დემოკრატებისა — 31,549, სოც.-რევოლუციონერებისა — 22,821, დაშნაკუტუნისა 15,936 და ეროვნულ პარტიის სიისთვის კიდევ 8,836 ხმა. ამისდა მიხედვით დამფუძნებელ კრებაში 1919 წლის აგვისტოდან ირიცხებოდა 105 სოც.-დემოკრატი, 9 სოც.-ფედერალისტი, 7 ეროვნულ-დემოკრატი, 5 სოციალისტ-რევოლუციონერი, 3 დაშნაკუტუნის წევრი და 1 ეროვნულ პარტიისა. 1919 წლის განმავლობაში დამფუძნებელ კრების არჩევნები გატარებული იყო რესპუბლიკის ფაქტიურ მფლობელობის მთელს ტერიტორიაზე გარდა სოხუმის ოლქისა ანუ, როგორც ეხლა იწოდებოდა, აფხაზეთისა.

რუსების მოხალისეთა არმია საქართველოს წინააღმდეგ. ამ დროს საქართველოსთვის დიდს საფრთხეს წარმოადგენდა რუსთა მოხალისეთა არმია, რომელიც 1918 წლის დასასრულიდან თანდათან გაი-

ზარდა განსაკუთრებით მას შემდეგ, რაც ევროპის შეთანხმების სახელმწიფოებმა მისი ბალ შეიკების წინააღმდეგ საბრძოლველად გამოყენება გარდასწყვიტეს და მას ამ მიზნით სამხედრო სურსათ-საგნებით დახმარების მიცემა დაუწყეს. მოხალისეთა არმიის ხელმძღვანელთ მიზნათ ჰქონდათ დასახული მთლიანი რუსეთის აღდგენა და ამიტომ საქართველოს თავისუფალი არსებობას ისინი ვერ შერიგებოდნენ. ნ თებერვლს მოხალისეთა არმიის ჯარის ნაწილები მოულოდნელად თავს დაეცნენ ქართველთა ჯარს სიკას, დაიჭირეს ეს ქალაქი და შემდეგ გამოემატნენ აუზხეთისაკენ, გამოიარეს გავრა და მიაღწენ მდ. ბზიბს, სადაც სასწრაფოდ გაგზავნილმა ქართველების ჯარმა შეაჩერა უკვე აფხაზეთს შემოსული მოხალისეთა არმიის ჯარის ნაწილები. მოხალისეთა არმიამ ცოტა ხნის შემდეგ დაიჭრა დალისტანიც და ემუქრებოდა აზერბეიჯანს. ამ გრემოებამ გამოიწვია საქართველოსა და აზერბეიჯანს შორის სამხედრო კავშირის შეკრა (16 ივნისს 1919 წ.) საქართველოს ჯარმა მალე ისევ დაიბრუნა გაგრის რაიონი და იქ გამაგრდა, სოქის ოლქი კი 1919 წელს ეჭირა მოხალისეთა არმიას. ტფილისში მყოფი ინგლისის სარდლობა ცდილობდა მოხალისეთა არმიის უფროსის გენ. დენიკინის აგრესიის შეჩერებას ამიერ-კავკასიის მიმართ და თუმცა ამით ბევრს ვერაფერს აღწევდა, მაგრამ ბოლოს თვით მოხალისეთა არმიის ხელმძღვანელთ არჩიეს საქართველოსთან და ადერბეიჯანთან მტკიცე ურთიერთობის დაქტრა და სპეციალურად ამ მიზნით გამოგზავნილ გენერლის საშუალებით შეეცადნენ მოლაპარაკების გამართვას.

ბათომის ოლქის საკითხი. საქართველოს ერთ-ერთ მთავარ საზღვრულ საგანს შეადგენდა ბათომის ოლქის მაჰმადიან ქართველობის შემოკავშირება. ეკონომიურად საქართველოს განვითარება ბათომს გარეშე შეუძლებელი იყო და ეროვნულადაც აღორძინების გზაზე დამდგარი ქვეყანა მისწრაფოდა შინაგან გაერთიანებისაკენ. ბათომის ოლქში დროებით შემოღებული იყო ინგლისური მართველობა. 1919 წლის აგვისტოში ქალ. ბათომში მოხდა ოლქის მცხოვრებთა წარმომადგენლების კრება, რომელმაც ერთხმად გამოიტანა დადგენილება ბათომის ოლქის საქართველოსთან შეერთების შესახებ თვით-მართველობის დაფუძნებით. კრებამ ამოარჩია აგრეთვე მეჯლისი, რომელმაც მიანდო ოლქის ინტერების დაცვა.

კრების დადგენილება ბათომის ოლქის საქართველოსთან გაერთიანების შესახებ ეცნობა სახელმწიფოთა საზავო კონფერენციას პარიზში.

დიდ-ბრიტანეთის უზენაეს კომისრად ამიერ-კავკასიაში ოლივერ უორდროპის დანიშვნა. ადგილობრივ ინგლისელ სარდლობასა და საქართველოს შორის მტკიცე ურთიერთობის დამყარებას ბევრი გაუგებრობა უშლიდა ხელს. საქართველოს მოწინააღმდეგე პირთა ცი-



ლისწამებანი და ყალბი ინფორმაცია ადგილობრივ საზოგადოებრივ განწყობილებასა და კერძო ფაქტების შესახებ კიდევ უფრო ამრავლებდა ამ გვარ გაუგებრობათ. აგვისტოში ინგლისმა თავისს უზენაეს კომისრად ამიერ-კავკასიაში დანიშნა ოლავერ უორდროპი, კარგი ნაცნობი და მეგობარი ქართველი ხალხისა. უორდროპი 30 აგვისტოს ჩამოვიდა ტფილისს, სადაც მას დიდის ამბით შეხვდნენ. უორდროპის ჩამოსვლას დიდი მნიშვნელობა ჰქონდა. ამით საქართველოს იმედი მიეცა თავისი დამოუკიდებლობის აღიარებისა ინგლისის მიერ და მეორეს მხრივ მოხალისეთა არმიის ძალადობისაგან თავის დაღწევა ინგლისის ახალი წარმომადგენლის საშუალებით ეხლა უფრო ადვილი უნდა ყოფილიყო.

საქართველოს ფაქტიურ დამოუკიდებლობის აღიარება მოკავშირე დიდ სახელმწიფოთა მიერ. ბრძოლა რუსეთის საბჭოთა მთავრობასა და მოხალისეთა არმიას შორის 1919 წლის ბოლოს ბალშევიკების სასარგებლოდ მიდიოდა. ბალშევიკებმა უკუაქციეს შუაგულ რუსეთში შეჭრილი გენ. დენიკინის არმია, მალე საბოლოოდ დაამარცხეს ის და გაემართნენ სამხრეთისაკენ კიევი-როსტოვი-ცარიცინის მიმართულებით.

მოხალისეთა არმიის დამარცხებამ და ბალშევიკების ძლიერების ზრდამ ინგლისს და შეთანხმების სახელმწიფოებს დააჩქარებინათ ამიერ-კავკასიის, როგორც რუსეთის ყოფილ განაპირა ქვეყნის, ფარგლებში მყოფ რესპუბლიკების - ბედის გარდაწყვეტა. 11 იანვრის 1920 წ. ინგლისის გარეშე საქმეთა მინისტრმა ლორდ კერზონმა წინადადება შეიტანა მოკავშირე სახელმწიფოების უზენაეს საბჭოში პარიზს, რომ საქართველოს რესპუბლიკა ფაქტიურად აღიარებულ ყოფილიყო. კერზონის წინადადება ერთხმად მიღებულ იქმნა სხვა სახელმწიფოთა წარმომადგენლების მიერ.

საქართველოსთან ერთად აღიარებულ იქმნა აგრეთვე აზერბეიჯანის რესპუბლიკაც, ხოლო ცოტა ხნის შემდეგ სომხეთიც სატახტო ქალაქით ერევანით.

საქართველოს დამოუკიდებლობის აღიარებამ ყველგან რესპუბლიკის საზღვრებში დიდი აღფრთოვანება გამოიწვია. საქართველო უახლოვდებოდა თავისი თავისუფლების საბოლოოდ განმტკიცებას და სერთაშორისო ოჯახში სწორუფლებიან წევრად შესვლას.

შინაური მუშაობა. პარალელურად იმ ბრძოლისა, რომელსაც აწარმოებდა საქართველო თავისი დამოუკიდებლობის მტრებთან და რთულ საგარეო საქმეთა მოვლასთან ერთად, შიგნით წარმოებდა დიდი აღმაშენებლობითი მუშაობა ახალი სახელმწიფოებრიობის შესაქმნელად და მის განსამტკიცებლად.

დამოუკიდებლობის გამოცხადების შემდეგ გატარებულ იქმნა აგრარული რეფორმა. 1919 წლის განმავლობაში უკვე დასრულდა დაწყებულ ნორმაზე მეტ ჩამორთმეულ მიწების ცნობაში მოყვანა და სახელმწიფო ფონდში ჩარიცხვა.



1918 წლის დასასრულიდან თან-და-თან შემოდებულ იქმნა დემოკრატიული ერობაც. სამაზრო ერობებს გადაეცათ სახელმწიფოებრივი მართველობის უფლება ადგილობრივ. ერობის ძირითადი ორგანო არის სამაზრო ერობის ხმოსანთა ყრილობა. საყოველთაო ხმის მიცემით არჩეული, რომელიც რკრიბება დრო გამომავებით. მას ექვემდებარება სამაზრო გამგეობა — ერობის აღმასრულებელი ორგანო. სამაზრო ერობის ქვედა-საფეხურს წარმოადგენს სათემო ერობა, რომელსაც მართავს სათემო გამგეობა, სათემო ყრილობის მიერ ამორჩეული. საერობო მოღვაწეობის მთლიანობის დასაცავად კიდევ დაარსდა ერობათა კავშირის მთავარი კომიტეტი, ამორჩეული ერობათა წარმომადგენლების ყრილობის მიერ. ასეთი ყრილობა 1919 წლის განმავლობაში მოხდა ორჯერ. ერობათა თან-და-თან გამკვიდრებამ განამტკიცა საქართველოში დემოკრატიული წეს-წყობილება და 1920 წლის დასაწყისს ადგილობრივი, საყოველთაო არჩევნების წესზე აგებული სახალხო მართველობა საქართველოში შედარებით უკვე საკმაოდ მომავრებული იყო. სამაზრო ერობების შემოღებასთან ერთად გაუქმებულ იქმნა რუსული დანაწილება საქართველოსი გუბერნიებად.

1919 წ. გატარებულ იქმნა ყველგან საქართველოში საქალაქო არჩევნები ახალი წესების მიხედვით, რომლის შემდეგ ქალაქთა თვითმართველობანი უფრო სწორი გამოჩატველი შეიქმნენ დემოკრატიის ნებისყოფისა.

სწავლა-განათლების საქმეც თვალსაჩინოდ წაიწია წინ. 1919 წ. სახალხო განათლების უწყების სათავეში ნ. რამიშვილის და ნ. ცინცაძის მყოფობის დროს შკოლა თავისი სატეხურების მიხედვით გაერთიანებულ იქმნა. ამასთანავე გატარებულ იქმნა გაეროვნება როგორც დაბალ და უმაღლეს პირველ-დაწყებით სასწავლებლებში, ისე აგრეთვე საშუალო სკოლაშიაც. აგრეთვე შემუშავებულ იქმნა გეგმა საყოველთაო სავალდებულო პირველ-დაწყებით სწავლის თანდათანობით განხორციელებისა. 1919 წლის სექტემბერში გაიხსნა ახალი 166 პირველ-დაწყებითი სკოლა, ხოლო სულ კი 1919 წლის დასასრულს რესპუბლიკაში ირიცხებოდა სოფლად, ქალაქებს გარდა, 1500-მდის პირველ-დაწყებითი სკოლა 100 ათასი მოწაფით. 1919 წლის დასასრულს არსებობდა კიდევ 105 უმაღლესი პირველ-დაწყებითი სასწავლებელი. საშუალო სკოლის ცხოვრებაც წინანდელთან შედარებით კალაპოტში ჩადგა.

1918 წ. 26 იანვარს ტფილისში გაიხსნა პროფ. ივ. ჯავახიშვილის თაოსნობით დაარსებული ქართული უნივერსიტეტი, რომელიც მალე გადაკეთდა სახელმწიფო უნივერსიტეტად. გარდა სიბრძნისმეტყველებისა და სამათემატიკო-საბუნებისმეტყველო ფაკულტეტისა შემდეგ გაიხსნა კიდევ სამკურნალო ფაკულტეტიც. თავისი ორის წლის არსებობის დროს უნივერსიტეტი საკმაოდ გამავრდა და გაიზარდა.



სასამართლოს გავროვნების მხრივაც ზომები იქმნა მიღებული. 1919 წლის ოქტომბერში კიდევ დაარსდა სენატი.

ნ. რამიშვილის სამხედრო მინისტრად მყოფობის დროს 1919 წ. გატარდა კიდევ ჯარის რეორგანიზაციის საქმე და 1920 წლის დასაწყისს საქართველოს უკვე მოეპოვებოდა ნამდვილი რეგულიარული ჯარი. სახალხო გვარდიის ორგანიზაციაც ამასობაში აგრეთვე კიდევ უფრო განმტკიცდა და გაუმჯობესდა.

ამ შინაურ მუშაობას ფრიად აბრკოლებდა საერთო ეკონომიური და სასურსათო კრიზისი, რომლის მიზეზი იყო მსოფლიო ომის მიერ გამოწვეული არევე-დარევა საერთაშორისო მეურნეობასა და მრეწველობაში. მაგრამ აქაც საქართველოს ხალხი ცდილობდა თვით მოქმედების გაჩაღებით თავისი მდგომარეობის შემსუბუქებას. ამ მხრივ ფრიად დამახასიათებელია კერძოდ სამომხმარებლო კოოპერატივთა ზრდა. 1915 წ. საქართველოში იყო სულ 21 ასეთი კოოპერატივი, 1918 წლ. დასასრულს კი უკვე 891 ირიცხებოდა თითქმის 465 ათასი წევრით. 1919 წელს განცხობველდა აგრეთვე საქართველოში არსებულ საკრედიტო ამხანაგობათა მოქმედება. საგულისხმეიერო იყო კიდევ მწარმოებელთა (მეთამბაქოეთა, მეცხვარეთა, მეღვინეთა და სხ.) შორის კოოპერატიულ მოძრაობის ფენის მოკიდება.

თვით-მოქმედების განვითარება დაეტყო კერძოდ დაქირავებულ მუშათა კლასსაც. 1919 წლის განმავლობაში პროუესიონალურ კავშირებში შეკავშირებულ მუშათა რიცხვი გაიზარდა 40 ათასიდან 70 ათასამდე.

პოლიტიკურ თავისუფლების მოპოვების შემდეგ თვალსაჩინო გამოცოცხლება და წინსვლა დაეტყო მწერლობას, ხელოვნებას და მეცნიერებას. მწერლობაში ჩნდება შემოქმედების ახალ გზათა ძიებანი, მხატვრობაში 1919 წელს გამართულმა ქართველ მხატვართა გამოფენამ ცხად ჰყო, რომ ამ მხრივ განსაკუთრებით საინტერესო მიღწევა არის მოპოვებული. მეცნიერებასაც ქარაულ ენაზედ, ეროვნულ უნივერსიტეტის გაჩენის შემდეგ, დიდი წინსვლა დაეტყო.

1920 წლის იანვარში საქართველო ჯერ თუმც მოკლებული იყო თავის ორგანიულ ნაწილებს ბათომს, მესხეთის უდიდეს ნაწილს, ქანეთს, საინგილოს და რამოდენადმელორესაც—მიინც უკვე სრული იმედით შესცქეროდა თავისი პოლიტიკურ და კულტურულ აღორძინების დასაწყისს.

ზოგიერთ ტერიტორიის ახსნა.

- ამირ-სმასალარი—უფრ. მხედართ-მაყარი. მანდატურთ-უხუცესი—მანდატურთა ახუ არბაბი—ხარაჯა, გარდასხვად.
- ასპრი—წვირილი ფული ოსმალეთში, დარ-ჩენილი ბიზანტიის იმპერიის დროიდან. 1725 წ. 48 ასპრი ახუ 16 ფარა უდრიდა ერთს სხვასულ ასპს.
- აღა—ბატონი, აგრეთვე ჯარის უფროსი.
- ბუკი—ნიშნავს მბრძანებულს.
- დასგი—უდრის 1/6 მისხალს.
- დუკატო—ოქროს ფული, რომელიც ჩვეუ-ღებრივ ოფიციალური კურსით შეიცავდა 120 ასპრს, ხან მეტს, 1696 წ., მაგ., 300 ასპრს.
- ეთამალაღული—ტიტული სპანს. ზირული მინისტრისა — სპანს. „ქეშედელაღული“ — სხ-სელმწიფოს ნდობით აღ-ჭურვილი.
- ელა—მოთხატარე ტომი.
- ეშაკალსი — იგივე მანდატურთ-უხუცესი.
- ვადი — გამგე.
- ვეზირი—მინისტრი.
- ვექილი — გამგე.
- თუმანი — 50 ასპი; მე-XVIII სუკ. ზირ-ველ ნახევარში უდრიდა ოსმალურ 2400 ასპრს.
- თული—ცხენის ძუა, გაკეთებული თავის საბურავზე.
- მანდატურთ-უხუცესი—მანდატურთა ახუ შეიძლება ითქვას ბოქალთა ამ სიტ-უვის ფართო მნიშ-ვნელობით უფ-როსი.
- მარხილი—XVIII სუკუნეში უდრიდა 3 ასპს.
- მელიქი—მბრძანებელი.
- მეჰმანდარი—მესტურე.
- მირზა—სახელის წინ ნიშნავს მოსუფეს, სახელის შემდეგ კი ზრინცს, ბატონიშვილს.
- ნაბი—მოადგილე.
- ნოქარი—მსახური.
- ზასტრი--ოსმალური ფული, შეიცავდა 80 ასპრს, ხან მეტს, ხან ნაკლებს.
- სანჯაყი—მჯირის დავარ აღმინისტრ-ტიული დანაწილებს ოსმალეთში.
- სერასკერი—ოსმალთა ჯარის სარდალი.
- ქეს — მე-XVIII სუკ. უდრიდა 500 ზასტრს (25 თუმანს).
- ქეჰა—სერასკერის მოადგილე.
- ფარეშ-ბაში — ფარეშთ-უხუცესი.
- ფაფუნი — სელფოსიანი (მოსელე).
- ფულარაღსი — ფულეზის უფროსი.
- ფული — მსახური, შონა.
- ხანი — ნიშნავს სელმწიფეს.
- ჯანიშინი — მოადგილე.


შეცდომის განმარტება.

მე-119 გვერდზე დაბეჭდილია: 1769 წელს და მის ახლო ხანებში ქართლ-კახეთის წლიურ სახელმწიფო შემოსავალს შეადგენდა: 10 ათ. მან. განჯის, 30 ათ. მან. ერევნის ხარკი და სხვა-და-სხვა გარდასახადებრსაგან 90 ათ. მან., სულ 150 ათასი მან..

უნდა იყოს... 30 ათ. მან. ერევნის ხარკი, 10 ათ. მან. ზარაფხანიღან, 10 ათ. მან. ტფილისის საბაჟოდან და სხვა-და-სხვა ვარდასახადებრსაგან 90 ათ. მან., სულ 150 ათ. მან.

საქართველოს ისტორიული რუკა

1
3,000,000



წიშნები

- საქართველოს ხ. შიდა სამთავროების საზღვრები 1200-1250 წწ.
- ++++ საქართველოს ხ. შიდა სამთავროების საზღვრები 1750-1800 წწ.

K 977.3 (A)
3
382000000